



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

BODLEIAN LIBRARY

The gift of

Miss Emma F. I. Dunston



if

Blackwell m/g lw 8p

5

1/2

Fournier. p. 270. Hohenstreit.
p. 101, edit. correcta, citada.





Ex numismate æneo Fulvii Ursini
R. Picart inv. C. L. Duflos sculp.

QUINTI
HORATII
FLACCI

CARMINA.

Nitori Suo Restituta.

ACCURANTE

STEPH. AND. PHILIPPE.



LUTETIÆ PARISIORUM.
Sumptibus ANT. URB. COUSTELIER.

M. DCC. XLVI.





HORATII VITA,

Partim contexta ex ejusdem carminibus, partim è melioris notæ scriptoribus excerpta.



QUINTUS HORATIUS FLACCUS
natus est sexto idus Decembris,
anno post Romam conditam sex-
centesimo octogesimo nono,
Lucio Aurelio Cotta & L. Manlio Torquato
consulibus : quod Vates in odis docet ;

O nata mecum consule Manlio,

Tu vixi Torquato move

Consule pressa meo.

Patriam habuit Venusiam, Apuliz Dauniz
Oppidum, in confinio Lucaniz, seque ibi-
dem pueritiam egisse testatur :

10 Q. HOR. FLACCI

Me fabulosa Vulture in Appulo

Altricis extra limen Apulie

Ludo fatigatumque somno

Fronde novâ puerum palumbæ

Texere, mirum quod foret omnibus,

Quicumque-celfæ nidum Acherontis,

Saltusque Bantinos & arvum

Pingue tenent humilis Forenti,

Hunc pater qui libertinus & coactor, hoc est, colligendis præpositus pecuniis publicè pensitari solitis, à Filio sæpiùs dicitur, Romam deductum tradidit in ludum literarium Orbilii Pupilli quem, relictâ Benevento patriâ, in Urbem demigrasse narrant ut ibi bonas artes doceret. De isto autem suo doctore, sui que patris munere Poëta sic loquitur;

Non equidem insector, delenda ve carmina Lævæ

Esse reor, memini quæ plagosum mihi parvo

Orbilium distare,

Nec timuit, sibi ne vitio quis verteret, olim

Si præco parvas, aut, ut fuit ipse, coactor

Mercedas sequeretur.

Puer itaque Horatius honestè & decenter vestitus, additis etiam servulis qui seque-

ferentur, doctrinis omnibus quæis Equitum ac Senatorum liberi impertiebantur, unà eruditus est, advigilante interim & cunctis fere locis præsentè optimo patente, ne quid accideret quo puerilis ætatis integritas corrumpetur: quod quidem verè paternum beneficium hoc perenni & aureo grati animi monumento filius memor consignatum voluit.

*Sed puerum est ausus Romanus portare, docendum
Artes, quas doceat quivis Eques atque Senator
Semet progenitos. Vestem servosque sequentes,
Ut magno in populo, si quis vidisset, avitâ
Ex re præberi sumptus mihi crederet illos.
Ipse mihi custos incorruptissimus omnes
Circùm Doctores aderat. Quid multa? pudicus
(Qui primus virtutis bonus) servavit ab omni
Non solum factis, verùm opprobrio quoque turpi.*

Romæ igitur sic institutus, humanitatisque & eloquentiæ studiis imbutus, annos natus circiter duodeviginti, Athenas jam adolescentulus petiit. Philosophiæ perdiscendæ causâ: inde secutus est Brutum, qui post interfectum in Senatu C. Jul. Cæsarem anno U. C. 710. fugiebat in Macedoniam, & ad-

vj Q. HOR. FLACCI

versus Octavium comparabat exercitum ;
in quo è Philosopho militem , imò Tribu-
num militum esse jussit , non sine multorum ;
ut ipse declarat, invidiâ :

*Nunc ad me redeo libertino patre natum ;
Quem rodunt omnes libertino patre natum ;
Nunc , quia sum tibi , Mæcenat , convictor ; at olim
Quod mihi pareret legio Romana Tribuno.*

Victo ad Philippos, urbem Theſſalix, Caf-
ſii & Bruti exercitu, Horatius , nec paucis
priùs , nec parvis defunctus belli periculis ,
fugam arripuit, armis abjectis turpiter , ipſo
fatente reo : qua in re præclarum ſanè neque
uſitatum ingenui candoris ſpecimen edidit ;
*eſt enim , ut quidam ait non illepidè , altera
magnanimitas , ignavia confeſſio.*

*O ſæpe mecum tempus in ultimum
Deducte , Bruto militiæ duce , &c.
Tecum Philippos & celerem fugam
Senſi , relictâ non bene parmula.*

Mox oblatâ iis qui victori Octavio ſe de-
derent , libenter uſus veniâ , in Italiam ap-
pulit , Romæque redditus , urgente inopiâ ;

quippe orbatus patre , domo paternâ & agro spoliatus , ad factitandos versûs se contulit. Hos mirificè comprobarunt Varius & Virgilius , Poëtarum in Urbe tum principes ; atque ita laudarunt apud Mæcenatem , virum in primis nobilem , & eruditorum patronum , ut is novi nec adhuc Latinis cogniti auctorem carminis videre & alloqui percuperet. Interrogavit ille , mere suo , paucè Horatium , cujas esset ? quo natus patre ? aliaque id genus ; quæ omnia , ut erant , ingenuè confessus , placuit quidem , sed non nisi nono post mense (quænam tantæ intercapedinis causa fuerit , incertum) Poëtam rursus arcessitum in suorum numerum Mæcenas cooptavit.

Ceterum quæ de Horatio à nobis relata hic leguntur , eorum pleraque exstant in illis ejusdem versibus :

*Romæ nutriti mihi contigit , atque doceri
 Iratus Graiis quantum nocuisset Achilles.
 Adjecere bonæ paulò plus artis Athenæ ;
 Scilicet ut possem curvo dignoscere rectum ,
 Atque inter sylvas Academi querere verum.*

viii Q. HOR. FLACCI

*Dura sed emovere loco me tempora grato,
Civilisque rudem belli tulit aestus in arma,
Caesaris Augusti non responsura lacertis.
Unde simul primum me dimisere Philippi,
Decisis humilem pennis, inopemque paterni
Et Laris & fundi, paupertas impulit audax
Ut versus facerem, &c.*

Sic Vates noster, sequestro ingenio, Musâ
conciliatrice, in Mæcenatis primùm ac sub-
inde Octavii Caesaris, cui postea Augusti
cognomen fuit inditum, gratiam admissus,
villam in Sabinis dono datam accepit, cujus
situm, formam & commoda cum aliis locis
bene multis tum epistolâ 16, L. 1. graphicè
describit :

*Continui montes, nisi dissociantur opacâ
Valle : sed ut veniens dextrum adspiciat sol,
Lævum decedens curru fugiente vaporet.
Temperiem laudes. Quid ? si rubicunda benignè
Cornâ vepres & pruna ferunt : si quercus, & ilex
Multâ fruge pecus, multâ dominum juvat umbrâ ?
Dicas adductum propius frondere Tarentum.
Fons etiam rivo dare nomen idoneus, ut nec
Frigidior Thracam nec purior ambiat Hebrus.*

Hic porrò fundus *Ustica*, perinde atque
ipsa villa, nominatus, excurrerat per cli-

vum cognominem, eundemque unum è Lucetilis jugi perpetui lateribus, in tractu *Bandusiâ*, Sabinienſis agri regione, uti Scholiaſtes aſſerit. Quàm autem non modicè pautuerit Horatii prædium, ex eo videtur poſſe conjici quod toto anni curriculo inibi exercerentur octo ſervi unà cum villico qui ruſticanis præſſet operis, quodque oſim habitatum quinque focis familias totidem ſeparatas ſuis fructibus aluiſſet. Oriens indidem rivus, *Digentia* nomîne, agrum interfluebat, pererratiſque *Bandusiâ* & *Mandulâ* pagis, nec non luco ac fano Deæ Lacunæ ſacris, in Curretiam fluvium ſuas aquas deferebat. Inter ceteras hujusce ruris delicias, pomaria errantibus huc illuc irrigata fontibus, nemora hoſpitalibus arborum umbraculis ac viriditate amœniſſima, prata etiam lato veſtita gramine viſebantur. Poſt mutatam iterum & ſæpiùs villæ faciem, totas ædes Poëta beatulus reſciendas omnino curavit, deſectis è Tibure vicino faxis candentibus.

Jam verò ſi quæras in quânam hæreſi Philoſophicâ ille fuerit, nihil æquè certum eſt ac nullius fuiſſe; idque apparet ex lã. epiſtolâ

* Q. HOR. FLACCII

L. 1. ubi propectâ tunc ætate maturus postquam significavit se, nugis omnibus tandem omïssis, vacare velle Philosophiæ, subjungit:

*At ne forstè rôges quo me duce; quo Lare tuter:
Nullius addictus jurare in verba magistri;
Quo me cunque rapit tempestas, deseror hospes.*

Et bene ait *hospes*: neque enim si quidpiam ex aliqua secta semel probasset, idem semper probabat; sed more hospitum apud singulos tandiu divertebatur quandiu libebat. Ita postquam initio cum Stoïcis & Academicis senserat de divinâ in res humanas providentiâ, eandem visus est negare cum Epicuro, Sat. 5. L. 1. quam scripsit juvenis: iterumque Ode 29. L. 1. errorem istum ejuravit, & eâ quâ par erat, religione de Deis judicavit, ut pote quos & invocaret & precaretur pro se, pro Mæcenate, pro Augusto, populo Romano, &c. Unde satis liquet horatium nihil minùs quàm Epicuræum fuisse. Neque obest iis quæ diximus, quod Epist. 4. L. 1. se vocat *Epicuri de grege porcum*: nihil enim aliud quàm cum suo Tibullo ridere voluit, ac significare se pinguem esse & nitidum, quales erant Epicuræ doctrinæ sectatores.

Verùm ut coronidem imponamus huic nostræ opellæ, fuit Horatius brevis & obesus corpore, ingens & subtilis ingenio, miles imbellis, vates animosus: dictus *Olor Venusinus*, à patria & cantûs suavitate: utinam & Oloris munditiem referret in omnibus, nec se impurissimo cœno aliquando fœdissime inquinaret! Latinorum primus & unus forsitan carmina fidibus modulatus est, magno spîritu, dulci sono, felici audaciâ: idem vitia insectatus Satiris, virtutes Epistolis commendavit: in illis acrior, in his amœnior, in utrisque tersus, elegans, sermone purus, sed numeris durus interdum & ordine verborum inverso subobscurus: dignus qui Mæcenatibus & Augustis placuerit, qui viris aulicis literarum studiosis nunc etiam placeat.

Ad extremum, Vates noster obiit V. Calend. Decemb. anno ætatis 57. diebus minus undecim, uno ferè mense ante Mæcenatis mortem; quod planum fecit P. Natalis-Stephanus Sanado, Soc. Jesu, eâ quidem sagacitate ingenii & eruditione quam in illustrandis Horatii Carminibus adhibuit.

**DE MÆCENATIS STIRPE VERE
REGIA.**

Auctore Rodellio S. J.

Horatii tanquam pars altera Mæcenæ est ; cujus etsi vitam non scribo, famam tamen in isto operis antecessu tueri breviter & defendere genus, cum mihi honestum, tum eruditis omnibus quos impensè amavi gratissimum fore confido. Nempe, cum tantum Virum regiâ ortum prosapiâ omnes ad hanc diem crediderint, Horatii demum interpretæ Gallicus nuper est ausus velut repetundarum accusare, cum primâ suâ in primum versum animadversione disertè affirmavit, errasse omnes quicumque Reges ex quibus editus Mæcenæ dicitur, non intellexissent pro Magnatibus positos.

Sed, ut omittam quàm periculosa res sit, unum contra omnes sentire, quærere liceat, cum plerisque in locis Reges sint veri Reges, nec solum Optimates aut opulenti homines,

quid causæ sit cur hic tropicam solum significationem admitti velit, non autem propriam? Si id cuique privato velle aut nolle pro arbitrio liceat, licebit etiam veros plurimos Reges grammatico edicto exauctorare, & purpurâ spoliatos in ordinem redigere.

At, inquit, incredibile est, si verè Reges extitissent Mæcenatis Majores aliqui, tacituros rem tantam Historicos. Quid ergo? si Reges extitisse affirmarent Historici, crederes: asseveranti semel iterumque Horatio non credis? Atqui hoc magis credi Horatio debuit, quòd Mæcenati intimus, historiam illius domesticam ignorare non potuit; nec hic Poëtam sed Historicum agit, Crederem, dices, si veris ortum Regibus Mæcenatem affirmaret Horatius: ille verò hoc solum asserit, Regibus editum. Vis ergo veros ubique Reges dici, quicumque veri sunt? hoc si est opus, ne ipsis quidem jam Historicis credes veros ullos fuisse. Hi nempe ipsos Reges verissimos non aliter vocant quàm Reges; nec

usquam Regum filios nisi Regibus editos tradunt. Ejus rei si quæraturn à me ratio, videtur ea optima, quòd cum Historicorum proprium munus sit res ex vero tractare, metaphoris, ubi præsertim de magnis rebus sermò agitur, planè abstineant: Cumque nihil sit majus quàm Regem esse, & Rege editum, nullum qui verè ejusmodi non sit, talem affirmant. Cur ergo de Rege acturi verum insuper dicant? Quod autem de Historicis aïo, censendum idem est de Poëtis sicubi Historicos agunt, ut hoc loco Horatius, & post illum Propertius ejusdem temporis clarus Poëta qui certè, nisi veris & ipse Regibus editum crederet Mæcenatem, non ita scriberet L. 1.

Mæcenat Eques Etrusco de sanguine Regum.

Indidem factum censeo, ut in tot Marmorum Nummorumque Inscriptionibus, neminem, nobilissimum licet ditissimumque legamus appellatum Regem qui verè Regiâ dignitate non esset, aut affirmatum prodiisse à Regibus, qui metaphoricis duntaxat Regibus natus esset. Nec alia est hodieque con-

laetudo ; sed in honorum titulis , in elogis ,
 five liber inscribitur, five statua subscribitur,
 five publici aliquid operis literario moni-
 mento in laudem alicujus ornatur , ambigui
 nihil vocabuli admittimus , quod significatu
 ancipiti dicacitatem provocet invidi , mali-
 gnique lectoris.

Quòd si quandoque , ac praesertim apud
 Poetas, Regis appellatione donatos legimus,
 qui revera non essent Reges , sed aut patroni,
 potentes amici , aut opulenti solùm magna-
 tes ; id certè ita ubique fit , ut facilè quivis
 intelligat vocis abusum, & metaphoram esse,
 non seriò , sed ex notissimâ adulatione aut
 familiaritate loquentium : quod certè hîc lo-
 cum non habet.

Verùm ne scrupulus ullus supersit, ideo
 dico de istâ Mæcenatis prosapiâ vix quid-
 quam habere Historicos : 1º. quòd ejus Viri
 acta deditâ operâ nemo tractavit. Etsi enim
 doctos omnes plurimùm fovit, præcipuâ ta-
 men benevolentia complexus Poetas , eos-
 dem quoque sibi magis demeruit benefaci-

endo. Unde & horum præcipuè laudibus ornatus est, & ab eisdem affirmatus, *editus Regibus, Regum progenies, & de Etrusco sanguine Regum.* 20. Quòd jam non è proximo flueret hic sanguis Regius in Mæcenatis venas, Regali dignitate apud Etruscos modicâ, neque perpetuâ, in alias pridem familias transmissâ. Nam quòd *atavos Reges* canit Horatius, non unum aliquem designat gradum Genealogiæ, sed incertum & quemvis. Quemadmodum in illo versu, *& genus, & proavos, & quæ non fecimus ipsi, &c.*

Temporaria autem ista & defixa decora familiarum quis nescit sensim obliterari, & in dies marcescere? 30. Denique, quòd majus quiddam in Mæcenate atque ipsius proprium erat quod celebrarent, ut affatim omnes fecere. Qui etenim meminerit quod Dionysius Halic. Florus, & alii tradunt, fuisse olim Tusciæ Reges eodem tempore duodecim qui etsi veri Reges, fascibus, trabeâ, sceptro, & coronis insignes essent, singuli tamen singulis urbibus duntaxat dominabantur, ut

Clusio

Clusio Porfenna; videbit idem neque illud tam nihil extitisse, ut omitteretur ab omnibus; neque tantum fuisse ut prædicari deberet à singulis, possetque comparari cum eo fastigio quò Mæcenæ Romæ ascenderat, carissimus virtute propriâ factus Augusto, ejusdem ordinarius in rebus omnibus consiliarius; ac demum, ipso Româ multos annos absente, non solum Urbi, sed toti etiam Italiæ cum summâ potestate Præfectus & Romani Imperii tanquam Vicarius. Prædicare ergo Historici de Mæcenate quod summum atque ipsius erat; quòd atavorum & longè inferius, prætermisere: neque hinc jure colligat quisquam non esse Tusciæ Regibus editum Mæcenatem.

V I T A

Q. HORATII FLACCI,

E vetusto codice Blond. descripta.

Quintus Horatius Flaccus Venusinus, patre, ut ipse quidem tradit, libertino & exactionum coactore, ut vero creditum est, falsamentario, cum illi quidam exprobrasset in altercatione; Quoties ego vidi patrem tuum brachio se emungentem? Bello Philippenſi excitus à M. Bruto Imperatore, tribunus militum meruit: victisque partibus venia impetrata, scriptum Quæstorium comparavit; ac primo Mæcenati, mox Augusto in gratiam insinuratus, non medio-rem in amborum amicitia locum tenuit: Mæcenas quantopere eum dilexerit, satis demonstratur illo epigrammate:

Ni te visceribus meis, Horati,

Plus jam diligo, tu tuum sodalem

Hinno me videas strigosiorem.

Sed multo magis extremis Esquiliiis tale ad Augustum elogio:

Horatii Flacci, ut mei, esto-memor.

Augustus epistolarum quoque ei officium obtulit, ut hoc ad Mæcenatem scripto significat: Ante ipse sufficebam scribendis epistolis amicorum, nunc occupatissimus & infirmus, Horatium nostrum te cupio adducere. Veniet igitur ab ista parasitica mensa ad hanc regiam, & nos in epistolis scribendis adjuvabit. Ac ne recusanti quidem aut succensuit quicquam, aut amicitiam suam suggerere desuit. Exstant epistolæ, è quibus argumenti gratia, pauca subjeci. Sume tibi aliquid juris apud me, tanquam si convictor mihi fueris: recte enim & non temere feceris, quoniam id usus mihi tecum esse volui, si per valetudinem tuam fieri possit. *Et rursus.* Tui qualem habeo memoriam, poteris ex Septimio quoque nostro audire: nam incidit ut illo coram fieret à me tui mentio. Neque enim, si tu superbus amicitiam nostram sprevisi, ideo nos quoque ἀνθυπερφρονούμεν. Præterea sæpe cum inter alios jocos, purissimum penem, & homuncionem lepidissimum appellat, unâ

xx Q. HOR. FLACCI

que & altera liberalitate locupletavit. Scripta quidem ejus usque adeo probavit, mansuraque perpetuo ut non modo Sæculare carmen componendum injunxerit, sed & Vindelicam victoriam Tiberii Drusique privignorum suorum: eumque coëgerit propter hoc, tribus Carminum libris ex longo intervallo quartum addere. Post Sermones vero lectos quosdam, nullam sui mentionem habitam ita sit questus: Irasci me tibi scito, quod non in plerisque ejusmodi scriptis mecum potissimum loquaris. An vereris ne apud posteros infame tibi sit, quod videaris familiaris nobis esse? Expressitque Eclogam, cujus initium est:

*Cum tot sustineas & tanta negotia solus,
Res Italas armis tuteris, moribus ornes,
Legibus emendes, in publica commoda peccem,
Si longo sermone morer tua tempora, Caesar.*

Habitu corporis brevis fuit atque obesus: qualis & à semet ipso in Satiris describitur, & ab Augusto hac epistola: Pertulit ad me Dionysius libellum tuum, quem ego (ne accusem breviterem) quantuluscunque est, boni consulo. Vereri autem mihi videris ne

maiores libelli tui sint quam ipse es: sed si tibi statura deest, corpusculum non deest. Itaque licebit in sextariolo scribas, cum circuitus voluminis tui sit ἰσχυρότερος, sicut est ventriculi tui. Ad res Venereas intemperantior traditur. Nam speculato cubiculo scortae dicitur habuisse disposita, ut, quocunque respexisset, ibi ei imago coitus referretur. Vixit plurimum in secessu ruris sui Sabini aut Tiburtini: domusque ejus ostenditur circa Tiburni luculum. Venerunt in manus meas & elegi sub ejus titulo, & epistola prosa oratione quasi commendantis se Mæcenati, sed utraque falsa puto. Nam elegi vulgares, epistola obscura, quo vitio minime tenebatur. Natus est vi. id. Decembris, L. Cotta & L. Torquato Consulibus. Decessit v. Kal. Decemb. C. Marcio Censorino & C. Asinio Gallo Coss. post novum & quinquagesimum annum, hærede Augusto palam nuncupato, cum urgente vi valetudinis non sufficeret ad obsignandas testamenti tabulas. Humatus & conditus est extremis Esquilis juxta Mæcenatis tumulum.

*Ejusdem Horatii vita, in eodem
codice aliter descripta.*

Quintus Horatius Flaccus libertino patre natus in Apulia, cum parente in Sabinos commigravit. Quem cum pater puerum Romam misisset in ludum literarium, parcissimis eruditus impensis, angustias patris vicit ingenio, coluitque adolescens Brutum, sub quo tribunus militum civili bello militavit: captusque à Cæsare post multum tempus, beneficio Mæcenatis non solum servatus, sed etiam in amicitiam receptus est. Quapropter Mæcenati & Augusto in omnibus scriptis suis venerabiliter assurgit. Scripsit autem Carminum lib. iv. Epodon I. Carmen Sæculare. Sermonum lib. II. Epistolarum II. De Arte Poëtica I. Commentati sunt in illum Porphyrio, Modestus, Helennius Acron: Omnium autem optime Acron.

TESTIMONIA

De Scriptis

HORATII.

M. FABIVS QVINTILIANVS.

De Lyricis Horatii.

AT Lyricorum idem Horatius fere solus
legi dignus. Nam & insurgit aliquan-
do, & plenus est iucunditatis, & gratia,
varijs figuris & verbis felicissime audax.

De iisdem, PETRONIVS.

Praterea curandum est, ne sententiæ
emineant extra corpus orationis expres-
sæ, sed intexto vestibulo colore niteant. Homo-
rus testis, & Lyrici, Romanusque Virgilius,
& Horatii curiosa felicitas.

De Satiris, QVINTILIANVS.

Satira quidem tota nostra est: in qua pri-
mus insignem laudem adeptus est Lucili-
us: qui quosdam ita deditos sibi adhuc ha-

bet amatores , ut eum non ejusdem modo operis auctoribus , sed omnibus poetis præferre non dubitent. Ego quantum ab illis , tantum ab Horatio dissentio , qui Lucilium fluere luxurulentum , & esse aliquid quod tollere possis , putat. Multo est tersior ac purius magis Horatius , & ad notandos hominum mores præcipuus.

De iisdem auctor libri , de causis corruptæ eloquentiæ.

Sed vobis utique versantur ante oculos , qui Lucilium pro Horatio , & Lucretium pro Virgilio legunt.

Idem , de auctore.

Exigitur enim jam ab oratore etiam poeticus decor : non Asini aut Pacuvii veterino inquinatus , sed ex Horatii , & Virgilii , & Lucani sacrario prolatus.

Q. HOR.



Q. HORATII FLACCI
O D A R U M
L I B E R I



AD CILNIUM MÆCENATEM.

O D E I.

*Aliis alios studiis duci: se lyrici vatis gloriam ambire,
 unius Mæcenatis iudicio assequendam.*

— — | — 00 | — — | 00 — | 0 —



MÆCENAS, atavis edite regibus,
 O & præsidium, & dulce decus meū:
 Sunt quos curriculo pulverem Olym-
 picum

Collegisse juvat; metaque fervidis
 Evitata rotis, palmaque nobilis

Terrarum dominos evexit ad Deos.

A

Hunc, si mobilium turba Quiritium
 Certat tergemini tollere honoribus :
 Illum, si proprio condidit horreo
 Quidquid de Libycis verritur arcis :
 Gaudentem patrios findere sarculo
 Agros, Attalicis conditionibus
 Nunquam dimoveas, ut trabe Cypria
 Myrtoum, pavidus nauta, secet mare.
 Luctantem Icariis fluctibus Africum
 Mercator metuens, otium & oppidi
 Laudat rura sui; mox reficit rates
 Quassas, indocilis pauperiem pati.
 Est qui nec veteris pocula Massici,
 Nec partem solido demere de die,
 Spernit, nunc viridi membra sub arbuto
 Stratus, nunc ad aquæ lene caput sacra.
 Multos castra juvant, & litus tubæ
 Permissus sonitus, bellaque matribus
 Detestata. Manet sub Jove frigido
 Venator, teneræ conjugis immemor;
 Seu visa est catulis cerva fidelibus,
 Seu rupit teretes Marsus aper plagas.
 Te doctarum ederæ præmia frontium
 Dis miscent superis; me gelidum nemus,
 Nympharumque leves cum Satyris chori
 Secernunt populo; si neque tibus
 Euterpe cohibet, nec Polyhymnia
 Lesboum refugit tendere barbiton.
 Quod si me lyricis vatibus inseres,
 Sublimi feriam sidera vertice.



AD AUGUSTUM CÆSAREM.

O D E II.

Tres versus priores — — — — — / — — — — — / — — — — — / — — — — —
 Cui subicitur — — — — — / — — — — —

*Deos omnes iratos esse Romanis, ob Cæsaris eadem:
 unam imperii spem in Augusto constitutam.*

JA M satiæ terris nivis, atque diræ
 Grandinis misit Pater; & rubente
 Dextera sacras jaculatus arces,
 Terruit Urbem:
 Terruit gentes, grave ne rediret
 Seculum Pyrrhæ, nova monstra questæ:
 Omne quum Proteus pecus egit altos

Visere montes:
 Piscium & summa genus hæsit ulmo,
 Nota quæ sedes fuerat columbis;
 Et superjecto pavidæ natarunt
 Æquore Damæ.

Vidimus flavum Tiberim, retortis
 Littore Etrusco violenter undis,
 Ire dejectum monumenta Regis,
 Templaque Vestæ;
 Illic dam se nimium querenti
 Jactat ultorem, vagus & sinistra
 Labitur ripa, Jove non probante, u-
 xorius amnis.

Audiet cives acuisse ferrum,
 Quo graves Persæ melius perirent:
 Audiet pugnas, vitio parentum
 Rara juvenus.

Quem vocet Divum populus ruentis

A 2

4 Q. HOR. FLACCI

Imperi rebus? prece qua fatigent
Virgines sanctæ minus audientem

Carmina Vestam?

Cui dabit partes scelus expiandi
Jupiter? tandem venias, precamur,
Nube candentes humeros amictus,

Augur Apollo.

Sive tu mavis, Erycina ridens,
Quam jocus circumvolat, & Cupido;
Sive neglectum genus, & nepotes

Respicias auctor,

Heu! nimis longo satiate ludo;
Quem juvat clamor, galeæque leves,
Acer & Mauri peditis cruentum

Vultus in hostem.

Sive mutata juvenem figura
Ales in terris imitaris, almæ
Filius Maïæ, patiens vocari

Cæsaris ultor:

Serus in cœlum redeas, diuque
Lætus intersis populo Quirini;
Neve te nostris vitis iniquum

Ociior aura

Tollat. Hic magnos potius triumphos,
Hic ames dici Pater atque Princeps:
Neu finas Medos equitare inultos

Te duce, Cæsar.,



AD NAVEM, QUA VEHEBATUR

Virgilius Athenas proficiscens.

-- / - - - / - -

Secundus ut I, I. ODE III.

Secundam ei navigationem precatur : deinde occasionem nactus , hominum audaciam detestatur.

S I C te Diva potens Cypri,
 Sic fratres Helenæ, lucida sidera,
 Ventorumque regat pater,
 Obstrictis aliis, præter Iapyga !
 Navis, quæ tibi creditum
 Debēs Virgilium, finibus Atticis
 Reddas incolumem, precor,
 Et serves animæ dimidium meæ !
 Illi robur & æs triplex
 Circa pectus erat, qui fragilem truci
 Commisit pelago ratem
 Primus, nec timuit præcipitem Africum
 Decertantem Aquilonibus,
 Nec tristes Hyadas, nec rabiem Noti ;
 Quo non arbiter Adriæ
 Major, tollere seu ponere. vult freta.
 Quem mortis timuit gradum,
 Qui ficcis oculis monstra natantia,
 Qui vidit mare turgidum, &
 Infames scopulos Acroceraunia ?
 Nequicquam Deus abscidit
 Prudens Oceano dissociabili
 Terras, si tamen impiæ
 Non tangenda rates transiliunt vada,
 Audax omnia perpeti
 Gens humana nit per vetitum & nefas :

A 3

6 Q. HOR. FLACCI

Audax Iapeti genus
 Ignem fraude mala gentibus intulit :
 Post ignem ætheria domo
 Subductum, macies, & nova febrium
 Terris incubuit cohors :
 Semotique prius tarda necessitas
 Leti corripuit gradum.
 Expertus vacuum Dædalus aëra
 Pennis non homini datis :
 Pertupit Acheronta Herculeus labor :
 Nil mortalibus arduum est :
 Cælum ipsum petimus stultitia : neque
 Per nostrum patimur scelus
 Iracunda Jovem ponere fulmina.



AD L. SEXTIUM.

ODE IV.

*Adventu Veris, & communi moriendi conditione
 proposita, hortatur ad voluptates.*

- - - / - - - / - - - / - - - / - - - / - - - / - - -
 - - - / - - - / - - - / - - - / - - - / - - - / - - -

SOLVITUR acris hyems grata vice veris &
 Favoni ;

Trahuntque ficcas machinæ carinas.
 Ac neque jam stabulis gaudet pecus, aut arator igni,
 Nec prata canis albicant pruinis.
 Jam Cytherea choros ducit Venus, imminente
 Luna :

Junctæque Nymphis Gratiæ decentes
 Alterno terram quatiant pede : dum graves Cy-
 clopum
 Vulcanus ardens urit officinas.

Nunc decet aut viridi nitidum caput impedire
myrto,

Aut flore, terræ quem ferunt solutæ.

Nunc & in umbrosis Fauno decet immolare lucis,
Seu poscat agnâ, sive malit hædo.

Pallida mors æquo pulsât pede pauperum tabernas,
Regumque turres. O beate Sexti,
Vitæ summa brevis spem nos vetat inchoare lon-
gam :

Jam te premet nox, fabulæque Manes,
Et domus exilis Plutonia : quò simul mearis,
Nec regna vini fortiere talis,
Nec tenerum Lycidam mirabere, quo calet juvenus
Nunc omnis, & mox virgines tepebunt.



A D P Y R R H A M.

O D E V.

*Miseros esse qui illius amore teneantur : se' ex eo,
tandem è naufragio, enatasse.*

Duo priores versus, ut Ode I.

Tertius ita — — / — — — / — —

Quartus, ut versus I Od. 3.

QU I S multa gracilis te puer in rosa
Perfusus liquidis urget odoribus
Grato, Pyrrha, sub antro ?

Cui flavam religas comam,
Simplex munditiis ? heu quoties fidem,
Mutatosque Deos flebit, & aspera
Nigris æquora ventis

Emirabitur insolens !

Qui nunc te fruitur credulus aurea ;

A 4

8 Q. HOR. FLACCI

Qui semper vacuum, semper amabilem
 Sperat, nescius auræ
 Fallacis! miseri quibus
 Intentata nites: me tabula facer
 Votiva paries indicat uvida
 Suspendisse potenti
 Vestimenta maris Deo.



AD MARCUM VIPSANIUM AGRIPPAM.

ODE VI.

*Bella ab eo gesta à Vario cantatum iri: se convivii
 tantum, & amoribus describendis aptum esse.*

Tres priores, ut Ode I. Quartus ut Ode 3.

SCRIBERIS Vario fortis, & hostium
 Victor, Mæonii carminis alite,
 Quam rem cunque ferox navibus, aut equis
 Miles te duce gesserit.
 Nos, Agrippa, neque hæc dicere, nec gravem
 Pelidæ stomachum cedere nescii,
 Nec cursus duplicis per mare Ulyssei,
 Nec sævam Pelopis domum,
 Conamur tenues grandia: dum pudor,
 Imbellisque lyræ Musa potens vetat
 Laudes egregii Cæsaris, & tuas
 Culpa deterere ingent.
 Quis Martem tunica testum adamantina
 Digne scripserit? aut pulvere Troico
 Nigrum Merionem? aut ope Palladis
 Tydiden superis parem?
 Nos convivia, nos prælia virginum
 Sectis in juvenes unguibus acrium,
 Cantamus vacui, five quid urimur,
 Non præter solitum leves.



AD MUNATIUM PLANCUM.

O D B VII.

Alias aliis, sibi Tiburtinam regionem placere. Cohortatio ad voluptates.

Est carmen heroicum, cui alternis versibus duo pedes desunt.

LAUDABUNT alii claram Rhodon, aut
Mitylenen,
Aut Ephesum, bimarive Corinthi
Mœnia, vel Baccho Thebas, vel Apolline Delphos
Insignes, aut Thessala Tempe.
Sunt quibus unum opus est intactæ Palladis urbem
Carminе perpetuo celebrare, &
Undique decerpitæ frondi præponere olivam.
Plurimus in Junonis honorem,
Aptum dicit equis Argos, ditescque Mycenas.
Me nec tam patiens Lacedæmon,
Nec tam Larissæ percussit campus optimæ,
Quam domus Albunæ resonantis,
Et præceptis Anio, & Tiburni lucus, & uda
Mobilibus pomaria rivis.
Albus ut obscuro deterget nubila cœlo
Sæpe Notus, neque parturit imbres
Perpetuos: sic tu sapiens finire memento
Tristitiam vitæque labores
Molli, Plance, mero: seu te fulgentia signis
Castra tenent, seu densa tenebit
Tiburis umbra tui. Teucer Salamina, patremque
Quum fugeret, tamen uda Lyæo
Tempora populea fertur vinxisse corona,
Sic tristes affatus amicos:

10 Q. HOR. FLACCI

Quo nos cunque feret melior fortuna parente,
 Ibimus, ô socii, comitesque :
 Nil desperandum Teucro duce , & auspice Teucro.
 Certus enim promisit Apollo ,
 Ambiguam tellure nova Salamina futuram.
 O fortes , pejoraque passi
 Mecum sæpe viri , nunc vino pellite curas :
 Cras ingens iterabimus Æquor.



AD LYDIAM.

ODE VIII.

Obscure juvenem quendam , at amore perditum , notas.

— u u — / u — —

— u — — / — u u —

— u u — / u — —

LYDIA dic , per omnes
 Te Deos oro , Sybarin
 Cur properes amando
 Perdere ; cur apricum
 Oderit campum , patiens
 Pulveris atque solis ?
 Cur neque militaris
 Inter æquales equitet ,
 Gallica nec lupatis
 Temperet ora frænis ?
 Cur timet flavum Tiberim
 Tangere ? cur olivum
 Sanguine viperino
 Cautius vitat ? neque jam
 Livida gestat armis
 Brachia , sæpe disco ,
 Sæpe trans finem jaculo

Nobilis expedito?
 Quid latet, ut marinæ
 Filium dicunt Thetidis
 Sub lacrymosa Trojæ
 Funera, ne virilis
 Cultus in cædem, & Lycias
 Proriperet catervas?

A D T H A L I A R C H U M.

O D E I X.

Hyeme indulgendum voluptati.

Duo priores versus ita u - / u - / - / - u u - / u u
 Tertius, ita - - / u - / - - / u - / u
 Quartus ita - u u / - u u / - u / - -

V I D E S, ut alta stet nive candidum
 Soracte, nec jam sustineant onus
 Sylvæ laborantes, geluque
 Flumina constiterint acuto?
 Dissolve frigus, ligna super foco
 Large reponens; atque benignius
 Deprome quadrimum Sabina,
 O Thaliarche, merum diota.
 Permite Divis cetera: qui simul
 Stravere ventos æquore fervido
 Depræliantes, nec cupressi,
 Nec veteres agitantur orni.
 Quid sit futurum cras, fuge quærere: &
 Quem fors dierum cunque dabit, lucro
 Appone: nec dulces amores
 Sperne puer, neque tu choreas,
 Donec virenti canities abest
 Morosa. Nunc & campus, & aræ,

Lenesque sub noctem susurri
 Composita repetantur hora.
 Nunc & latentis proditor intimo
 Gratus puellæ risus ab angulo,
 Pignusque dereptum lacertis,
 Aut digito male pertinaci.



IN MERCURIUM HYMNUS.

ODE X.

Lib. I. Od. 2.

MERCURI facunde, nepos Atlantis,
 Qui feros cultus hominum recentum
 Voce formasti catus, & decoræ
 More palæstræ:
 Te canam, magni Jovis & Deorum
 Nuntium, curvæque lyræ parentem,
 Callidum, quidquid placuit, jocosum
 Condere furto.
 Te, boves olim nisi reddidisses
 Per dolum amotas, puerum minaci
 Voce dum terret, viduus pharetra
 Risit Apollo.
 Quin & Atridas, duce te, superbo
 Ilio dives Priamus relicto,
 Thessalosque ignes, & iniqua Trojæ
 Castra fefellit.
 Tu pias lætis animas reponis
 Sedibus; virgaque levem coërces
 Aurea turbam, superis Deorum
 Gratus, & imis.



AD LEUCONOEN.

ODE XI.

Indulgendum voluptati, omiſſa futurorum cura,

-- / -- -- / -- -- / -- -- / -- --

TU ne quaſieris (ſcire nefas) quem mihi,
quem tibi
Finem Dī dederint, Leuconoë; nec Babylonios
Tentaris numeros. Ut melius, quidquid erit, pati.
Seu plures hyemes, ſeu tribuit Jupiter ultimam,
Quæ nunc oppoſitis debilitat pumicibus mare
Tyrrhenum; ſapias, vina liques, & ſpatio brevi
Spem longam reſeſces. Dum loquimur, fugerit
invida
Ætas: carpe diem, quam minimum credula poſ-
tero,



AD AUGUSTUM.

ODE XII.

*Diis, heroibus, virisque aliquot claris laudatis,
poſtremo commendat Auguſtum.*

Lib. I. Od. 2.

QUAM virum aut heroa lyra vel acri
Tibia ſumes celebrare, Clio?
Quem Deum? cujus recinet jocosa
Nomen imago,
Aut in umbroſis Heliconis oris,
Aut ſuper Pindo, gelidove in Hæmo?

14 Q. HOR. FLACCUS

Unde vocalem temere insequatæ
Orphea sylvæ,

Arte materna rapidos morantem
Fluminum lapsus, celeresque ventos,
Blandum & auritas fidibus canoris
Ducere quercus.

Quid prius dicam solitis Parentis
Laudibus? qui res hominum, ac Deorum,
Qui mare, & terras, variisque mundum
Temperat horis?

Unde nil majus generatur ipso,
Nec viget quidquam simile aut secundum;
Proximos illi tamen occupavit
Pallas honores.

Præliis audax neque te filebo
Liber, & sævis inimica virgo
Belluis: nec te metuende certa,
Phœbe, sagitta.

Dicam & Alciden, puerosque Ledæ,
Hunc equis, illum superare pugnis
Nobilem: quorum simul alba nautis
Stella refulsit,

Defluit saxi agitata humor:
Concidunt venti, fugiuntque nubes;
Et minax (quod sic voluere) ponto
Unda recumbit.

Romulum post hos prius, an quietum
Pompili regnum memorem, an superbos
Tarquini fasces, dubito, an Catonis
Nobile letum?

Regulum, & Scauros, animæque magnæ
Prodigum, Pœno superante, Paulum
Gratus insigni referam Camœna,
Fabriciumque.

Hunc, & incomitis Curium capillis,
Utilem bello tulit, & Camillum

Sæva paupertas, & avitus apto
Cum lare fundus.

Crescit occulto, velut arbor, ævo
Fama Marcelli: micat inter omnes
Julium fidus, velut inter ignes
Luna minores.

Gentis humanæ pater atque custos,
Orte Saturno, tibi cura magni
Cæsaris fatis data: tu secundo
Cæsare regnes.

Ille seu Parthos Latio imminentes
Egerit iusto domitos triumpho,
Sive subiectos Orientis oris
Seras & Indos:

Te minor latum reget æquus orbem:
Tu gravi curru quaties Olympum,
Tu parum castis inimica mittes
Fulmina lucis.



A D L Y D I A M.

O D E X I I I.

Dolet sibi Telephum anteponi.

Lib. 1. Od. 3.

QUUM tu, Lydia, Telephi
Cervicem roseam, cerea Telephi
Laudas brachia, væ, meum
Fervens difficili bile tumet jecur.
Tunc nec mens mihi, nec color
Certa sede manent: humor & in genas
Furtim labitur, arguens
Quam lentis penitus macerer ignibus.
Uror, seu tibi candidos

Turparunt humeros immodicæ mero
 Rixæ : sive puer furens
 Impressit memorem dente labris notam.
 Non , si me satis audias ,
 Speres perpetuum , dulcia barbare
 Lædentem oscula , quæ Venus
 Quinta parte sui nectaris imbuit.
 Felices ter , & amplius ,
 Quos irrupta tenet copula , nec malis
 Divulsus querimoniis ,
 Suprema citius solvet Amor die.



: ODE XIV.

Per continuam translationem à navì ductam imminentes Romanis calamitates denuntiat, si Octavianum patiantur ab Reipublicæ gubernaculis discedere.

Lib. 1. Od. 5.

O NAVIS, referent in mare te novi
 Fluctus ! ô quid agis ? fortiter occupa
 Portum : nonne vides ut
 Nudum remigio latus ,
 Et malus celeri saucius Africo ,
 Antennæque gemant ? ac sine funibus
 Vix durare carinæ
 Possint imperiosius
 Æquor ? Non tibi sunt integra lintea ,
 Non Di, quos iterum pressa voces malo :
 Quamvis Pontica pinus ,
 Sylvæ filia nobilis ,
 Jactes & genus , & nomen inutile.
 Nil pictis timidus navita puppibus
 Fidit ; tu , nisi ventis
 Debes ludibrium , cave.

Nuper

Nuper sollicitum quæ mihi tædium,
 Nunc desiderium, curaque non levis,
 Interfusa nitentes
 Vites æquora Cycladas.



O D E X V.

Nerei vaticinium de excidio Trojæ.

Lib. 1. Ode 6.

PA S T O R quum traheret per freta navibus
 Idæis Helenen perfidus hospitam,
 Ingrato celeres obruit otio
 Ventos, ut caneret fera
 Nereus fata. Mala ducis avi domum,
 Quam multo repetet Græcia milite,
 Conjurata tuas rumpere nuptias,
 Et regnum Priami verus.
 Eheu quantus equis, quantus adest viris
 Sudor! quanta moves funera Dardanz
 Genti! jam galeam Pallas, & ægida,
 Currusque, & rabiem parat.
 Nequicquam, Veneris præsidio ferox,
 Pestes cæsariem; grataque foeminis
 Imbelli cithara carmina divides.
 Nequicquam phalamo graves
 Hastas, & calami spicula Cnossii
 Vitabis, strepitumque, & celerem sequi
 Ajacem: tamen, heu, serus adulteros
 Crines pulvere collines.
 Non Laërtiaden, exitium tuæ
 Gentis, non Pylum Nestora respicis?
 Urgent impavidè te Salaminus
 Teucerque, & Sthenelus sciens
 Pugnæ; siue opus est imperitare equis,

Non auriga piger. Merionem quoque
Nosces. Ecce furit te reperire atrox

Tydides melior patre:

Quem tu, cervus uti vallis in altera
Visum parte lupum graminis immemor,
Sublimi fugies mollis anhelitu,

Non hoc pollicitus tuæ.

Iracunda diem proferet Ilio,
Matronisque Phrygum classis Achillei.

Post certas hyemes uret Achaicus

Ignis Iliacas domos.



PALINODIA.

ODE XVI.

Veniam petit à puella quam iambis laferat.

Lib. I. Ode 9.

O MATRE pulchra filia pulchrior,
Quem criminosis cunque voles modum

Pones iambis; sive flamma,

Sive mari libet Adriano.

Non Dindymene, non adytis quatit

Mentem sacerdotum incola Pythius;

Non Liber æque: non acuta

Sic geminant Corybantes æra,

Tristes ut iræ: quas neque Noricus

Deterret ensis, nec mare naufragum,

Nec sævus ignis, nec tremendo

Jupiter ipse roens tumultu.


Fertur Prometheus addere principi

Limo coactus particulam undique

Defectam, & infani leonis

Vim stomacho opposuisse nostro.

Iræ Thyestæ exitio gravi
 Stravere; & altis urbibus ultimæ
 Stetere causæ cur perirent
 Funditus, imprimeretque maris
 Hostile aratrum exercitus insolens.
 Compesce mentem: me quoque pectoris
 Tentavit in dulci juvenia
 Fervor, & in celeres iambos
 Misit furem. Nunc ego mitibus
 Mutare quero tristia, dum mihi
 Fias recantatis amica
 Opprobriis, animumque reddas.



A D TYNDARIDEM.

O D E XVII.

Invitat eam in Lucretilem.

Lib. I. Ode 9.

V ELOX amœnum sæpe Lucretilem
 Mutat Lycæo Faunus; & igneam
 Defendit æstatem capellis
 Usque meis, pluviosque ventos.
 Impune tutum per nemus arbutos
 Quærunt latentes, & thymæ devix
 Olentis uxores mariti:
 Nec virides metuunt colubros,
 Nec martiales hædulæ lupos:
 Ucunque dulci, Tyndari, fistula
 Valles, & Usticæ cubantis
 Levia personuere saxa.
 Dæ me tuentur: Dæ pietas mea,
 Et musa cordi est. Hæc tibi copia

Manabit ad plenum benigno
 Ruris honorum opulenta cornu.
 Hic, in reducta valle, Caniculæ
 Vitabis æstus; & fide Teia
 Dices laborantes in uno
 Penelopen vitreamque Circen.
 Hic innocentis pocula Lesbii
 Duces sub umbra: nec Semeleius
 Cum Marte confundet Thyoneus
 Prælia: "nec metues protervum
 Suspecta Cyrum, ne male disparti
 Incontinentes injiciat manus;
 Et scindat hærentem coronam
 Crinibus, immeritamque vestem.



A D QUINTILIUM VARUM.

O D E XVIII.

*Vini potu moderato hilarari animum, immoderato
 rixas excitari.*

Lib. I: Ode II.

NULLAM, Vare, sacra vite prius severis
 arborem,
 Circa mite solum Tiburis, & mœnia Catili.
 Siccis omnia nam dura Deus proposuit: neque
 Mordaces aliter diffugiunt solitudines.
 Quis post vina gravem militiam aut pauperiem
 crepat?
 Quis non te potius, Bacche pater, teque decens
 Venus?
 At, ne quis modici transfiliat munera Liberi,
 Centaurea monet cum Lapithis rixa super mero
 Debellata; monet Sithoniis non levis Eryus:

Quum fas atque nefas exiguo fine libidinum
 Discernunt avidi. Non ego te, candide Bassareu,
 Inuitum-quatiā, nec variis obsita frondibus
 Sub divum rapiam. Sæva tene cum Berecynthio
 Cornu tympana, quæ subsequitur cæcus amor sui,
 Et tollens vacuum plus nimio gloria verticem,
 Arcanique fides prodiga, perlucidior vitro.



D E G L Y C E R A.

O D Æ XIX.

Se illius amore uri.

Lib. 1. Ode 2.

MA T E R sæva Cupidinum,
 Thebanæque jubet me Semeles puer,
 Et lasciva licentia-
 Finitis animum reddere amoribus.
 Urit me Glyceræ nitor
 Splendentis Pario marmore purius:
 Urit grata protervitas,
 Et vultus nimium lubricus aspici.
 In me tota ruens Venus
 Cyprum deferuit; nec patitur Scythas,
 Et versis animosum equis
 Parthum dicere, nec quæ nihil attinent.
 Hic vivum mihi cespitem, hic
 Verbenas, pueri, ponite, thuraque,
 Bimi cum patera meri.
 Mactata veniet lenior hostia.

AD MÆCENATEM.

ODE XX.

Invitat eum ad convivium minime sumptuosum.

Lib. I. Ode 2.

VILE potabis modicis Sabinum
 Cantharis, Græca quod ego ipse testa -
 Conditum levi, datus in theatro
 Quum tibi plausus,
 Clare, Mæcenas, eques: ut paterni
 Fluminis ripæ, simul & jocosa
 Redderet laudes tibi Vaticanæ
 Montis imago.
 Cæcubum, & prælo domitam Caleno
 Tu bibes uvam; mea nec Falernæ
 Temperant vites, neque Formiani
 Pocula colles.

~~~~~

## INDIANAM ET APOLLINEM.


## ODE XXI.

*Seculare Carmen.*

Lib. I. Od. 5.

**D**IANAM teneræ dicite virgines:  
 Intonsum, pueri, dicite Cynthium,  
     Latonamque supremo  
     Dilectam penitus Jovi.  
 Vos lætam fluviis, & nemorum coma,  
 Quæcunque aut gelido prominet Algide,

Nigris aut Erymanthi  
 Sylvis, aut viridis Gragi:  
 Vos Tempe totidem tollite laudibus,  
 Natalemque, mares, Delon Apollinis,  
 Insignemque pharetra,  
 Fraternaue humerum lyra.  
 Hic bellum lacrymosum, hic miseram famem,  
 Pestemque, à populo & Principe Cæsare in  
 Perlas atque Britannos  
 Vestra motus aget prece.



## A D F U S C U M A R I S T I U M.

## O D E XXII.

*Vita integritatem, & innocentiam ubique esse tutam.*

Lib. I. Ode 2.

**I**N T E G E R vitæ, scelerisque purus,  
 Non eget Mauris jaculis, neque arcu,  
 Nec venenatis gravida sagittis,  
 Fulce, pharetra:  
 Sive per Syrtes iter æstuosas,  
 Sive facturus per inhospitalem  
 Caucasum, vel quæ loca fabulosus  
 Lambit Hydaspes.  
 Namque me sylva lupus in Sabina,  
 Dum meam canto Lalagen, & ultra  
 Terminum curis vagor expeditus,  
 Fugit inermem.  
 Quale portentum neque militaris  
 Daunia in latis alit escaletis:  
 Nec Jubbæ tellus generat, leonum  
 Arida nutrix.



Pone me pigris ubi nulla campis  
 Arbor æstiva recreatur aura:  
 Quod latus mundi nebulæ, malusque  
 Jupiter urget:

Pone sub curru nimium propinqui  
 Solis, in terra domibus negata:  
 Dulce ridentem Lalagen amabo,  
 Dulce loquentem.



## A D C H L O E N.

## O D E XXIII.

*Non esse jam quod viriles complexus, viro maturæ,  
 extimescat.*

Lib. I. Ode 5.

**V** I T A S hinnuleo me similis, Chloë,  
 Quærenti pavidam montibus aviis  
 Matrem, non sine vano  
 Aurarum & sylvæ metu,  
 Nam seu mobilibus veris inhorruit  
 Adventus foliis, seu virides rubum  
 Dimovere lacertæ;  
 Et corde & genibus tremit,  
 Atqui non ego te, tigris ut aspera,  
 Gætulusve leo, frangere persequor.  
 Tandem desine matrem  
 Tempestiva sequi viro.

A D

## A D V I R G I L I U M.

## O D E XXIV.

*Monet ut Quintilii mortem aequo animo ferat.*

Lib. I. Ode 6.

**Q**U I S desiderio fit pudor, aut modus  
 Tam cari capitis? præcipe lugubres  
 Cantus, Melpomene, cui liquidam pater  
 Vocem cum cithara dedit.  
 Ergo Quintilium perpetuus sopor  
 Urget! cui Pudor, & Justitiæ soror  
 Incorrupta Fides, nudaque Veritas,  
 Quando ullum invenient parem?  
 Multis ille bonis flebilis occidit;  
 Nulli flebilior quam tibi, Virgili.  
 Tu frustra pius, heu! non ita creditum  
 Poscis Quintilium Deos.  
 Quid si Threïcio blandius Orpheo  
 Auditam moderere arboribus fidem,  
 Num vanæ redeat sanguis imagini,  
 Quam virga semel horrida,  
 Non lenis precibus fata recludere,  
 Nigro compulerit Mercurius gregi?  
 Durum: sed levius fit patientia,  
 Quidquid corrigere est nefas.

C

\*\*\*\*\*

A D L Y D I A M.

O D B XXV.

*Insultat ei, quod, jam vetula, vicissim à juvenibus  
contemnatur.*

Lib. I. Ode 2.

**P** A R C I U S iunctas quatiant fenestras  
 Ictibus crebris juvenes protervi,  
 Nec tibi somnos adimunt; amatque  
     Janua limen,  
 Quæ prius multum faciles movebat  
 Cardines: audis minus, & minus jam,  
 M E T U O longas percunte noctes,  
     Lydia, dormis?  
 Invicem mœchos anus arrogantes  
 Flebis in solo levis angiporta,  
 Thracio bacchante magis sub inter-  
     lunia vente:  
 Quum tibi flagrans amor, & libido,  
 Quæ solet matres furiare equorum,  
 Sæviet circa jecur ulcerosum:  
     Non sine questu,  
 Læta quod pubes edera virenti  
 Gaudeat, pulla magis atque myrto;  
 Aridas frondes hyemis fodali  
     Dedicet Hebro.

## A D M U S A M.

## O D E XXVI.

*Se, soluto animo, velle Lamiam laudare.*

Lib. I. Ode 9.

**M**U S I S amicus, tristitiam, & metus  
 Tradam protervis in mare Creticum  
 Portare ventis; quis sub Arcto  
 Rex gelidæ metuatur oræ,  
 Quid Tiridatem terreat, unice  
 Securus. O quæ fontibus integris  
 Gaudes, apricos nocte flores,  
 Nocte meo Lamia coronam,  
 Pimplea dulcis: nil sine te mei  
 Profunt honores: hunc fidibus novis,  
 Hunc Lesbio sacrare plectro  
 Teque, tuasque decet sorores.

## A D S O D A L E S.

## O D E XXVII.

*Ad sodales inter pocula rixantes.*

Lib. I. Ode 9.

**N**A T I S in usum lætitiæ scyphis  
 Pugnare, Thracum est. Tollite barbarum  
 Morem, verecundumque Bacchum  
 Sanguineis prohibete rixis.  
 Vino, & lucernis Medus acinaces  
 Immane quantum discrepat: impium

C 2

Lenite clamorem, sodales,  
 Et cubito remanete presso.  
 Vultis severi me quoque sumere  
 Partem Falerni? dicat Opuntiae  
 Frater Megillae, quo beatus  
 Vulnere, qua pereat sagitta.  
 Cessat voluntas? non alia bibam  
 Mercede: quæ te cunque domat Venus,  
 Non erubescendis adurit  
 Ignibus, ingenuoque semper  
 Amore peccas: quidquid habes, age,  
 Depone tutis auribus. Ah miser,  
 Quanta laboras in Charybdi,  
 Digne puer meliore flamma!  
 Quæ saga, quis te solvere Thessalis  
 Magus venenis, quis poterit Deus?  
 Vix illigatum te triformi  
 Pegasus expedit Chimæra.



## O D E XXVIII.

*Instituto nautam inter & Archita Umbram dialogo,  
 Pythagoræorum hæresin insectatur, & sepulturæ  
 curam commendat.*

LIB. I. Ode 7.

## N A U T A.

**T**E maris, & terræ, numeroque carentis arene  
 Menforem cohibent, Archyta,  
 Pulveris exigui prope littus parva Matinum  
 Munera: nec quidquam tibi prodest  
 Aërias tentasse domos, animoque rotundum  
 Percurrisse polum, morituro.

## ARCHITÆ UMBRA.

Occidit & Pelopis genitor, conviva Deorum;  
Tithonusque remotus in auras:  
Et Jovis arcanis Minos admissus; habentque  
Tartara Panthoiden, iterum Orco  
Demissum; quamvis clypeo Trojana refixo  
Tempora testatus, nihil ultra  
Nervos, atque cutem morti concesserat ætæ,  
Judice te, non sordidus auctor  
Naturæ verique. Sed omnes una manet nox,  
Et calcanda semel via leti.  
Dant alios Furie torvo spectacula Marti:  
Exitio est avidum mare nautis.  
Mista senum ac juvenum densentur funera: nullum  
Sæva caput Proserpina fugit.  
Me quoque devexi rapidus comes Orionis  
Illyricis Notus obruit undis.  
At tu, nauta, vagæ ne parce malignus arenæ  
Ossibus, & capiti inhumato  
Particulam dare. Sic, quodcunque minabitur Euro  
Fluctibus Hesperiiis, Venusinæ  
Plectantur sylvæ, te sospite: multaue merces,  
Unde potest, tibi defluat æquo  
Ab Jove, Neptunoque sacri custode Tarenti,  
Negligis immeritis nocituram  
Postmodo te natis fraudem committere forsan.  
Debita jura, vicesque superbæ  
Te maneant ipsum; precibus non linquar inultis:  
Teque piacula nulla resolvent.  
Quanquam festinas (non est mora longa) licebit  
Injecto ter pulvere curras.



## AD L. ICCIUM.

## ODE XXIX.

*Mirum quiddam, & monstri simile dicit esse, cum a  
Philosophiæ studio ad militiam transisse.*

Lib. 1. Ode 9.

**I**CCI, beatis nunc Arabum invidas  
Gazis, & acrem militiam paras  
Non ante devictis Sabæ  
Regibus; horribilique Medo  
Nectis catenas. Quæ tibi virginum,  
Sponso necato, barbara serviet?  
Puer quis ex aula capillis  
Ad cyathum statuetur unctis,  
Doctus sagittas tendere Sericas  
Arcu paterno? Quis neget arduis  
Pronos relabi posse rivos  
Montibus, & Tiberim reverti:  
Quum tu coemptos undique nobiles  
Libros Panætii, Socraticam & domum,  
Mutare loricis Iberis,  
Pollicitus metiora, tendis?

## A D V E N E R E M.

## O D E XXX.

*Rogat Venerem Horatius ut domestico Glycera Sacrificio intersit.*

Lib. 1. Ode 2.

**O** V E N U S, regina Cnidi, Paphique,  
Sperne dilectam Cypron, & vocantis  
Thure te multo Glyceræ decoram  
Transfer in ædem.  
Pervidus tecum puer, & solutis  
Gratiæ zonis, properentque Nymphæ,  
Et parum costis sine te Juventas,  
Mercuriasque.

## A D A P O L L I N E M.

## O D E XXXI.

*Corporis animique sanitatem cum Poëseos studio conjunctam ceteris vitæ bonis antecellere.*

Lib. 1. Ode 9.

**Q** U I D dedicatum poscit Apollinem  
Vares? quid orat, de patera novum  
Fundens liquorem? non optimas  
Sardinia: fegetes feracis:  
Non æstuosæ grata Calabria  
Armenta: non aurum, aut ebur Indicum:

C 4



Non rura quæ Liris quieta  
 Mordet aqua taciturnus amnis.  
 Premant Calenam falce, quibus dedit  
 Fortuna, vitem: dives & aureis  
 Mercator exsiccat culullis  
 Vina Syra reparata merce,  
 Dis carus ipsis: quippe ter & quater  
 Anno revisens æquor Atlanticum  
 Impune: me pascunt olivæ,  
 Me cichorea, levesque malvæ.  
 Frui paratis & valido mihi,  
 Latoë, dones, &, precor, integra  
 Cum mente: nec turpem senectam  
 Degere, nec cithara carentem.



## A D L Y R A M.

## O D E XXXII.

*Rogatus seculare carmen scribere, Lyram suam precatur,  
 Horatius ut cantus argumento pares sibi suggerat.*

Lib. 1. Ode 2.

**P** O S C I M U R. Si quid vacui sub umbra  
 Lufimus tecum, quod & hunc in annum  
 Vivat & plures, age, dic Latinum,  
 Barbite, carmen,  
 Lesbio primum modulate civi:  
 Qui ferox bello, tamen inter arma,  
 Sive jactatam religarat udo  
 Littore navim,  
 Liberum, & Musas, Veneremque, & illi  
 Semper hærentem puerum canebat;  
 Et Lycum, nigris oculis, nigroque  
 Crine decorum.

O decus Phœbi, & dapibus supremi  
 Grata Testudo Jovis, & laborum  
 Dulce lenimen, mihi cunque salve  
 Rite vocanti.



## A D A L B I U M T I B U L L U M.

## O D E XXXIII.

*Ne doleat sibi rivalem juniorem à Glyceræ anteponi.*

Lib: I. Ode 3.

**A**LBI, ne doleas plus nimio, memos  
 Immitis Glyceræ, neu miserabiles  
 Decantes elegos, cur tibi junior  
 Læsa præniteat fide:  
 Insignem tenui fronte Lycoridæ  
 Cyni torret amor; Cyrus in asperam  
 Declinat Pholoën: sed prius Appulis  
 Jungentur capreæ lupis,  
 Quam turpi Pholoë peccet adultero.  
 Sic visum Veneri: cui placet impares  
 Formas, atque animos sub juga ahenæa  
 Sævo mittere cum joco.  
 Ipsum me melior quam peteret Venus,  
 Grata detinuit compede Myrtale  
 Libertina, fretis acrior Adriæ  
 Curyantis Calabros finus.



## ODE XXXIV.

*Fictâ palinodia Deorum providentiam prorsus evertis.*

Lib. 1. Ode 9.

**P**ARCUS Deorum cultor, & infrequens,  
 Insanientis dum sapientiæ  
 Consultus erro, nunc retrorsum  
 Vela dare, atque iterare cursus  
 Cogor relictos: namque Diæpiter  
 Igni corusco nubila dividens,  
 Plerumque per purum tonantes  
 Egit equos, volucremque currum:  
 Quo bruta tellus, & vaga flumina,  
 Quo Stryx, & invisi horrida Tænari  
 Sedes, Atlanteusque finis  
 Concuritur. Valet ima summis  
 Mutare, & insignem attenuat Deus,  
 Obscura promens: hinc apicem rapax  
 Fortuna cum stridore acuto  
 Sustulit, hic posuisse gaudet.



## AD FORTUNAM.

## ODE XXXV.

*Orat Fortunam ut servet Casarem in Britannos ire  
 meditantem.*

Lib. 1. Ode 9.

**O**DIVA, gratum quæ regis Antium,  
 Præsens vel imo tollere de gradu  
 Mortale corpus, vel superbos  
 Vertere funeribus triumphos:

Te pauper ambit sollicita prece  
Ruris colonus; te dominam æquoris,  
    Quicumque Bithyna laceffit  
        Carpathium pelagus carina.  
Te Dacus asper, te profugi Scythæ,  
Urbesque, gentesque, & Latium ferox,  
    Regumque matres Barbarorum, &  
        Purpurei metuunt tyranni,  
Injurioso ne pede prorsus  
Stantem columnam: neu populus frequens  
    Ad arma cessantes, ad arma  
        Concitet, imperiumque frangat.  
Te semper anteit sæva Necessitas,  
Clavos trabales, & cuneos manu  
    Gestans athena; nec severus  
        Uncus abest, liquidumque plumbum.  
Te Spes, & albo rara Fides colit  
Velata panno; nec comitem abnegat,  
    Utcunque mutata potentes  
        Veste domos inimica linquis.  
At vulgus infidum, & meretrix retro  
Perjura cedit: diffugiunt cadis  
    Cum fæce ficcatis amici,  
        Ferre jugum pariter dolosi.  
Serves iturum Cæsarem in ultimos  
Orbis Britannos, & juvenum recens  
    Examen Eois timendum  
        Partibus, Oceanoque Rubro.  
Eheu! cicatricum, & sceleris pudet,  
Fratrumque. Quid nos dura refugimus  
    Ætas? quid intactum nefasti  
        Liquimus? unde manum juvenus  
Metu Deorum continuit? quibus  
Pepercit aris? ô utinam nova,  
    Incude diffingas retusum in  
        Massagetæ, Arabasque ferrum.



## AD PLOTIUM NUMIDAM.

## ODE XXXVI.

*Plotio Numidæ faustum ex Hispania reditum gratulatur.*

Lib. 1. Ode 3.

**E**T thure, & fidibus juvat  
 Placare, & vituli sanguine debito  
 Custodes Numidæ Deos:  
 Qui nunc Hesperia sospes ab ultima  
 Caris multa sodalibus,  
 Nulli plura tamen dividit oscula,  
 Quam dulci Lamia, memor  
 Actæ non alio rege puertiæ,  
 Mutatæque simul togæ.  
 Cressa ne careat pulchra dies nota:  
 Neu promptæ modus amphoræ,  
 Neu morem in Salium sit requies pedum:  
 Neu multi Damalis meri  
 Bassum Threïcia vincat amygdæ:  
 Neu defint epulis rosæ  
 Neu vivax apium, neu breve lilium.  
 Omnes in Damalin putres  
 Deponent oculos: nec Damalis novo  
 Divelletur adultero,  
 Lascivis ederis ambitiosior.

## A D S O D A L E S.

## O D E XXXVII.

*Sodales suos ad letitiam hortatur ob Actiacam Augusti  
victoriam.*

Lib. 1. Ode 9.

**N** U N C est bibendum, nunc pede libero  
Pulsanda tellus: nunc Saliaribus  
Ornate pulvinar Deorum  
Tempus erat dapibus, sodales.  
Antehac nefas depromere Cæcubum  
Cellis avitis, dum Capitolio  
Regina dementes ruinas,  
Fusus & imperio parabat,  
Contaminato cum grege turpium  
Morbo virorum, quidlibet impotens  
Sperare, fortunaque dulci  
Ebria. Sed minuit furorem  
Vix una sospes navis ab ignibus;  
Mentemque lymphatam Marcotico  
Redegit in veros timores  
Cæsar, ab Italia volantem  
Remis adurgens (accipiter velut  
Molles columbas, aut leporem citus  
Venator in campis nivalis  
Æmonia) daret ut catenis  
Fatale monstrum, quæ generosius  
Perire quærens, nec muliebriter  
Expavit ensẽ, nec latentes  
Classe cita reparavit oras.  
Ausæ & jacentem visere regiam  
Vultu sereno fortis, & asperas

Tractare serpentes, ut atrum  
 Corpore combiberet venenum,  
 Deliberata morte ferocior:  
 Sævis Liburnis scilicet invidens,  
 Privata deduci superbo  
 Non humilis mulier triumpho.



## ADMINISTRUM.

## ODE XXXVIII.

*Non esse opus sibi magno apparatu.*

Lib. I. Ode 2.

**P**ERSICOS odi, puer, apparatus:  
 Displicent nexæ philyra coronæ:  
 Mitte sectari, rosa quo locorum  
     Sera moretur.  
 Simplici myrto nihil allabores  
 Sedulus curæ: neque te ministrum  
 Dedecet myrtus, neque me sub arcta  
     Vite bibentem.

*Finis primæ Libræ Lyricorum.*



**Q. HORATII FLACCI**  
**ODARUM**  
**LIBER II.**



**AD C. ASINIUM POLLIONEM.**

**ODE I.**

*Eum monet ut suas de bellis civilibus Tragedias tam  
 tisper intermittat, dum res civiles ordinant.*

**Lib. I. Ode 9.**



**Q T U M** ex Metello consule civili  
 cum,

Bellique causas, & vitia, & modos,

Ladumque Fortune, gravesque

Principum amicitias, & arma

Nondum expiatis uncta cruoribus;

**Periculosa** plenum opus aleæ



Tractas, & incedis per ignes  
 Suppositos cineri doloso.  
 Paulum severæ Musa tragœdiæ  
 Desit theatri: mox, ubi publicas  
 Res ordinaris, grande munus  
 Cecropio repetes cothurno,  
 Insigne mœstis præsidium reis,  
 Et consulenti, Pollio, curiæ:  
 Cui laurus æternos honores  
 Dalmatico peperit triumpho.  
 Jam nunc minaci murmure cornuum  
 Perstringis aures, jam litui strepunt,  
 Jam fulgor armorum fugaces  
 Terret equos, equitumque vultus.  
 Audire magnos jam videor duces  
 Non indecoro pulvere sordidos;  
 Et cuncta terrarum subacta,  
 Præter atrocem animum Catonis.  
 Juno, & Deorum quisquis amicioꝝ  
 Afris, inulta cesserat impotens  
 Tellure, victorum nepotes  
 Retulit inferias Jugurthæ.  
 Quis non Latino sanguine pinguior  
 Campus sepulcris impia proelia  
 Testatur, auditumque Medis  
 Hesperia sonitum ruinæ?  
 Qui gurgēs, aut quæ flumina lugubris  
 Ignara belli? quod mare Dauniæ  
 Non decoloravere cædes?  
 Quæ caret ora cruore nostro?  
 Sed ne relictis, Musa procax, joci  
 Cææ retractes munera Neniæ,  
 Mecum Dionæo sub antro  
 Quære modos leviori plectro.

## A D C. SALLUSTIUM CRISPUM.

## O D E II.

*Eum, qui bene utatur divitiis, solum divitem, qui  
cupiditatibus imperet, solum beatum esse.*

## Lib. I. Ode 2.

**N**ULLUS argento color est, avaris  
Abditæ terris inimice laminae  
Crispe Sallusti, nisi temperato  
Splendeat usû.

Vivet extento Proculeius ævo,  
Notus in fratres animi paterni;  
Illum aget penna metuente solvi.  
Fama superstes.

Latius regnes, avidum domando  
Spiritus, quam si Libyam remotis  
Gadibus jungas, & uterque Poenus  
Serviat uni.

Crescit indulgens sibi dirus hydrops:  
Nec sitim pellit, nisi causa morbi  
Fugexit venis, & aquosus albo  
Corpore languor.

Redditum Cyri solio Phraaten,  
Dissidens plebi, numero beato-  
rum eximit virtus, populumque falsis  
Dedocet uti

Vocibus; regnum, & diadema tutum  
Deferens uni, propriamque laurum,  
Quisquis ingentes oculo irretorta  
Spectat acervos.



## AD QUINTUM DELLUM.

## ODE III.

*Vita felicitatem in mentis aequilibrare, & honestis  
voluptatibus esse positam.*

Lib. I. Ode 9.

**Æ**QUAM memento rebus in arduis  
Servare mentem, non secus ac bonis  
Ab insolenti temperatam  
Lætitiâ, moriture Delli;  
Seu maestus omni tempore vixeris,  
Seu te in remoto gramine per dies  
Festos reclinatum bearis  
Interiore nota Falerni:  
Qua pinus ingens, albaque populus  
Umbram hospitalem consociare amans  
Ramis, & obliquo laborat  
Lympha fugax trepidare rivo.  
Huc vina, & unguenta, & nimium hœves  
Flores amœnæ ferre jube rosæ:  
Dum res, & ætas, & sororum  
Fila triumphanti patiantur atra.  
Cedes cœlestis fastibus, & domo,  
Villaque, flavus quam Tiberis levit;  
Cedes; & extractis in altum  
Divitiis ponietur hœres.  
Divesne, prisce natum ab Inacho,  
Nil interest, an pauper, & infima  
De gente sub dio moreris,  
Victima nil miserantis Orei.

Omnes eodem cogimur : omnium  
Versatur urna : serius , ocius ,  
Sors exitura , & nos in æter-  
num exilium impositura cymbæ.



AD XANTHIAM PHOCEUM.

O D E I V.

*Quod ancillam amet , non esse cur eum pudeat : mul-  
tis enim magnis viris idem usu venisse.*

Lib. I. Ode 2.

**N**E sis ancillæ tibi amor pudor ,  
Xanthia Phocæ : prius insolentem  
Serva Briseïs niveo colore  
Movit Achillem.  
Movit Ajacem Telamone natum  
Forma captivæ dominum Tecmestæ :  
Arfit Atrides medio in triumpho  
Virgine rapta ;  
Barbaræ postquam cecidere turmæ  
Thessalo victore , & ademptus Hector  
Tradidit fessis læviora tosti  
Pergama Graiis.  
Nescias an te generum beati  
Phyllidis flavæ decorent parentes.  
Regium certe genus , & Penates  
Moxerit iniquos.  
Crede non illam tibi de scelestâ  
Plebe delectam ; neque sic fidelem ,  
Sic lucro averfam , potuisse nasci  
Matre pudenda.

D 2

44 Q. HOR. FLACCI

Brachia, & vultum, teretesque furas  
Integer laudo: fuge suspicari,  
Cujus octavum trepidavit ætas  
Clandere lustrum.



IN LALAGEN.

ODE V.

*Revocandam esse mentem à cupiditate virginis  
immatura.*

Lib. I. Ode 9.

**N**ONDUM subacta ferre jugum valet  
Cervice; nondum munia comparis  
Æquare, nec tauri ruentis  
In Venerem tolerare pondus.  
Circa virentes est animus tuæ  
Campos juvenæ, nunc fluviis gravem  
Solantis æstum, nunc in udo  
Ludere cum vitulis salicto  
Prægestientis. Tolle cupidinem  
Immitis uvg: jam tibi lividos  
Distinguet Autumnus racemos  
Purpureo varius colore:  
Jam te sequetur: currit enim ferox  
Ætas, & illi, quos tibi demserit,  
Apponet annos: jam proterva  
Fronte petet Lalage maritum,  
Dilecta, quantum non Pholoë fugax,  
Non Chloris: albo sic humero nitens,  
Ut pura nocturno renidet  
Luna mari, Cnidiusve Gyges;

Quem si puellarum infereres choro;  
 Mire sagaces falleret hospites  
 Discrimen obscurum, solutis  
 Crinibus, ambiguoque vultu.

## A D S E P T I M I U M.

## O D E VI.

*Invitat illum Horatius ad vitam secum ruri degendam.*

Lib. 1. Ode 2.

**S**EPTIMI, Gades aditure mecum, &  
 Cantabrum indoctum juga ferre nostra, &  
 Barbaras Syrtis, ubi Maura semper  
 Æstuat unda;

Tibur, Argeo positum colono,  
 Sit meæ sedes utinam senectæ;  
 Sit modus lasso maris, & viarum,  
 Militiæque!

Unde si Parcæ prohibent iniquæ,  
 Dulce pellitis ovibus Galeæ  
 Flumen, & regnata petam Laconî  
 Rura Phalantho.

Ille terrarum mihi præter omnes  
 Angulus ridet; ubi non Hymetto  
 Mella decedunt, viridique certat  
 Bacca Venafro:

Ver ubi longum, tepidasque præbet  
 Jupiter brumas; & amicus Aulon  
 Fertili Baccho, minimum Falernis  
 Invidet uvis.

Ille te necum locus, & beatæ  
 Postulant arces: ibi tu calentem  
 Debita sparges lacryma favillam  
 Vatis amici.



## AD POMPEIUM VARUM.

## ODE VII.

*Huic reditum è militia gratulatur.*

Lib. 1. Ode 9.

**O** SÆPE mecum tempus in ultimum  
 Deducte, Bruto militiæ duce,  
 Quis te redonavit Quiritem  
 Dis patriis, Italoque cælo,  
 Pompei, meorum prime sodalium?  
 Cum quo morantem sæpe diem mero  
 Fregi, coronatus nitentes  
 Malobathro Syrio capillos.  
 Tecum Philippos, & celerem fugam  
 Sensi, relicta non bene parmula,  
 Quam fracta virtus, & minaces  
 Turpe solum tetigere mentes.  
 Sed me per hostes Mercurius celer  
 Denso paventem sustulit aëre:  
 Te rursus in bellum reforbens  
 Unda fretis tulis æstuosis.  
 Ergo obligatam redde Jovi dapem;  
 Longaque fessum militia latus  
 Depone sub lauro mea; nec  
 Parce cadis tibi destinatis.  
 Oblivioso levis Massico  
 Ciboria exple; fande capacibus  
 Unguenta de conchis. Quis ideo  
 Deproperare apio coronas  
 Curatve myrto? quem Venus arbitrum  
 Dicit bibendi? non ego sanies  
 Bacchabor Edonis: recepto  
 Dulce mihi furere est amico.



## I N B A R I N E N.

## O D E V I I I.

*Non esse cur ei juranti credatur : formosarum cuius  
perjuria à Diis non vindicari.*

Lib. 1. Ode 2.

**U** L E A si juis tibi pejerati  
Pœna, Barine, nocuisset unquam :  
Dente si nigro fieres vel uno  
Turpior ungui,  
Crederem : sed tu, simul obligasti  
Perfidum votis caput, enitescis  
Pulchrior multo, juvenumque prodix  
Publica cura.  
Expedit matris cineres opostos  
Fallere, & toto taciturna noctis  
Signa cum cœlo, gelidaque Divos  
Morte carentes.  
Ridet hoc (inquam) Venus ipsa, ridens  
Simplices Nymphæ, ferus & Cupido,  
Semper ardentes acuens sagittas  
Cote cruenta.  
Adde, quod pubes tibi crescit omnis,  
Servitus crescit nova, nec priores  
Impiæ tectum domina relinquant,  
Sæpe minati.  
Te suis matres metuant juvenis,  
Te senes parci, miseraque nuptæ  
Virgines nuptæ, tua ne retardet  
Aura maritos.





## A D V A L G I U M.

## O D E I X.

*Amicum morientem de filii morte consolatur.*

Lib. 1. Ode 9.

**N**ON semper imbres nubibus hispidos  
 Manant in agros, aut mare Caspium  
 Vexant inæquales procellæ  
 Usque; nec Armeniis in oris,  
 Amice Valgi, stat glacies iners  
 Menses per omnes; aut Aquilonibus  
 Querceta Gargani laborant,  
 Et foliis viduantur orni.  
 Tu semper urges flebilibus modis  
 Mysten ademptum; nec tibi vespéro  
 Surgente decedunt amores,  
 Nec rapidum fugiente solem.  
 At non ter ævo functus amabilem  
 Ploravit omnes Antiochum senex  
 Annos; nec impubem parentes  
 Troilon, aut Phrygiæ sorores  
 Flevere semper. Define mollium  
 Tandem querelarum, & potius nova  
 Cantemus Augusti tropæa  
 Cæsaris, & rigidum Niphaten,  
 Medumque flumen gentibus additum  
 Victis, minores volvere vortices;  
 Intraque præscriptum Gelonos  
 Exiguus equitare campis.

AD



A D L I C I N I U M V A R R O N E M  
M U R E N A M.

O P E X.

*Servandam esse mediocritatem, & animi in utraque  
fortuna retinendam æquabilitatem.*

Lib. 1. Ode 2.

**R**E C T I U S vives, Licini, neque altum  
Semper urgendo, neque, dum procellas  
Cantus horrescis, nimium premendo  
Littus iniquum.

Auream quisquis mediocritatem  
Diligit, tutus caret obsoleti  
Sordibus recti, caret invidenda  
Sobrius aula.


Sæpius ventis agitur ingens  
Pinus; & celsæ graviore casu  
Decidunt turres, feriuntque summos  
Fulmina montes.

Sperat infestis, metuit secundis  
Alteram sortem bene præparatum  
Pectus: inforæ hyemes reducit  
Jupiter, idem

Summovet: non, si male nunc, & olim  
Sic erit: quondam cithara tacentem  
Suscitat Musam, neque semper arcum  
Tendit Apollo,

Rebus angustis animosus, atque  
Fortis appare: sapienter idem  
Contrahe vento nimium secundo  
Turgida vela.

E



AD Q. HIRPINUM.

ODE XI.

*Omissis curis jucundè vivendum esse.*

Lib. 1. Ode 9.

**Q**UID bellicosus Cantaber, & Scythes,  
 Hirpine Quinti, cogitet, Adria  
 Divisus objecto, remittas  
 Quærere; nec trepides in usum  
 Poscentis ævi pauca: fugit retro  
 Levis juvenas, & decor, arida  
 Pellente lascivos amores  
 Canitie, facilemque somnum.  
 Non semper idem floribus est honos  
 Vernis, neque uno Luna rubens nitet  
 Vultu. Quid æternis minorem  
 Consiliis animum fatigas?  
 Cur non sub alta vel platano, vel hac  
 Pinu jacentes sic temere, & rosa  
 Canos odorati capillos.  
 Dum licet, Assyriaque nardo,  
 Potamus uncti? dissipat Evyus  
 Curas edaces. Quis puer ocios  
 Restinguet ardentis Falerni  
 Pocula, prætereunte lympba?  
 Quis devium scortum eliciet domo  
 Lyden? eburna, dic age, cum lyra  
 Maturet, incommatam Lacœne  
 More comam religata nodum.



AD MÆCENATEM.

ODE XII.

*Se Lycimnia additum non posse ad graviora argu-  
menta assurgere.*

Lib. I. Ode 6.

**N**OLIS longa feræ bella Numantiae ,  
Nec diram Annibalem , nec Siculum mare ,  
Pæno purpureum sanguine , mollibus  
Aptari citharæ modis :  
Nec sævos Lapithas , & nimium mero  
Hylæum , domitosque Herculeæ manæ  
Telluris juvenes , unde periculum  
Fulgens contremuit domus  
Saturni veteris : Tuque pedestribus  
Dices historiis prælia Cæsaris ,  
Mæcenas , melius , ductaque per vias  
Regum colla minantium.  
Me dulces dominæ Musa Lycimniæ  
Cantus , me voluit dicere lucidum  
Fulgentes oculos , & bene mutuis  
Fidum pectus amoribus :  
Quam nec ferre pedem dedecuit choris ,  
Nec certare joco , nec dare brachia  
Ludentem nitidis virginibus , sacro  
Dianæ celebris die.  
Nam tu , quæ tenuit dives Achæmenes ,  
Aut pinguis Phrygiæ Mygdonias opes ,  
Permutare velis crine Lycimniæ ,  
Plenas aut Arabum domos ?

E 2

12 Q. HOR. FLACCI

Dum flagrantia detorquet ad oscula  
Cervicem, aut facili sævitia negat  
Quæ poscente magis gaudeat eripi;  
Interdum rapere occupet.



O D E XIII.

*Dira in arborem, cujus casu in agro Sabino pene  
fuerat obtritus.*

Lib. 1. Ode 9.

**I**LLI & nefasto te posuit die,  
Quicumque primum, & sacrilega manu  
Produxit, arbos, in nepotum  
Perniciem, opprobriumque pagi.  
Illum & parentis crediderim sui  
Fregisse cervicem, & penetralia  
Sparfisse nocturno cruore  
Hospitis. Ille venena Colchica,  
Et quidquid usquam concipitur nefas,  
Tractavit, agro qui statuit meo  
Te, triste lignum, te caducum  
In domini caput immerentis.  
Quid quisque vitet, nunquam homini satis  
Cautum est in horas. Navita Bosporum  
Poenus perhorrescit, neque ultra  
Cæca timet aliunde fata:  
Miles sagittas, & celerem fugam  
Parthi; catenas Parthus, & Italum  
Robur: sed improvisa leti  
Vis rapuit, rapietque gentes,  
Quam pene furvæ regna Proserpinæ,  
Et judicantem vidimus Æacum,  
Sedesque descriptas piorum, &  
Æoliis fidibus querentem

Sapphō puellis de popularibus :  
 Et te sonantem plenius aureo  
   Alcæ , plectro , dura navis ,  
   Dura fugæ mala , dura belli !  
 Utrumque sacro digna silentio  
 Mirantur umbræ dicere ; sed magis  
   Pugnas , & exactos tyrannos  
   Densum humeris bibit aure vulgus.  
 Quid mirum ? ubi illis carminibus stupens  
 Demittit atras bellua centiceps  
   Aures , & intorti capillis  
   Eumenidum recreantur angues ?  
 Quin & Prometheus , & Pelopis parens  
 Dulci laborum decipitur sono ;  
   Nec curat Orion leones ;  
   Aut timidos agitare lyncas.



## A D P O S T H U M U M.

## O D E X I V.


*Nec vitari mortem posse , nec retardari ; divitiis ,  
 dum vivimus , liberaliter utendum.*

Lib. 1. Ode 9.

**E** H Æ U ! fugaces , Posthume , Posthume ,  
 Labuntur anni ; nec pietas moram  
   Rugis , & instanti senectæ  
   Afferet , indomitæque morti.  
 Non , si trecentis , quotquot eunt dies ,  
 Amice , places illacrymabilem  
   Plutona tauris , quæ ter amplum  
   Geryonem , Tiryonque trist  
E 3

54 Q. HOR. FLACCUS

Compescit unda, scilicet omnibus,  
 Quicunque terræ munere vescimur,  
 Enaviganda; five reges,  
 Sive inopes erimus coloni.  
 Frustra cruento Marte carebimus,  
 Fractisque rauci fluctibus Adriæ;  
 Frustra per autumnos nocentem  
 Corporibus metuemus Austrum;  
 Visendus ater flumine languido  
 Cocytus errans, & Danaï genus  
 Infame, damnatusque longi  
 Sisyphus Æolides laboris.  
 Linquenda tellus, & domus, & placens  
 Uxor; neque harum, quas colis, arborum  
 Te, præter invisas cupressos,  
 Ulla brevem dominum sequetur.  
 Absumet heres Cæcuba dignior,  
 Servata centum clavibus; & mero  
 Tinget pavementum, superbis  
 Pontificum potiore cænis.



O D E X V.

*Antiquorum parcimoniam & frugalitatem recentis  
 luxui opponit.*

Lib. 1. Ode 9.

JAM pauca aratro jugera regię  
 Moles relinquent: undique latius  
 Extenta visentur Lucrino  
 Stagna lacu, platanusque coelebs  
 Evincet ulmos: tum violaria, &  
 Myrtus, & omnis copia narium,  
 Spargent olivetis odorem,  
 Fertilibus domino priori.

Tum spissa ramis laurea fervidos  
 Excludet ictus. Non ita Romuli  
 Præscriptum, & intonsæ Catonis  
 Auspiciis, veterumque norma.  
 Privatus illis census erat brevis;  
 Commune, magnum: nulla decempedis  
 Metata privatis oparam  
 Porticus excipiebat Arcton;  
 Nec fortuitum spernere respitem  
 Leges sinebant, oppida publico  
 Sumtu jubentes, & Deorum  
 Tempia novo decorare saxo.

## A D G R O S P H U M.

## O D E X V I.

*Tranquillitatem animi optari ab omnibus; eamque  
 coercendis cupiditatibus temperari.*

Lib. 1. Ode 2.

**O** T I U M Divos rogat impotentem  
 Prensus Ægæo, simul atra nubes  
 Condidit Lunam, neque certa fulgent  
 Sidera nautis:  
 Otium bello furiosa Thrace,  
 Otium Medi pharetra decori,  
 Grosphæ, non gemmis, neque purpura ve-  
 nale, nec auro.  
 Non enim gazæ, neque consularis  
 Summovet lictor miseros tumultus  
 Mentis, & Cursus laqueata circum  
 Tecta volantes,

E 4



56 Q. HOR. FLACCI

Vivitur parvo bene, cui paternum  
Splendet in mensa tenui salinum;  
Nec leves somnos timor aut cupido  
Sordidus aufert.

Quid brevi fortes jaculamur ævo  
Multa? quid terras alio calentes  
Sole mutamus? patriæ quis exul  
Se quoque fugit?

Scandit æratas vitiosa naves  
Cura; nec turmas equitum relinquit,  
Ocior cervis, & agente nimbos  
Ocior Euro.

Lætus in præsens animus, quod ultra est  
Oderit curare; & amara læto  
Temperet risu. Nihil est ab omni  
Parte beatum.

Abstulit clarum cita mors Achillem;  
Longa Tithonum minuit senectus;  
Et mihi forsan, tibi quod negarit,  
Porriget hora.

Te greges centum, Siculæque circum  
Mugiunt yaccæ, tibi tollit hinni-  
tum apta quadrigis equa, te bis Afro  
Murice, tinctæ

Vestiunt lanæ: mihi parva rura, &  
Spiritus Graiæ tenuem Camœnæ  
Parca non mendax dedit, & malignum  
Spernere vulgus.

## A D M Æ C E N A T E M.

## O D E X V I I.

*Mæcenatens perpetua febre laborantem consolatur,  
eique se negat fore superstitem.*

Lib. 1. Ode 9.

**C**U R me querelis exanimas tuis?  
Nec Dis amicum est, nec mihi, te prius  
Obire, Mæcnas, mearum  
Grande decus, columenque rerum.  
Ah, te meæ si partem animæ rapit  
Maturior vis, quid moror altera,  
Nec carus æque, nec superstes  
Integer? ille dies utramque  
Ducet ruinam. Non ego perfidum  
Dixi sacramentum: ibimus, ibimus,  
Utcunque præcedes, supremum  
Carpere iter comites parati.  
Me nec Chimærae spiritus igneæ,  
Nec, si resurgat centimanus Gyas,  
Divellet unquam: sic potenti  
Justitiæ placitumque Parcis.  
Seu Libra, seu me Scorpius aspicit  
Formidolosus, pars violentior  
Natalis horæ, seu tyrannus  
Hesperia Capricornus undæ,  
Utrumque nostrum incredibili modo  
Consentit astrum. Te Jovis impio  
Tutela Saturno refulgens  
Eripuit, volucrisque fati

Tardavit alas, quum populus frequens  
 Latum theatri ter crepuit sonum:  
 Me truncus illapsus cerebro  
 Sustulerat, nisi Faunus ictum  
 Dextra levasset, Mercurialium  
 Custos virorum. Reddere victimas,  
 Edemque votivam memento:  
 Nos humilem feriemus agnam.

XXXXXXXXXXXXXXXXXXXXXXXXXXXXXXXXXXXXXXXXXXXX

## ODE XVIII.

*Romanorum luxum & avaritiam infestat.*

- - - / - - / - -

• - / - - / - - / - - / - - / •

**N**ON ebur, neque aureum  
 Mea renidet in domo lacunar:  
 Non trabes Hymettiae  
 Premunt columnas ultima recisas  
 Africa: neque Attali  
 Ignotus heres regiam occupavi:  
 Nec Laconicas mihi  
 Trahunt honestae purpuras Clientae;  
 At fides & ingeni  
 Benigna vena est, pauperemque dives  
 Me petit: nihil supra  
 Deos laceſso; nec potentem amicum  
 Largiora flagito,  
 Satis beatus unicus Sabinis.  
 Truditur dies die,  
 Novaeque pergunt interire Lunae:  
 Tu secunda marmora

Locas sub ipsum funus ; & , sepulcri  
Immemor , struis domos ;  
Marisque Baiis obstrepentis urges  
Summovere littora ,  
Parum locuples continente ripa.  
Quid quod usque proximos  
Revellis agri terminos , & ultra  
Limites clientium  
Salis avarus ? pellitur paternos  
In sinu ferens Deos  
Et uxor , & vir , sordidosque natos.  
Nulla certior tamen  
Rapacis Orci sine destinata  
Aula divitem manet  
Herum. Quid ultra tendis ? Æqua tellus  
Pauperi recluditur ,  
Regumque pueris ; nec satellites Orci  
Callidum Promethea  
Revexit auro captus. Hic superbum  
Tantalum , atque Tantali  
Genus coërcet : hic levare functum  
Pauperem laboribus ,  
Vocatus , atque non vocatus , audit.




## O D E XIX.

## D I T H Y R A M B U S.

Lib. I. Ode 9.

**B**ACCUM in remotis carmina rupibus  
 Vidi docentem, credite, posteri,  
     Nymphasque discentes, & aures  
     Capripedum Satyrorum acutas.  
 Evœ, recenti mens trepidat metu,  
 Plenoque Bacchi pectore turbidum  
     Latatur! Evœ, parce, Liber,  
     Parce, gravi metuende thyrsos!  
 Fas pervicaces est mihi Thyiadas,  
 Vinique fontem, lactis & uberes  
     Cantare rivos, atque truncis  
     Lapsa cavis iterare mella.  
 Fas & beatæ conjugis additum  
 Stellis honorem, tectaque Penthei  
     Disiecta non leni ruina,  
     Thracis & exitium Lycurgi.  
 Tu flectis amnes, tu mare Barbarum:  
 Tu separatis uvidus in jugis  
     Nodo coërces viperino  
     Bistonidum sine fraude crines.  
 Tu, quum parentis regna per arduum  
 Cohors Gigantum scanderet impia,  
     Rhœtum retorsisti leonis  
     Unguibus, horribilique mala:  
 Quanquam choreis aptior, & jocis,  
 Ludoque dictus, non sat idoneus

Pugnæ ferebaris : sed idem  
 Pacis eras mediusque belli.  
**T**e vidit insons Cerberus aureo  
 Cornu decorum , leniter atterens  
 Caudam , & recedentis , trilingui  
 Ore pedes , tetigitque crura.



AD MÆCENATEM.

ODE XX.

*Æternam sibi ex suis carminibus famam pollicetur.*

Lib. 1. Ode 9.

**N**ON usitata , nec tenui ferar  
 Penna biformis per liquidum æthera  
 Vates ; neque in terris morabor  
 Longius ; invidiaque major  
 Urbes relinquam ; non ego pauperum  
 Sanguis parentum , non ego , quem vocas ,  
 Dilecte Mæcenas , obibo ,  
 Nec Stygia cohibebor unda.  
 Jam jam residunt crucibus asperæ  
 Pelles , & album mutor in alitem ,  
 Superne ; nascunturque leves  
 Per digitos , humerosque plumæ ;  
 Jam Dædaleo tutior Icaro  
 Visam gementis littora Bospori ,  
 Syrtesque Gætulas canorus  
 Ales , Hyperboreosque campos.

62 Q. HOR. FLACCI

Me Colchus, & qui dissimulat metum  
Marsæ cohortis, Dacus, & ultimi  
Noscent Geloni: me peritus  
Discet Iber, Rhodanique potor.  
Absint inani funere Neniz,  
Luctusque turpes, & querimoniz:  
Compesce clamorem, ac sepulcri  
Mitte supervacuos honores.

*Finis secundi Libri Lyricorum.*





*Q. HORATII FLACCI*  
**O D A R U M**  
**L I B E R I I I .**

\*\*\*\*\*

**O D E I .**

*Non opibus, aut honoribus, sed animi tranquillitate vitam beatam effici.*

**Lib. I. Ode 9.**



**O** I profanum vulgus, & arceo:  
Favete linguis: carmina non prius  
Audita, Musarum sacerdos,  
Virginibus, puerisque canto.  
Regum timendorum, in proprios  
greges,  
Reges in ipsos, imperium est Jovis,



Clari Giganteo triumpho ,  
 Cuncta supercilio moventia.  
 Est ut viro vir latius ordinet  
 Arbusta fulcis ; hic generosior  
 Descendat in Campum petitor :  
 Moribus hic , meliorque fama  
 Contendat : illi turba clientium  
 Sit major. Æqua lege Necessitas  
 Sortitur insignes , & imos :  
 Omne capax movet urna nomen.  
 Distriktus ensis cui super impia  
 Cervice pendet , non Siculæ dapes  
 Dulcem elaborabunt saporem ;  
 Non avium , citharæque cantus  
 Somnum reducent. Somnus agrestium  
 Lenis virorum non humiles domos  
 Fastidit , umbrosamque ripam ,  
 Non Zephyris agitata Tempo.  
 Desiderantem quod satis est , neque  
 Tumultuosum sollicitat mare ,  
 Nec sævus Arcturi cadentis  
 Impetus , aut orientis Hædi :  
 Non verberatæ grandine vineæ ,  
 Fundusque mendax , arbore nunc aquas  
 Culpante , nunc torrentia agros  
 Sidera , nunc hyemes iniquas.  
 Contracta pisces æquora sentiunt ,  
 Jactis in altum molibus : huc frequens  
 Cæmenta demittit redemptor  
 Cum famulis , dominusque terræ  
 Fastidiosus : Sed timor , & minæ  
 Scandunt eodem quo dominus ; neque  
 Decedit ærata triremi , &  
 Post equitem sedet atra cura.  
 Quod si dolentem nec Phrygius lapis ,  
 Nec purpurarum fidere clarior

Delenit

Delenit usus, nec Falerna  
 Vitis, Achæmeniumque costum:  
 Cur invidendis postibus, & novo  
 Sublime ritu moliar atrium?  
 Cur valle permutem Sabina  
 Divitias operosiores?



A D A M I C O S.


O D E I I.

*Bellicam fortitudinem, probitatem, & arcani fidem  
 commendat.*

Lib. 1. Ode 9.

**A**NGUSTAM, amici, pauperiem pati  
 Robustus acri militia puer  
 Condiscat, & Parthos feroces  
 Vexet eques metuendus hasta;  
 Vitamque sub dio & trepidis agat  
 In rebus: illum ex mœnibus hosticis  
 Matrona bellantis tyranni  
 Prospiciens, & adulta virgo  
 Suspiret, Eheu, ne rudis agminum  
 Sponsus laceffat regius asperum  
 Tactu leonem, quem cruenta  
 Per medias rapit ira cædes.  
 Dulce & decorum est pro patria mori.  
 Mors & fugacem persequitur virum;  
 Nec parcit imbellis juventæ  
 Poplitibus, timidoque tergo.  
 Virtus, repulsæ nescia sordidæ, in-  
 contaminatis fulget honoribus;  
 Nec sumit, aut ponit secures,  
 Arbitrio popularis auræ.

Virtus, recludens immeritis mori  
 Coelum, negata tentat iter via;  
 Coetusque vulgares, & udam  
 Spernit humum fugiente penna.  
 Est & fideli tuta silentio  
 Merces. Vetabo, qui Cereris sacrum  
 Vulgarit arcanæ, sub iisdem  
 Sit trabibus, fragilemque metum  
 Solvat phaselum. Sæpe Diespiter  
 Neglectus incesto addidit integrum:  
 Raro antecedentem scelestum  
 Deseruit pede pœna claudio.



## O D E I I I.

*Augustum, ne sedem Imperii Trojam transferat, clam  
 dehortatur.*

## Lib. I. Ode 9.

**J**USTUM, & tenacem propositi virum  
 Non civium ardor prava jubentium,  
 Non vultus instantis tyranni  
 Mente quatit solida: neque Auster,  
 Dux inquieti turbidus Adriæ,  
 Nec fulminantis magna Jovis manus.  
 Si fractus illabatur orbis,  
 Impavidum ferient ruinæ.  
 Hac arte Pollux, & vagus Hercules  
 Innixus, arces attingit igneas;  
 Quos inter Augustus recumbens  
 Purpureo bibit ore nectar.  
 Hac te merentem, Bacche pater, tuæ  
 Vexere tigres, indocili jugum  
 Collo trahentes: hac Quirinus  
 Martis equis Acheronta fugit,

Gratum eloquuta consiliantibus  
 Junone Divis: Ilion, Ilion  
 Fatalis, incestusque iudex,  
 Et mulier peregrina vertit  
 In pulverem, ex quo destituit Deos  
 Mercede pacta Laomedon; mihi,  
 Castæque damnatum Minervæ  
 Cum populo, & duce fraudulento.  
 Jam nec Lacænae splendet adulteræ  
 Famosus hospes, nec Priami domus  
 Perjura pugnaces Achivos  
 Hectoreis opibus refringit;  
 Nostrisque ductum seditionibus  
 Bellum resedit: protinus & graves  
 Iras, & invisum nepotem,  
 Troica quem peperit sacerdos,  
 Marti redonabo: illum ego lucidas  
 Inire sedes, ducere nectaris  
 Succos, & adscribi quietis  
 Ordinibus patiar Deorum.  
 Dum longus inter sæviat Ilion,  
 Romanque pontus, qualibet exules  
 In parte regnanto beati:  
 Dum Priami, Paridisque busto  
 Insultet armentum, & catulos feræ  
 Celent inultæ: stet Capitolium  
 Fulgens, triumphatisque possit  
 Roma ferox dare jura Medis.  
 Horrenda late nomen in ultimas  
 Extendat oras, qua medius liquor  
 Secernit Europen ab Afro,  
 Qua tumidas rigat arva Nilus.  
 Aurum irreperitum, & sic melius situm  
 Quam terra celat, spernere fortior,  
 Quam cogere humanos in usus,  
 Omne sacrum rapiente dextra.  
 Quicunque mundo terminus obstitit,

Hunc tangat armis, visere gestiens  
 Qua parte debacchentur ignes,  
 Qua nebulæ, pluviique rores,  
 Sed bellicosæ fata Quiritibus  
 Hac lege dico, ne nimium pii,  
 Rebusque fidentes, avitæ  
 Testa velint reparare Trojæ.  
 Trojæ renascens alite lugubri  
 Fortuna tristi clade iterabitur,  
 Ducente victrices catervas  
 Conjuge me Jovis, & sorore,  
 Ter si resurgat murus ænéus  
 Auctore Phœbo, ter pereat meis  
 Excisus Argivis; ter uxor  
 Capta virum, puerosque ploret!  
 Non hæc jocosæ conveniunt lyræ;  
 Quo, Musa, tendis? desine, pervicax,  
 Referre sermones Deorum, &  
 Magna modis tenuare parvis.



## A D C A L L I O P E N.

## O D E I V.

*Iis qui in Deorum tutelâ sunt, bene omnia cedere.*

Lib. I. Od. 9.

**D** E S C E N D E Cœlo, dic, age, tibia,  
 Regina, longum, Calliope, melos,  
 Seu voce nunc mavis acuta,  
 Seu fidibus, citharave Phœbi,  
 Auditis? an me ludit amabilis  
 Insania? audire & videor pios  
 Errare per lucos, amœnæ  
 Quos & aquæ subeunt, & auræ.

Me fabulosæ vulture in Appulo,  
Altricis extra limen Apuliæ,  
Ludo, fatigatumque somno,  
Fronde nova puerum palumbes  
Texere, mirum quod foret omnibus,  
Quicumque celsæ nidum Acherontæ,  
Saltusque Bantinos, & arvum  
Pingue tenent humilis Ferenti:  
Ut tuto ab atris corpore viperis  
Dormirem, & urfis; ut premerer sacra  
Lauroque, collataque myrto,  
Non sine Dis animosus infans,  
Vester, Camœnæ, vester in arduos  
Tollor Sabinos; seu mihi frigidum  
Præneſte, seu Tibur ſupinum,  
Seu liquidæ placuere Baiæ.  
Vestris amicū fontibus, & choris,  
Non me Philippiſ verſa acies retro,  
Devota non extinxit arbor,  
Nec Sicula Palinurus unda.  
Utcunq; mecum vos eritis, libens  
Infanientem navita Boſporum  
Tentabo, & arentes arenas  
Littoris Aſſyrii viator.  
Viſam Britannos hoſpitibus feros,  
Et lætum equino ſanguine Concanum;  
Viſam pharetratos Gelonos,  
Et Scythicum inviolatus amnem,  
Vos Cæſarem altum, militia ſimul  
Feſſas cohorteſt abdidit oppidiſ,  
Finire quærentem laboreſ,  
Pierio recreatiſ antro.  
Vos lene conſilium & datiſ, & dato  
Gaudetiſ, almæ. Scimus ut impioſ  
Titanas, immanemque turmam,  
Fulmine ſuſtulerit caduco,  
Qui terram inertem, qui mare temperæ

Ventosum, & umbras, regnaque tristia;  
 Divosque, mortalesque turbas  
 Imperio regit unus æquo.  
 Magnum illa terrorem intulerat Jovi,  
 Fidens, juvenus horrida, brachiis,  
 Fratresque tendentes opaco  
 Pelion imposuisse Olympo:  
 Sed quid Typhœus, & validus Mimas,  
 Aut quid minaci Porphyryon statu,  
 Quid Rhoetus, evulsisque truncis  
 Enceladus jaculator audax,  
 Contra sonantem Palladis Ægida  
 Possent ruentes? hinc avidus stetit  
 Vulcanus, hinc matrona Juno, &  
 Nunquam humeris positurus arcum,  
 Qui rore puro Castaliæ lavit  
 Crines solutos, qui Lyciæ tenet  
 Dumeta, natalemque sylvam,  
 Delius & Patareus Apollo.  
 Vis consili expers mole ruit sua,  
 Vim temperatam Dî quoque provchante  
 In majus: iidem odere vires  
 Omne nefas animo moventes.  
 Testis mearum centimanus Gyges  
 Sententiarum notus, & integræ  
 Tentator Orion Dianæ,  
 Virginea domitus sagitta.  
 Injecta monstris terra dolet suis;  
 Mœretque partus fulmine luridum  
 Missos ad Orcum: nec peredit  
 Impositam celer ignis Ætnam;  
 Incontinentis nec Tityi jecur  
 Relinquit ales, nequitiae additus  
 Custos: amatorem trecentæ  
 Pirithoum cohibent catenæ.



## O D I V.

*Augustum laudat, quòd armorum suorum metu Britannos, maximè verò Parthos, subegisset.*

Lib. 1. Od. 9.

**C**ÆLO tonantem credidimus Jovem  
 Regnare: præsens divus habebitur  
 Augustus, adjectis Britannis  
 Imperio, gravibusque Persis.  
 Milesne Crassi conjuge barbara  
 Turpis maritus vixit? & hostium,  
 Proh Curia, inversique mores!  
 Consenuit focerorum in armis,  
 Sub rege Medo, Marsus, & Appulus,  
 Anciliorum, nominis & togæ  
 Oblitus, æternæque Vestæ,  
 Incolumi Jove, & urbe Roma?  
 Hoc caverat mens provida Reguli  
 Dissidentis conditionibus  
 Foedis; & exemplo trahenti  
 Perniciem veniens in ævum,  
 Si non periret immiserabilis  
 Captiva pubes. Signa ego Punicis  
 Affixa delubris, & arma  
 Militibus sine cæde, dixit,  
 Derepta vidi: vidi ego civium  
 Retorta tergo brachia libero,  
 Portasque non clausas, & arva  
 Marte coli populata nostrò.  
 Auto repensus scilicet acrior  
 Miles redibit? flagitio additis  
 Damnum. Neque amissos colores  
 Lana refert medicata fuce;



Nec vera virtus, quam semel excidit,  
Curat reponi deterioribus.

Si pugnat extricata densis

Cerva plagis, erit ille fortis,

Qui perfidis se credidit hostibus;

Et Marte Pœnos proteret altero,

Qui lora restrictis lacertis

Sensit iners, timuitque mortem.

Hic unde vitam sumeret inscius,

Pacem duello miscuit O pudor!

O magna Carthago probrosis

Altior Italiæ ruinis!

Fertur pudicæ conjugis osculum,

Parvosque natos, ut capitis minor,

A se removisse, & virilem

Torvus humi posuisse vultum;

Donec labantes consilio Patres

Firmaret auctor nunquam alias dato,

Interque mœrentes amicos

Egregius properaret exul.

Atqui sciebat quæ sibi Barbarus

Tortor pararet. Non aliter tamen

Dimovit obstantes propinquos,

Et populum reditus morantem,

Quam si clientum longa negotia

Dijudicata lite relinqueret,

Tendens Venafranos in agros,

Aut Lacedæmonium Tarentum.

AD



A D R O M A N O S.

O D E V I.

*Religionis contemptum, & morum corruptelam maxima  
Romanis mala intulisse.*

Lib. 1. Ode 9.

**D**ELICTA majorum immeritus lucus,  
Romane, donec templa refeceris,  
Ædesque habentes Deorum, &  
    Fœda nigro simulacra fumo.  
Dls te minorem quod geris, imperas:  
Hinc omne principium, huc refer exitum.  
    Dl multa neglecti dederunt  
    Hesperia mala luctuosæ.  
Jam bis Monæses, & Pacori manus  
Non auspicatos contudit imperus  
    Nostros, & adjecisse prædam  
    Torquibus exiguis renidet.  
Pene occupatam seditionibus  
Delevit Urbem Dacus, & Æthiops;  
    Hic classe formidatus, ille  
    Missilibus melior sagittis.  
Fœcunda culpæ secula nuptias  
Primum inquinavere, & genus, & domos;  
    Hoc fonte derivata clades  
    In patriam, populumque fluxit:  
Motus doceri gaudet Ionicos  
Matura virgo; & fingitur artibus  
    Jam tunc, & incestos amotes  
    De tenero meditatur ungui.  
Mox juniores quærit adulteros  
Inter mariti vinâ, neque eligit

G

# 74 Q. HOR FLA GGI

Cui donet impermissa raptim  
 Gaudia, luminibus remotis;  
 Sed iussa coram non sine conscio  
 Surgit marito, seu vocat institor,  
 Seu navis Hispanæ magister,  
 Dedecorum pretiosus emtor.  
 Non his juvenus orta parentibus  
 Infecit æquor sanguine Punico;  
 Pyrrhumque, & ingentem cecidit  
 Antiochum, Annibalemque ditam;  
 Sed rusticorum mascula militum  
 Proles, Sabellis docta ligonibus  
 Versare glebas, & severæ  
 Matris ad arbitrium recisas  
 Portare fustes, sol ubi montium  
 Mutaret umbras, & iuga demeret  
 Bobus fatigatis, amicum  
 Tempus agens absente curra.  
 Damnosa quid non imminuit dies?  
 Ætas parentum, peior avis, tulit  
 Nos nequiores, mox daturos  
 Progeniem vitiosiorum.



## A D A S T E R I E N.

### O D E VII.

*Solatur eam de mariti absentia sollicitam, & ut de  
 ejus fide perseveret hortatur.*

Lib. 2. Ode 5.

**Q**UID fies, Asterie, quem tibi candidi  
 Primo restitunt vere Favonii,  
 Thyne merce beatum,  
 Constantis juvenem fide

Gygen ? Ille Notis actus ad Oricum

Post insana Capræ fidera , frigidæ

Noctes non sine multis

Insomnis lacrymis agit.

Atqui sollicitæ nuntius hospitæ ,

Suspirare Chloën , & miseram tuis

Dicens ignibus uri ,

Tentat mille vasci modis.

Ut Proctum mulier perfida credulum

Falsis impulerit criminibus , nimis

Casto Bellerophonti

Maturare necem , refert :

Narrat pene datum Pelca Tartaro ,

Magneffam Hippolyten dum fugit abstinens ;

Et peccare docentes

Pellax historias movet ,

Frustra : nam scopulis furdior leari

Voces audit adhuc integer , at tibi

Ne vicinus Enipeus

Plus iusto placeat , cave :

Quamvis non alius flectere equum scilicet

Aque conspicitur gramine Martio :

Nec quisquam citus atque

Tusco denatas alveo.

Prima nocte domum claude , neque in vias

Sub cantu querulæ despice tibi ;

Et te sæpe vocanti

Duram , difficilis mano.

78 Q. HOR. FLACCUS

Pro quo bis. patiar mori,  
Si parcent puero fata superstiti.

H O R A T I U S

Quid si prisca redit Venus,  
Diductosque iugo cogit aheneo?  
Si flava excutitur Chloë,  
Rejosaque patet janua Lydiæ?

L Y D I A.

Quanquam fidere pulchrior  
Ille est, tu levior cortice, & improbo  
Iracundiôr Adria,  
Tecum vivere amem, tecum obeam libens.



A D L Y C E N.

O D E X.

*Ut posita queritis, aliqua ipsius misericordia capiatur.*

Lib. 1. Od. 6.

**E**XTRIMUM Tanain si biberes, Lyce,  
Sævo nupta viro, me tamen asperas  
Porrectum ante fores objicere incolis  
Plorares Aquilonibus.  
Audis quo strepitu janua, quo nemus  
Inter pulchra situm testa remugiat  
Ventis? & positas ut glaciât nives  
Puro numine Jupiter?  
Ingratam Veneri pone superbiam,  
Ne corrente retro funis eat rota.

Non te Penelopem difficilem proci  
 Tyrhenus genuit parens.  
 O, quamvis neque te munera, nec preces,  
 Nec tinctus viola pallor amantium,  
 Nec vir Pieria pellice faucibus  
 Curvat; supplicibus tuis  
 Parcas, nec rigida mollior esculo,  
 Nec Mauris animum mitior anguibus.  
 Non hoc semper erit liminis, aut aquæ  
 Cælestis patiens latus.



## A D M E R C U R I U M.

## O D E X I.

*Gravissimas vel in inferis penas servitia consti-  
 tutas esse.*

Lib. I. Od. 2.

**M**ERCURI, (nam te doctis magistro  
 Movit Amphion lapides canendo)  
 Tuque Testudo, resonare seprem  
 Callida nervis,  
 Nec loquax olim, neque grata, nunc &  
 Divitum mensis & amica templis,  
 Dic modos, Lyde quibus obstinatas  
 Applicet aures.  
 Quæ, velut latis equa trima campis,  
 Ludit exultem, metuitque tangi,  
 Nuptiarum experts, & adhuc protervò  
 Cruda marito.  
 Tu potes tigres, comitesque sylvas  
 Ducere, & rivos celeres morari.  
 Cessit immanis tibi blandienti  
 Janitor aulæ

G 4

Cerberus: quamvis furiale centum  
 Muniant angues caput, æstuetque  
 Spiritus teter, saniesque manet  
 Ore trilingui.

Quin & Ixion, Tityosque vultu  
 Risit invito: stetit urna paulum.  
 Sicca, dum grato Danaï puellas  
 Carmine mulces.

Audiat Lyde scelus, atque notas  
 Virginum pœnas, & inane lymphas  
 Dolum fundo pereuntis imo;  
 Seraque fata,

Quæ manent culpas etiam sub Orco.  
 Impiæ, nam quid potuere majus?  
 Impiæ sponfos potuere duro  
 Perdere ferro.

Una de multis, face nuptiali  
 Digna, perjurum fuit in parentem  
 Splendide mendax, & in omne virgo  
 Nobilis ævum:

Surge, quæ dixit juveni marito,  
 Surge, ne longus tibi somnus, unde  
 Non times, detur: focerum, & scelestas  
 Falle sorores;

Quæ velut nactæ vitulos leænæ,  
 Singulos, cheu! lacerant: ego illis  
 Mollior, nec te feriam, nec intra  
 Clausura tenebo.

Me pater sævis oneret catenis,  
 Quod viro clemens misero peperci,  
 Me vel extremos Numidarum in agros  
 Classe releget,

I, pedes quo te rapiunt, & auræ,  
 Dum favet nox, & Venus; i secundo  
 Omine, & nostri memorem sepulcro in-  
 sculpe querelam!

\*\*\*\*\*

## A D N E O B U L E N.

## O D E X I I.

*Eam, Hebræi adolescentis amore captam, inertia  
se ac desidia dedisse.*

Duo priores — — — / — — — — / — — — —  
Tertius — — — — / — — — — / — — — — / — — — —

**M** I S E R A R U M est, neque amori dare ludum,  
Neque dulci mala vino lavere, aut ex-  
animari, metuentes patræ verbera linguæ.  
Tibi qualum Cythereæ puer ales,  
Tibi telas, operosæque Minervæ  
Studium aufert, Neobule, Liparæi nitor Hebræi;  
Eques ipso melior Bellerophonte,  
Neque pugno, neque sagæ pede victus,  
Simul unctos Tiberinis humeros lavit in undis;  
Catus idem per apertum fugientes  
Agitato grege cervos jaculari, &  
Celer alto latitantem fruticeto excipere aprum.

~~~~~

A D F O N T E M D I G E N T I A M.

O D E X I I I.

*Fonti sacrificium, & ab versibus suis celebritatem
spendet.*

Lib. I. Ode 5.

O F O N S Bandusæ, splendidior vitro,
Dulci digne mero, non sine floribus,

32 Q. HOR. FLACCI

Cras donaberis hædo ,
 Cui frons turgida cornibus
 Primis, & Venerem, & prælia destinat,
 Frustra : nam gelidos inficiet tibi
 Rubro sanguine rivos
 Lascivi soboles gregis.
 Te fragrantis atrox hœra Caniculæ
 Nescit tangere ; tu frigus amabile
 Fessis vomere tauris
 Præbes, & pecori vago.
 Fies nobilium tu quoque fontium,
 Me dicente cavis impositam ilicem
 Saxis, unde loquaces
 Lymphæ defiliunt tuæ.



ODE XIV.

Augusti reditum ex Hispania celebrat.

Lib. 1. Ode 2.

HERCULIS ritu modo dictus, ô plebs,
 Morte venalem petisse laurum,
 Cæsar, Hispana repetit penatos
 Victor ab ora.
 Unico gaudens mulier marito
 Prodeat, justis operata Divis;
 Et soror clari ducis, & decoræ
 Supplice vitta
 Virginum matres, juvenumque nupes
 Sospitum. Vos ô pueri, & puellæ
 Jam virum expertæ, male oîmnatis
 Parcite verbis.
 Hic dies vere mihi festus atras
 Eximet curas; ego nec tumultum;

Nec mori per vim mettuam, tenente
Cæsare terras.

I, pete unguentum, puer, & coronas,
Et cadum Marſi memorem duelli,
Spartacum ſi qua potuit vagantem
Fallere reſta.

Dic & argutæ properet Neeræ
Myrrheum novo cohibere crimem,
Si per inviſum mora janitorem
Fiet, abito.

Lenit albeſcens animos capillus,
Litium, & rixæ capidos protervæ.
Non ego hoc ferrem. calidus juvena,
Conſule Planco.



A D C H L O R I N.

O D I X V.

Ut ſaltem virtute, nequitia ac libidini modum ſervat.

Lib. 1. Od. 3.

UXOR pauperis Ibyci,
Tandem nequitia pone modum tux,
Famofisque laboribus:
Maturo propior define funeri
Inter ludere virgines,
Et ſtellis nebulam ſpargere candidis.
Non, ſi quid Pholoën ſatis,
Et te, Chlorig, decet: filia rectius
Expugnat juvenum domos,
Pulſo Thyſas uti concita tympano.
Illam cogit amor Nothi
Læſciæ ſimilem ludere capræ:

84 Q. HOR. FLACCI

Te lanæ prope nobilem
Tonsæ Luceriam, non citharæ, decent ;
Nec flos purpureus rosæ,
Nec poti, vetulam, facce tenus cadi.



A D MÆCENATEM.

ODE XVI.

*Divitias malorum omnium fontem esse, summam vitæ
bonum in medicritate consistere.*

Lib. i. Ode 6.

INCLUSA M Danaën turris ahenea,
Robustæque fores, & vigilum canum
Tristes excubiæ, munierant satis
Nocturnis ab adulteris,
Si non Acrisium; virginis abditæ
Custodem pavidum, Jupiter, & Venus
Rississent: Fore enim tutum iter & patens;
Converso in pretium Deo.
Aurum per medios ire satellites,
Et perumpere amat saxa, potentius
Ictu fulmineo. Concidit auguris
Argivi domus, ob lucrum
Demersa excidio; diffidit urbium
Portas vir Macedo, & subruit æmulos
Reges muneribus. Munera navium
Sævos illaqueant duces.
Crescentem sequitur cura pecuniam,
Majorumque fames. Jure perhorruï
Late conspicuum tollere verticem,
Mæcenas, equitum decus.
Quanto quisque sibi plura negaverit,

A Dis plura feret. Nil cupientium
 Nudæ castra peto, & transfuga, divitum
 Partes linquere gestio:
Contemtæ dominus splendidior rei,
Quam si, quidquid arat non piger Appulus,
 Occultare meis dicerer horreis,
 Magnas inter opes inops.
Puræ rivus aquæ, sylvaque jugerum
Paucorum, & segetis certa fides meæ,
 Fulgentem imperio fertilis Africæ
 Fallit sorte beator.
Quanquam nec Calabræ mella ferunt apes,
Nec Læstrygonia Bacchus in amphora
 Languescit mihi, nec pingua Gallicis
 Crescunt vellera pascuis:
Importuna tamen pauperies abest,
Nec, si plura velim, tu dare deneges.
 Contracto melius parva cupidine
 Vestigalia porrigam,
Quam si Mygdoniis regnum Alyattici
 Campis continuem. Multa petentibus
 Desunt multa: bene est cui Deus obtulit
 Parca, quod satis est, manu.

~~~~~  
**A D Æ L I U M L A M I A M.**

**O D E X V I I.**


*Hortatur ad diem crastinum, qui ater & nubilus  
 fore videbatur, hilare transigendum.*

Lib. 1. Ode 9.

**Æ** L I, vetusto nobilis ab Lamo,  
 Quando & priores hinc Lamias ferunt

# 86 Q. HOR. FLACCI

Denominatos, & nepotam  
 Per memores genus omne fastos,  
 Auctore ab illo ducis originem,  
 Qui Formiarum moenia dicitur  
 Princeps, & iunantem Maricæ  
 Littoribus tenuisse Litim,  
 Late tyrannus: ) cras foliis nemus  
 Multis, & alga litus inuili  
 Emissa tempestas ab Euro  
 Sternet, aquæ nisi fallit augur  
 Annosa cornix. Dum potes, aridam  
 Compone lignum: cras genium mero  
 Curabis, & porco bimestri,  
 Cum famulis operum solutis.



## ODE XVIII.

### AD FAUNUM

#### HYMNUS.

Lib. 1. Ode 2.

**F**AUNE, Nympharum fugientum amator,  
 Per meos fines, & aprica rura  
 Lenis incedas, abeasque parvis  
 Æquus stummis,  
 Si tener pleno cadit hœdus anno;  
 Larga nec desunt Veneris fodali  
 Vina crateræ; vetus ara multæ  
 Fumat odore.  
 Ludit herbofo pecus omne campo,  
 Quam tibi Nonæ redeunt Decembres;  
 Festus in pratis vacat otioso  
 Cum bove pagus;

Inter audaces lupus erat agnos;  
Spargit agrestes tibi sylva frondes;  
Gaudet invisam populisse fossar  
Ter pede terram.



AD TELEPHUM.

ODE XIX.

*Narratorem intempestivum ad conviviū festivitatem  
subitū traducit.*

Lib. 1. Ode 1.

**Q**UANTUM distet ab Inacho  
Codrus, pro patria non timidus mori,  
Naxos, & genus Aëci,  
Et pugnata sacro bella sub Ilis:  
Quo Chium pretio cadum  
Mercedem; quis aquam temperet ignibus;  
Quo præbente domum, & quota  
Pelignis caream frigoribus, taces.  
Da Lunæ propere novæ,  
Da Noctis mediæ, da, puer, auguria  
Murenæ. Tribus aut novem  
Miscentor cyathis pocula cornuodis,  
Qui Muias amat impares,  
Ternos ter cyathos attonitus petet  
Vates: tres prohibet supra  
Rixarum metuens tangere Gratia,  
Nudis juncta sororibus.  
Insanire juvat: cur Berecynthias  
Cessant flamina tibis?  
Cur pendet tacita fistula cum lyra?  
Parcentes ego dexteræ

88 Q. HOR. FLACCI

Odi: sparge rosas, audiat invidus  
 Dementem strepitum Lycus,  
 Et vicina seni non habilis Lyco.  
 Spissa te nitidum coma,  
 Puro te similem, Telephe, Vespero,  
 Tempestiva petit Chloë;  
 Me lentus Glyceræ torret amor meæ.



A D P Y R R H U M.

O D E XX.

*Monet quanto periculo Nearchum juvenem amanti  
 puella eripuerit.*

Lib. 1. Ode 2.

**N**ON vides quanto moveas periculo,  
 Pyrrhe, Gætulæ catulos lænæ?  
 Dura post paulo fugies inaudax  
 Prælia raptor,  
 Quum per obstantes juvenum catervas  
 Ibit insignem repetens Nearchum:  
 Grande certamen, tibi præda cedat  
 Major an isti.  
 Interim dum tu celeres sagittas  
 Promis, hæc dentes acuit timendos,  
 Arbiter pugnæ poluisse nudo  
 Sub pede palmam  
 Fertur, & levi recreare vento  
 Sparsum odoratis humerum capillis,  
 Qualis aut Nireus fuit, aut aquosa  
 Raptus ab Ida.

A D

## AD AMPHORAM.

## ODE XXI.

*Minet ut in Messala Corvini gratiam vinum promat  
generosum.*

Lib. I. Ode 9.

**O** NATA mecum Consule Manlio,  
 Seu tu querelas, sive geris jocos,  
     Seu rixam, & insanos amores,  
     Seu facilem, pia testa, somnum;  
 Quocunque lectum nomine Massicum  
 Servas, moveri digna bono die,  
     Descende, Corvino jubente,  
     Promere languidiora vinz.  
 Non ille, quanquam Socraticis madet  
 Sermonibus, te negliget horridus:  
     Narratur & prisca Catonis  
     Sæpe mero caluisse virtus.  
 Tu lene tormentum ingenio admoves  
 Plerumque duro; tu sapientium  
     Curas, & arcanum jocofo  
     Consilium retegis Lyæo:  
 Tu spem reducis mentibus anxiiis,  
 Vireique; & addis cornua pauperi,  
     Post te neque iratos trementi  
     Regum apices, neque militum arma.  
 Te, Liber, & si læta aderit Venus,  
 Segnesque nodum solvere Gratia,  
     Vivæque producent lucernæ,  
     Dum ædiens fugat astra Phoebus.

H





## A D D I A N A M.

## O D E XXII.

*Ob amicam partu feliciter levatam sacrum annum  
pallicetur.*

Lib. I. Ode 9.

**M**ONTIUM custos nemorumque, virgo,  
Quæ laborantes utero puellas  
Ter vocata audis, adimisque leto,  
Diva triformis;  
Imminens villæ tua pinus esto,  
Quam per exactos ego lætus annos,  
Verris obliquum meditantis ictum  
Sanguine donem.



## A D P H I D Y L E N.

## O D E XXIII.

*Deos non tam sumtuosis quàm puris muneribus  
conciliari.*

Lib. I. Ode 9.

**C**ÆLO supinas si tuleris manus  
Nascente Luna, rustica Phidyle;  
Si thure placaris, & horna  
Fruge Lares, avidaque porta;  
Nec pestilentem sentiet Africum

**F**œcunda vitis, nec sterilem seges  
 Rubiginem, aut dulces alumni  
 Pomifero grave tempus anno.  
**N**am quæ nivali pascitur Algidò  
**D**evota, quercus inter, & ilices;  
 Aut crescit Albanis in herbis  
 Victima, pontificum secures  
**C**ervice tinget. Te nihil atinet  
 Tentare multa cæde bidentium,  
 Parvos coronantem maribus  
 Rore Deos, fragillique myrto;  
 Immunis aram si tetigit manus,  
 Non sumtuosa blandior hostia  
 Mollirit aversos Penates  
 Farre pio, & saliente mica.



## A D A V A R U M.

## O D E XXIV.

*Seculi sui vitia insectatur, & totam remedium  
 proponit.*

Lib. I. Ode 7.

**I**N T A C T I S opulentior  
 Theauris Arabum, & divitis Indiæ,  
 Cæmentis licet œcupes  
 Tyrrhenum omne tuis, & mare Apulicum;  
 Sic figit adamantinos  
 Summis verticibus dira Necessitas  
 Claves, non animum thietu,  
 Non mortis laqueis expedit caput.  
 Campêstres melius Scythæ,  
 Quorum plaustra vagas tunc trahunt domos,

H 2



## A D D I A N A M.

## O D E XXII.

*Ob amicam partu feliciter levatam sacrum assensum  
pollicetur.*

Lib. 1. Ode 9.

**M**ONTIUM custos nemorumque, virgo,  
Quæ laborantes utero puellas  
Ter vocata audis, adimisque leto,  
Diva triformis;  
Imminens villæ tua pinus esto,  
Quam per exactos ego lætus annos,  
Verris obliquum meditantis ictum  
Sanguine donem.



## A D P H I D Y L E N.

## O D E XXIII.

*Deos non tam sumtuosis quàm puris numeribus  
conciliari.*

Lib. 1. Ode 9.

**C**ÆLO supinas si tuleris manus  
Nascente Luna, rustica Phidyle;  
Si thure placaris, & horna  
Fruge Lares, avidaque porta;  
Nec pestilentem sentiet Africum

Fœcunda vitis, nec sterilem leges  
 Rubiginem, aut dulces alumni  
 Pomifero grave tempus anno.  
 Nam quæ nivali pascitur Algidò  
 Devota, quercus inter, & ilices;  
 Aut crescit Albanis in herbis  
 Victima, pontificum secures  
 Cervice tinget. Te nihil attinget  
 Tentare multa cæde bidentium,  
 Parvos coronantem maribus  
 Rore Deos, fragileque myrto;  
 Immunis aram si tetigit manus,  
 Non sumtuosa blandior hostia  
 Mollirit aversos Penates  
 Farre pio, & saliente mica.



## A D A V A R U M.

## O D E XXIV.

*Seculi sui vitia insectatur, & totam remedium  
 proponit.*

Lib. I. Ode 4.

**I**N T A C T I S opulentior  
 Thesauris Arabum, & divitis Indiæ,  
 Cæmentis licet occupes  
 Tyrrenum omne tuis, & mare Apulicum;  
 Sic figit adamantinos  
 Summis verticibus dira Necessitas  
 Claves, non animum metu,  
 Non mortis laqueis expedies caput.  
 Campetres melius Scythæ,  
 Quorum plaustra vagas hinc trahunt domes,

H 2

Vivunt, & rigidi Getæ;  
 Immetata quibus jugera liberas  
 Fruges, & Cererem ferunt:  
 Nec cultura placet longior annua,  
 Defunctumque laboribus  
 Æquali recreat sorte vicarius.  
 Illic matre cadentibus  
 Privignis mulier temperat innocens;  
 Nec dotata regit virum  
 Conjux, nec nitido fidit adultero.  
 Dos est magna, parentium  
 Virtus, & metuens alterius viri  
 Certo fœdere castitas:  
 Et peccare nefas, aut pretium est mori.  
 O quisquis volet impias  
 Cædes, & rabiem tollere civicam,  
 Si quæret, Pater urbium  
 Subscribi statuis, indomitam audeat  
 Refrænare licentiam,  
 Clarus post genitis: quatenus, heu nefas!  
 Virtutem incolumem odimus,  
 Sublatam ex oculis quærimus invidi.  
 Quid tristes querimoniz,  
 Si non supplicio culpa reciditur?  
 Quid leges sine moribus  
 Vanæ proficiunt? si neque fervidis  
 Pars inclusa caloribus  
 Mundi, nec Boreæ finitimum latus,  
 Duratæque solo nives  
 Mercatorem abigunt? Horrida callidi  
 Viacunt æquora navitæ?  
 Magnum pauperies opprobrium jubet  
 Quidvis & facere, & pati;  
 Virtutisque viam deserit arduæ?  
 Vel nos in Capitolium,  
 Quo clamor vocat, & turba faventium;  
 Vel nos in mare proximum

Gemmas, & lapides, aurum & inutile,  
 Summi materiam mali,  
 Mittamus. Scelerum si bene poenitet,  
 Eradenda cupidinis  
 Pravi sunt elementa; & teneræ nimis  
 Mentis asperioribus  
 Firmandæ studiis. Nescit equo rudis  
 Hærerë ingenuus puer,  
 Venarique timet; ludere doctior  
 Seu Græco jubeas trocho,  
 Seu malis vetita legibus alea!  
 Quum perjura patris fides  
 Consortem socium fallat, & hospitem;  
 Indignoque pecuniam  
 Heredi properet! Scilicet improbæ  
 Crescunt divitiæ, tamen  
 Curtæ nescio quid semper abest rei.



## O D E X X V.

## D I T H Y R A M B U S.

*Octaviani laudes, Baccho auspice, exequi meditatur.*

Lib. 1. Ode 2.

**Q**UO me, Bacche, rapis tui  
 Plenum? quæ nemora, aut quos agor in specus,  
 Velox mente nova? quibus  
 Antris, egregii Cæsaris audiar  
 Æternum meditans decus  
 Stellis inferere, & concilio Jovis?  
 Dicam insigne, recens, adhuc  
 Indictum ore alio. Non secus in jugis  
 Esomnis stupet Evyas,

Hebrum prospiciens, & nive candidam  
 Thracen, ac pede barbaro  
 Lustratam Rhodopen. Ut mihi devio  
 Rupes, & vacuum nemus  
 Mirari liber! ô Naiadum potens,  
 Baccharumque valentium  
 Proceras manibus vertere fraxinos,  
 Nil parvum aut humili modo,  
 Nil mortale loquar. Dulce periculum est,  
 O Lenæ, sequi Deum  
 Cingentem viridi tempora pampino.



## A D V E N E R E M.

## O D E XXVI.

*Se jam senem factum amatoria arua Penei dicere*

Lib. 1. Ode 9.

**V**ixi puellis nuper idoneus,  
 Et militavi non sine gloria:  
 Nunc arua, defunctumque bello  
 Barbiton hic paries habebit,  
 Lævum marinæ qui Veneris latus  
 Custodit. Hic, hic ponite lucida  
 Funalia, & vèctes, & arcus  
 Oppositis foribus minaces.  
 O quæ beatam, Diva, teneas Cyprum, &  
 Memphin carentem Sithonia nêve,  
 Regina, sublimi flagello  
 Tange Chloën semel, arrogantem.



AD LÆLIAM GALLAM.

ODE XXVII.

*Abeuntem secundis votis prosequutus, navigationis  
pericula, ac maxime Europæ exemplum ipsi  
proponit.*

Lib. I. Ode 2.

**I**MPIOS paræ recinentis omen  
Ducit, & prægnans canis, aut ab agro  
Rava decurrens lupa Lanuvino,  
    Foetæque vulpes:  
Rumpit & serpens iter institutum,  
Si per obliquum similis sagittæ  
Terruit mannos. Ego cui timebo,  
    Providus suspex,  
Antequam stantes reperat paludes  
Imbrium divina avis imminentum,  
Oscinem corvum prece suscitabo  
    Solis ab ortu.  
Sis licet felix ubicunque mavis,  
Et memor nostri, Galatea, vivas;  
Namque nec lævus vetat ire picas,  
    Nec vaga cornix.  
Sed vides quanto trepidat tumultu  
Pronus Orion? Ego, quid sit ater  
Adriæ, novi, finus; & quid albus  
    Peccet Iapex.  
Hostium uxores, puerique cæcos  
Sentiant motus orientis Austri, &  
Æquoris nigri fremitum, & tremencos  
    Verbere ripas.



Sic & Europe niveum doloso  
 Credidit tauro latus, & scatentem  
 Belluis pontum, mediasque fraudes  
 Palluit audax.

Nuper in pratis studiosa florum, &  
 Debitæ Nymphis opifex coronæ,  
 Nocte sublustri, nihil astra præter  
 Vidit, & undas.

Quæ simul centum tetigit potentem  
 Oppidis Creten, Pater, ô relictum  
 Filix nomen, pietasque, dixit,  
 Victa furore.

Unde, quo veni? levis una mors est  
 Virginum culpæ, vigilansne ploror  
 Turpe commissum? an vitio carentem  
 Ludit imago

Vana, quæ porta fugiens eburna  
 Somnium ducit? meliusne fluctus  
 Ire per longos fuit, an recentes  
 Carpere flores?

Si quis infamem mihi nunc juvenum  
 Dedat iratæ, lacerare ferro, &  
 Frangere enitar modo multum amati  
 Cornua monstri.

Impudens liqui patrios Penates,  
 Impudens Orcum moror. O Deorum  
 Si quis hæc audis, utinam inter errem  
 Nuda leones!

Antequam turpis macies decentes  
 Occupet malas, teneræque succis  
 Defluat prædæ, speciosa quero  
 Pascere tigres.

Vilis Europe, pater urget absens:  
 Quid mori cessas? potes hac ab ornat  
 Pendulum zona bene te sequuta e-  
 lidere collum.

Sive te rupes, & acuta lato

Saxa

Saxa delectant, age, te procellæ  
 Crede veloci; nisi herile mavis  
 Carpere pensum,  
 Regius sanguis, dominæque tradi  
 Barbaræ pellex. Aderat querenti  
 Perfidum ridens Venus, & remisso  
 Filius arcu:

Mox ubi ludit satis; abstineto,  
 Dixit, irarum, calidæque rixæ,  
 Quum tibi invisus laceranda reddes  
 Cornua taurus.  
 Uxor invicti Jovis esse nescis.  
 Mitte singultus; bene ferre magnam  
 Disce fortunam; tua sectus orbis  
 Nomina ducet.

AD LYDEN.


ODE XXVIII.

*Ad transigenda hilariter Neptunalia in ejus  
 domum se invitat.*

Lib. I. Ode 3.

**F**ESTO quid potius die  
 Neptuni facias? prome reconditum,  
 Lyde strenua, Cæcubum;  
 Munitæque adhibe vim sapientiæ.  
 Inclinare meridiem  
 Sentis; ac, veluti stet volucris dies,  
 Parcis deripere horreo  
 Cessantem Bibuli Consulis amphoram.  
 Nos cantabimus invicem  
 Neptunum, & virides Nereidum comas;

Tu curva recines lyra  
 Latonam, & celeris spicula Cynthiæ :  
 Summo carmine, quæ Cnidon  
 Fulgentesque tenet Cycladas, & Paphon  
 Junctis visit oloribus.  
 Dicetur merita Nox quoque Nenia.



## A D MÆCENATEM.

## ODE XXIX.

*Invitat ad frugalem cœnam, et ut anxias de rebus  
 futuris curas omittat, sapienter admonet.*

Lib. I. Ode 9.

**T**YRRHENA regum progenies, tibi  
 Non ante verso lene merum cado  
 Cum flore, Mæcenas, rosarum, &  
 Pressa tuis balanus capillis  
 Jamdudum apud me est : eripe te moræ,  
 Ne semper udum Tibur, & Æsulæ  
 Declive contempleris arvum, &  
 Telegoni juga patriciæ.  
 Fastidiosam desere copiam, &  
 Molem propinquam nubibus arduis;  
 Omitte mirari beatæ  
 Fumum, & opes, strepitumque Romæ.  
 Plerumque gratæ divitibus vices,  
 Mundæque parvo sub lare pauperum  
 Cœnæ, sine aulæis, & ostro,  
 Solicitam explicuere frontem.  
 Jam clarus occultum Andromedes pater  
 Ostendit ignem; jam Procyon furit,  
 Et stella vesani Leonis,  
 Sole dies referente ficos.

Jam pastor umbras cum grege languido  
Rivumque fessus quærit, & horridi

Dumetra Sylvani; caretque

Ripa vagis taciturna ventis.

Tu, civitatem quis deceat status,

Curas; & Orbis sollicitus, times

Quid Seres, & regnata Cyro

Bactra parent, Tanaisque discors.

Prudens futuri temporis exitum

Caliginosa nocte premit Deus,

Ridetque, si mortalis ultra

Fas trepidat. Quod adest, memento

Componere æquus: cetera fluminis

Ritu feruntur, nunc medio alveo

Cum pace delabentis Etrus-

cum in mare, nunc lapides adesos,

Stirpesque raptas, & pecus, & domos

Volventis una, non sine montium

Clamore, vicinarque sylvar,

Quum fera diluvies quietos

Irritat amnes. Ille potens sui

Latusque degit, cui licet, in diem

Dixisse, Vixi. Cras vel atra

Nube polum Pater occupato,

Vel sole puro; non tamen irritum

Quodcunque retro est, efficiet; neque

Diffinger, insectumque reddet,

Quod fugiens semel hora vexit.

Fortuna lævo læta negotio, &

Ludum insolentem ludere pertinax,

Transmutat incertos honores;

Nunc mihi, nunc alii benigna.

Laudo manentem: si celeres quatit

Pennas, resigno quæ dedit, & mea

Virtute me involvo, probamque

Pauperiem sine dote quæro.

Non est meum, si mugiat Africis

# ODD Q. HOR. FLACC.

Malus procellis, ad miseræ preces  
 Decurrere, & votis pacisci,  
 Ne Cypriæ, Syriæque merces  
 Addant avaro divitias mari.  
 Tunc me biremis præsidio scaphæ,  
 Tutum per Ægæos tumultus  
 Aura feret, geminusque Pollux.



## ODE XXX.

*Fama perennitatem sibi ab suis versibus pollicetur.*

Lib. I. Ode I.

**E**X X E I monumentum ære perennius,  
 Regalique situ pyramidum altius;  
 Quod non imber edax, non Aquilo impotens.  
 Possit diruere, aut innumerabilis  
 Annorum series, & fuga temporum.  
 Non omnis moriar, multaque pars mei  
 Vitabit Libitinam. Usque ego postera  
 Crescam laude recens, dum Capitolium  
 Scandet cum tacita virgine pontifex.  
 Dicar, qua violens obstrepit Aufidus,  
 Et qua pauper aquæ Daunus agrestium  
 Regnavit populorum, ex humili potens  
 Princeps Æolium carmen ad Italos  
 Deduxisse modos. Sume superbiam  
 Quæsitam meritis, & mihi Delphica  
 Lauro cinge volens, Melpomene, comam.

*Finis tertii Libri Lyricorum.*





Q. HORATII FLACCI  
O D A R U M  
L I B E R I V.



A D V E N E R E M.

O D E I.

*Se jam ea atate esse, ut à rebus Venereis alieno  
animo esse debeat.*

Lib. 1. Ode 3.



N T E R M I S S A Venus diu,  
Rursus bella moves? parce, precor,  
precor;

Non sum qualis eram bonæ  
Sub regno Cynaræ. Desine, dulcium  
Mater sæva Cupidinum,

Circa lustra decem flectere mollibus

I 3

Jam durum imperiis: abi  
 Quo blandæ juvenum te revocant preces.  
 Tempestivius in domo  
 Pauli, purpureis ales oloribus,  
 Comestabere Maximi,  
 Si torrere jecur quæris idoneum.  
 Namque & nobilis, & decens,  
 Et pro sollicitis non tacitus reis,  
 Et centum puer artium,  
 Late signa feret militiæ tuæ.  
 Et quandoque potentior  
 Largis muneribus riserit æmuli,  
 Albanos prope, te, lacus  
 Ponet marmoream, sub trabe citrea.  
 Illic plurima naribus  
 Duces thura; lyræque, & Berecynthiæ  
 Delectabere tibiæ  
 Mistis carminibus, non sine fistula.  
 Illic bis pueri die  
 Numen cum teneris virginibus tuum  
 Laudantes, pede candido  
 In morem Saliûm ter quatient humum.  
 Me nec fœmina, nec puer  
 Jam, nec spes animi credula mutui,  
 Nec certare juvat mero;  
 Nec vincere novis tempora floribus.  
 Sed cur, heu, Ligurine, cur  
 Manat rara meas lacryma per genas?  
 Cur facunda parum decoro  
 Inter verba cadit lingua silentio?  
 Nocturnis te ego somniis  
 Jam captum teneo; jam volucrem sequor  
 Te per gramina Martii  
 Campi, te per aquas, dure, volubiles.



## A D J U L U M A N T O N I U M.

## O D E I I.

*Invitatus Horatius ad Augusti victorias carmine Pindarico celebrandas, ita se excuset ut id ipsum maximè præstet quod videtur debere.*

Lib. 1. Ode 2.

**P** I N D A R U M quisquis studet aemulari, I-  
 ule, ceratis ope Dædalea  
 Nititur pennis, vitreo daturus  
     Nomina pōnto.  
 Monte decurrens velut amnis, imbres  
 Quem super notas aluere ripas,  
 Fervet, immensusque ruie profundo  
     Pindarus ore:  
 Laurea donandus Apollinari,  
 Seu per audaces nova dithyrambos  
 Verba devolvit, numerisque ferat  
     Lege solutis:  
 Seu Deos, Regesque canit, Deorum  
 Sanguinem, per quos cecidere iusta  
 Morte Centauri; cecidit tremendæ  
     Flamma Chimææ.  
 Sive, quos Elea domum reducit  
 Palma cœlestes; pugilemve, equumve  
 Dicit, & centum potiore signis  
     Munere donat:  
 Flebili sponsæ juvenemve raptum  
 Plorat; & vires, animumque, motef-  
 que aureos deducit in astra, nigro-  
     que invidet Orco.  
 Multa Dirceum levat aura cyncum,

I 4



Tendit, Antoni, quoties in altis  
Nubium tractus; ego, apud Matinæ  
More, modoque,

Grata carpentis thyma per laborem  
Plurimum, circa nemus, uvidique  
Tiburis ripas, operosa parvus  
Carmina fingo.

Concines majore Poëta plectro  
Cæsarem, quandoque trahet feroce,  
Per sacrum clivum, merita decorus  
Fronde, Sicambros:

Quo nihil majus, meliusve terris  
Fata donavere, bonique Divi;  
Nec dabunt, quamvis redeant in aurum  
Tempora priscum.

Concines lætosque dies, & Urbis  
Publicum ludum super impetrato  
Fortis Augusti reditu, forumque  
Litibus orbem.

Tum meæ (si quid loquor audiendum)  
Vocis accedet bona pars; &, ô sol  
Pulcher, ô laudande, canam, recepto  
Cæsare felix.

Tumque dum præcedet, Io Triumphe  
Non semel dicemus, Io Triumphe,  
Civitas omnis; dabimusque Divis  
Thura benignis.

Te decem tauri, totidemque vaccæ,  
Me tener solvet vitulus, relicta  
Matre, qui largis juvenescit herbis  
In mea vota;

Fronte curvatos imitatus ignes  
Tertium Lunæ referentis ortum,  
Qua notam duxit, niveus videri,  
Cetera fulvus.



## A D M E L P O M E N E N.

## O D E I I I.

*Acceptum illi refert quòd aliquem inter Poëtas numerum & locum obtineat.*

Lib. 1. Ode 3.

**Q**UAM tu, Melpomene, semel  
 Nascentem placido lumine videris,  
 Illum non labor Isthmius  
 Clarabit pugilem; non equus impiger  
 Curru ducet Achaico  
 Victorem, neque res bellica Desiis  
 Ornatum solsis ducem,  
 Quod regum tumidas contuderit minas,  
 Ostendet Capitolio:  
 Sed quæ Tibur aquæ fertile perfluunt,  
 Et spissæ nemorum comæ,  
 Fingent Æolio carmine nobilem.  
 Romæ principis urbium  
 Dignatur soboles inter amabiles  
 Vatum ponere me choros;  
 Et jam dente minus mordeor invido.  
 O, testudinis aureæ  
 Dulcem quæ strepitum, Pieri, temperas;  
 O, mutis quoque piscibus  
 Donatura cycni, si libeat, sonum;  
 Totum muneris hoc tui est,  
 Quod monstror digito prætereuntium  
 Romanæ fidicen lyra;  
 Quod spiro, & placeo, si placeo, tuum est.



## ODE IV.

*Claudii Drusi Neronis de Vindeliciis victoriam  
celebrat.*

Lib. 1. Ode 9.

**Q**UALEM ministrum fulminis alitem,  
(Cui rex Deorum regnum in aves vagas  
Permisit, expertum fidelem  
Jupiter in Ganymede flavo)  
Olim juvenas, & patrius vigor  
Nido laborum proposuit incium;  
Vernisque jam nimbis remotis,  
Insolitos docuere nitus  
Venti paventem: mox in ovilia  
Demisit hostem vividus imperus;  
Nunc in reluctantes dracones  
Egit amor dapis, atque pugnae:  
Qualemve lætis caprea pascuis  
Intenta, fulvæ matris ab ubere  
Jam jamque depulsum leonem,  
Dente novo peritura vidit:  
Videre Rhætis bella sub Alpibus  
Drusum gerentem Vindelici: (quibus  
Mos unde deductus per omne  
Tempus Amazonia securi  
Dextras obarmet, quærere distuli;  
Nec scire fas est omnia.) Sed diu  
Lateque victrices catervæ,  
Consiliis juvenis repressæ,  
Sensere quid mens rite, quid indoles  
Nutrita faustis sub penetrallibus  
Posset, quid Augusti paternus  
In pueros animus Neronæ.

**Fortes creantur fortibus, & bonis:**  
**Est in juvenis, est in equis patrum**  
**Virtus; nec imbellem feroces**  
**Progenerant aquilæ columbæ.**  
**Doctrina sed vim promovet insitam;**  
**Rectique cultus pectora roborant:**  
**Utcunque defecere mores,**  
**Indecorant bene nata culpas.**  
**Quid debeat, ô Roma, Neronibus,**  
**Testis Metaurum flumen, & Asdrubal**  
**Devictus, & pulcher fugatis**  
**Ille dies Latio tenebris,**  
**Qui primus alma risit adorea:**  
**Dirus per urbes Afer ut Italas,**  
**Ceu flamma per rædas, vel Euræ**  
**Per Siculas equitavit undas.**  
**Post hoc secundis usque laboribus**  
**Romana pubes crevit, & impio**  
**Vastata Pœnorum tumultu**  
**Fana Deos habuere rectos;**  
**Dixitque tandem perfidus Annibal:**  
**Cervi, luporum præda rapacium,**  
**Seçtamur ultro, quos optimus**  
**Fallere, & effugere est triumphus.**  
**Gens, quæ cremato fortis ab Illo**  
**Jactata Tuscis æquoribus, sacra,**  
**Natosque, maturosque patres**  
**Pertulit Ausonias ad urbes;**  
**Duris ut ilex tonsa bipennibus**  
**Nigræ feraci frondis in Algido,**  
**Per damna, per cædes, ab ipso**  
**Ducit opes, animumque ferro.**  
**Non Hydra secto corpore firmior**  
**Vinci dolentem crevit in Herculem;**  
**Monstrumve summisere Colchi**  
**Majus, Echioniæve Thebæ.**  
**Merces profundo, pulchrior evenit:**

108 Q. HOR. FLACCI

Ludere, multa proruit integrum  
 Cum laude victorem, geritque  
 Prælia conjugibus loquenda.  
 Carthagini jam non ego nuntios  
 Mittam superbos: Occidit, occidit  
 Spes omnis, & fortuna nostri  
 Nominis, Asdrubale interemto.  
 Nil Claudiæ non perficient manus:  
 Quas & benigno numine Jupiter  
 Defendit, & curæ sagaces  
 Expediunt per acuta belli.

\*\*\*\*\*

A D A U G U S T U M.

O D E V.

*Ut reditum in Urbem maturaet.*

Lib. 1. Ode 6.

**D**I V I S orte bonis, optime Romulæ  
 Cuitos gentis, abes jam nimum diu:  
 Maturum reditum pollicitus patrum  
 Sancto concilio, redi.  
 Lucem redde tuæ, dux bone, patriæ.  
 Instar veris enim vultus ubi tuus  
 Affulsit populo, gratior it dies,  
 Et soles melius nitent.  
 Ut mater juvenem, quem Notus invido  
 Flatu Carpathii trans maris æquora  
 Cunctantem spatio longius annuo  
 Dulci distinct a domo,  
 Votis, ominibusque, & precibus vocat,  
 Curvo nec faciem littore demovet;  
 Sic desiderii ista fidelibus  
 Quærit patria Cæsarem.

Tutus bos etenim prata perambulat,  
 Nutrit rura Ceres, almaque Faustitas;  
 Pacarum volitant per mare navitæ;  
 Culpari metuit fides;  
 Nullis polluitur casta domus stupris;  
 Mos, & lex maculosum edomuit nefas;  
 Laudantur simili prole puerperæ;  
 Culpam pœna premit comes.  
 Quis Parthum paveat? quis gelidum Scythen?  
 Quis, Germania quos horrida parturit  
 Fœtus, incolumi Cæsare? quis feræ  
 Bellum curet Iberiæ?  
 Condit quisque diem collibus in suis,  
 Et vitem viduas ducit ad arbores:  
 Hinc ad vina redit lætus, & alteris  
 Te mensis adhibet Deum.  
 Te multa prece, te prosequitur æro  
 Defuso pateris; & Laribus tuum  
 Miscet numen, uti Græcia Castoris,  
 Et magni memor Herculis.  
 Longas ô utinam, dux bone, serias  
 Præstes Hesperia! dicimus integro  
 Sicci mane die, dicimus uvidi,  
 Quum sol Oceano subest.



ODE VI.

*Apollinis & Diana laudes hæc Ode canit, quæ  
 est carmen setulare.*

Lib. I. Ode 2.

**D**IVÆ, quem proles Niobæa magnæ  
 Vindicem linguæ, Tityosque raptor  
 Sensit, & Trojæ prope victor altæ  
 Phœbus Achilles,

210 Q. HOR. FLACCI

Ceteris major, tibi miles impar,  
Filius quamvis Thetidos marinæ  
Dardanas turres quateret tremenda  
Culpide pugnax.

Ille, mordaci velut icta ferro  
Pinus, aut impulsa cnpressus Euro,  
Procidit late, posuitque collum in  
Pulvere Teucro.

Ille, non inclusus equo, Minervæ  
Sacra mentito, male feriatos  
Troas, & lætam Priami choreis  
Falleret aulam:

Sed palam captis gravis, heu nefas, heu !  
Nescios fari pueros Achivis  
Ureret flammis, etiam latentes  
Matris in alvo;

Nâ tuis victus, Venerisque gratæ  
Vocibus Divûm pater annulisset  
Rebus Æneæ potiore ductos  
Alite muros.

Doctus argutæ fidicen Thalæ,  
Phœbe, qui Xantho lavis amne crines,  
Dauniæ defende decus Camœnæ,  
Levis Agyieû.

Spiritum Phœbus mihi, Phœbus artem  
Carminis, nomenque dedit poëtæ.  
Virginum primæ, puerique claris  
Patribus orti,

Delæ tutela Deæ, fugaces  
Lyncas, & cervos cohibentis arcu,  
Lesbium servate pedem, meique  
Pollicis ictum.

Rite Latonæ puerum canentes,  
Rite crescentem face noctilucam,  
Prosperam frugum, ceteremque pronos  
Volvere menses.

Nupta jam dices, ego Dis amicum,

Seculo festas referente luces,  
 Reddidi carmen, docilis modorum  
 Vatis Horati.

XXXXXXXXXXXXXXXXXXXXXXXXXXXXXXXXXXXX

AD L. MANLIUM TORQUATUM.

O D E V I I.

*Illum, propositâ mortis necessitate, ad hilariter  
 jucundeque vivendum inuitat.*

Primus versus est Heroïcus Hexameter,  
 Secundus versus est dimidium Pentametri Elegiaci.

**D**I F F U G E R E nives, redeunt jam gramina  
 campis,  
 Arboribusque comae.  
 Mutat terra vices, & decrefcentia ripas  
 Flumina præter eunz:  
 Gratia cum Nymphis, geminisque fororibus, audez  
 Ducere nuda chæres.  
 Immortalia ne fperes, monet annus, & alumnus  
 Quæ rapit hora diem.  
 Frigora mitefcunt Zephyris; vix protegit æftas,  
 Interitura, fimul  
 Pomifer autumnus fruges effuderit; & mox  
 Bruma recurrit inæss.  
 Damna tamen celeres reparant coelestia Lunæ:  
 Nos ubi decidimus  
 Quo pius Æneas, quo Tullus dives, & Ancus,  
 Pulvis, & umbra fumus.  
 Quis fcit an adjiciant hodiernæ græftina fumus.  
 Tempora Dî fuperi?  
 Cuncta manus ayidas fugient heredis, amico



Quæ dederis animo.

Quum semel occideris, & de te splendida Minos  
Fecerit arbitria,

Non, Torquate, genus, non te facundia, non te  
Restituet pietas:

Infernis neque enim tenebris Diana pudicum  
Liberat Hippolytum;

Nec Lethæa valet Theseus abruptere cago  
Vincula Pirithoo.

~~~~~

AD C. MARTIUM CENSORINUM.

ODE VIII.

Immortalitatem penes Poëtas esse.

Lib. I. Ode I.

DONAREM pateras, grataque commodus,
Censorine, meis æra sodalibus:
Donarem tripodas, præmia fortium
Graiorum, neque tu pessima munerum
Ferres, divite me scilicet artium,
Quas aut Parrhæus protulit, aut Scopas;
Hic saxo, liquidis ille coloribus
Solers nunc hominem ponere, nunc Deum.
Sed non hæc mihi vis; nec tibi talium.
Res est, aut animus deliciarum egens.
Gaudes carminibus, carmina possumus
Dohare, & pretium dicere muneri.
Non incisa notis marmora publicis,
Per quæ spiritus, & vita redit bonis
Post mortem ducibus: non celeres fugæ,
Rejæctæque retrorsum Annibalis minæ;
Non impendia Carthaginis impiæ,
Ejus, qui domita nomen ab Africa

Lucratus

Lucratus rediit, clarius indicant
 Laudes, quam Calabræ Pierides: neque,
 Si chartæ fileant quod bene feceris,
 Mercedem tuleris. Quid foret Iliæ,
 Mavortisque puer, si taciturnitas
 Obstaret meritis invida Romuli?
 Ereptum Stygiis fluctibus Æacum
 Virtus, & favor, & lingua potentium
 Varum divitibus consecrat Insulis.
 Dignum laude virum Musa vetat mori,
 Cœlo Musa beat: sic Jovis interest
 Optatis epulis impiger Hercules:
 Clarum Tyndaridæ fidus ab infimis
 Quassas eripiunt æquoribus rates:
 Ornatus viridi tempora pampino
 Liber vota bonos ducit ad exitus.



AD LOLLIUM.

ODE IX.

*Ejus nomen suis carminibus ab hominum oblivione
conatur vindicare.*

Lib. I. Ode 9.

NE forte credas interitura, quæ
 Longe sonantem natus ad Aufidum,
 Non ante vulgatas per artes
 Verba loquor socianda chordis.
 Non, si priores Mæonius tenet
 Sedes Homerus, Pindaricæ latent,
 Cæque, & Alcæi minaces,
 Stesichorique graves Camœnæ.

K

Nec, si quid olim lufit Anacreon,
 Delevit ætas: spirat adhuc amor,
 Vivuntque commiffi calores
 Æoliæ fidibus puellæ.
 Non fola comtos arfit adulteri
 Crines, & aurum vestibus illitum
 Mirata, regalesque cultus,
 Et comites, Helene Lacæna:
 Primufve Teucer tela Cydonio
 Direxit arcu: non femel Ilios
 Vexata: non pugnavit ingens
 Idomeneus, Sthenelufve folus
 Dicenda Mufis prælia: non ferox
 Hæctor, vel acer Deiphobus graves
 Excepit ictus pro pudicis
 Conjugibus, puerisque, primis.
 Vixere fortes ante Agamemnona
 Multi, fed omnes illacrymabiles
 Urgentur, ignotique longa
 Nocte, carent quia vate fagro,
 Paulum fepultæ diftat inertie
 Celata virtus. Non ego te meis
 Chartis inornatum filebo,
 Totve tuos patiar labores
 Impane, Lolli, carpere lividas
 Obliviones. Eft animus tibi
 Rerumque prudens, & fecundis
 Temporibus, dubiisque rectus;
 Vindex avaræ fraudis, & abftinens
 Ducentis ad fe cuncta pecuniæ;
 Confulque non unius anni,
 Sed quoties bonus, atque fidus
 Iudex honeftum prætulit utili, &
 Rejecit alto dona nocentium
 Vultu, & per obftantes catervas
 Explicuit fua victor arma.
 Non, poffidentem multa, vocaveris

Recte beatum : rectius occupat
 Nomen beati , qui Deorum
 Muneribus sapienter uti ,
 Duramque callet pauperiem pati ,
 Pejusque leto flagitium timet.
 Non ille pro caris amicis
 Aut patria timidus perire.

~~~~~

A D L I G U R I N U M.

## O D E X.

*Monet ut ætatis flore utatur.*

Lib. I. Ode II.

**O** CRUDELIS adhuc , & Veneris mune-  
 ribus potens ,  
 Insperata tuæ quum veniet pluma superbiæ ;  
 Et , quæ nunc humeris involitant , deciderint  
 comæ ,  
 Nunc & qui color est Puniceæ flore prior rosæ ,  
 Mutatus , Ligurine , in faciem verterit hispidam ,  
 Dices , heu ! (quoties te in speculo videris alterum)  
 Quæ mens est hodie , cur eadem non puero fuit ?  
 Vel cur his animis incolumes non redeunt genæ ?



## AD PHYLLIDEM.

## ODE XI.

*Invitat eam ad epulas die natali Mæcenatis.*

Lib. I. Ode 2.

**E**ST mihi nonum superantis annum  
 Plenus Albani cadus; est in horto,  
 Phylli, nectendis apium coronis,  
     Est ederæ vis  
 Multa, qua crines religata fulges:  
 Ridet argento domus: ara, castis  
 Vincita verbenis, aet immolato  
     Spargier agno.  
 Cuncta festinat manus: huc & illuc  
 Curitant mistæ pueris puellæ;  
 Sordidum flammæ trepidant rotantes  
     Vertice fumum.  
 Ut tamen noris quibus advoceris  
 Gaudiis, Idus tibi sunt agendæ,  
 Qui dies mensem Veneris marinæ  
     Findit Aprilem:  
 Jure solennis mihi, sanctiorque  
 Pene natali proprio, quod ex hac  
 Luce Mæcenatæ meus affluentes  
     Ordinat annos.  
 Telephum, quem tu petis, occupavit,  
 Non tuæ sortis juvenem, puella  
 Dives, & lasciva, tenetque grata  
     Compede vinctum.  
 Terret ambustus Phaëthon avaras  
 Spes; & exemplum grave præbet ales

Pegasus, terrenum equitem gravatus  
 Bellerophontem,  
 Semper ut te digna sequare; &, ultra  
 Quam licet sperare, nefas putando,  
 Disparem vites. Age jam meorum  
 Finis amorum,  
 (Non enim posthac alia calebo  
 Fœmina) condisce modos, amanda  
 Voce quos reddas. Minuentur atræ  
 Carmine curæ.



AD PUBLIUM VIRGILIUM  
 MARONEM.

ODÆ XII.

*Illum ad carnem vocat, eâ lege ut suam secum  
 adferat Symbolam.*

Lib. 1. Ode 6.

**J**AM veris comites, quæ mare temperant,  
 Impellunt animæ lintea Thraciæ:  
 Jam nec prata rigent, nec fluvii strepunt  
 Hyberna nive turgidi.  
 Nidum ponit, Iryn flebiliter gemens.  
 Infelix avis, & Cecropiæ domus  
 Æternum opprobrium, quod male barbaræ  
 Regum est ulta libidines.  
 Dicunt in tenero gramine pinguiam  
 Custodes ovium carmina fistula;  
 Delectantque Deum, cui pecus & nigri  
 Colles Arcadiæ placent.  
 Adduxere sitim tempora, Virgili:  
 Sed pressum Calibus ducere Liberum.

118 Q. HOR. FLACCI

Si gestis, juvenum nobilium cliens,  
 Nardo vina merebere.  
 Nardi parvus onyx eliciet cadum,  
 Qui nunc Sulpiciis accubat horreis;  
 Spes donare novas largus, amaraque  
 Curarum eluere efficax.  
 Ad quæ si properas gaudia, cum tæa  
 Velox merce veni: non ego te meis  
 Immunem meditor tingere poculis,  
 Plena dives ut in domo.  
 Verum pone moras, & studium lucri;  
 Nigrorumque memor, dum licet, ignium,  
 Milce stultitiam consiliis brevem.  
 Dulce est desipere in loco.



A D L Y C E N.

O D E XIII.

*Insultat ei, quod jam anus fiat, & libidine flagrans à juvenibus contemnat.*

Lib. I. Ode 5.

**A**U D I V E R E, Lyce, Dî mea vota, Dî  
 Audivere, Lyce: sis anus, & tamen  
 Vis formosa videri,  
 Ludisque, & bibis impudens;  
 Et cantu tremulo, pota, Cupidinem  
 Lentum sollicitas. Ille vitentis, &  
 Doctæ psallere Chiæ  
 Pulchris excubat in genis.  
 Importunus enim transvolat aridas  
 Quercus, & refugit te, quia luridi  
 Dentes, te quia rugæ  
 Turpant, & capitis nives.

Nec Coæ referant jam tibi purpuræ,  
Nec cari lapides; tempora quæ semel  
Notis condita fastis

Inclusit volucris dies.

Quo fugit Venus? heu! quæ color? heu! decens

Quo motus? quid habes illius, illius,

Quæ spirabat amores?

Quæ me suspulerat mihi,

Felix post Cynaram, notaque, & artium

Gratarum facies? sed Cynaræ brevis

Annos fata dederunt,

Servatura diu parem

Cornicis vetulæ temporibus Lycen;

Possent ut juvenes visere fervidi,

Mulas non sine risu,

Dilapsam in cineres facem.

\*\*\*\*\*

## A D A U G U S T U M

### O D I X I V.

*Drusi de Vindeliciis, ac præsertim Tiberii de Rhaetis  
victorias, Augusti auspiciis ac felicitati adscribit.*

Lib. 1. Ode 9.

Q U A cura Patrum, quæve Quiricum,  
Plenis honorum muneribus tuas;  
Auguste, virtutes in ævum  
Per titulos, memoresque fastos  
Æternæ? O quæ soli habitabiles  
Illustrat oris, maxime Principum,  
Quem legis expertes Latine  
Vindelici didicere nuper,  
Quid Marte posses: milite nam tuo



Drusus Genaunos, implacidum genus,  
 Breunosque veloces, & arces  
 Alpinas impositas tremendis  
 Dejecit acer plus vice simplici.  
 Major Neronum mox grave praelium  
 Commisit, immanisque Rhætos  
 Auspiciis pepulit secundis,  
 Spectandus in certamine Martio,  
 Devota morti pectora libera  
 Quantis fatigaret ruinis:  
 Indomitas prope qualis undas  
 Exercet Auster, Pleiadum choro  
 Scindente nubes; impiger hostium  
 Vexare turmas, & frementem  
 Mittere equum medios per ignes.  
 Sic tauriformis volvitur Aufidus,  
 Qui regna Dauni præfluit Appuli,  
 Quum sævit, horrendamque cultis  
 Diluviem meditatur agris;  
 Ut Barbarorum Claudius agmina  
 Ferrata vasto diruit impetu;  
 Primosque, & extremos metendo,  
 Stravit humum, sine clade victor:  
 Te copias, te consilium, & tuos  
 Præbente Divos. Nam tibi, quo die  
 Portus Alexandria supplex  
 Et vacuum patefecit aulam,  
 Fortuna lustro prospera tertio  
 Belli secundos reddidit exitus,  
 Laudemque, & optatum peractis  
 Imperiis decus arrogavit.  
 Te Cantaber non ante domabilis,  
 Medusque, & Indus, te profugus Scythes  
 Miratur, ô tutela præsens  
 Italiæ, dominæque Romæ.  
 Te, fontium qui celat origines  
 Nilusque, & Ister, te rapidus Tigris,

Te

Te, belluosus qui remotis  
Obstrepat Oceanus Britannis;

Te, non paventis funera Galliarum,

Duraque tellus audit Iberiarum;

Te cæde gaudentes Sicanibrim  
Compositis venerantur armis.

## O D. X V.

*Augusto Pacifico.*

Lib. 1. Ode 9.

**P**HÆBUS volentem prælia me loqui,  
Victas & urbes, increpuit lyra,  
Ne parva Tyrrenum per æquor  
Vela darem. Tuz, Cæsar, ætas  
Fruges & agris retulit uberes,  
Et signa nostrò restituit Jovi,  
Derepta Parthorum superbis  
Postibus, & vacuum duellis  
Janum Quirini clausit; & ordinem  
Rectum evaganti fræna licentiæ  
Injecit, emovitque culpas,  
Et veteres revocavit artes,  
Per quas Latinum nomen, & Italæ  
Crevere vires, famaue, & imperi  
Porrecta majestas ad ortum  
Solis, ab Hesperio cubili.  
Custode rerum Cæsare, non furor  
Civilis, aut vis exiget otium:  
Non ira, quæ procudit enses,  
Et miseras inimicat urbes.  
Non qui profundum Danubium bibunt,  
Edicta rumpent Julia: non Getæ,

L

**222 Q. HOR. FLACC.**

Non Seres, infidive Persæ,  
Non Tanaim prope flumen orti,  
Nosque & profestis lucibus, & sacris,  
Inter jocosæ munera Liberi,  
Cum prole, matronisque nostris,  
Rite Deos prius apprecati,  
Virtute functos, more patrum, duces,  
Lydis remisso carmine tibiis,  
Trojamque, & Anchisen, & almæ  
Progeniem Veneris canemus.

*Finis quarti Libri Lyricorum.*





*Q. HORATII FLACCI*  
**O D A R U M**  
**L I B E R V.**



**AD C. CILNIUM MÆCENATEM.**

**O D E I.**

*Ad bellum Asiaticum profecturo comitem se offert.*

u - / u - / u - / u - / u - / u u  
 u - / u - / u - / u u  
 u - / u - / u - / u u



**I** S Liburnis inter alta navium,  
 Amice, propugnacula,  
 Paratus omne Cæsaris periculum  
 Subire, Mæcnas, tuo.  
 Quid nos? quibus te vita sit superflite  
 Jucunda: si contra, gravis?

Utrumne jussi persequemur otium,

**L 2**

Non dulce, nisi tecum simul?  
 An hunc laborem mente laturi, decet  
 Qua ferre non molles viros?  
 Feremus: & te vel per Alpium juga,  
 Inhospitalem & Caucasum,  
 Vel Occidentis usque ad ultimum finum,  
 Forti sequemur pestore.  
 Roges, tuum labore quid juvem meo,  
 Imbellis, ac firmus parum?  
 Comes minore sum futurus in metu,  
 Qui major absentes habet:  
 Ut assidens implumibus pullis avis,  
 Serpentium allapsus timet  
 Magis relictis: non, ut adsit, auxili  
 Latura plus præsentiis.  
 Libenter hoc & omne militabitur  
 Bellum in tuæ spem gratiæ:  
 Non ut juvencis illigata pluribus  
 Aratra nitantur mea;  
 Pecusve Calabris ante sidus fervidum  
 Lucana mutet pascuis;  
 Nec ut superni villa candens Tusculi  
 Circæa tangat mœnia.  
 Satis superque me benignitas tua  
 Ditavit: haud paravero  
 Quod aut, avarus ut Chremes, terra premam,  
 Discinctus aut perdam ut nepos.

\*\*\*\*\*

## O D E II.

*Alphius sarnerator, velut artis, sua pertasus, laudat  
vitam rusticam; sed mox, avaritia victus, ad in-  
genium & pristinam vivendi rationem redit.*

**B**EATUS ille, qui procul negotia,  
Ut prisca gens mortalium,  
Paterna rura bobus exercet suis,  
Solutus omni sarnore.  
Neque excitatur classico miles truci,  
Neque horret iratum mare;  
Forumque vitat, & superba civium  
Potentiorum limina.  
Ergo aut adulta vitium propagine.  
Altas maritat populos,  
Inutilesque falce ramos amputans,  
Feliciores inserit;  
Aut in reducta valle mugientium  
Prospectat errantes greges;  
Aut pressa puris mella condit amphoris,  
Aut tondet infirmas oves.  
Vel quum decorum mitibus pomis caput  
Autumnus arvis extulit,  
Ut gaudet insitiva decerpens pyra,  
Cestantem & uvam purpuræ!  
Qua muneretur te, Priape, & te, pater  
Sylvane, tutor finium.  
Libet jacere, modo sub antiqua ilice,  
Modo in tenaci gramine.  
Labuntur altis interim ripis aquæ,  
Querantur in sylvis aves;  
Fontesque lymphis obstrepunt manantibus,  
Somnos quod invitet leves.

L 3

At quum tonantis annus hybernus Jovis  
 Imbres, nivesque comparat,  
 Aut trudit acres hinc & hinc multa cane  
 Apros in obstantes plagas,  
 Aut amite levi rara tendit retia,  
 Turdis edacibus dolos;  
 Pavidumque leporem, & advenam laqueo gruem,  
 Jucunda caprat præmia.  
 Quis non malarum, quas amor curas habet,  
 Hæc inter obliviscitur?  
 Quod si pudica mulier in partem juvens  
 Domum, atque dulces liberos,  
 (Sabina qualis, aut perusta solibus  
 Pernicis uxor Appuli)  
 Sacrum vetustis extruat lignis focum,  
 Lassi sub adventum viri;  
 Claudensque textis cratibus lætum pecus,  
 Distenta siccet ubera;  
 Et horna dulci vina promens dosio,  
 Dapes inemptas apparet:  
 Non me Lucrina juverint conchylia,  
 Magisve rhombus, aut scari,  
 Si quos Eois intonata fluctibus  
 Hyems ad hoc vertat mare:  
 Non Afra avis descendat in ventrem meum,  
 Non attagen Ionicus,  
 Jucundior, quam lecta de pinguiissimis  
 Oliva ramis arborum;  
 Aut herba lapathi prata amantis, & gravi  
 Malvæ salubres corpori;  
 Vel agna festis cæsa Terminalibus,  
 Vel hœdus ereptus lupo.  
 Has inter epulas, ut juvat pastas oves  
 Videre properantes domum!  
 Videre fessos vomerem inversum boves  
 Collo trahentes languido,  
 Positosque vernas, ditis examen domûs,

Circum renidentes Lares !  
 Hæc tibi loquutus foenerator Alphius,  
 Jam jam futurus rusticus,  
 Omnem relegit Idibus pecuniam,  
 Quærit Calendis ponere.




## A D M Æ C E N A T E M.

## O D E I I I.

*Ejus alii detestatio.*

**P** A R E N T I S olim si quis impia manu  
 Senile guttur fregerit,  
 Edat cicutis allium nocentius.  
 O dura messorum ilia !  
 Quid hoc veneni sævit in præcordiis ?  
 Num viperinus his cruor  
 Incoctus herbis me fefellit ? an malas  
 Canidia tractavit dapes ?  
 Ut Argonautas præter omnes candidum  
 Medea mirata est ducem,  
 Ignota tauris illigaturum juga,  
 Perunxit hoc Iasonem ;  
 Hoc delibutis ulta donis pellicem,  
 Serpente fugit alite.  
 Nec tantus unquam siderum insedit vapor  
 Siticulosæ Apuliæ ;  
 Nec munus humeris efficacis Herculis  
 Inarsit æstuosius.  
 At, si quid unquam tale concupiveris,  
 Jocosæ Mæcenæ, precor  
 Manum puella suavio opponat tuo,  
 Extrema & in sponda cubet.





AD VOLTEIUM MENAM  
LIBERTUM

POMPEII MAGNI.

ODE IV.

*In istius, ex mutata conditione, arrogantiam  
invehitur.*

**L**UPIS, & agnis quanta sortito obtigit,  
Tantum mihi discordia est,  
Ibericis peruste funibus latus,  
Et crura dura compede.  
Licet superbus ambules pecunia,  
Fortuna non mutat genus.  
Videsne, Sacram metiente te viam,  
Cum bis trium ulnarum toga,  
Ut ora vertat huc & huc euntium  
Liberrima indignatio?  
Sectus flagellis hic Triumviralibus,  
Præconis ad fastidium,  
Arat Falerni mille fundi jugera,  
Et Appiam mannis terit:  
Sedilibusque magnus in primis Eques,  
Othone contempto, sedet.  
Quid attinet tot rostra navium gravi  
Ærata duci pondere  
Contra latrones, atque servilem manum,  
Hoc, hoc Tribunorum militum?



## O D B V.

*Pueri in Canidiam veneficam dira.*

**A**T (ô Deorum quidquid in Cœlo regit  
Terras, & humanum genus !)  
Quid iste fert tumultus ? & quid omnium  
Vultus in unum me truces ?  
Per liberos te, si vocata partibus  
Lucina veris affuit,  
Per hoc inane purpuræ decus precor ;  
Per improbatum hæc Jovem ;  
Quid ut noverca me intueris, aut uti  
Petita ferro bellua ?  
Ut hæc tremēti questus ore, constitit  
Insignibus raptis puer,  
Impube corpus, quale posset impia  
Mollire Thracum pectora :  
Canidia brevibus implicata viperis  
Crines, & incomtum caput,  
Jubet sepulcris caprificos erutas,  
Jubet cupressus funebres,  
Et uncta turpis ova ranæ sanguine,  
Plumamque nocturnæ strigis,  
Herbasque, quas lolcos, atque Iberia  
Mittit ; venenorum ferax,  
Et ossa ab ore rapta jejunæ canis,  
Flammis aduri Colchicis.  
At expedita Sagana, per totam domum  
Spargens Avernales aquas,  
Horret capillis, ut marinus, asperis,  
Echimus, aut currens aper.  
Abacta nulla Veia conscientia,  
Ligonibus duris humum

Exhaustiebar, ingemens laboribus;  
 Quo posset infossus puer  
 Longo die bis terve mutatae dapis  
 Inemori spectaculo:  
 Quum promineret ore, quantum extant aquae  
 Suspensa mento corpora:  
 Exsucta uti medulla, & aridum jecur,  
 Amoris esset poculum;  
 Interminato quum semel fixae cibo  
 Intabuissent pupulae.  
 Non defuisse masculae libidinis  
 Ariminensem Foliam,  
 Et otiosa credidit Neapolis,  
 Et omne vicinum oppidum,  
 Quae sidera excantata voce Thessala,  
 Lunamque Caelo deripit.  
 Hic irrefectum laeva dente livido  
 Canidia rodens pollicem,  
 Quid dixit? aut quid tacuit? O rebus meis  
 Non infideles arbitrae,  
 Nox, & Diana, quae silentium regis,  
 Arcana quum fiunt sacra,  
 Nunc, nunc adeste, nunc in hostiles domos  
 Iram, atque numen vestite.  
 Formidolosus dum latent sylvis ferae,  
 Dulci sopore languidae,  
 Senem, quod omnes rideant, adulterum  
 Latrent Suburanæ canes,  
 Nardo perunctum, quale non perfectius  
 Meae laborarunt manus.  
 Quid accidit? cur dira barbaræ minus  
 Venena Medæ valent,  
 Quibus superbam fugit ulta pellicem,  
 Magni Creontis filiam,  
 Quum palla, tabo munus imbutum, novam  
 Incendio nuptam abstulit?  
 Atqui nec herba, nec latens in asperis

Radix sefellit me locis.

Indormit unctis omnium cubilibus

Oblivione pellicum.

Ah, ah, solutus ambulat veneficæ

Scientioris carmine.

Non usitatis, Vare, potionibus

(O multa fleturum caput!)

Ad me recurre; nec vocata mens tui

Marsis redibit vocibus.

Majus parabo, majus infundam tibi

Fastidienti poculum;

Priusque Cœlum fidet inferius mari,

Tellure porrecta super,

Quam non amore sic meo flagres, uti

Bitumen atris ignibus.

Sub hæc puer, jam non, ut ante, mollibus

Lenire verbis impias;

Sed dubius unde rumperet silentium,

Misit Thyesteas preces.

Venena, magnum fas, nefasque, non valent

Convertere humanam vicem.

Diris agam vos: dira detestatio

Nulla expiatur victima.

Quin, ubi perire jussus exspiravero,

Nocturnus occurram furor;

Petamque vultus umbra curvis unguibus;

Quæ vis Deorum est Manium!

Et inquietis assidens præcordiis,

Pavore somnos auferam.

Vos turba vicitim hinc, & hinc saxis petent

Contundet obscœnas anus.

Post, insepulta membra different lupi,

Et Esquilinæ alites:

Neque hoc parentes, heu! mihi superstites,

Effugerit spectaculum.



IN CASSIUM SEVERUM.

ODE VI.

*Maledico minatur ultionem.*

**Q**UID immerentes hospites voxas, canis,  
 Ignavus adversum lupos?  
 Quin huc inapes, si potes, verris minas,  
 Et me remorsurum petis?  
 Nam, qualis aut Molossus, aut fulvus Lacon,  
 Amica vis pastoribus,  
 Agam per altas aure sublata nives,  
 Quæcunque præcedet fera.  
 Tu quum timenda voce complesti æmus,  
 Projectum odoratis cibum.  
 Cave, cave, namque in malos asperimus  
 Parata toll'o cornua;  
 Qualis Lycambæ speritus infido gener,  
 Aut acer hostis Bupalò.  
 An, si quis atro dente me petiveris,  
 Inultus ut flebo puer?




ODE VII.

*AD ROMANOS bellum civile  
 redintegrantes.*

**Q**UO, quo scelesti ruitis? aut cur dexteris  
 Aptantur enses conditi?  
 Parumne campis, atque Neptuno super  
 Fusum est Latini sanguinis?

Non ut superbas invidæ Carthaginis  
 Romanus arces ureret,  
 Intactus aut Britannus ut descenderet  
 Sacra catenatus via,  
 Sed ut, secundum vota Parthorum, sua  
 Urbs hæc periret dextera.  
 Neque hic lupis mos, nec fuit leonibus,  
 Nunquam, nisi in dispar, feris.  
 Furorne cæcus, an rapit vis acrior?  
 An culpa? responsum date.  
 Tacent, & albus ora pallor inficit,  
 Mentisque percussæ stupent.  
 Sic est: acerba fata Romanos agunt,  
 Scelusque fraternæ necis,  
 Ut immerentis fluxit in terram Remi  
 Sacer nepotibus cruor.



## O D E VIII.

*In animum libidinofam.*

**R**OGARE longo putidam te seculo,  
 Vires quid enervet meas?  
 Quum sit tibi dens ater, & rugis vetus  
 Frontem senectus exaret;  
 Hietque turpis inter aridas nates  
 Podex, velut crudæ bovis.  
 Sed incitat me pectus, & mammæ putres,  
 Equina quales ubera;  
 Venterque mollis, & femur tumentibus  
 Exile suris additum.  
 Esto beata, funus atque imagines  
 Ducant triumphales tuum;  
 Nec sit marita quæ rotundioribus  
 Onusta baccis ambulet.

Quid, quod libelli Stoici inter sericos  
 Jacere pulvillos amant?  
 Illiteratis num minus nervi rigent,  
 Minusve languet fascinum?  
 Quod ut superbo provoces ab inguine,  
 Ore allaborandum est tibi.



## AD C. CILNIUM MÆCENATEM.

## OD. IX.

*Asiaticæ victoriæ primordia celebrat.*

**Q**UANDO repositum Cæcubum ad festas  
 dapes,  
 Victore lætus Cæsare;  
 Tecum sub alta, sic Jovi gratum, domo,  
 Beate Mæcenas, bibam,  
 Sonante mistum tibiis cæmen lyra,  
 Hac Dorium, illis Barbarum?  
 Ut nuper, actus quum freto Neptunius  
 Dux fugit, ustis navibus,  
 Minatus Urbi vincla, quæ detraxerat  
 Servis amicus perfidis.  
 Romanus (eheu, posteri negabitis!)  
 Emancipatus foeminæ,  
 Fert vallum, & arma miles, & spadonibus  
 Servire rugosis potest;  
 Interque signa turpe militaria  
 Sol aspici conopeum.  
 Ad hoc frementes verterunt bis mille equos  
 Galli canentes Cæsarem;  
 Hostiliumque navium portu latent  
 Puppes sinistrorsum sitæ,  
 Io, Triumphe, tu moraris aureos

Carrus, & intactas boves.

Io, Triumphe, nec Jugurthino parem  
Bello reportasti ducem,

Neque Africanum, cui super Carthaginem  
Virtus sepulcrum condidit.

Terra, marique victus hostis, Punico  
Lugubre mutavit sagum:

Aut ille centum nobilem Cretam urbibus,  
Ventis iturus non suis,

Exercitatas aut petit Syrtes Noto,  
Aut fertur incerto mari.

Capaciores affer huc, puer, scyphos,  
Et Chia vina, aut Lesbia;

Vel, quod fluentem nauseam coërceat,  
Metire nobis Cæcubum.

Curam, metumque Cæsaris rerum iuvat  
Dulci Lyæo solve.



IN MÆVIUM POETAM.

ODE X.

*Ipsi naufragium imprecatur.*

**M**ALA soluta navis exit alite,  
Ferens olentem Mævium.

Ut horridis utrumque verberes latus,  
Auster, memento fluctibus.

Niger rudentes Eurus, inverso mari,  
Fractosque remos differat.

Insurgat Aquilo, quantus altis montibus  
Frangit trementes ilices.

Nec fidus atra nocte amicum appareat,  
Qua tristis Orion cadit.

Quictiore nec feratur æquore,



Quam Graia victorum manus,  
 Quum Pallas usto vertit iram ab Ilio  
 In impiam Ajacis ratem.  
 O quantus instat navitis sudor tuis,  
 Tibique pallor luteus,  
 Et illa non virilis ejulatio,  
 Preces & aversum ad Jovem,  
 Ionius udo quum remugiens sinus  
 Noto carinam ruperit!  
 Opima quod si præda curvo litore  
 Porrecta mergos juveris,  
 Libidinosus immolabitur caper,  
 Et agna tempestatibus.



## A D P E T T I U M.

## O D E X I.


*Se amore captum non posse ad versus faciendos  
 operam & studium conferre.*

Versus primus, ut *Ibis Liburnis inter alta navium.*  
 Lib. 5. Od. 1. Secundus, ut *Arboribusque comæ.*  
 Lib. 3. Ode 7. Tertius, ut is qui subjungitur  
 in præcedentibus hujus libri.

**P** E T T I, nihil me, sicut antea, juvat  
 Scribere versiculos,  
 Amore perculsum gravi;  
 Amore, qui me, præter omnes expetit  
 Mollibus in pueris,  
 Aut in puellis urere.  
 Hic tertius December, ex quo destiti  
 Inachia furere,  
 Sylvis honorem decutit.

Heu

Heu me, per urbem, nam pudet tanti mali,  
 Fabula quanta fui!  
 Conviviorum & pœnitet,  
 In queis amantem & languor, & silentium  
 Arguit, & latere  
 Petitus imo spiritus.  
 Contraque lucrum nil valere candidum  
 Pauperis ingenium  
 Querebar, applorans tibi:  
 Simul calentis inverecondus Deus  
 Fervidiore mero  
 Arcana promorat loco.  
 Quod si meis inæstuet præcordiis  
 Libera bilis, ut hæc  
 Ingrata ventis dividat  
 Fomenta, vulnus nil malum levantis,  
 Desinet imparibus  
 Certare summotus pudor.  
 Ubi hæc severus te palam laudaveram,  
 Jussus abire domum,  
 Ferebar incerto pede  
 Ad non amicos, heu, mihi postes, &, heu  
 Limina dura, quibus  
 Lumbos, & infregi latus.  
 Nunc, glorientis quamlibet mulierculam  
 Vincere mollitia,  
 Amor Lycisci me tenet;  
 Unde expedire non amicorum queant  
 Libera consilia,  
 Nec contumeliæ graves:  
 Sed alius ardor aut puellæ candidæ,  
 Aut teretis pueri,  
 Longam renodantis cômam.



## O D E XII.

*In anum fœdam quæ illius amores ambiebat.*

Lib. I. Ode 7.

**Q**UID tibi vis, mulier nigris dignissima  
barris?  
Munera cur mihi, quidve tabellas  
Mittis, nec firmo juveni, neque naris obesæ?  
Namque sagacius unus odoror,  
Polypus, an gravis hirsutis cubet hircus in alis,  
Quam canis acer, ubi lateat fus.  
Quis sudor vietis, & quam malus undique membris  
Crescit odor, quum pene soluto  
Indomitam properat rabiem sedare; nec illi  
Jam manet humida creta, colorque  
Stercore fucatus crocodili; jamque subando  
Tenta, cubilia, tectaque rumpit.  
Vel mea quum sævis agitat fastidia verbis!  
Inachia langues minus, ac me:  
Inachiam ter nocte potes, mihi semper ad unum,  
Mollis opus. Pereat male, quæ te  
Lesbia, quærenti taurum, monstravit inertem;  
Quum mihi Cous adesset Amyntas,  
Cujus in indomito constantior inguine nervus,  
Quam nova collibus arbor inhæret.  
Muricibus Tyriis iteratæ vellera lanæ  
Cui properabantur? tibi nempe,  
Ne foret æquales inter conviva, magis quem  
Diligeret mulier sua quam te.  
O ego non felix, quam tu fugis, ut pavet acres  
Agnæ lupos, capræque leones.



AD AMICUM.

ODE XIII.

*Vita molestias vino, cantu, & amicorum  
alloquiis esse mitigandas.*

Primus versus est Hexameter Heroicus, plane ut Lib.  
Tertius est dimidium Pentametri Elegiaci, 3. Ode 7.  
Secundus est Iambus: u - / u - / - - / u -

**H**ORRIDA tempestas Cœlum contraxit, &  
imbrēs

Nivesque deducunt Jovem;

Nunc mare, nunc sylvæ

Threicio Aquilone sonant: rapiamus, amice,  
Occasionem de die;

Dumque virent genna,

Et decet, obducta solvatur fronte senectus.

Tu vina Torquato move

Consule pressa meo.

Cetera mitte loqui: Deus hæc fortasse benigna  
Reducet in sedem vice.

Nunc & Achæmenia

Perfundi nardo juvat, & fide Cyllenea

Levare diris pectora

Solitudinibus.

Nobilis ut grandi cecinit Centaurus alumno:

Invisæ mortalis, Dea

Nate puer Thetide,

Te manet Assaraci tellus, quam frigida parvi


Findunt Scamandri flumina,

Lubricus & Simois:

Unde tibi redditum curto subtemine Parcæ

M 2

Rupere, nec mater domum  
 Cæcula te revehet.  
 Illic omne malum vino, cantuque levato,  
 Deformis ægrimoniz, ac  
 Dulcibus alloquiis.



## AD MÆCENATEM.

## ODÆ XIV.

*Phrynes amorem obstare, quo minus Iambos  
 promissos absolvat.*

Ut duo priores versus præcedentis Odæ.

**M**OLLIS inertia cur tantum diffuderit imis  
 Oblivionem sensibus,  
 Pocula Lethæos ut si ducentia somnos  
 Arente fauce traxerim,  
 Candide Mæcenat, occidis sæpe rogando:  
 Deus, Deus nam me verat,  
 Inceptos, olim promissum carmen, Iambos  
 Ad umbilicum adducere.  
 Non aliter Samio dicunt arsisse Bathyllo  
 Anacreonta Teium,  
 Qui persæpe cava testudine flevit amorem,  
 Non elaboratum ad pedem.  
 Ureris ipse miser; quod si non pulchrior ignis  
 Accendit obsessam Ilion,  
 Gaude forte tua: me libertina, neque uno  
 Contenta, Phryne macerat.

## A D N E Æ R A M.

## O D E X V.

*Non servatam ab ea fidem conqueritur.*

Ut supra.

**N**Ox erat, & cœlo fulgebat Luna sereno  
Inter minora fidera,  
**Q**uam tu, magnorum numen læsura Deorum,  
In verba jurabas mea,  
**A**rctius atque edera procera astringitur illex,  
Lentis adhærens brachiis:  
**D**um pecori lupo, & nauris infestus Orion  
Turbaret hybernum mare,  
Intonsosque agigaret Apollinis aura capillos,  
Fore hunc amorem mutuum.  
**O** dolitura mea multum virtute, Næra.  
Nam si quid in Flacco viri est,  
Non feret assiduas potiori te dare noctes,  
Et quæret iratus parem;  
Nec semel offensæ cedit constantia formæ,  
Si certus intrarit dolor.  
At tu, quicumque es felicior, atque meo numo  
Superbus incedis malo,  
Sis pecore & multa dives tellure licebit,  
Tibique Pactolus fluat;  
Nec te Pythagoræ fallant arcana renati;  
Formaque vincas Nireæ;  
Eheu, translatos alio mœrebis amores:  
Ast ego vicissim risero.



## AD POPULUM ROMANUM.

## ODE XVI.

*Phocæorum exemplo Romam deferendam esse, quam  
Deorum ira bellis civilibus lacerandam objicit.*

Primus quisque est Hexameter Heroïcus.  
Secundus, ut *Ibis Liburnis* &c. Lib. 5. Ode 1.  
Sed hîc omnes Iambi puri sunt.

**A**LTERA jam teritur bellis civilibus ætas,  
Suis & ipsa Roma viribus ruit.  
Quam neque finitimi valuerunt perdere Marfi,  
Minacis aut Etrusca Porſenæ manus,  
Æmula nec virtus Capuæ, nec Spartacus acer,  
Novisque rebus infidelis Allobrox;  
Nec fera cærulea domuit Germania pube,  
Parentibusque abominatus Annibal,  
Impia perdemus devoti sanguinis ætas?  
Ferisque rursus occupabitur solum?  
Barbarus, heu! cineres insistet victor, & urbem  
Eques sonante verberabit ungula?  
Quæque carent ventis, & solibus, ossa Quirini,  
(Nefas videre) dissipabit insolens?  
Forte, quid expediat, communiter, aut melior pars,  
Malis carere quæritis laboribus.  
Nulla fit hac potior sententia: Phocæorum  
Velut profugit execrata civitas;  
Agros, atque Lares patrios, habitandaque fana,  
Apris reliquit & rapacibus lupis:  
Ire, pedes quocunque ferent, quocunque per undas  
Notus vocabit, aut protervus Africanus.  
Sic placet? an melius quis habet suadere? secunda

Ratem occupare quid moramur alite ?  
 Sed juremus in hæc : simul imis saxa renarint  
 Vadis levata , ne redire sit nefas ;  
 Neu conversâ domum pigeat dare lintea , quando  
 Padus Matina laverit cacumina ;  
 In mare seu celsus procurrerit Apenninus ,  
 Novaque monstra junxerit libidine  
 Mirus amor ; juvet ut tigres subidere cervis ,  
 Adulteretur & columba misivâ ;  
 Credula nec rivos timeant armenta leones ,  
 Ametque falsa levis hircus æquora.  
 Hæc , & quæ poterunt reditus abscindere dulces ,  
 Eamus omnis execrata civitas ,  
 Aut pars indocili melior grege : mollis , & exspe  
 Inominata perprimat cubilia.  
 Vos , quibus est virtus , muliebrem tollite luctum ,  
 Etruscâ præter & volate littora.  
 Nos manet Oceanus circumvagus : arva , beata  
 Petamus arva , divites & Insulas ,  
 Reddit ubi Cererem tellus inarata quotannis ,  
 Et imputata floret usque vinea ;  
 Germinat & nanquam fallentis termes olivæ ,  
 Suamque pulla ficus ornat arborem :  
 Mella cava manant ex ilice , montibus altis  
 Levis crepante lympa defilit pede.  
 Illic injustæ veniunt ad mulctra capellæ ,  
 Refertque terra grex amicus ubera ;  
 Nec vespertinus circumgemit ursus ovile ,  
 Nec intumescit alta viperis humus :  
 Pluraque felices mirabimur ; ut neque largis  
 Aquosus Eurus arva radat imbribus ,  
 Pinguia nec siccis urantur femina glebis ,  
 Utrumque rege temperante coelitem.  
 Non huc Argoo contendit remige pinus ,  
 Neque impudica Colchis intulit pedem :  
 Non huc Sidonii torserunt cornua nautæ ,  
 Laboriosa nec cohors Ulyssæi.



Nulla nocent pecori contagia, nullius astri  
Gregem æstuosa torret impotentia.  
Jupiter illa piæ secrevit littora genti,  
Ut inquinavit ære tempus aureum,  
Ærea dehinc ferro duravit secula; quorum  
Piis secunda, vate me, datur fuga.



O D E XVII.

*Dialogus Canidiam inter et Horatium. Hic veniam  
ironicè petit à Canidiâ; Hæc se nunquam illi  
placatam fore respondet.*

Ut Ibis Liburnis &c. Lib. 5. Ode I.

H O R A T I U S.

**J**AM JAM efficaci do manus scientiæ  
Supplex, & oro regna per Proserpinæ,  
Per & Dianæ non movenda numina,  
Per atque libros carminum valentium  
Refixa cœlo devocare fidera,  
Canidia, parce vocibus tandem sacris,  
Citumque retro solve, solve turbinem,  
Movit nepotem Telephus Nereium,  
In quem superbus ordinarat agmina  
Myrorum, & in quem tela acuta torserat.  
Luxere matres Iliæ addictum feris  
Alitibus, atque canibus homicidam Hectorem,  
Postquam relictis mœnibus rex procidit,  
Heu! pervicacis ad pedes Achillei.  
Setosa duris exuere pellibus  
Laboriosi remiges Ulyssæi,  
Volente Circe, membra; tunc mens, & sonus  
Relatus, atque notus in vultus honor.

Dedi

Dedi facis superque pœnarum tibi ,  
Amata nautis multum & institoribus.  
Fugit iuventas , & verecundus color  
Reliquit ossa pelle amicta lurida ;  
Tuis capillus albus est odoribus.  
Nullum à labore me reclinat otium :  
Urget diem nox , & dies noctem ; neque est  
Levare tenta spiritu præcordia.  
Ergo negatum vincor ut credam miser ,  
Sabella pectus increpare carmina ,  
Caputque Marfa dissilire nenia.  
Quid amplius vis ? ô mare , & terra , ardeo ,  
Quantum neque atro delibutus Hercules  
Nessi cruore , nec Sicana fervida  
Furens in Ætna flamma : tu , donec cinis  
Injuriolis aridus ventis ferar ,  
Cales venenis officina Colchicis.  
Quæ finis ? aut quod me manet stipendium ?  
Effare , iussas cum fide pœnas luam ;  
Paratus expiare , seu poposceris  
Centum iuvençis ; sive mendaci lyra  
Voles sonari , tu pudica , tu proba ,  
Perambulabis astra sidus aureum.  
Infamis Helenæ Castor offensus vicem ,  
Fraterque magni Castoris , victi prece ,  
Ademta vati reddidere lumina.  
Et tu ( potes nam ) solve me dementia ,  
O nec paternis obsoleta sordibus ,  
Nec in sepulcris pauperum prudens anus  
Novendiales dissipare pulveres.  
Tibi hospitale pectus , & puræ manus ;  
Tuusque venter partumeius , & tuo  
Cruore rubros obstetrix pannos lavit ,  
Utcunque fortis exilis puerpera.

N

## CANIDIA.

**Q**UID obsecratis auribus fundis preces?  
 Non saxa nudis surdiora navitis  
 Neptunus alto tundit hybernus salo.  
 Inultus ut tu riseris Corythia  
 Vulgata, sacrum liberi Cupidinis;  
 Et Esquilini pontifex venefici  
 Impune ut urbem nomine impleris meo?  
 Quid proderit ditasse Pelignas anus,  
 Velociusve miscuisse toxicum,  
 Si tardiora fata te votis manent?  
 Ingrata misero vita ducenda est, in hoc,  
 Novis ut usque suppetas doloribus.  
 Optat quietem Pelopis infidus pater,  
 Egens benignæ Tantalus semper dapis;  
 Optat Prometheus obligatus alicui;  
 Optat supremo collocare Sisyphus  
 In monte saxum: sed vetant leges Jovis.  
 Voles modo altis defilire turribus,  
 Modo ense pectus Norico recludere;  
 Frustraque vincla gutturi innectes tuo,  
 Fastidiosa tristis ægrimonia.  
 Vectabor humeris tunc ego inimicis eques;  
 Meæque terra cedit insolentiæ.  
 An quæ movere cereas imagines,  
 Ut ipse nosti curiosus, & polo  
 Deripere Lunam vocibus possum meis;  
 Possum crematos excitare mortuos,  
 Desiderique temperare pocula  
 Plorem artis in te nil valentis exitum?

Q. HORATII FLACCI  
CARMEN SECLARE.

Ut Lib. 1. Ode 2.

CHORUS PUERORUM  
ET PUELLARUM.

**P**HÆBE, sylvarumque potens Diana;  
Lucidum cœli decus, ô colendi  
Semper, & culti, date, quæ precamur  
Tempore sacro,  
Quo Sibyllini monuere versus  
Virgines lectas, puerosque castos,  
Dis, quibus septem placuisse colles,  
Dicere carmen.

CHORUS PUERORUM.

Alme Sol, curru nitido diem qui  
Promis, & celas, aliusque & idem  
Nasceris, possis nihil urbe Roma  
Visere majus.

CHORUS PUELLARUM.

Rite maturòs aperire partus  
Lenis Ilithyia, tuere matres;  
Sive tu Lucina probas vocari,  
Seu Genitalis:  
Diva, producas sobolem; patrumque  
Prosperes decreta super jugandis  
Foeminis, prolisque novæ feraci  
Lege marita.

N 2

## UTERQUE CHORUS.

Certus undenos decies per annos  
Orbis ut cantus referatque ludos,  
Ter die claro, totiesque grata

Nocte frequentes.

Vosque veraces cecinisse, Parcæ,  
Quod semel dictum est, stabilisque rerum  
Terminus servat, bona jam peractis

Jungite fata.

Fertilis frugum, pecorisque tellus  
Spicea donet Cererem corona:  
Nutrient fortis & aquæ salubres,  
Et Jovis auræ.

## CHORUS PUERORUM.

Condito mitis, placidusque telo,  
Supplices audi pueros, Apollo.

## CHORUS PUELLARUM.

Siderum regina bicornis, audi,  
Luna, puellas.

## UTERQUE CHORUS.

Roma si vestrum est opus, Iliæque  
Littus Etruscum tenuere turmæ,  
Jussâ pars mutare lares, & urbem

Sospite cursu:

Cui per ardentem sine fraude Trojam  
Castus Æneas patriæ superstes  
Liberum munivit iter, daturus

Plura relictis:

Dî probos mores docili juventæ,  
Dî senectuti placidæ quietem,  
Romulæ genti date remque, prolemque,  
Et decus omne.

Quique vos bobus veneratq; albis

Clarus Anchisæ, Venerisque sanguis,  
Imperet bellante prior, jacentem  
Lenis in hostem.

Jam mari, terraque manus potentes  
Medus, Albanasque timet secures;  
Jam Scythæ responsa petunt, superbi  
Nuper, & Indi:  
Jam fides, & pax, & honor, pudorque  
Priscus, & neglecta redire virtus  
Audet; apparetque beata pleno  
Copia cornu.

## CHORUS PUERORUM.

Angur, & fulgente decorus arcu  
Phœbus, acceptusque novem Camœnis,  
Qui salutari levat artē fessos  
Corporis artus:

Si Palatinas videt æquus arces,  
Remque Romanam, Latiumque felix,  
Alterum in lustrum, meliusque semper  
Præroget ævum.

## CHORUS PUELLARUM.

Quæque Aventinum tenet, Algidumque,  
Quindecim Diana preces Virorum  
Curet, & votis puerorum amicas  
Applicet aures.

## UTERQUE CHORUS.

Hæc Jovem sentire, Deosque cunctos,  
Spem bonam, certamque domum reporto,  
Doctus, & Phœbi chorus, & Dianæ  
Dicere laudes.

*Finis Lyricorum.*



QUINTI HORATII  
FLACCI  
SERMONUM  
LIBRI IV,

*Quorum duo Satirarum vulgò, duo  
Epistolarum inscribuntur.*

N 4.







*Q. HORATII FLACCI*  
**SERMONUM,**  
*SEU SATIRARUM*  
*LIBER PRIMUS.*



**SATIRA I.**

*Omniſus, maxime verò aruatis, ſortem ſuam  
gravem eſſe.*



**U**I fit, Mæcenas, ut nemo, quam  
ſibi ſortem  
Seu ratio dederit, ſeu fors objecerit,  
illa  
Contentus vivat? Laudet diverſa  
ſequentes?

**O fortunati mercatores! gravis armis**

Miles ait, multo jam fractus membra labore,  
 Contra mercator, navim jactantibus austris,  
 Militia est potior: quid enim? concurritur? horæ  
 Momento aut cita mors venit, aut victoria laeta.  
 Agricola laudat juris, legumque peritus,  
 Sub galli cantum consultor ubi ostia pulsat.  
 Ille, datis vadibus qui rure extractus in urbem est,  
 Solos felices viventes clamat in urbe.  
 Cetera de genere hoc, adeo sunt multa, loquacem  
 Delassare valent Fabium. Ne te moxer, audi  
 Quo rem deducam. Si quis Deus, en ego, dicat,  
 Jam faciam quod vultis: eris tu, qui modo miles,  
 Mercator; tu, consultus modo, rusticus: hinc vos,  
 Vos hinc mutatis discedite partibus. Eia,  
 Quid statis? nolint: æqui licet esse beatis.  
 Quid causæ est, merito quin illis Jupiter ambas  
 Iratus buccas inflet? neque se fore posthac  
 Tam facilem dicat, voris ut præbeat aurem?  
 Prætereo, ne sic, ut qui jocularia, ridens  
 Percurram: quanquam ridentem dicere verum  
 Quid vetat? & pueris olim dant crustula blandi  
 Doctores, elementa velint ut discere prima.  
 Sed tamen amoto quæramus seria ludo.  
 Ille gravem duro terram qui vertit aratro;  
 Perfidus hic caupo, miles, nautæque, per omne  
 Audaces mare qui currunt; hac mente laborem  
 Sese ferre, senes ut in otia tuta recedant,  
 Aiunt, quum sibi sint congesta cibaria: sicut  
 Parvula (nam exemplo est) magni formica laboris  
 Ore trahit quodcunque potest, atque addit acervo,  
 Quem struit, haud ignara ac non incanta futuri:  
 Quæ, simul inversum contristat Aquarius annum,  
 Non usquam prorepat, & illis utitur ante  
 Quæsitis, sapiens: quum te neque fervidus æstus  
 Demoveat lucro, neque hyems, ignis, mare,  
 ferrum,  
 Nil obstat tibi, dum ne sis te ditior alter.

Quid iuvat immensum te argenti pondus, & auri  
Furtim defossa timidum deponere terra?

Quod si comminuas, vilem redigatur ad assem:  
At, ni id sit, quid habet pulchri constructus acervus?  
Millia frumenti tua triverit area centum,  
Non tuus hoc capiat venter plus ac meus: ut si  
Reticulum panis venales inter onusto

Fortè vechas humero, nihilo plus accipias quam  
Qui nil portarit: vel dic, quid referat intra  
Naturæ fines viventis, jugera centum, an  
Mille aret? at suave est de magno tollere acervo.  
Dum ex parvo nobis tantumdem hausire relinquas,  
Car tua plus laudes cumeris granaria nostris?

Ut tibi si sit opus liquidi non amplius urna,  
Vel cyatho; & dicas, magno de flumine malum,  
Quam ex hoc fonticulo tantumdem sumere: eo sit,  
Plenior ut si quos delectet copia iusto,  
Cum ripa simul avulsos ferat Aufidus acer.

At qui tantulo eget quanto est opus, is neque limo  
Turbatam haurit aquam, neque vitam amittit in  
undis.

At bona pars hominum, decepta cupidine falso,  
Nil satis est, inquit: quis tanti, quantum habeas, sis.  
Quid facias illi? jubeas miseram esse libenter,  
Quatenus id facit. Ut quidam memoratur Athenis  
Sordidus, ac dives, populi contemnere voces  
Sic solitus: Populus me sibilat, ac mihi plaudo  
Ipse domi, simul ac nummos contemtor in arca.  
Tantalus à labris sapiens fugientia captat  
Flumina.... quid rides? mato nomine, de te  
Fabula narratur. Congestis undique saxis  
Indormis inhians, & tanquam parcere sacris  
Cogeris, aut pictis tanquam gaudere tabellis.  
Nescis quo valeat nummus, quem præbeat usum?  
Panis ematur, olus, vini sextarius; adde,  
Queis humana sibi doleat natura negatis.  
An vigilare metu exanimem, noctesque, diesque

Formidare malos fures, incendia, servos,  
 Ne te compilent fugientes, hoc juvat? horum  
 Semper ego optarim pauperrimus esse bonorum.  
 At si condoluit tentatum frigore corpus,  
 Aut alius lecto casus te affixit, habes qui  
 Assideat, fomenta paret, medicum roget ut te  
 Suscitet, ac natis reddat, carisque propinquis?  
 Non uxor saluum te vult, non filius: omnes  
 Vicini oderunt, noti, pueri, atque puellæ.  
 Miraris, quum tu argento post omnia ponas,  
 Si nemo præstet, quem non merearis, amorem?  
 At si cognatos, nullo Natura labore  
 Quos tibi dat, retinere velis servareque amicos,  
 Infelix operam perdas: ut si quis asellum  
 In campo doceat parentem currere frænis.  
 Denique sit finis quærendi; quoque habeas plus,  
 Pauperiem metuas minus; & finire laborem  
 Incipias, parto quod avebas: nec facias quod  
 Ummidius quidam (non longa est fabula) dives,  
 Ut metiretur nummos; ita sordidus, ut se  
 Non unquam servo melius vestiret; ad usque  
 Supremum tempus, ne se penuria victus  
 Opprimeret, metuebat; at hunc liberta securâ  
 Divisit medium, fortissima Tyndariarum.  
 Quid mihi igitur suades? ut vivam Nævius? aut sic  
 Ut Nomentanus? Pergis pugnantia secum  
 Frontibus adversis componere. Non ego, avarum  
 Quum veto te fieri, vappam jubeo ac nebulonem.  
 Est inter Tanaim quiddam, focerumque Viselli.  
 Est modus in rebus, sunt certi denique fines,  
 Quos ultra citraque nequit consistere rectum.  
 Illuc, unde abii, redeo. Nemon' ut avarus  
 Se probeat, ac potius laudet diversa sequentes?  
 Quodque aliena capella gerat distentius uber,  
 Tabescat? neque se majori pauperiorum  
 Turbæ compareret? hunc atque hunc superare laboret?  
 Sic festinanti semper locupletior obstat;

Ut quum carceribus missos rapit ungula currus,  
Instat equis auriga, suos vincentibus, illum  
Præteritum temnens extremos inter euntem.  
Inde fit ut raro, qui se vixisse beatum  
Dicat, & exacto contentus tempore vitæ  
Cedat, uti conviva satur, reperire queamus.  
Jam satis est: ne me Crispini scrinia lippi  
Compilasse putes, verbum non amplius addam.



SATIRA II.

*Improbos, dum vitia quadam declinant, in  
contraria incidere,*

**A**M BUBAIARUM collegia, pharmaco-  
polæ,  
Mendici, mimæ, balatrones, hoc genus omne  
Mœstum ac sollicitum est cantoris morte Tigelli:  
Quippe benignus erat. Contra hic, ne prodigus esset  
Dicatur, metuens, inopi dare nolit amico,  
Frigus quo, duramque famem depellere possit.  
Hunc si perconteris, avi cur atque parentis  
Præclaram ingrata stringat malus ingluvie rem,  
Omnia conductis coëmens obsonia nummis:  
Sordidus, atque animi quod parvi nolit haberi,  
Respondet. Laudatur ab his, culpatur ab illis.  
Fusidius vappæ famam timet ac nebulonis,  
Dives agris, dives positis in fœnore nummis,  
Quinas hic capiti mercedes exsecat, atque  
Quanto perditior quisque est, tanto acrius urget.  
Nomina sectatur, modo sumta veste virili,  
Sub patribus duris, tironum, Maxime, quis non,  
Jupiter, exclamat, simul atque audivit? at in se  
Pro quæstu sumtum facit hic. Vix credere possis  
Quam sibi non sit amicus; ita ut pater ille, Terent

Quod pulchræ clunes, breve quod caput, ardua  
cervix.

Hoc illi recte: ne corporis optima Lynceis  
Contemplere oculis. Hypsæa cæcior, illa  
Quæ mala sunt spectes. O crus, ô brachia! verum  
Depygis, nasuta, brevi latere, ac pede longo est.  
Matronæ, præter faciem, nil cernere possis,  
Cetera, ni Catia est, demissa veste tegentis.  
Si interdicta petes, vallo circumdata, (nam te  
Hoc facit insanum) multæ tibi tum officient res &  
Custodes, lætica, ciniflones, parasitæ,  
Ad talos stola demissa, & circumdata palla;  
Plurima, quæ inuideant pure apparere tibi rem.  
Altera nil obstat: Cois tibi pene videre est  
Ut nudam; ne crure malo, ne sit pede turpi:  
Metiri possis oculo latus; an tibi mavis  
Insidias fieri, pretiumque avellier, ante  
Quam mercem ostendi? *Leporem venator ut alta  
In nive sectatur, positum sic tangere nolit:*  
Cantat, & apponit: *Meus est amor huic similis: nam  
Transvolat in medio posita, & fugientia captat.*  
Hiscene versiculis speras tibi posse dolores,  
Atque æstus, curesque graves è pectore pelli?  
Nonne cupidinibus statuit Natura modum? quem,  
Quid latura sibi, quid sit dolitura negatum,  
Quærere plus prodest, & inane abscindere soldo?  
Num, tibi quum fauces urit sitis, aurea quæris  
Pocula? num esuriens fastidis omnia præter  
Pavonem, rhombumque? tument tibi quum in-  
guina, num, si  
Ancilla, aut verna est præsto puer, impetus in quem  
Continuo fiat, malis tentigine rumpi?  
Non ego; namque parabilem amo venerem, faci-  
lemque.  
Illam, *post paulo, sed pluris, si exierit vir:*  
Gallis hanc, Philodemus ait: sibi, quæ neque  
c magne

Stot

Stet pretio, neque cunctetur, quum est iussa, venire.  
Candida, rectaque sit; munda hactenus, ut neque  
longa,

Nec magis alba velit, quam det Natura, videri.  
Hæc ubi supposuit dextro corpus mihi lævum,  
Ilia & Egeria est: do nomen quodlibet illi.  
Nec vereor ne, dum futuo, vir rure recurrat,  
Janua frangatur, latret canis, undique magno  
Pulsa domus strepitu resonet; vel pallida lecto  
Defiliat mulier, miseram se conscia clamet;  
Cruribus hæc metuat, doti deprensa, egomet mî.  
Discincta tunica fugiendum est, ac pede nudo:  
Ne nummi pereant, aut pyga, aut denique fama.  
Deprehendi miserum est: Fabio vel iudice vincam.



**SATIRA III.**

*In amicorum vitiis connivendum, neque peccata omnia in scelerum numero ponenda.*

**O** M N I B U S hoc vitium est cantoribus, inter  
amicos

Ut nunquam inducant animum cantare, rogati;  
Injussi nunquam desistant. Sardus habebat  
Ille Tigellius hoc. Cæsar, qui cogere posset,  
Si peteret per amicitiam patris, atque suam, non  
Quidquam proficeret; si collibuisse, ab ovo  
Usque ad mala iteraret, Io Bacche, modo summa  
Voce, modo hac resonat chordis quæ quatuor ima.  
Nil æquale homini fuit illi. Sæpe velut qui  
Carrebat fugiens hostem; sæpe velut qui  
Junonis sacra ferret. Habebat sæpe ducentos,  
Sæpe decem servos: modo reges atque tetrarchas,  
Omnia magna loquens: modo, sit mihi mensa  
tripes, et

○



Concha salis puri, & toga, quæ defendere frigus,  
 Quamvis crassa, queat. Decies centena dedisses  
 Huic parco paucis contento, quinque diebus  
 Nil erat in oculis. Noctes vigilabat ad ipsum  
 Mane; diem totum stertebat. Nil fuit unquam  
 Sic impar sibi. Nunc aliquis dicat mihi, quid tu?  
 Nullane habes vitia? imo alia, & fortasse minora.  
 Mænius absentem Novium quum carperet: heus tu,  
 Quidam ait, ignoras te? an, ut ignotum, dare nobis  
 Verba putas? Egomet mi ignosco, Mænius inquit.  
 Stultus, & improbus hic amor est, dignusque notari.  
 Quum tua pervideas oculis mala lippus inunctis,  
 Cur in amicorum vitiis tam cernis acutum,  
 Quam aut aquila, aut serpens Epidaurius? at tibi  
 contra

Iracundior est paulo, minus aptus acutis  
 Naribus horum hominum; rideri possit, eo quod  
 Rusticius tonso toga defluit, & male laxus  
 In pede calceus hæret; at est bonus, ut melior vir  
 Non alius quisquam: at tibi amicus, at ingenium  
 ingens

Inculto latet hoc sub corpore: denique te ipsum  
 Concute, num qua tibi vitiorum inleverit olim  
 Natura, aut etiam consuetudo mala: namque  
 Neglectis urenda filix innascitur agris.  
 Illuc prævertamur: amatorem quod amicæ  
 Turpia decipiunt cæcum vitia, aut etiam ipsa hæc  
 Delectant, veluti Balbinum polypus Hagnes.  
 Vellem in amicitia sic erraremus, & isti  
 Errori nomen virtus posuisset honestum.  
 At, pater ut nati, sic nos debemus amici,  
 Si quod sit vitium, non fastidire. Strabonem  
 Appellat pærum pater; & pullum, male parvus  
 Si cui filius est, ut abortivus fuit olim  
 Sisyphus; hunc, varum, distortis cruribus; illum  
 Balbutit scaurum, pravis fultum male talis.  
 Parcius hic vivit? frugi dicatur. Ineptus,

Et jactantior hic paulo est? concinnus amicis  
 Postulat ut videatur. At est truculentior, atque  
 Plus æquo liber? simplex, fortisque habeatur.  
 Caldior est? acres inter numeretur. Opinor,  
 Hæc res & jungit, junctos & servat amicos.

At nos virtutes ipsas invertimus, atque  
 Sincerum cupimus vas incrustare. Probus qui  
 Nobiscum vivit, multum demissus homo; illi  
 Tardo ac cognomen pingui damus. Hic fugit  
 omnes

Insidias, nullique malo latus obdit apertum?  
 { Quum genus hoc inter vitæ versetur, ubi acris  
 Invidia, atque vigent ubi crimina } pro bene sano,  
 Ac non incauto, fictum, astutumque vocamus.  
 Simplicior quis & est { qualem me sæpe libenter  
 Obtulerim tibi, Mæcenas } ut forte legentem,  
 Aut tacitum adpellet quovis sermone molestus:  
 Communi sensu plane caret, inquit. Eheu,  
 Quam temere in nosmet legem sancimus iniquam!  
 Nam vitiiis nemo sine nascitur: optimus ille est,  
 Qui minimis urgetur. Amicus dulcis, ut æquum est,  
 Cum mea compenset vitiiis bona: pluribus hisce,  
 { Si modo plura mihi bona sunt } inclinet, amari  
 Si volet; hac lege in trutina ponetur eadem.  
 Qui, ne tuberibus propriis offendat amicum,  
 Postulat, ignoscat verrucis illius. Æquum est  
 Peccatis veniam poscentem, reddere rursus.  
 Denique, quatenus excidi penitus vitium iræ,  
 Cetera item nequeunt stultis hærentia: cur non  
 Ponderibus, modulisque suis ratio utitur? ac, res  
 Ut quæque est, ita supplicis delicta coërcet?  
 Si quis eum servum, patinam qui tollere jussus,  
 Semefos pisces, tepidumque ligaverit jus,  
 In cruce suffigat, Labeone insanior, inter  
 Sanos dicatur. Quanto hoc furiosius, atque  
 Majus peccatum est? paulum deliquit amicus:  
 Quod nisi concedas, habere insuavis, acerbos t

Odisti, & fugis, ut Rufonem debitor æris;  
 Qui, nisi quum tristes misero venere Calendæ,  
 Mercedem, aut nummos unde unde extricat,  
 amaras

Porrecto jugulo historias, captivus ut, audit.  
 Comminxit lectum potus, mensave catillum  
 Evandri manibus tritum dejecit; ob hanc rem,  
 Aut positum ante mea quia pullum in parte carini  
 Sustulit esuriens, minus hoc jucundus amicus  
 Sit mihi? quid faciam, furtum si fecerit? aut si  
 Prodiderit commissa fide? sponsumve negarit?  
 Quæis paria esse fere placuit peccata, laborant,  
 Quum ventum ad verum est: sensus, moresque  
 repugnant,

Atque ipsa utilitas, iusti prope mater, & æqui.  
 Quum prorepserunt primis animalia terris,  
 Mutum, & turpe pecus, glandem, atque cubilia  
 propter,

Unguibus, & pugnis, dein fustibus, atque ita porro  
 Pugnabant armis, quæ post fabricaverat usus:  
 Donec verba, quibus voces, sensusque notarent,  
 Nominaque invenere. Dehinc abstinere bello,  
 Oppida cœperunt munire, & ponere leges,  
 Nè quis fur esset, neu latro, neu quis adulter.  
 Nam fuit ante Helenam cunnus teterrima belli  
 Causa; sed ignotis perierunt mortibus illi,  
 Quos venerem incertam rapientes, more ferarum,  
 Viribus editior cædebat, ut in grege taurus.  
 Jura inventa metu injusti fateare necesse est,  
 Tempora si fastosque velis evolvere mundi.  
 Nec Natura potest iusto secernere iniquum,  
 Dividit ut bona diversis, fugienda petendis.  
 Néc vincet ratio hoc, tantumdem ut peccet,  
 idemque,

Qui teneros caules alieni fregerit horti,  
 Et qui nocturnus sacra Divum legerit. Adhuc  
 Regula, peccatis quæ pœnas irroget æquas;

Ne scutica dignum, horribili sectere flagello  
 Nam ut ferula cædas meritum majora subire  
 Verbera, non vereor: quum dicas esse pares res  
 Furta latrociniiis, & magnis parva mineri  
 Falce recisurum simili te, si tibi regnum  
 Permittant homines. Si dives, qui sapiens est,  
 Et sutor bonus, & solus formosus, & est Rex:  
 Cur optas quod habes? Non nosti quid pater (inquit)  
 Chrysiippus dicat: Sapiens crepidas sibi nunquam,  
 Nec soleas fecit: sutor tamen est sapiens. Quo?  
 Ut, quamvis tacet Hermogenes, cantor tamen,

atque

Optimus est modulator: ut Alfenus vaser, omni  
 Abiecto instrumento artis, clausaque taberna,  
 Sutor erat: Sapiens operis sic optimus omnis  
 Est opifex solus, sic rex. Vellunt tibi barbam,  
 Lascivi pueri, quos tu nisi fuisse coërces,  
 Urgeris turba circum te stante, miserque  
 Rumperis, & latras, magnorum maxime Regum.  
 Ne longum faciam: dum tu quadrante lavatum  
 Rex ibis; neque te quisquam stipator, ineptum  
 Præter Crispinum, sectabitur; & mihi dulces  
 Ignoscent, si quid peccaro stultus, amici;  
 Inque vicem illorum patiar delicta libenter;  
 Privatusque magis vivam te Rege beatus.



#### S A T I R A I V.

*Satiricorum poetarum, ac suam præsertim in  
 scribendo licentiam excusat.*

**E**U P O L I S, atque Cratinus, Aristophanesque,  
 poëtae

Atque alii, quorum comœdia prisca virorum est,  
 Si quis erat dignus describi, quod malus ac fur

Quod mœchus foret, aut sicarius, aut alioquæ  
 Famofus, multa cum libertate notabant.  
 Hinc omnis pendet Lucilius, hosce fequutus,  
 Mutatis tantum pedibus, numerisque; facetus,  
 Emunctæ naris, durus componere verſus:  
 Nam fuit hoc vitioſus; in hora ſæpe ducentos,  
 Ut magnum verſus dictabat, ſtans pede in uno:  
 Quum flueret lutulentus, erat quod tollere velles.  
 Garrulus, atque piger ſcribendi ferre laborem:  
 Scribendi recte: nam ut multum, niſ moror. Ecce,  
 Crispinus minimo me provocat: accipe, ſi vis,  
 Accipe jam tabulas: detur nobis locus, hora,  
 Cuſtodes; videamus uter plus ſcribere poſſit.  
 Dî bene fecerunt, inopis me, quodque puſilli  
 Finxerunt animi, raro & perpauca loquentis.  
 At tu conclafas hircinis follibus auras,  
 Uſque laborantes dum ferrum molliat ignis,  
 Ut mavis, imitare. Beatus Fannius, ultro  
 Delatis capſis, & imagine: quum mea nemo  
 Scripta legat, vulgo recitare timentis, ob hanc rem,  
 Quod ſunt quos genus hoc minime juvat, utpote  
 plures

Culpari dignos. Quemvis mediâ arripe turba,  
 Aut ab avaritia, aut miſer ambitione laborat:  
 Hic nuptarum infanit amoribus, hic puerorum:  
 Hunc capit argenti ſplendor, ſtupet Albius ære:  
 Hic mutat merces ſurgente à ſole, ad eum quo  
 Veſpertina tepet regio: quin per mala præceps  
 Fertur, uti pulvis collectus turbine, ne quid  
 Summa deperdat metuens, aut ampliet ut rem.  
 Omnes hi metuunt verſus, odere poëtam.  
 Fœnum habet in cornu, longe fuge: dammodo riſit  
 Excutiat ſibi, non hic cuiquam parcer amico;  
 Et, quodcunque ſemel chartis illeverit, omnes  
 Geſtiet à furno redeuntes ſcire, lacuque,  
 Et pueros, & anus. Agedum pauca accipe contra.  
 Primum ego me illorum, dederim quibus eſſe  
 poëtis,

Excerptam numero: neque enim concludere versum  
Dixeris esse satis; neque, si quis scribat, uti nos,  
Sermoni propiora, putes hunc esse poëtam.

Ingenium cui sit, cui mens diviniore, atque os  
Magna sonaturum, des nominis huius honorem.  
Idcirco quidam, comœdia, necne poëma  
Effet, quæsiwere; quod acer spiritus, ac vis  
Nec verbis, nec rebus inest, nisi quod pede certo  
Differt sermoni sermo merus. At pater ardens  
Sævit, quod meretrice nepos insanus amica  
Filius, uxorem grandi cum dote recuset,  
Ebrius & (magnum quod dedecus) ambulet ante  
Noctem cum facibus. Numquid Pomponius istis  
Audiret leviora, pater si viveret? ergo  
Non satis est puris versum perscribere verbis;  
Quem si dissolvas, quivis stomachetur eodem  
Quo personatus pacto pater. His, ego quæ nunc,  
Olim quæ scripsit Lucilius, eripias si.  
Tempora certæ, modosque, & quod prius ordine  
verbum est,

Posterius facias, præponens ultima primis:

Non, ut si solvas, (*Postquam discordia tetra  
Belli ferratos postes, portasque refregit:*)

Invenias etiam disiecti membra poëtæ.

Hactenus hæc: alias, justum sit necne poëma:

Nunc illud tantum quæram, meritone tibi sit  
Suspectum genus hoc scribendi. Sulcius acer  
Ambulat, & Caprinæ, rauci male, cumque li-  
bellis?

Magnus uterque timor latronibus: at bene si quis,  
Et puris vivat manibus, contemnat utrumque.

Ut sis tu similis Coelli, Birrique, Latronum,  
Non ego sim Capræ, neque Sulci: cur metuas me?  
Nulla taberna meos habeat, neque pila libellos,  
Queis manus insudet vulgi, Hermogenisque Tri-  
gelli.

Non recte cuiquam, nisi amicis, idque coactus:

Non ubi vis, coramve quibuslibet. In medio qui  
 Scripta foro recitent, sunt multi; quique lavantes:  
 Suave locus voci resonat conclusus. Inanes  
 Hoc juvat, haud illud quærentes, num sine sensu,  
 Tempore num faciant alieno. Lædere gaudes,  
 Inquit, & hoc studio pravus facis. Unde petitur  
 Hoc in me jadis? est auctor quis denique eorum,  
 Vixi cum quibus? absentem qui rodit amicum,  
 Qui non defendit, alio culpante; solutos  
 Qui captat risus hominum, famamque dicacis;  
 Fingere qui non visa potest; commissa tacere  
 Qui nequit, hic niger est, hunc tu, Romane, caveto.  
 Sæpe tribus lectis videas cœnare quaternos,  
 Et quibus unus amet quavis aspergere cunctos,  
 Præter eum qui præbet aquam: post, hunc quoque  
 potus,

Condita quum verax aperit præcordia Liber.  
 Hic tibi comis, & urbanus, liberque videtur,  
 Insesto nigris. Ego, si risi quod ineptus  
 Pastillos Rufillus olet, Gorgonius hircum,  
 Lividus & mordax videar tibi? mentio si qua  
 De capitolini furtis injecta Petilli  
 Te coram fuerit, defendas, ut tuus est mos:  
 Me Capitolinus convictore usus amico-  
 que à puero est, causaque mea permulta rogatus  
 Fecit; &, incolumis lætor quod vivit in urbe:  
 Sed tamen admiror, quo pacto iudicium illud  
 Fugerit. Hic nigræ succus loliginis, hæc est  
 Ærugo mera: quod vitium procul a fore chartis,  
 Atque animo prius, ut si quid promittere de me  
 Possum aliud, vere promitto. Liberius si  
 Dixero quid, si forte jocosius, hoc mihi juris  
 Cum venia dabis. Insuevit pater optimus hoc me  
 Ut fugerem, exemplis vitiorum quæque notando.  
 Quum me hortaretur, parce, frugaliter, atque  
 Viverem uti contentus eo quod mi ipse parasset:  
 Nonne vides, Albi ut male vivat filius, utqui  
 Farris

Farris inops ? magnū documentum, ne patriam rem  
Perdere quis velit. A turpi meretricis amore  
Quum deterreret, Scetani dissimilis sis.

Ne sequerer mœchas, concessa quum venere uti  
Possem ; deprensi non bella est fama Treboni,  
Aiebat. Sapiens, vitatu quidque petitu  
Sit melius, causas reddet tibi : mihi satis est, si  
Traditum ab antiquis morem servare, tuamque,  
Dum custodis eges, vitam, famamque tueri  
Incolumem possim. Simul ac duraverit ætas  
Membra, animumque tuum, nabis sine cortice.

Sic me

Formabat puerum dictis : & five jubebat  
Ut facerem quid, habes auctorem quo facias hoc :  
Unum ex iudicibus selectis objiciebat :  
Sive vetabat, an hoc inhonestum, & inutile factu  
Necne sit, addubites ; flagret rumore malo quum  
Hic, atque ille ? Avidos vicinum funus ut ægros  
Exanimat, mortisque metu sibi parcere cogit ;  
Sic teneros animos aliena opprobria sæpe  
Absterrent vitiis. Ex hoc ego sanus ab illis,  
Perniciem quæcunque ferunt : mediocribus, & ,  
queis

Ignoscas, vitiis teneor. Fortassis & istinc  
Largiter abstulerit longa ætas, liber amicus,  
Consilium proprium. Neque enim, quum lectulus,  
aut me

Porticus excepit, desum mihi : Rectius hoc est :  
Hoc faciens, vivam melius ; sic dulcis amicis  
Occurram. Hoc quidam non bellè : numquid ego illi  
Imprudens olim faciam simile ? Hæc ego mecum  
Compressis agito labris ; ubi quid datur otii,  
Illudo chartis. Hoc est mediocribus illis  
Ex vitiis unum : cui si concedere nolis,  
Multa poëtarum veniat manus, auxilio quæ  
Sit mihi. Nam multo plures sumus ; ac veluti te  
Judæi cogemus in hanc concedere turbam.

P





## SATIRA V.

*Iter quoddam suum Româ Brundisum usque  
singulari festivitate describis.*

**E**GRASSUM magna me excepit Aricia Roma  
Hospitio modico : rhetor comes Heliodorus ,  
Græcorum longe doctissimus. Inde Forum Appi ,  
Differtum nautis , cauponibus atque malignis.  
Hoc iter ignavi divisimus , altius ac nos  
Præcinctis unum. Minus est gravis Appia tardis.  
Hic ego , propter aquam , quod erat deterrima ,  
ventri  
Indico bellum , cœnantes haud animo æquo  
Exspectans comites. Jam nox inducere terris  
Umbras , & Cœlo diffundere signa parabat :  
Tum pueri nautis , pueris convicia nautæ  
Ingerere. Huc appelle : trecentos inferis : ohe ,  
Jam satis est. Dum æs exigitur , dum mula ligatur ,  
Tota abit hora. Mali culices , ranæque palustres  
Avertunt somnos. Absentem ut cantat amicam  
Multa prolutus vappa nauta , atque viator  
Certatim. Tandem fessus dormire viator  
Incipit ; ac missæ pastum retinacula mulæ  
Nauta piger saxo religat , stertitque supinus.  
Jamque dies aderat , quum nil procedere lintrem  
Sentimus ; donec cerebrosus proflit unus ,  
Ac mulæ , nautæque caput , lumbosque saligno  
Fuste dolat. Quarta vix demum exponimur hora.  
Ora , manusque tua lavimus , Feronia , lymphe.  
Millia tum pransi tria repimus , atque subimus  
Impositum saxi late candentibus Anxur.  
Huc venturus erat Mæcenas optimus , atque  
Cocceius , missi magnis de rebus uterque

Legati, averfos soliti componere amicos.  
 Hic oculis ego nigra meis collyria lippus  
 Illinere. Interea Mæcenâs advenit, atque  
 Cocceius, Capitoque simul Fonteius, ad unguem  
 Factus homo, Antoni, non ut magis alter, amicus.  
 Fundos Aufidio Lusco prætor libenter  
 Linquimus, insani ridentes præmia scribæ,  
 Prætextam, & latum clavum, prænaque batillum.  
 In Mamurrarum lassâ deinde urbe manemus,  
 Murena præbente domum, Capitone culinam.  
 Postera lux oritur multo gratissima: namque  
 Plotius, & Varius Simeis, Virgiliusque  
 Occurrunt; animæ, quales neque candidiores  
 Terra tulit, neque quæis me sit devinctior alter.  
 O qui complexus, & gaudia quanta fuerunt!  
 Nil ego contulerim jucundo, sanus, amico.  
 Proxima Campano ponti quæ villula, tectum  
 Præbuit; & Parochi, quæ debent, ligna, sale quoque.  
 Hinc muli Capuæ clitellas tempore ponunt.  
 Lusum it Mæcenâs, dormitum ego, Virgiliusque:  
 Namque pila lippis inimicum, & ludere crudis.  
 Hinc nos Cocceii recipit plenissima villa,  
 Quæ super est Caudî cauponas. Nunc mihi paucis:  
 Sarmenti scurræ pugnam, Messique Cicirri,  
 Musa, velim memores; & quo patre natus uterque  
 Contulerit lites. Messî clarum genus Osci,  
 Sarmenti domina extat. Ab his majoribus orti  
 Ad pugnam venire. Prior Sarmentus: Equi te  
 Esse feri similem dico. Ridemus; & ipse  
 Messius, accipio, caput & movet. O, tua cornu  
 Ni foret exsecto frons, inquit, quid faceres, quum  
 Sic mutilus miniteris? At illi fæda cicatrix  
 Setosam lævi frontem turpaverat oris.  
 Campanum in morbum, in faciem permulta jocularis,  
 Pastorem saltaret uti Cyclopa rogabat,  
 Nil illi larva, aut tragicis opus esse cothurnis.  
 Multa Cicirrus ad hæc: donasset jamne cæteram,

Ex voto Laribus, quærebat? scriba quod esset,  
 Nihilo deterius dominæ jus esse: rogabat  
 Denique, cur unquam fugisset, cui satis una  
 Farris libra foret, gracili sic, tamque pusillo?  
 Prorsus jucunde cœnam produximus illam.  
 Tendimus hinc recta Beneventum, ubi sedulus  
 hospes

Pene arsit, macros dum turdos versat in igne:  
 Nam vaga per veterem dilapso flamma culinam  
 Vulcano, summum properabat lambere testum.  
 Convivas avidos cœnam, servosque timentes  
 Tum rapere, atque omnes restinguere velle vi-  
 deres.

Incipit ex illo montes Appulia notos  
 Ostentare mihi, quos torret Atabulus; & quos  
 Nunquam erepsimus, nisi nos vicina Trivici  
 Villa recepisset, lacrymoso non sine fumo,  
 Udos cum foliis ramos urente camino.  
 Hic ego mendacem stultissimus usque puellam  
 Ad mediam noctem exspecto; somnus tamen aufert  
 Intentum Veneri: tum immundo somnia visu  
 Nocturnam vestem maculant, ventremque supinû.  
 Quatuor hinc rapimur viginti & millia rhedis  
 Mansuri oppidulo, quod versu dicere non est,  
 Signis perfacile est. Venit vilissima rerum  
 Hic aqua, sed panis longe pulcherrimus, ultra  
 Callidus ut soleat humeris portare viator.  
 Nam Canusi lapidosus; aquæ non ditior urna,  
*Qui locus à forti Diomede est conditus olim.*  
 Flentibus hinc Varius discedit mœstus amicis.  
 Inde Rubos fessi pervenimus, utpote longum  
 Carpentem iter, & factum corruptius imbri.  
 Postera tempestas melior, via pejor ad usque  
 Bari mœnia piscosi. Dehinc Gnatia lymphis  
 Iratis exstructa dedit risusque, jocosque,  
 Dum flamma sine thura liquefcere limine sacro  
 Persuadere cupit. Credat judæus Apella,

Non ego: namque Deos didici securū agere ævum ;  
 Nec , si quid miri faciat Natura , Deos id  
 Tristes ex alto Cœli demittere tectō.  
 Brundisium longæ finis chartæque , viæque.



S A T I R A V I.

*De verâ nobilitate.*

**N**ON , quia , Mæcenas , Lydorum quidquid  
 Etruscos  
 Incoluit fines , nemo generosior est te ;  
 Nec , quod avus tibi maternus fuit , atque paternus ,  
 Olim qui magnis legionibus imperitarent ,  
 Ut plerique solent , naso suspendis adunco  
 Ignotos , ut me libertino patre natum.  
 Quum referre negas , quali sit quisque parente  
 Natus , dum ingenuus. Persuades hoc tibi vere ,  
 Ante potestatem Tullî , atque ignobile regnum ,  
 Multos sæpe viros nullis majoribus ortos ,  
 Et vixisse probos , amplis & honoribus auctos :  
 Contra , Lavinum , Valerî genus , unde Superbus  
 Tarquinius regno pulsus fugit , unius assis  
 Non unquam pretio pluris licuisse , notante  
 Iudice , quo nosti , populo ; qui stultus honores  
 Sæpe dat indignis , & famæ servit ineptus ;  
 Qui stupet in titulis & imaginibus. Quid oportet  
 Vos facere , à vulgo longe longèque remotos ?  
 Namque esto , populus Lævino mallet honorem  
 Quam Decio mandare novo ; censorque moveret  
 Appius , ingenuo si non essem patre natus ;  
 Vel merito , quoniâ in propria non pelle quiessem.  
 Sed fulgente trahit constrictos gloria curru  
 Non minus ignotos generosis. Quo tibi , Tilli ,  
 Sumere depositum clavum , fierique Tribunum ?  
 P ;

Invidia accrevit, privato quæ minor esset.  
 Nam ut quisque infans nigris mediū impediit crus  
 Pellibus, & latum demisit pectore clavum,  
 Audit continuo: Quis homo hic est? quo patre  
 natus?

Ut si qui ægrotet quo morbo Barrus, haberi  
 Ut cupiat formosus, eat quacunque, puellis  
 Injiciat curam. quærendi singula: quali  
 Sit facie, sura, quali pede, dente, capillo?  
 Sic qui promittit, cives, Urbem sibi curæ,  
 Imperium fore, & Italiam, & delubra Deorum;  
 Quo patre sit natus, num ignota matre inhonestus,  
 Omnes mortales curare & quærere cogit?  
 Tunc Syri; Damæ, aut Dionysi filius, audes  
 Dejicere è saxo cives, aut tradere Cadmo?  
 At Novius collega gradu post me sedet uno;  
 Namque est ille, pater quod erat meus. Hoc tibi  
 Paulus,

Et Messala videris. At hic, si plaustra ducenta,  
 Concurrantque foro tria funera, magna sonabit  
 Cornua quod vincatque tubas: saltem tenet hoc nos.  
 Nunc ad me redeo, libertino patre natum,  
 Quem rodunt omnes libertino patre natum:  
 Nunc, quia, Mæcenus, tibi sum convictor; at olim,  
 Quod mihi pareret legio Romana Tribuno.  
 Dissimile hoc illi est, quia non ut forsit honorem  
 Jure mihi invidet quivis, ita te quoque amicum,  
 Præsertim tantum dignos assumere, prava  
 Ambitione procul. Felicem dicere non hoc  
 Me possit, casu quod te fortitus amicum:  
 Nulla etenim tibi me fors obtulit. Optimus olim  
 Virgilius, post hunc Varius, dixere quid essem.  
 Ut veni coram, singultim pauca loquutus,  
 (Infans namque pudor prohibebat plura profari)  
 Non ego me claro natum patre, non ego circum  
 Me Satureiano vectari rura caballo,  
 Sed, quod eram, narro. Respondes (ut tuus est mos)

Pauca. Abeo, & revocas nono post mense, jubesque  
 Esse in amicorum numero. Magnum hoc ego duco,  
 Quod placui tibi, qui turpi secernis honestum,  
 Non patre præclaro, sed vita, & pectore puro.  
 Atqui si vitiis mediocribus ac mea paucis  
 Mendosa est natura, alioqui recta, (velut si  
 Egregio insperfos reprehendas corpore nævos)  
 Si neque avaritiam, neque sordes, nec mala lustra  
 Objiciet vere quisquam mihi: purus, & insons  
 (Ut me collaudem) si vivo, & carus amicis;  
 Causa fuit pater his, macro qui pauper agello  
 Noluit in Flavi ludum me mittere, magni  
 Quo pueri magnis è centurionibus orti,  
 Lævo suspensi loculos, tabulamque lacerto,  
 Ibant octonis referentes Idibus æra.  
 Sed puerum est ausus Romam portare, docendum  
 Artes, quas doceat quivis Eques, atque Senator  
 Semet prognatos. Vestem, servosque sequentes,  
 In magno ut populo si quis vidisset, avita  
 Ex re præberi sumtus mihi crederet illos.  
 Ipse mihi custos incorruptissimus omnes  
 Circum doctores aderat. Quid multa? pudicum  
 (Qui primas virtutis honos) servavit ab omni  
 Non solum factò, verum opprobrio quoque turpi;  
 Nec timuit, sibi ne vitio quis verteret, olim  
 Si præco parvas, aut (ut fuit ipse) coactor,  
 Mercedes sequeretur, neque ego essem questus. Ob  
 hoc nunc

Laus illi debetur, & à me gratia major.  
 Nil me poeniteat sanum patris hujus; eoque  
 Non, ut magna dolo factum negat esse suo pars,  
 Quod non ingenuos habeat clarosque parentes,  
 Sic me defendam. Longe mea discrepat istis  
 Et vox, & ratio. Nam si Natura juberet  
 A certis annis ævum remeare peractum,  
 Atque alios legere ad fastum quoscunque parentes  
 Optaret sibi quisque, meis contentus, honestos

Fascibus, & sellis nolim mihi sumere. Demeas  
 Iudicio vulgi, sanus fortasse tuo; quod  
 Nollem onus (haud unquam solitus) portare mo-  
 lestum.

Nam mihi continuo major quærenda foret res,  
 Atque salutandi plures; ducendus & unus,  
 Et comes alter, uti ne solus, rursus, peregre-  
 ve exirem; plures calones, atque caballi  
 Pascendi; ducenda petorrita. Nunc mihi curto  
 Ire licet mulo, vel, si libet, usque Tarentum,  
 Mantica cui lumbos onere ulceret, atque eques  
 armos.

Objiciet nemo sordes mihi, quas tibi, Tilli,  
 Quum Tiburte via Prætores quinque sequuntur  
 Te pueri, lasanum portantes, cœnophorumque.  
 Hoc ego commodius, quam tu, præclare Senator,  
 Millibus atque aliis, vivo. Quacunque libido est,  
 Incedo solus; percontor quanti olus, ac far;  
 Fallacem Circum, vespertinumque pererro  
 Sæpe forum; adsisto divinis: inde domum me  
 Ad porri, & ciceris refero laganique catinum.  
 Cœna ministratur pueris tribus, & lapis albus  
 Pocula cum cyatho duo sustinet: astat echinus  
 Vilis, cum patera guttus, Campana supellex.  
 Deinde eo dormitum, non sollicitus, mihi quod cras  
 Surgendum sit mane, obeundus Marsya, qui se  
 Vultum ferre negat Noviorum posse minoris.  
 Ad quartam jaceo; post hanc vagor, aut ego lecto,  
 Aut scripto quod me tacitum juvet. Ungor olivo,  
 Non quo fraudatis immundus Natta lucernis.  
 Ast ubi me fessum sol acrior ire lavatum  
 Admonuit, fugio Campum, lusumque trigonem.  
 Pransus non avide, quantum interpellat inani  
 Ventre diem durare, domesticus otior. Hæc est  
 Vita solutorum misera ambitione, gravique:  
 His me consolor, victurus suavius, ac si  
 Quæstor avus, pater atque mens, patruusque fuissent.

\*\*\*\*\*:\*\*\*\*\*

## S A T I R A V I I.

*Rupili & Persii rixam facete describit.*

**P**ROSCRIPTI Regis Rupili pus, atque venenum  
 Ibrida quo pacto sit Persius ultus, opinor  
 Omnibus & lippis notum, & tonsoribus esse.  
 Persius hic permagna negotia dives habebat  
 Clazomenis, etiam lites cum Rege molestas:  
 Durus homo, atque odio posset qui vincere Regem;  
 Confidens, tumidusque; adeo sermonis amari,  
 Sisennas, Barros ut equis præcurreret albis.  
 Ad Regem redeo. Postquam nihil inter utrumque  
 Convenit (hoc etenim sunt omnes jure molesti,  
 Quo fortes, quibus adversum bellum incidit. Inter  
 Hectora Priamiden, animosum atque inter Achillem  
 Ira fuit capitalis, ut ultima divideret mors;  
 Non aliam ob causam, nisi quod virtus in utroque  
 Summa fuit. Duo si discordia verset inertes:  
 Aut si disparibus bellum incidat, ut Diomedii  
 Cum Lycio Glauco: discedat pigrior, ultra  
 Muneribus missis.) Bruto Prætorē tenente  
 Ditem Asiam, Rupili & Persi par pugnat, uti non  
 Compositi melius cum Bitho Bacchius: in jus  
 Acres procurrunt, magnum spectaculum uterque.  
 Persius exponit causam; ridetur ab omni  
 Conventu; laudat Brutum, laudatque cohortem.  
 Solem Asiæ Brutum appellat, stellasque salubres  
 Appellat comites, excepto Rege: Canem, illum,  
 Invisum agricolis fidus, venisse. Ruebat  
 Flumen ut hybernum, fertur quo rara securis.  
 Tum Prænестinus falso, multumque fluenti  
 Expressa arbusco regerit convicia, durus



Vindemiator, & invictus, cui sæpe viator  
 Cessisset, magna compellans voce cucullum.  
 At Græcus, postquam est Italo perfusus aceto  
 Perius, exclamat: Per magnos, Brute, Deos te  
 Oro, qui Reges consuesti tollere, cur non  
 Hunc Regem jugulas? operum hoc (mihi crede)  
 tuorum est.



## S A T I R A VIII.

*Conqueritur Priapus Esquilinum montem veno-  
 ficarum incantationibus infestari.*

**O** LIM truncus eram ficulnus, inutile lignum,  
 Quum faber, incertus scamnum faceretne Priapum,  
 Maluit esse Deum. Deus inde ego, furum, avium-  
 que  
 Maxima formido: nam fures dextra coërcet,  
 Obscenoque ruber porrectus ab inguine palus;  
 Ast importunas volucres in vertice arundo  
 Terret fixa, veratque novis confidere in hortis.  
 Huc prius angustis ejecta cadavera cellis  
 Conservus vili portanda locabat in arca.  
 Hoc miseræ plebi stabat commune sepulcrum,  
 Pantolabo scurræ, Nomentanoque nepoti.  
 Mille pedes in fronte, trecentos cippus in agrum  
 Hic dabat, heredes monumentum ne sequeretur.  
 Nunc licet Esquiliis habitare salubribus, atque  
 Aggere in aprico spatium, qua modo tristes  
 Albis informem spectabant ossibus agrum.  
 Quum mihi non tantum furesque, feræque suctæ  
 Hunc vexare locum, curæ sunt atque labori,  
 Quantum carminibus quæ versant atque venenis  
 Humanos animos. Has nullo perdere possum,  
 Nec prohibere modo, simul ac vaga Luna decorû

Protulit os, quin ossa legant, herbasque nocentes.  
 Vidi egomet nigra succinctam vadere palla  
 Canidiam, pedibus nudis, passioque capillo,  
 Cum Sagana majore ululantem; (pallor utraque  
 Fecerat horrendas aspectu) scalpere terram  
 Unguibus, & pullam divellere mordicus agnam  
 Cœperunt. Cruor in fossam confusus, ut inde  
 Manes elicerent, animas responsa daturas.  
 Lanea & effigies erat, altera cerea; major  
 Lanea, quæ pœnis compesceret inferiorem.  
 Cerea suppliciter stabat, servilibus, ut quæ  
 Jam peritura, modis. Hecaten vocat altera, sævam  
 Altera Tisiphonem. Serpentes, atque videres  
 Infernas errare canes; Lunamque rubentem,  
 Ne foret his testis, post magna latere sepulcra.  
 Mentior at si quid, merdis caput inquiner albis  
 Corvorum; atque in me veniant mictum atque  
 cacatum

Julius, & fragilis Pediatia, furque Voranus.  
 Singula quid memorem? quo pacto alterna lo-  
 quentes

Umbrae cum Sagana resonarint triste & acutum?  
 Utque lupi barbam variæ cum dente colubræ  
 Abdiderint furtim terris? & imagine cerea  
 Largior arserit ignis? & ut non testis inultus  
 Horruerim voces Furiarum & facta duarum?  
 Nam, displosa sonat quantum vesica, pepedi  
 Diffissa nate ficus. At illæ currere in urbem.  
 Canidiæ dentes, altum Saganæ caliendrum  
 Excidere, atque herbas, atque incantata lacertis  
 Vincula, cum magno risuque, jocoque videres.



## SATIRA IX.

*Quantas ab importuni hominis loquacitate  
exorbendas habuerit molestias.*

**I**BAM forte via Sacra (sicut meus est mos)  
Nescio quid meditans nugarum, totus in illis;  
Accurrit quidam notus mihi nomine tantum,  
Arreptaque manu: Quid agis, dulcissime rerum?  
Suaviter, ut nunc est, inquam; & cupio omnia  
quæ vis.

Quum affectaretur: Num quid vis? occupo. At ille,  
Noris nos, inquit, docti sumus. Hic ego, pluris  
Hoc, inquam, mihi eris. Misere discedere quærens,  
Ire modo ocius, interdum consistere, in aurem  
Dicere nescio quid puero. Quum sudor ad imos  
Manaret talos: ô te, Bollane, cerebri  
Felicem, aiebam tacitus. Quum quidlibet ille  
Garriret, vicos, Urbem laudaret; ut illi  
Nil respondebam: Misere cupis, inquit, abire;  
Jamdudum video, sed nil agis, usque tenebo;  
Prosequar hinc, quo nunc iter est tibi. Nil opus  
est te

Circumagi, quemdam volo visere, non tibi notum:  
Trans Tiberim longe cubat is, prope Cæsaris  
hortos.

Nil habeo quod agam, & non sum piger, usque  
sequar te.

Demitto auriculas, ut iniquæ mentis asellus,  
Quum gravius dorso subiit onus. Incipit ille:  
Si bene me novi, non Viscum pluris amicum,  
Non Varium facies. Nam quis me scribere plures  
Aut citius possit versus; quis membra movere  
Mollius? invideat quod & Hermogenes, ego canto.

Interpellandi locus hic erat : Est tibi mater ,  
Cognati , queis te salvo est opus ? Haud mihi quisquam ;

Omnes composui. Felices ! nunc ego resto :  
Confice , namque instat fatum mihi triste , Sabella  
Quod puero cecinit , mota divina anus urna.

Hunc neque dira venena, nec hosticus auferet ensis,  
Nec laterum dolor , aut tussis, nec tarda podagra :  
Garrulus hunc quando consumet cunque : loquaces,  
Si sapiat , viret , simul atque adoleverit ætas.

Ventum erat ad Vestæ , quarta jam parte diei  
Præterita ; & casu , tunc respondere vadatus  
Debebat : quod nî fecisset , perdere litem.

Si me amas , inquit , paulum hic ades. Inteream, si  
Aut valeo stare , aut novi civilia jura :

Et propero quo scis. Dubius sum quid faciâ , inquit :  
Tene relinquam, an rem. Me, sodes. Non faciâ ,  
ille ,

Et præcedere cœpit. Ego ( ut contendere durum est  
Cum victore ) sequor. Mæcenas quomodo tecum ?  
Hinc repetit. Paucorum hominum, & mentis bene  
sanæ.

Nemo dexterius fortuna est usus : Haberes  
Magnum adiutorem , posset qui ferre secundas ,  
Hunc hominem velles si tradere : dispeream, nî  
Summosses omnes. Non isto vivitur illic ,  
Quo tu rere , modo : domus hac nec purior ulla est,  
Nec magis his aliena malis : nil mî officit, inquam,  
Ditior hic , aut est quia doctior , est locus uni-  
cuique suus. Magnum narras , vix credibile. Atqui  
Sic habet. Accendis quare cupiam magis illi  
Proximus esse. Velis tantummodo : quæ tua virtus,  
Expugnabis , & est qui vinci possit ; eoque  
Difficiles aditus primos habet. Haud mihi deero :  
Muneribus servos corrumpam ; non , hodie si  
Exclusus fuero , desistam ; tempora quæram ,  
Occurrâ in triviis , deducam. Nil sine magno ]

Vita labore dedit mortalibus. Hæc dum agit, ecce,  
 Fuscus Aristius occurrit, mihi carus, & illum  
 Qui pulchrè nosset. Consistimus. Unde venis? &  
 Quo tendis? rogat, & respondet. Vellere corpi,  
 Et prensare manu lentissima brachia, nutans,  
 Distorquens oculos, ut me eriperet. Male falsus  
 Ridens dissimulare: meum jecur urere bilis.  
 Certe nescio quid secreto velle loqui te  
 Aiebas mecum. Memini bene, sed meliori  
 Tempore dicam. Hodie tricesima sabbata: vin' tu  
 Curtis Judæis oppedere? Nulla mihi, inquam,  
 Religio est. At mi: sum paulo infirmior, unus  
 Multorum. Ignosces, alias loquar. Huncine solem  
 Tam nigrum surrexe mihi? fugit improbus, ac me  
 Sub cultro linquit. Casu venit obvius illi  
 Adversarius: &, quo tu turpissime? magna  
 Exclamat voce: &, licet antestari? Ego vero  
 Oppono auriculam: rapit in jus, clamor utrinque,  
 Undique concursus: sic me servavit Apollo.



## S A T I R A X.

*Suum de Lucilio iudicium tuetur, & egregia scri-  
 bendarum Satirarum præcepta adspersit.*

**N** E M P E incompositio dixi pede currere versus  
 Lucili. Quis tam Lucili fautor inepte est,  
 Ut non hoc fateatur? at idem quod sale multo  
 Urbem defricuit, charta laudatur eadem.  
 Nec tamen hoc tribuens, dederim quoque cetera.  
 Nam sic

Et Laberl mimos, ut pulchra poëmata, mirer.  
 Ergo non satis est risu diducere rictum  
 Auditoris; & est quædam tamen hîc quoque virtus:  
 Est brevitæ opus, ut currat sententia, neu se

Impediat verbis lassas onerantibus aures :  
 Et sermone opus est modo tristi , sæpe jocosò ,  
 Defendente vicem modo Rhetoris , atque Poëtæ ,  
 Interdum urbani , parcentis viribus , atque  
 Extenuantis eas consulto. Ridiculum acri  
 Fortius , & melius magnas plerumque secat res.  
 Illi , scripta quibus Comœdia prisca viris est ,  
 Hoc stabant , hoc sunt imitandi : quos neque pul-  
 cher

Hermogenes unquam legit , neque simius iste ,  
 Nil præter Calvum , & doctus cantare Catullum.  
 At magnum fecit , quod verbis Græca Latinis  
 Miscuit. O feri studiorum , quine putetis  
 Difficile & mirum , Rhodio quod Pitholeonti  
 Contigit. At sermo lingua concinnus utraque  
 Suavior , ut Chiò nota si commissa Falerni est ,  
 Quum versus facias , teipsum percontor , an & quum  
 Dura tibi peragenda rei sit causa Petilli ,  
 Scilicet oblitus patriæque , patrisque Latini ,  
 Quum Pedius causas exsudet Poplicola , atque  
 Corvinus , patriis intermiscere petita  
 Verba foris malis , Canusini more bilinguis ?  
 Atque ego quum Græcos facerem , natus mare citra ,  
 Versiculos , vetuit me tali voce Quirinus ,  
 Post mediam noctem visus , quum somnia vera :  
 In sylvam non ligna feras insanius , ac si  
 Magnas Græcorum malis implere cætervas.  
 Turgidus Alpinus jugulat dum Memnona , dumque  
 Desingit Rheni luteum caput , hæc ego ludo ,  
 Quæ nec in æde sonent certantia iudice Tarpa ,  
 Nec redeant iterum atque iterum spectanda theatris.  
 Arguta meretrice potes , Davoque Chremeta  
 Eludente senem , comis garrere libellos ,  
 Unus vivorum , Fundant. Pollio regum  
 Facta canit , pede ter percusso : forte epos acer ,  
 Ut nemo , Varius ducit : molle atque facetum  
 Virgilio annuerunt gaudentes rure Camœnæ.

Hoc erat, experto frustra Varrone Atacino,  
Atque quibuldam aliis, melius quod scribere pos-  
sem,

Inventore minor. Neque ego illi detrahere ausim  
Hærentem capiti multa cum laude coronam:  
At dixi fluere hunc lutulentum, sæpe ferentem  
Plura quidem tollenda relinquendis. Age, quæso,  
Tu nihil in magno doctus reprendis Homero?  
Nil comis tragici mutat Lucilius Acti?  
Non ridet versus Enni gravitate minores,  
Quum de se loquitur, non ut majore reprensus.  
Quid vetat & nosmet Lucilli scripta legentes,  
Quærere num illius, num rerum dura negarit  
Versiculos Natura magis factos, & euntes  
Mollius, ac si quis pedibus quid claudere senis  
Hoc tantum contentus, amet scripsisse ducentos  
Ante cibum versus, totidem cœnatus. Etrusci  
Quale fuit Cassi rapido ferventius amni  
Ingenium; capsis quem fama est esse librisque  
Arbustum propriis. Fuerit Lucilius, inquam,  
Comis, & urbanus; fuerit limatior idem,  
Quam rudis, & Græcis intacti carminis auctor;  
Quamque poëtarum seniorum turba; sed ille,  
Si foret hoc nostrum fato dilatus in ævum,  
Detereret sibi multa, recideret omne quod ultra  
Perfectum traheretur, & in versu faciendo  
Sæpe caput scaberet, vivos & roderet ungues.  
Sæpe stylum vertas, iterum, quæ digna legi sint,  
Scripturus; neque te ut miretur turba, labores,  
Contentus paucis lectoribus. An tua demens  
Vilibus in ludis dictari carmina malis?  
Non ego. Nam satis est equitem mihi plaudere:  
ut audax,  
Contemptis aliis, explosa Arbuscula dixit.  
Men' moveat cimex Pantilius; aut cruciet quod  
Velliget absentem Demetrius? aut quod ineptus  
Fannius Hermogenis lædat conviva Tigelli?

Plotius,

Plotius, & Varius, Mæcenas, Virgiliusque,  
 Valgius, & probet hæc Octavius optimus, atque  
 Fuscus; & hæc utinam Viscorum laudet uterque.  
 Ambitione relegata, te dicere possum,  
 Pollio, te, Messala, tuo cum fratre; simulque  
 Vos Bibule, & Servi; simul his te, candide  
 Furni:

Complures alios, doctos ego quos & amicos  
 Prudens prætereo; quibus hæc, sint qualiacunque,  
 Arridere velim; doliturus, si placeant spe  
 Deterius nostra. Demetri, teque, Tigelli,  
 Discipularum inter jubeo plorare cathedras.  
 I, puer, atque meo citus hæc subscribe libello.





Q. HORATII FLACCI  
SERMONUM,  
SEU SATIRARUM  
LIBER SECUNDUS.



SATIRA I.

*Fingit se cum Trebatio deliberare utrum a  
scribendis satiris abstineat.*



UNT quibus in satira videor nimis  
acer, & ultra  
Legem intendere opus: sine nervis  
altera, quidquid  
Composui, pars esse putat; similes-  
que meorum  
Mille die versus deduci possit. Trebati,

Quid faciam, præscribe. Quiescas. Ne faciam,  
inquis,

Omnino versus? Aio. Peream male, si non  
Optimum erat: verum nequeo dormire. Ter uncti  
Transfanto Tiberim, somno quibus est opus alto;  
Triguumque mero sub noctem corpus habento.  
Aut, si tantus amor scribendi te rapit, aude  
Cæsaris invicti res dicere, multa laborum  
Præmia laturus. Cupidum, pater optime, vires  
Deficiunt. Neque enim quivis horrentia pilis  
Agmina, nec fracta pereuntes cuspide Gallos,  
Aut labentis equo describat vulnera Parthi.  
Attamen & justum poteras & scribere fortem,  
Scipiadem, ut sapiens Lucilius. Haud mihi deero,  
Quum res ipsa feret. Nisi dextro tempore, Flacci  
Verba per attentam non ibunt Cæsaris aurem;  
Cui male si palpere, recalcitrat undique tutus.  
Quanto rectius hoc, quam tristi lædere versu  
Pantolabum scurram, Nomentanumque nepotem:  
Quum sibi quisque timet, quanquam est intactus,  
& odit?

Quid faciam? saltat Millonius, ut semel isto  
Accessit fervor capiti, numerusque lucernis.  
Castor gaudet equis, ovo prognatus eodem,  
Pugnis. Quot capitum vivunt, totidem studiorum  
Millia. Me pedibus delectat claudere verba,  
Lucilli ritu, nostrum melioris utroque.  
Ille velut fidis arcana sodalibus olim  
Credebat libris; neque, si male cesserat, usquam  
Decurrens alio, neque si bene. Quo fit ut omnis  
Votiva pateat, veluti descripta tabella,  
Vita senis. Sequor hunc, Lucanus an Appulus,  
anceps.

Nam Venusinus arat finem sub utrumque colonus,  
Missus ad hoc, pulsus (vetus est ut fama) Sabellis,  
Quo ne per vacuum Romano incurreret hostis;  
Sive quod Appula gens, seu quod Lucania bellum

Q<sup>2</sup>

Inacuteret violenta. Sed hîc stylus haud petet ultro  
Quemquam animantem; & me veluti custodiet  
ensis

Vagina tectus, quem cur destringere coner,  
Tutus ab infestis latronibus? O pater, & rex  
Jupiter, ut pereat positum rubigine telum,  
Nec quisquam noceat cupido mihi pacis! at ille,  
Qui me commorit, (melius non tangere, clamor)  
Flebit, & insignis tota cantabitur urbe.

Cervius iratus leges minitatur, & urnam;  
Canidia Albucl, quibus est inimica, venenum;  
Grande malum Turius, si quid, se iudice, certes;  
Ut, quo quisque valet, suspectos terreat, utque  
Imperet hoc Natura potens, sic collige mecum.  
Dente lupus, cornu taurus petit. Unde, nisi intus  
Monstratum? Scævæ vivacem crede nepoti  
Matrem. Nil faciet sceleris pia dextera. Mirum:  
Ut neque calce lupus quemquam, neque dente  
petit bos.

Sed mala tollet anum vitiato melle cicuta.  
Ne longum faciam, seu me tranquilla senectus  
Exspectat, seu mors atris circumvolat alis,  
Dives, inops, Romæ, seu fors ita jussêrit, exul,  
Quisquis erit vitæ, scribam, color. O puer, ut sis  
Vitalis, metuo, & majorum ne quis amicus  
Frigore te feriat. Quid quum est Lucilius ausus  
Prius in hunc operis componere carmina morem?  
Detrahere & pellem, nitidus qua quisque per ora  
Cederet, introrsum turpis? num Lælius, aut qui  
Duxit ab oppressa meritum Carthagine nomen,  
Ingenio offensus? aut læso doluere Metello,  
Famosisque Lupo cooperto versibus? atqui  
Primores populi arripuit, populumque tributim,  
Scilicet uni æquus virtuti, atque ejus amicis.  
Quin ubi se à vulgo, & scena, in secreta remorant  
Virtus Scipiadæ, & mitis sapientia Læli,  
Nugari cum illo, & discincti ludere, donec

Decoqueretur olus, soliti. Quidquid sum ego,  
quamvis

Infra Lucili censum, ingeniumque, tamen me  
Cum magnis vixisse invita fatebitur usque  
Invidia; & fragili quærens illidere dentem,  
Offendet solido. Nisi quid tu, docte Trebati,  
Dissentis, equidem nihil hinc diffingere possum.  
Sed tamen ut monitus caveas, ne forte negoti  
Incutiat tibi quid sanctarum inscitia legum:  
Si mala condiderit in quem quis carmina, jus est,  
Judiciumque. Esto, si quis mala; sed bona si quis,  
Judice condiderit laudatus Cæsare. Si quis  
Opprobriis dignum latraverit, integer ipse,  
Solventur risu tabulæ; tu missus abibis.

\*\*\*\*\*

## S A T I R A I I.

### *De Frugalitate.*

**Q**UÆ virtus, & quanta, boni, sit vivere parvo:  
(Nec meus hic sermo est, sed quem præcepit  
Ofellus,

Rusticus, abnormis sapiens, crassaque Minerva)  
Discite, non inter lances, mensalque nitentes,  
Quum stupet insanis acies fulgoribus, & quum  
Adclinus falsis animus, meliora recusat:  
Verum hic impransum mecum disquirite. Car hoc?  
Dicam si potero. Male verum examinat omnis  
Corruptus iudex. Leporem sectatus, equove  
Lassus ab indomito, vel, si Romana fatigat  
Militia assuetum græcari: seu pila velox,  
Molliter austerum studio fallente laborem;  
Seu te discus agit, pete cedentem aëra disco;  
Quum labor extuderit fastidia, foccus, inanis  
Sperne cibum vilem; nisi Hymettia mella Falerno

Ne biberis diluta. Foris est promus, & atrum  
 Defendens pisces hyemat mare, cum sale panis  
 Latrantem stomachum bene leniet. Unde putas, aut  
 Qui partum? non in caro nidore voluptas  
 Summa, sed in te ipso est: tu pulmentaria quære  
 Sudando. Pinguem vitiis, albumque nec nostrea,  
 Nec scarus, aut poterit peregrina juvare lagois.  
 Vix tamen eripiam, posito pavone, velis quin  
 Hoc potius quam gallina tergere palatum,  
 Corruptus vanis rerum; quia veneat auro  
 Rara avis, & picta pandat spectacula cauda;  
 Tanquam ad rem attineat quidquam. Num vesce-  
 ris ista,

Quam laudas, pluma? cocto num adest honor idem?  
 Carne tamen quamvis distat nihil hac magis illa, &  
 Imparibus formis deceptum te patet. Esto.  
 Unde datum sentis, lupo hic, Tiberinus, an alto  
 Captus hiet? pontesne inter jactatus, an amnis  
 Ostia sub Tusci? laudas, insane, trilibrem  
 Mullum; in singula quem minuas pulmenta ne-  
 cesse est.

Ducit te species, video. Quo pertinet ergo  
 Proceros odisse lupos? quia scilicet illis  
 Majorem Natura modum dedit, his breve pondus.  
 Jejunos stomachus raro vulgaria temnit.  
 Porrectum magno magnum spectare catino  
 Vellem, ait harpyiis gula digna rapacibus; at vos  
 Præsentes Austri coquite horum obsonia, quamvis  
 Putet aper, rhombusque recens, mala copia quando  
 Ægrum sollicitat stomachum; quum rapula plenus  
 Atque acidus mavult inulas. Necdum omnis abacta  
 Pauperies epulis regum. Nam vilibus ovis,  
 Nigrisque est oleis hodie locus: haud ita pridem  
 Galloni Prætoris erat acipensere mensa  
 Infamis. Quid? tum rhombos minus æquor alebat?  
 Tutus erat rhombus, tutoque ciconia nido,  
 Donec vos auctor docuit prætorius. Ergo

Si quis nunc mergos suaves edixerit affos,  
 Parebit pravi docilis Romana juvenus.  
 Sordidus à tenui victu distabit, Ofello  
 Judice. Nam frustra vitium vitaveris illud,  
 Si te alio pravus detorseris. Avidienus,  
 Cui Canis ex vero dictum cognomen adhæret,  
 Quinquennes oleas est, & sylvestria corna;  
 Ac, nisi mutatum, parcit defundere vinum, &  
 Cujus odorem olei nequeas perferre (licebit  
 Ille repotia, natales alioſve dierum  
 Festos albatuſ celebret) cornu ipſe bilibri  
 Caulibus inſtillat, veteris non parcuſ aceti.  
 Quali igitur victu ſapiens utetur, & horum  
 Utrum imitabitur? hac urget lupuſ, hac canis, aiunt.  
 Munduſ erit, qui non offendet ſordibuſ, atque  
 In neutram partem cultuſ miſer. Hic neque ſerviſ,  
 Albucl ſeniſ exemplo, dum munia didit,  
 Sævuſ erit; neque, ſic ut ſimplex Nævius, unctam  
 Conviviſ præbebit aquam: vitium hoc quoque ma-  
 gnum.

Accipe nunc, victuſ tenuiſ quæ, quantaque ſecum  
 Afferat. In primis valeaſ bene: nam variæ reſ  
 Ut noceant homini, credaſ, memor illiuſ eſcæ,  
 Quæ ſimplex olim tibi federit. At ſimul aſſiſ  
 Miſcueriſ elixa, ſimul conchylia turdiſ,  
 Dulcia ſe in bilem vertent, ſtomachoque tumultum  
 Lenta feret pituita. Videaſ ut palliduſ omniſ  
 Cœna deſurgat dubia? quin corpꝯ onuſtum  
 Heſterniſ vitiis animuſ quoque prægravat unâ,  
 Atque affigit humo diviſiſ particulam auræ.  
 Alter, ubi dicto citiuſ curata ſopori  
 Membra dedit, vegetuſ præſcripta ad munia ſargit.  
 Hic tamen ad meliuſ poterit tranſcurrere quondam,  
 Sive diem feſtuſ redienſ advexerit annuſ,  
 Seu recrerare volet tenuatuſ corpꝯ; ubive  
 Accedent anni, & tractari molliuſ ætaſ  
 Imbecilla volet. Tibi quidnam accedet ad iſtam,

Quam puer, & validus præsumis, mollitiem? seu  
 Dura valetudo inciderit, seu tarda senectus?  
 Rancidum aprum antiqui laudabant, non quia natus  
 Illis nullus erat, sed, credo, hac mente, quod  
 hospes

Tardius adveniens, viciatum commodius quam  
 Integrum edax dominus consumeret. Hos utinam  
 inter

Heroas natum tellus me prima tulisset!  
 Das aliquid famæ, quæ carmine gravior aurem  
 Occupat humanam? grandes rhombi, patinæque  
 Grande ferunt unâ cum damno dedecus. Adde  
 Iratum patrum, vicinos, te tibi iniquum,  
 Et frustra mortis cupidum, quum deerit egenti  
 As, laquei pretium. Jure, inquis, Trausius istis  
 Jurgatur verbis; ego vesticilia magna,  
 Divitiasque habeo tribus amplas regibus. Ergo  
 Quod superat, non est melius quo insumere possis?  
 Cur eget indignus quisquam, te divite? quare  
 Tempa ruunt antiqua Deum? cur improbe caræ  
 Non aliquid Patriæ tanto emetiris acervo?  
 Uni nimirum recte tibi semper erunt res?  
 O magnus posthac inimicis risus! uterne  
 Ad casus dubios fidet sibi certius? hic, qui  
 Pluribus affuerit mentem, corpusque superbum;  
 An qui, contentus parvo, metuensque futuri,  
 In pace, ut sapiens, aptarit idonea bello?  
 Quo magis his credas, puer hunc ego parvus  
 Ofellum

Integris opibus novi non latius usum,  
 Quam nunc accisis. Videas metato in agello  
 Cum pecore, & natis fortem mercede colonum,  
 Non ego, narrantem, temere edi luce profesta  
 Quidquam præter olus, fumosæ cum pede pernas.  
 Ac mihi seu longo post tempore venerat hospes,  
 Sive operum vacuo gratus conviva per imbrem  
 Vicinus, bene erat, non piscibus usbe petitis,  
 Sed

Sed pullo, atque hœdo. Tum pensilis uva secundas  
Et nux ornabat mensas, cum duplici ficu.  
Post hoc ludus erat culpa potare magistra:  
Ac venerata Ceres ita culmo surgeret alto,  
Explicuit vino contractæ seria frontis.  
Sæviat, atque novos moveat fortuna tumultus,  
Quantum hinc imminuet? quanto aut ego parcius,  
aut vos

O pueri, nituisiis, ut huc aovus incola venit?  
Nam propriæ telluris herum Natura neque illum,  
Nec me, nec quemquam statuit. Nos expulit ille;  
Illum aut nequities, aut vafri inscitia juris,  
Postremo expellet certe vivacior heres.  
Nunc ager Umbreni sub nomine, nuper Ofelli  
Dictus, erit nulli proprius; sed cedet in usum  
Nunc mihi, nunc alii. Quocirca vivite fortes,  
Fortiaque adversis opponite pectora rebus.



S A T I R A I I I.

*Colloquutus cum Horatio Damafippus hoc stoicæ philosophiæ paradoxum probat, omnes propemodum homines insanire.*

**S**I raro scribes, ut toto non quater anno  
Membranam poscas, scriptorum quæque retexens,  
Iratus tibi quod vini, somnique benignus  
Nil dignum sermone canas. Quid fiet? at ipsi  
Saturnalibus huc fugisti sobrius, ergo  
Dic aliquid dignum promissis: incipe. Nil est.  
Culpantur frustra calami, immeritusque laborat  
Iratis natus paries Dis, atque poëtis.  
Atqui vultus erat multa, & præclara minantis,  
Sî vacuum tepido cepisset vitula testæ.  
Quorsum pertinuit stipare Platona Menandro;

R



Eupolin, Archilochem, comites educere tantos?  
Invidiam placare paras, virtute relicta?

Contemnere, miser. Vitanda est improba Siren  
Desidia; aut, quidquid vita meliore parasti,

Ponendum æquo animo. Di te, Damasppe, Desque  
Verum ob consilium donent tonsore. Sed unde

Tam bene me nosti? Postquam omnis res mea Janū  
Ad medium fracta est, aliena negotia curo,

Excussus propriis: olim nam quærere amabam

Quo vaser ille pedes lavisset Sisyphus ære,

Quid sculptum infabre, quid fustum durius esset.

Callidus huic signo ponebam millia centum:

Hortos, egregiasque domos mercarier unus

Cum lucro noram. Unde frequentia Mercuriali

Imposuere mihi cognomen compita. Novi;

Et morbi miror purgatum te illius. Atqui

Emovit veterem mire novus, ut solet, in car

Trajecto lateris miseri, capitisque dolore:

Ut lethargicus hic, quum sit pugil, & medicum  
urget.

Dum ne quid simile huic, esto ut libet. O bone,  
ne te

Frustrare: insanis & tu, stultique prope omnes,

Si quid Stertinius veri crepat: unde ego mira

Descripsi docilis præcepta hæc, tempore quo me

Solatus jussit sapientem pascere barbam,

Atque à Fabricio non tristem ponte reverti:

Nam male re gesta quum vellem mittere operto

Me capite in flumen, dexter stetit; &: Cave faxis

Te quidquam indignum. Pudor, inquit, te malus  
angit

Insanos qui inter vereare insanos haberi.

Primum nam inquiram, quid sit furere. Hoc si erit  
in te

Solo, nil verbi, pereas quum fortiter, addam.

Quem mala stultitia, & quæcunque insania veri

Cæcum agit, insanum Chryssippi porticus, & grec

**A**utumat. Hæc populos, hæc magnos formula  
Reges,

**E**xcepto sapiente, tenet. Nunc accipe quare  
**D**esipiant omnes, æque ac tu, qui tibi nomen  
**I**nsano posuere. Velut sylvis, ubi passim  
**P**alantes error certo de tramite pëllit,  
**I**lle sinistrorsum, hic dextrorsum abit: unus utrique  
**E**rror, sed variis illudit partibus. Hoc te  
**C**rede modo insanum, nihilo ut sapientior ille,  
**Q**ui te deridet, caudam trahat. Est genus unum  
**S**tultitiæ, nihilum metuenda timentis, ut ignes,  
**U**t rupes, fluviosque in campo obstare queratur.  
**A**lterum & huic varium, & nihilo sapientius,  
ignes

**P**er medios, fluviosque ruentis. Clamet amica  
**M**ater, honesta soror, cum cognatis, pater, uxor:  
**H**ic fossa est ingens, hic rapes maxima, serva:  
**N**on magis audierit, quam Fufius ebrius olim,  
**Q**uam Ilionam edormit, Catienis mille ducentis,  
**M**ater, te appello, clamantibus. Huic ego vulgus  
**E**rrori similem cunctum insanire docebo.  
**I**nsanit veteres statuas Damasippus emendo:  
**I**nteger est mentis Damasippi creditor? esto.  
**A**ccipe quod nunquam reddas mihi, si tibi dicam,  
**T**unc insanus eris, si acceperis? an magis excors,  
**R**ejecta præda, quam præsens Mercurius fert?  
**S**cribe decem à Nerio. Non est satis: adde Cicutæ.  
**N**odosi tabulas, centum mille adde catenas,  
**E**ffugiet tamen hæc sceleratus vincula Proteus;  
**Q**uam rapies in jus, malis ridentem alienis,  
**F**iet aper, modo avis, modo saxum, &, quum  
volet, arbor.

**S**i male rem gerere, insani est; contra, bene fani;  
**P**uudius multo cerebrum (mihi crede) Perilli est  
**D**istantis, quod tu nunquam rescribere possis.  
**A**udire, atque togam jubeo componere, quisquis  
**A**mbitione mala, aut argenti pallet amore;

R 2

Quisquis luxuria, tristive superstitione,  
 Aut alio mentis morbo calet. Huc propius me,  
 Dum doceo insanire omnes, vos ordine adite.  
 Danda est hellebori multo pars maxima avaris;  
 Nescio an Anticyram ratio illis destinet omnem,  
 Heredes Staberi summam incidere sepulcro:  
 Ni sic fecissent, gladiatorum dare centum  
 Damnati populo paria, atque epulum, arbitrio  
 Arri;

Frumenti quantum metit Africa. Sive ego prave,  
 Seu recte, hoc volui; ne sis patruus mihi. Credo  
 Hoc Staberi prudentem animum vidisse, Quid ergo  
 Sensit, quum summam patrimoni insculpere saxo  
 Heredes voluit? Quoad vixit, credidit ingens  
 Pauperiem vitium, & cavit nihil acrius, ut si  
 Forte minus locuples uno quadrante periret,  
 Ipse videretur sibi nequior. Omnis enim res,  
 Virtus, fama, decus, divina, humanaque pulchris  
 Divitiis parent; quas qui construxerit, ille  
 Clarus erit, fortis, iustus, sapiens etiam, & rex,  
 Et quidquid volet. Hoc, veluti virtute paratum,  
 Speravit magnæ laudi fore. Quid simile isti  
 Græcus Aristippus, qui servos projicere aurum  
 In media iussit Libya, quia tardius irent  
 Propter onus segnes? uter est insanior horum?  
 Nil agit exemplum, litem quod lite resolvit.  
 Si quis emat citharas, emtas comportet in unum,  
 Nec studio citharæ, nec musæ deditus ulli;  
 Si scalptra & formas, non sutor; nautica vela,  
 Averfus mercaturis; delirus, & amens  
 Undique dicatur merito: qui discrepat istis  
 Qui nummos, aurumque recondit, nescius uti  
 Compositis, metuensque velut contingere sacrum?  
 Si quis ad ingentem frumenti semper acervum  
 Porrectus vigilet, longo cum fuste, neque illinc  
 Audeat esuriens dominus contingere grânium,  
 Ac potius foliis parvus vescatur amaris:  
 Si positus intus Chii, veterisque Falerni,

**Mille** cadis ( nihil est , tercentum millibus ) acre  
**Potet** acetum : age , si & stramentis incubet , unde-  
**octoginta** annos natus , cui stragula vestis ,  
**Blattarum** , ac tinearum epulæ , putrescat in arca ,  
**Nimirum** insanus paucis videatur , eo quod  
**Maxima** pars hominûm morbo factatur eodem.  
**Filius** , aut etiam hæc libertus ut ebibat heres ,  
**Dis** inimice senex , custodis , ne tibi desit ?  
**Quantulum** enim summæ curtabit quisque dierum ,  
**Ungere** si caules oleo meliore , caputque  
**Cæperis** impexa fœdum porrigine ? quare ,  
**Si** quidvis latis est , perjuras , surripis , aufers  
**Undique** ? tun' sanus ? populum si cedere saxis  
**Incipias** , servosve tuo quos ære pararis ;  
**Insanum** te omnes pueri clamentque puellæ.  
**Quam** laqueo uxorem interimis , matremque ve-

neno ,

**Incolum?** capite es ? Quid enim ? Neque tu hoc  
 facis Argis ,

**Nec** ferro , ut demens genitricem occidit Orestes.

**An** tu reris eum occisa insanisse parente ?

**Ac** non ante malis dementem actum furiis , quam

**In** matris jugulo ferrum tepefecit acutum ?

**Quin** ex quo est habitus male tutæ mentis Orestes ,

**Nil** sane fecit quod tu reprehendere possis :

**Non** Pyladen ferro violare aususve sororem est

**Electram** : tantum maledixit utrique , vocando

**Hanc** , furiam , hunc , aliud , iussit quod splendida  
 bilis.

**Pauper** Opimius argenti positi intus , & auri ,

**Qui** Veientanum festis potare diebus

**Campana** solitus trulla , vappamque profestis ,

**Quondam** lethargo grandi est oppressus ; ut heres

**Jam** circum loculos , & claves lætus , ovanque

**Curreret**. Hunc medicus multum celer , atque fidelis

**Excitat** hoc pacto : mensam poni jubet , atque

**Effundi** saccos nummorum , accedere plures

R 3

Ad numerandum. Hominem sic erigit: Addit  
& illud,

Ni tua custodis, avidus jam jam auferet heres.  
Men' vivo? Ut vivas igitur, vigila: hoc age. Quid  
vis?

Deficient inopem venæ te, ni cibus, atque  
Ingens accedit stomacho fultura ruenti.

Tu cessas? agedum sume hoc ptisanarium oryza.  
Quanti emtum? Parvo. Quanti ergo? octussibus.  
Eheu!

Quid refert, morbo, an furtis peream, an rapinis?  
Quisnam igitur sanus? Qui non stultus. Quid avarus?  
Stultus, & insanus. Quid? si quis non sit avarus,  
Continuo sanus? Minime. Cur, Stoïce? Dicam.  
Non est cardiacus (Craterum dixisse putato)

Hic æger. Recte est igitur, surgetque? Negabit:  
Quod latus, aut renes morbo tententur acuto.

Non est perjurus, neque sordidus. Immolet æquis  
Hic porcum Laribus. Verum ambitiosus, & audax.

Naviget Anticyram. Quid enim differt, balathroni  
Dones quidquid habes, an nunquam utare paratis?  
Servius Oppidius Canusi duo prædia dives,

Antiquo censu, natis divisisse duobus

Fertur; & hæc moriens pueris dixisse vocatis

Ad lectum: Postquam te talos, Aule, nucesque  
Ferre sinu laxo, donare, & ludere vidi;

Te, Tiberi, numerare, cavis abscondere tristem;  
Extimui ne vos ageret vesania discors,

Tu Nomentanum, tu ne sequerere Cicutam.

Quare per Divos oratus uterque Penates,

Tu cave ne minuas, tu, ne majus facias id

Quod satis esse putat pater, & Natura coërcet.

Præterea ne vos titillet gloria, jure-

jurando obstringam ambo: uter Ædilis, fueritve  
Vestrum Prætor, is intestabilis, & sacer esto.

In cicere, atque faba bona tu perdasque lupinis,  
Latus ut in Circo spatiere, & aheneus ut stes,

**Nudus agris, nudus nummis, insane, paternis ?  
Scilicet ut plausus, quos fert Agrippa, feras tu,  
Astuta ingenuum vulpes imitata leonem ?  
Ne quis humasse velit Ajacem, Atrida, vetas cur ?  
Rex sum. Nil ultra quero plebeius. Et æquam  
Rem imperito ; ac si cui videor non justus, inulto  
Dicere, quæ sentit, permitto. Maxime regum,  
Dî tibi dent capta classem reducere Troja !**

**Ergo consulere, & mox respondere licebit ?**

**Consule. Cur Ajax heros ab Achille secundus**

**Putrescit, toties servatis clarus Achivis ?**

**Gaudeat ut populus Priami, Priamusque inhumato,**

**Per quem tot juvenes patrio caruere sepulcro ?**

**Mille ovium insanus morti dedit, inclytû Ulysses,**

**Et Menelaum unâ mecum se occidere clamans.**

**Tu quum pro vitula statuis dulcem Aulide natam**

**Ante aras, spargisque molâ caput, improbe, falsa,**

**Rectum animi servas ? Quorsum ? Insanus quid**

**enim Ajax**

**Fecit, quum stravit ferro pecus ? abstinuit vim**

**Uxore, & nato, mala multa precarus Atridis.**

**Non ille aut Teucrum, aut ipsum violavit Ulysses.**

**Verum ego, ut hærentes adverso littore naves**

**Eriperem, prudens placavi sanguine Divos.**

**Nempe tuo, furiose. Meo, sed non furiosus.**

**Qui species alias veri, scelerisque, tumultu**

**Permistas capiet, commotus habebitur ; atque,**

**Stultitiane erret, nihilum distabit, an ira.**

**Ajax immeritos dum occidit, desipit, agnos ?**

**Quum prudens scelus ob titulos admittis inanes,**

**Stas animo ? & purum est vitio, tibi quum tumi-**

**dum est cor ?**

**Si quis lætica nitidam gestare amet agnam,**

**Huic vestem, ut natæ, paret, ancillas paret, aurum ;**

**Pupam, aut pupillam appellet ; fortique marito**

**Destinet uxorem ; interdicto huic omne adimat jus**

**Prætor, & ad sanos abeat tutela propinquos :**

**R 4**

Quid? si quis natam pro muta devovet agna,  
 Integer est animi? ne dixeris. Ergo ubi prava  
 Stultitia, hic summa est insania. Qui sceleratus,  
 Et furiosus erit. Cepit quem vitrea fama,  
 Hunc circumtonuit gaudens Bellona cruentis.  
 Nunc, age, luxuriam, & Nomentanum arripe  
 mecum;

Vincet enim stultos ratio insanire nepotes.  
 Hic simul accepit patrimonii mille talenta,  
 Edicit, piscator uti, pomarius, auceps,  
 Unguentarius, ac Tulci turba impia vici,  
 Cum scurris fartor, cum Velabro omne macellum,  
 Mane domum veniant. Quid tum? Venere frequen-  
 tes.

Verba facit leno: Quidquid mihi, quidquid &  
 horum  
 Cuique domi est, id crede tuum; & vel nunc pete,  
 vel cras.

Accipe, quid contra juvenis responderit æquus.  
 In nive Lucana dormis ocreatus, ut aprum  
 Cœnem ego; tu pisces hyberno ex æquore verris;  
 Sēgnis ego, indignus qui tantum possideam. Aufer,  
 Sume tibi decies; tibi tantundem; tibi triplex,  
 Unde uxor media currat de nocte vocata.  
 Filius Æsopi detractam ex aure Metellæ,  
 (Scilicet ut decies solidum exsorberet) aceto  
 Diluit insignem baccam: qui sanior ac si  
 Illud idem in rapidum flumen, jaceretve cloacam?  
 Quinti progenies Arri, par nobile fratrum,  
 Nequitia & nugis, pravorum & amore gemellum,  
 Luscinias soliti impenso prandere cœntas:  
 Quorsum abeant? sanin? creta, an carbone no-  
 tandi?

Ædificare casas, plaustello adjungere mures,  
 Ludere par impar, equitare in arundine longa,  
 Si quem delectet barbarum, amentia verberet.  
 Si puerilius his ratio esse evincet amare:

Nec quidquam differre, utrumne in pulvere trimus  
 Quale prius ludas opus, an meretricis amore.  
 Sollicitus plores: quæro, faciasne quod olim  
 Mutatus Polemo? ponas insignia morbi,  
 Fasciolas, cubital, focalia; potus ut ille  
 Dicitur ex collo furtim carpisse coronas;  
 Postquam est impransu correptus voce magistri.  
 Porrigis irato puero quum poma, recusat:  
 Sume; Catelle; negat: si non des, optat. Amator  
 Exclusus qui distat? agit ubi secum, eat, an non,  
 Quo rediturus erat non arcessitus; & hæret  
 Invisis foribus. Nec nunc, quum me vocet ultro,  
 Accedam? an potius mediter finire dolores?  
 Exclussit, revocat: redeam? non, si obsecret. Ecce  
 Servus, non paulo sapientior: O here, quæ res  
 Nec modum habet, neque consilium, ratione, mo-  
 doque

Tractari non vult. In amore hæc sunt mala, bellum,  
 Pax rursus. Hæc si quis tempestatu prope ritu  
 Mobilia, & cæca fluitantia sorte, laboret  
 Reddere certa sibi, nihilo plus explicet, ac si  
 Insanire paret certa ratione, modoque.

Quid? quum Picens excerpens semina pomis,  
 Gaudes si cameram percussu forte, penes te es?  
 Quid? quum balba feris annoso verba palato,  
 Edificante casus qui sanior? adde cruorem  
 Stultitiæ, atque ignem gladio scrutare. Modo  
 (inquam)

Hellade percussa, Marius quum præcipitat se,  
 Cerritus fuit? an commotæ crimine mentis  
 Absolves hominem, & sceleris damnabis eundem,  
 Ex more imponens cognata vocabula rebus?  
 Libertinus erat, qui circum compita siccus  
 Lotis mane senex manibus currebat: & , unum;  
 (Quid tam magnum? addens) unum me surpite  
 morti:

Dis etenim facile est, orabat; sanus utrisque



Auribus, atque oculis : mentem, nisi litigiosus,  
Exciperet dominus, quum venderet. Hoc quoque  
vulgus

Chrysiippus ponit fœcunda in gente Menenî.  
Jupiter, ingentes qui das, adimisque dolores,  
(Mater ait pueri menses jam quinque cubantis)  
Frigida si puerum quartana reliquerit, illo  
Mane die, quo tu indicis jejunia, nudus  
In Tiberi stabit. Casus, medicusve levarit  
Ægrum ex præcipiti, mater delira necabit  
In gelida fixum ripa, febrimque reducet.  
Quone malo mentem concussa? timore Deorum.  
Hæc mihi Stertinius, sapientum octavus, amico  
Arma dedit, posthac ne compellarer inultus.  
Dixerit insanum qui me, toridem audiet; atque  
Respicere ignoto discet pendentia tergo.  
Stoïce, post damnum sic vendas omnia pluri!  
Qua me stultitia (quoniam non est genus unum)  
Insanire putas? ego nam videor mihi sanus.  
Quid? caput abscissum demens quum portat Agave  
Nati infelicis, sibi tum furiosa videtur?  
Stultum me fateor, (liceat concedere veris)  
Atque etiam insanum: tantum hoc ediffere, quo me  
Ægrotare putes animi vitio. Accipe: primum  
Ædificas, hoc est, longos imitaris, ab imo  
Ad summum totus moduli bipedalis, & idem  
Corpore majorem rides Turbonis in armis  
Spiritus, & incessum. Qui ridiculus minus illo?  
An quodcunque facit Mæcenus, te quoque verum est,  
Tantum dissimilem, & tanto certare minorem?  
Absentis ranae pullis vituli pede preffis,  
Unus ubi effugit, matri denarrat, ut ingens  
Bellua cognatos eliserit. Illa rogare,  
Quantane? num tantum, sufflans se, magna  
fuiſſet?  
Major. Dein: Num tantum? Major. Quum magis  
atque

Se magis inflaret; non, si te ruperis, inquit,  
 Par eris. Hæc à te non multum abludit imago.  
 Adde poemata nunc (hoc est, oleum adde camino)  
 Quæ si quis sanus fecit, sanus facis & tu.  
 Non dico horrendam rabiem. . . . Jam desine.  
 Cultum

Majorem censu. . . . Teneas, Damasppe, tuis te.  
 Mille puellarum, puerorum mille furores. . . .  
 O major tandem parcas, insane, minori.



## S A T I R A I V.

*Catii nescio cujus fatuitatem irridet, qui summam  
 hominis felicitatem in arte culinaria poneret.*

**U** N D E, & quo Catius? Non est mihi tempus,  
 averti

Ponere signa novis præceptis: qualia vincant  
 Pythagoran, Anytique reum, doctumque Platona.  
 Peccatum fateor, quum te sic tempore lævo  
 Interpellarim; sed des veniam bonus, oro.  
 Quod si interciderit tibi nunc aliquid, repetes mox;  
 Sive est naturæ hoc, sive artis, mirus utroque.  
 Quin id erat curæ, quo pacto cuncta tenerem;  
 Utpote res tenues, tenui sermone peractas.  
 Ede hominis nomen; simul&, Romanus, an hospes?  
 Ipsa memor præcepta canam, celabitur auctor.  
 Longa quibus facies ovis erit, illa memento,  
 Ut succi melioris, & ut magis alta rotundis  
 Ponere. Namque marem cohibent callosa vitellû.  
 Caule suburbano, qui ficcis crevit in agris  
 Dulcior: irriguo nihil est elutius horto.  
 Si vespertinus subito te oppresserit hospes,  
 Ne gallina malum responset dura palato,  
 Doctus eris vivam multo mersare Falerno:

Hoc teneram faciet. Pratensibus optima fungis  
 Natura est, aliis male creditur. Ille salubres  
 Ætates peraget, qui nigris prandia moris  
 Finiet, ante gravem quæ legerit arbore solem.  
 Aufidius forti miscebat mella Falerno,  
 Mendose; quoniam vacuis committere venis  
 Nil nisi lene decet. Leni præcordia mulso  
 Prolueris melius. Si dura morabitur alvus,  
 Myrtulus, & viles pellent obstantia conchæ,  
 Et lapathi brevis herba, sed albo non sine Coo.  
 Labrica nascentes implent conchylia Lunæ;  
 Sed non omne mare est generosæ fertile testæ.  
 Murice Baiano melior Lucrîna peloris;  
 Ostrea Circæis, Miseno oriuntur echini;  
 Pectinibus patulis jactat se molle Tarentum.  
 Nec sibi cœnarum quisvis temere arroget artem,  
 Non prius exacta tenui ratione saporum.  
 Nec satis est cara pisces averrere mensa,  
 Ignarum quibus est jus aptius, & quilus assis  
 Languidus in cubitum jam se conviva reponet.  
 Umber, & iligna nutritus glande rotundas  
 Curvet aper lances carnem vitantis inertem.  
 Nam Laurens malus est, ulvis, & arundine pinguis.  
 Vineæ summittit capreas non semper edules.  
 Fœcundi leporis sapiens sectabitur armos.  
 Piscibus, atque avibus quæ natura, & foret ætas,  
 Ante meum patuit nulli quæsitæ palatum.  
 Sunt quorum ingenium nova tantum crustula promit.  
 Nequaquam satis in re una consumere curam:  
 Ut si quis solum hoc, mala ne sint vina, laboret,  
 Quali perfundat pisces securus olivo.  
 Massica si cœlo supponas vina sereno,  
 Nocturna, si quid crassi est, tenuabitur aura,  
 Et decedet odor nervis inimicus; at illa  
 Integrum perdunt lino vitiata saporem.  
 Surrentina vaser qui miscet facie Falerna  
 Vina, columbino limum bene colligit ovo:

Quatenus ima petit volvens aliena vitellus.  
 Tostis marcentem squillis recreabis, & Afra  
 Potorem cochlea: nam lactuca innatat acri  
 Post vinum stomacho. Perna magis ac magis hillis  
 Plagitat immorsus refici; quin omnia malis  
 Quaecunque immundis fervent allata popinis.  
 Est operæ pretium duplicis pernoscere juris  
 Naturam. Simplex è dulci constat olivo:  
 At pingui miscere mero, muriaque decebit,  
 Non alia quam qua Byzantia putuit orca.  
 Hoc ubi confusum sectis inferbuit herbis,  
 Corycioque croco sparsum stetit, insuper addes  
 Pressa Venafranz quod bacca remisit olivæ.  
 Picenis cedunt pomis Tiburtia succo:  
 Nam facie præstant. Venucula convenit ollis,  
 Rectius Albanam fumo duraveris uvam.  
 Hanc ego cum malis, ego facem primus, & allec,  
 Primus & invenior piper album, cum sale nigro  
 Incretum, puris circumposuisse catillis.  
 Immane est vitium, dare millia terna macello,  
 Angustoque vagos pisces urgere catino.  
 Magna movet stomacho fastidia, seu puer unctis  
 Tractavit calicem manibus, dum furta ligurit;  
 Sive gravis veteri crateræ limus adhæsit.  
 Vilibus in scopis, in mattis, in scobe, quantus  
 Consistit sumtus? neglectis, flagitium ingens.  
 Ten' lapides varios lutulenta radere palma,  
 Et Tyrias dare circum illota toralia vestes?  
 Oblitum, quanto curam, sumtumque minorem  
 Hæc habeant, tanto reprehendi iustius illis,  
 Quæ nisi divitibus nequeunt contingere mensis,  
 Docte Cati, per amicitiam, Divosque rogatus,  
 Ducere me auditum, perges quocunque, me-  
 mento.

Nam quamvis memori referas mihi pectore cuncta,  
 Non tamen interpret tantumdem juveris. Adde  
 Vultum, habitumque hominis, quem tu vidisse  
 beatus,



Non magni pendis, quia contigit; at mihi cura  
 Non mediocris inest, fontes ut adire remotos,  
 Atque haurire queam vitæ præcepta beatæ.



## S A T I R A V.

*Hæreditatum captatores quibus artibus uterentur faceto  
 Ulyssæ inter & Tiresiam dialogo exponit.*

**H**OC quoque, Tiresia, præter narrata, petenti  
 Responde: quibus amissas reparare queam res  
 Artibus, atque modis...? Quid rides? Jamne,  
 dolose,  
 Non satis est Ithacam revehi, patriosque penates  
 Aspicere? O nulli quidquam mentite, vides ut  
 Nudus, inopsque domû redeam, te vate; neque illic  
 Aut apotheca procis intacta est, aut pecus. Atqui  
 Et genus, & virtus, nisi cum re, vilior alga est.  
 Quando pauperiem missis ambagibus horres,  
 Accipe, qua ratione queas ditescere. Turdus,  
 Sive aliud privum dabitur tibi, devolet illuc  
 Res ubi magna nitet, domino sene: dulcia poma,  
 Et quoscunque feret cultus tibi fundus honores,  
 Ante Larem gustet venerabilior Lare dives.  
 Qui quamvis perjurus erit, sine gente, cruentus  
 Sanguine fraterno, fugitivus, ne tamen illi  
 Tu comes exterior, si postulet, ire recuses.  
 Utne tegam spurco Damiæ latus? haud ita Trojæ  
 Me gessi, certans semper melioribus. Ergo  
 Pauper eris. Fortem hoc animum tolerare jubebo;  
 Et quondam majora tali. Tu protinus, unde  
 Divitias, ærisque ruam, dic augur, acervos.  
 Dixi equidem, & dico: captes astutus ubique  
 Testamenta senum; neu, si vaser unus & alter  
 Inſidiatorem præroso fugeris hamo,

Aut spem deponas, aut artem illius omittas.  
 Magna minorve foro si res certabitur olim,  
 Vivet uter locuples sine natis, improbus, ultro  
 Qui meliorem audax vocet in jus, illius esto  
 Defensor; fama civem, causaque priorem  
 Sperne, domi si natus erit, fecundave conjux.  
 Quinte, puta, aut Publi (gaudent prænominem molles  
 Auriculæ) tibi me virtus tua fecit amicum.  
 Jus anceps novi, causas defendere possum.  
 Eripiet quivis oculos citius mihi, quam te  
 Contemptum cassâ nuce pauperet. Hæc mea cura est,  
 Ne quid tu perdas, neu sis iocus. Ire domum, atque  
 Pelliculam curare iube; si cognitor ipse.  
 Persta, atque obdura, seu rubra canicula findet  
 Infantes statuas, seu pingui tentus omaso  
 Furius hybernas cana nive conspuet Alpes.  
 Nonne vides (aliquis cubito stantem prope tangens  
 Inquiet) ut patiens? ut amicis aptus? ut acer?  
 Plures annabunt thynni, & cetaria crescent.  
 Si cui præterea validus male filius in re  
 Præclara sublati aletur, ne manifestum  
 Cœlibis obsequium nudet te, leniter in spem  
 Arrepe officiosus; ut & scribare secundus  
 Heres, & si quis casus puerum egerit Orco,  
 In vacuum venias. Perraro hæc alea fallit.  
 Qui testamentum tradet tibi cunque legendum,  
 Abnuere, & tabulas à te remove memento;  
 Sic tamen ut limis rapias quid prima secundo  
 Cera velit versu: solus, multisne coheres,  
 Veloci percurrere oculo. Plerumque recoctus  
 Scriba ex quinque viro corvum deludet hiantem;  
 Captatorque dabit risu Nafica Corano.  
 Num furis? an prædens ludis me, obscura canendo?  
 O Lærtiade, quidquid dicam, aut erit, aut non;  
 Divinare etenim magnus mihi donat Apollo.  
 Quid tamen ista velit sibi fabula, si licet, ede.  
 Tempore quo juvenis Parthis horrendus, ab alto

Demissum genus *Aenea*, tellure, marique  
 Magnus erit, forti nubet procera Corano  
 Filia *Nasica*, metuentis reddere soldum.  
 Tum gener hoc faciet, tabulas focero dabit, atque  
 Ut legat orabit: multum *Nasica* negatas  
 Accipiet tandem, & tacitus leget, invenietque  
 Nil sibi legatum, præter plorare, suisque.  
 Illud ad hæc jubeo: mulier si forte dolosa,  
 Libertusve senem delitum temperet, illis  
 Accedas socius; laudes, lauderis ut absens.  
 Adjuvat hoc quoque: sed vincit longe, prius ipsum  
 Expugnare caput. Scribet mala carmina vecors?  
 Laudato. Scortator erit? cave te roget, ultro  
 Penelopen facilis potiori trade. Putasne,  
 Perduci poterit, tam frangi, tamque pudica,  
 Quam nequiere proci recto depellere cursu?  
 Venit enim magnum donandi parca Juventus,  
 Nec tantum Veneris, quantum studiosa culinæ.  
 Sic tibi Penelope frugi est; quæ si semel uno  
 De sene gustarit, tecum partita lucellum,  
 Ut canis a corio nunquam absterrebitur uncto.  
 Me sene, quod dicam, factum est. Anus improba  
 Thebis

Ex testamento sic est elata: cadaver,  
 Unctum oleo largo, nudis humeris tulit heret:  
 Scilicet elabi si posset mortua; credo  
 Quod nimium insisterat viventi. Cautus adito.  
 Neu desis operæ, neve immoderatus abundes.  
 Difficilem, & morosum offendes garrulus; ultro  
 Non etiam fileas. Davus sis comicus, atque  
 Stes capite obstipo, multum similis metuenti.  
 Obsequio grassare; mone, si increbuit aura,  
 Cautus uti velet carum caput; extrahe turba,  
 Oppositis humeris; aurem substringe loquaci.  
 Importunus amat laudari? donec, Ohe, jam  
 Ad coelum manibus sublati, dixerit, urge, &  
 Crescentem tumidis infla sermonibus utrem.

Quum te servitio longo, curaueque levari,  
Et certum vigilans, quarta esto partis Ulysses,  
Audieris, heres: Ergo nunc Dama sodalis  
Nusquam est! unde mihi tam fortem, tamque  
fidelem?

Sparge subinde; & si paulum potes, illacrymare. Est  
Gaudia prudentum vultu celare. Sepulcrum  
Commissum arbitrio, sine sordibus extrue, funus  
Egregie factum laudet vicinia: si quis  
Forte coheredum senior male tussiet, huic tu  
Dic, ex parte tua, seu fundi, siue domus sit  
Emtor, gaudentem nummo te addicere. Sed me  
Imperiosa trahit Proserpina: vive, valeque.



S A T I R A V I.

*Rusticani otii commoda cum urbana vitæ  
molestiis contendit.*

**H**O C erat in votis: modus agri non ita magnus,  
Hortus ubi, & recto vicinus jugis aquæ fons,  
Et paulum sylvæ super his foret. Auctius atque  
Dî melius fecere. Bene est. Nihil amplius oro,  
Maia nate, nisi ut propria hæc mihi munera faxis.  
Si neque majorem feci ratione mala rem,  
Nec sum facturus vitio culpave minorem.  
Si veneror stultus nihil horum: O si angulus ille  
Proximus accedat, qui nunc denormat agellum!  
O si urnam argenti fors quæ mihi monstret! (ut illi,  
Thesauro invento qui mercenarius agrum  
Illum ipsum mercatus aravit, dives amico  
Hercule) si, quod adest, gratum iuvat: hæc prece  
te oro,

Pingue pecus domino facias, & cetera, præter  
Ingenium; utque soles, custos mihi maximus adhas.



Ergo ubi me in montes, & in arcem ex Urbe removi,

Quid prius illustrem satiris, Musaque pedestri?  
Nec mala me ambitio perdit, nec plumbeus Auster,  
Autumnusque gravis, Libitinæ quæstus acerba.

Matutine pater, seu Jape libentius audis,  
Unde homines operum primos vitæque labores  
Instituunt (sic Dîs placitum) tu carminis esto  
Principium. Romæ sponso rem me rapis: eia,  
Ne prior officio quisquam respondeat, urge.

Sive Aquilo radit terras, seu bruma nivalem  
Interiore diem gyro trahit, ire necesse est.

Postmodo, quod mihi obstat, clare, certumque lo-  
quuto,

Luctandum in turba, facienda injuria tardis,  
Quid tibi vis, quas res agis, insane? Improbis urget  
Iratæ precibus. Tu pulses omne quod obstat,

Ad Mæcenatem memori si mente recurras.

Hoc juvat, & melli est, non mentiar. At simul atras

Ventum est Esquillas, aliena negotia centum

Per caput, & circa salijunt latus. Ante secundam

Roscus orabat sibi adesses ad Puteal cras.

De re communi scribæ magna, atque nova te

Orabant hodie meminisses, Quinte, reverti.

Imprimat his cura Mæcenatæ signa tabellis.

Dixeris, experiar: Si vis, potes, addit, & instat,

Septimus octavo propior jam fugerit annus,

Ex quo Mæcenatæ me cœpit habere suorum

In numero; duntaxat ad hoc, quem tollere rheda

Vellet, iter faciens, & cui concedere nugæ

Hoc genus: Hora quota est? Thrax est Gallina

Syro par?

Maturina parum cautos jam frigora mordent:

Et quæ rimosa bene deponuntur in aure.

Per totum hoc tempus subjectior in diem, & horam

Invidiæ. Noster ludos spectaverit una,

Luferit in campo, Fortunæ filius, omnes.

Frigidus è Rostris manet per compita rumor :

Quicumque obuius est, me consulit : O bone,  
( nam te

Scire, Deos quoniam propius contingis, oportet )  
Numquid de Dacis audisti ? Nil equidem. Ut tu  
Semper eris derisor ! At omnes Dî exagitent me,  
Si quidquam. Quid ? militibus promissa Triquetra  
Prædia Cæsar, an est Itala tellure daturus ?

Jurantem me scire nihil, mirantur, ut unum  
Scilicet egregii mortalem altique silenti.

Perditur hæc inter misero lux, non sine votis :  
O rus, quando ego te aspiciam ? quandoque licebit  
Nunc veterum libris, nunc somno, & inertibus  
horis

Ducere sollicitæ jucunda obliviam vitæ ?

O quando faba Pythagoræ cognata, simulque  
Uncta satis pingui ponentur oluscula lardo ?

O noctes, cœnæque Deum ! quibus ipse, meique,  
Ante Larem proprium vescor ; vernasque procaces  
Pasco libatis dapibus. Prout cuique libido est,  
Siccant inæquales catices conviva, solutus

Legibus insanis ; seu quis capit acria fortis

Pocula, seu modicis uvescit lætius. Ergo

Sermo oritur, non de villis, domibusve alienis ;

Nec male, necne Lepos saltet ; sed, quod magis ad  
nos

Pertinet, & nescire malum est, agitamur : utrumne  
Divitiis homines, an sint virtute beati ;

Quidve ad amicitias, usus rectumne trahat nos ;

Et quæ sit natura boni, summumque quid ejus.

Cervius, hæc inter, vicinus garrit aniles

Ex re fabellas. Nam si quis laudat Arellum

Solicitas ignarus opes, sic incipit : Olim

Rusticus urbanum murem mus paupere ferrur

Accepisse cavo, veterem vetus hospes amicum ;

Asper, & attentus quæsit, ut tamen arctum

Solveret hospitiiis animum. Quid multa? neque ille  
 Sepositi ciceris, nec longæ invidit avenæ:  
 Aridum & ore ferens acinum, semesaque lardi  
 Frustra dedit, cupiens varia fastidia cœna  
 Vincere tangentis mâle singula dente superbo;  
 Quum pater ipse domûs palea porrectus in horna  
 Effet ador, loliumque, dapis meliora relinquens.  
 Tandem urbanus ad hunc: Quid te juvat, inquit,  
     amice,  
 Prærupti nemoris patientem vivere dorso?  
 Vis tu homines, urbemque feris præponere sylvis?  
 Carpe viam, mihi crede, comes; terrestria quando  
 Mortales animas vivunt sortita, neque ulla est  
 Aut magno, aut parvo lethi fuga. Quo, bone, circa  
 Dum licet, in rebus jucundis vive beatus;  
 Vive memor quam sis ævi brevis. Hæc ubi dicta  
 Agrestem pepulere, domo levis exilit; inde  
 Ambo propositum peragunt iter, urbis aventes  
 Mœnia nocturni subrepere. Jamque tenebat  
 Nox medium cœli spatium, quum ponit uterque  
 In locuplete domo vestigia, rubro ubi cocco  
 Tincta super lectos canderet vestis eburnos,  
 Multaque de magna superessent fercula cœna,  
 Quæ procul exstructis inerant hesternæ canistris.  
 Ergo, ubi purpurea porrectum in veste locavit  
 Agrestem, veluti succinctus cursitat hospes,  
 Continuatque dapes; necnon verniliter ipsis  
 Fungitur officiis, prælibans omne quod affert.  
 Ille cubans gaudet mutata sorte, bonisque  
 Rebus agit lætum convivam, quum subito ingens  
 Valvarum strepitus lectis exclusit utrumque.  
 Currere per totum pavidi conclave, magisque  
 Exanimes trepidare, simul domus alta Molossis  
 Personuit canibus. Tum rusticus; Haud mihi vita  
 Est opus hac, ait, & valeas; me sylva, cayusque  
 Tutus ab insidiis tenui solabitur cryo,

SATIRA VII.

*Horatii servus libertate usus Saturnaliâ festive  
illum & acriter objurgat.*

**J**AM DUDUM ausculto, & cupiens tibi dicere  
servus

Pauca, reformido. Davusne? Ita, Davus, amicum  
Mancipium domino, & frugi, quod sit satis: hoc est,  
Ut vitale putes. Age, libertate Decembri,  
Quando ita majores voluerunt, utere, narra.  
Pars hominum vitiis gaudet constanter, & urget  
Propositum; pars multa natat, modo recta capef-  
fens,

Interdum pravis obnoxia. Sæpe notatus  
Cum tribus annellis, modo læva Priscus inani,  
Vixit inæqualis, clavum ut mutaret in horas:  
Ædibus ex magnis subito se conderet, unde  
Mundior exiret vix libertinus honeste.

Jam mœchus Romæ, jam mallet doctus Athenis  
Vivere, Vertumnis, quotquot sunt, natus iniquis.  
Scurra Volanerius, postquam illi iusta chiragra  
Contudit articulos, qui pro se tolleret, atque  
Mitteret in phimum talos, mercede diurna  
Conductum pavit. Quanto constantior idem  
In vitiis, tanto levius miser ac prior illo,  
Qui jam contento, jam laxo fune laborat.  
Non dices hodie, quorsum hæc tam putida tendant,  
Furcifer? Ad te, inquam. Quo pacto, pessime?

Laudas

Fortunam, & mores antiquæ plebis; & idem,  
Si quis ad illa Deus subito te agat, usque recuses;  
Aut quia non sentis, quod clamas, rectius esse;  
Aut quia non firmus rectum defendis, & hæres,

Nequicquam coeno cupiens evellere plantam.  
 Romæ rus optas, absentem rusticus Urbem  
 Tollis ad astra levis. Si nusquam es forte vocatus  
 Ad coenam, laudas securum olivæ, ac, velut usquam  
 Vincit eas, ita te felicem dicis, amasque,  
 Quod nusquam tibi sit potandum. Jufferit ad se  
 Mæcenas serum sub lumina prima venire  
 Convivam: Nemon' oleum feret ocus? ecquis  
 Audit? cum magno blateras clamore, fugisque.  
 Mulvius & scurræ, tibi non referenda precati,  
 Discedunt. Etenim fateor me, dixerit ille,  
 Duci ventre levem; nasum nidore supinor;  
 Imbecillus, iners, si quid vis, adde, popino.  
 Tu, quum sis quod ego, & fortassis nequior, ultro  
 Insectere, velut melior? verbisque decoris  
 Obvolvas vitium? quid, si me stultior ipso  
 Quingentis emto drachmis deprnderis? aufer  
 Me vultu terrere, manum, stomachumque teneto,  
 Dum quæ Crispini docuit me janitor edo.  
 Te conjux aliena capit, meretricula Davum:  
 Peccat uter nostrum cruce dignius? acris ubi me  
 Natura incendit, sub clara nuda lucerna  
 Quæcunque excepit turgentis verbera caudæ,  
 Clunibus aut agitavit equum lasciva supinum,  
 Dimittit neque famosum, neque sollicitum, ne  
 Ditiôr aut formæ melioris meiat eodem.  
 Tu, quum projectis insignibus, annulo equestri,  
 Romanoque habitu, prodis, ex iudice, Dama  
 Turpis, odoratum caput obscurante lacerna,  
 Non es quod simulas? metuens induceris, atque  
 Altercante libidinibus tremis ossa pavore.  
 Quid refert, uri virgis, ferroque necari,  
 Auctoratus eas, an turpi clausus in arca,  
 Quo te demisit peccati conscia herilis,  
 Contractum genibus tangas caput? estne marito  
 Matronæ peccantis in ambos iusta potestas?  
 In corruptorem vel justior? illa tamen se

Non habitu mutare loco, peccare superne,  
 Quum te formidet mulier, neque credat amanti.  
 Ibis sub furcam prudens, dominoque furenti  
 Committes rem omnem, & vitam, & cum corpore  
 famam.

Evasti? metues, credo, doctusque cavebis.  
 Quæres quando iterum paveas, iterumque perire  
 Possis. ô toties servus! quæ bellua ruptis,  
 Quum semel effugit, reddit se prava catenis?  
 Non sum mœchus, ais. Neque ego, hercule, fur,  
 ubi vasa

Prætereo sapiens argentea. Tolle periculum,  
 Jam vaga profiliet frænis natura remotis.  
 Tune mihi dominus, rerum imperiis hominumque  
 Tot tantisque minor, quem ter vindicta quaterque  
 Imposita haud unquam misera formide privet?  
 Adde super dictis, quod non levius valeat. Nam  
 Sive vicarius est, qui servo paret (uti mos  
 Vester ait) seu confervus, tibi quid sum ego?  
 nempe

Tu, mihi qui imperitas, aliis servis miser, atque  
 Duceris ut nervis alienis mobile signum.  
 Quisnam igitur liber? sapiens, sibi que imperiosus;  
 Quem neque pauperies, neque mors, neque vin-  
 cula terrent:

Respondere cupidinibus, contemnere honores  
 Fortis, & in seipso totus teres atque rotundus,  
 Externi ne quid valeat per leve morari;  
 In quem manca ruit semper fortuna. Potestne  
 Ex his ut proprium quid noscere? quinque talenta  
 Poscit te mulier, vexat, foribusque repulsum  
 Perfundit gelida; rursus vocat; eripe turpi  
 Colla iugo: liber, liber sum, dic age. Non quis:  
 Urget enim mentem dominas non lenis, & acres  
 Subiecit lasso stimulos, versatque negantem.  
 Vel quum Pausiaca torpes, insane, tabella,  
 Qui peccas minus atque ego? quum Fulvi, Ruti-  
 bæque,

## 216 Q. HOR. FLACCI

Aut Placideiani contento poplite miror  
 Prælia, rubricâ picta aut carbone: velut si  
 Re vera pugnent, feriant, vitentque moventes  
 Arma viri: nequam & cessator Davus; at ipse  
 Subtilis veterum iudex & callidus audis.  
 Nil ego, si ductor libo fumante: tibi ingens  
 Virtus, atque animus cœnis responsat opimis.  
 Obsequium ventris mihi perniciosius est, cur?  
 Tergo plector enim. Qui tu impunitior illa  
 Quæ parvo sumi nequeunt obsonia captas?  
 Nempe inamarescunt epulæ sine fine petitz,  
 Illusque pedes vitiosum ferre recusant  
 Corpus. An hic peccat, sub noctem qui puer trax  
 Furtivam mutat strigilem? qui prædia vendit,  
 Nil fervile, gulæ parens, habet? adde, quod idem  
 Non horam tecum esse potes; non otia recte  
 Ponere; teque ipsum vitas fugitivus, & erro,  
 Jam vino quærens, jam somno fallere curam;  
 Frustra: nam comes atra premit, sequiturque fu-  
 gacem.  
 Unde mihi lapidem? Quorsum est opus? Unde  
 sagittas?  
 Aut insanit homo, aut versus facit. Ocius hinc te  
 Ni rapis, accedes opera agro nona Sabino.



## S A T I R A VIII.

*Avarum ineptè prodigum falsè describit.*

**U**T Nasidieni juvit te cœna beati?  
 Nam mihi convivam quærenti, dictus heri illic  
 De medio potare die. Sic ut mihi nunquam  
 In vita fuerit melius. Dà, si grave non est,  
 Quæ prima iratum ventrem placaverit esca.  
 In primis Lucanus aper; leni fuit Austro

Captus,

**C**aptus, ut aiebat cœnæ pater: acria circum  
 Rapula, lactucæ, radices, qualia lassum  
 Pervellunt stomachum; sifer, allec, sæcula Coa.  
 His ubi sublati, puer alte cinctus acernam  
 Gausape purpureo mansam perterfit, & alter  
 Sublegit quodcunque jaceret inutile, quodque  
 Posset cœnantes offendere: ut Attica virgo  
 Cum sacris Cereris, procedit fuscus Hydaspes,  
 Cæcuba vina ferens, Alcon, Chium maris experts.  
 Hic herus, Albanum, Mæcenas, sive Falernum  
 Te magis appositis delectat, habemus utrumque:  
 Divitias miseras. Sed queis cœnantibus una,  
 Fundani, pulchre fuerit tibi, nosse laboro.  
 Summus ego, & prope me Viscus Thurinus, &  
 infra,

Si memini, Varius: cum Servilio Balatrone  
 Vibidius, quos Mæcenas adduxerat umbras.  
 Nomentanus erat super ipsum, Porcius infra,  
 Ridiculus totas semel absorbere placentas.  
 Nomentanus ad hoc, qui, si quid forte lateret,  
 Indice monstraret digito. Nam cetera turba,  
 Nos, inquam, cœnamus aves, conchylia, pisces;  
 Longe dissimilem noto celantia succum;  
 Ut vel continuo patuit, quum passeris assi, at-  
 que ingustata mihi porrexerit ilia rhombi.  
 Post hoc me docuit melimela rubere minorem  
 Ad lunam delecta. Quid hoc interfit, ab ipso  
 Audieris melius. Tum Vibidius Balatroni,  
 Nos, nisi damnose bibimus, moriemur inulti;  
 Et calices poscit majores. Vertere pallor  
 Tum Parochi faciem, nil sic metuentis ut acres  
 Potores, vel quod maledicunt liberius, vel  
 Fervida quod subtile exsurdant vina palatum.  
 Invertunt Alliphanis vinaria tota  
 Vibidius, Balatroque, sequutis omnibus: imi  
 Convivæ lecti nihilum nocuere lagenis.  
 Afferitur squillas inter muræna natantes

T



In patina porrecta. Sub hoc herus : Hæc gravidæ,  
inquit,

Capta est, deterior post partum carne futura.  
His mistum jus est oleo, quod prima Venastri  
Pressit cella; garo de succis piscis Iberi,  
Vino quinquenni, verum citra mare nato,  
Dum coquitur; (cocto Chium sic convenit, ut nos  
Hoc magis ullum aliud) pipere albo, non sine aceto,  
Quod Methymnæam vitio mutaverit uvam.  
Erucas virides, inulas ego primus amaras  
Monstravi incoquere; illotos Curtillus echinos,  
Ut melius muria, quam testa marina remittit.  
Interea suspensa graves aulæa ruinas  
In patinam fecere, trahentia pulveris atrii  
Quantum non Aquilo Campanis excitat agris,  
Nos majus veriti, postquam nihil esse periculi  
Sensimus, erigimur. Rufus, posito capite, ut si  
Filius immaturus obisset, flere. Quis esset  
Finis, ni sapiens sic Nomentanus amicum  
Tolleret? Heu, Fortuna, quis est crudelior in nos  
Te, Deus? ut semper gaudes illudere rebus  
Humanis! Varius mappa compescere risum  
Vix poterat. Balatro, suspendens omnia naso,  
Hæc est conditio vivendi, aiebat; eoque  
Responsura tuo nunquam est par fama labori.  
Tene, ut ego accipiar laute, torquerier omni  
Solicitudine districtum; ne panis adustus,  
Ne male conditum jus apponatur; ut omnes  
Præcincti recte pueri, comitque ministrent?  
Adde hos præterea casus: aulæa ruant si,  
Ut modo; si patinam pede lapsus frangat agas.  
Sed convivatoris, uti ducis, ingenium res  
Adversæ nudare solent, celare secundæ.  
Nasidienus ad hæc: Tibi Dî quæcunque preceris,  
Commoda dent! ita vir bonus es, convivaque  
comis;

Et soleas poscit. Tum in lecto quoque videres

Scridere secreta divisos aure susurros.  
 Nullos his malle[m] ludos spectasse. Sed illa  
 Redde, age, quæ deinceps risisti. Vibidius dum  
 Quærit de pueris, num sit quoque fracta lagena,  
 Quod sibi poscenti non dentur pocula; dumque  
 Ridetur fictis rerum, Balatrone secundo,  
 Nasidiene redis mutatæ frontis, ut arte  
 Emendaturus fortunam. Deinde sequuti  
 Mazonomo pueri magno discerpta ferentes  
 Membra gruis, sparsi sale multo, non sine farre,  
 Pinguibus & ficis pastum jecur anseris albæ,  
 Et leporum avulsos, ut multo suavius, armos,  
 Quam si cum lumbis quis edit. Tum pectore adusto  
 Vidimus & merulas poni, & sine clune palumbes;  
 Suaves res, si non causas narraret earum, &  
 Naturas dominus: quem nos sic fugimus uti,  
 Ut nihil omnino gustaremus, velut illis  
 Canidia adflasset pejor serpentibus Afris.

S A T I R A R U M F I N I S.



**Q. HORATII FLACCI**  
**EPISTOLARUM**  
**LIBER PRIMUS.**

~~~~~  
AD C. CILNIUM MÆCENATEM.

EPISTOLA I.

*Se, omissis versibus ludicris, totum esse in philosophiâ
 perdiscendâ, quæ frænare cupiditates, & omnia
 virtuti posthabere docet.*



P R I M A dicte mihi, summa dicende
 camœna,
 Spectatum satis, & donatum jam
 rude, quæris,
 Mæcenas, iterum antiquo me in-
 cludere ludo.

Non eadem est ætas, non mens. Veianius, armis

Herculis ad postem fixis, latet abditus agro,
 Ne populum extrema toties exoret arena.
 Est mihi purgatam crebro qui personet aurem:
 Solve senescentem mature sanus equum, ne
 Peccet ad extremum ridendus, & ilia ducat.
 Nunc itaque & versus, & cetera ludicra pono:
 Quid verum, atque decens, curo & rogo, & omnia
 in hoc sum:

Condo, & compono quæ mox depromere possim.
 Ac ne forte roges, quo me duce, quo lare tuter,
 Nullius addictus jurare in verba magistri,
 Quo me cunque rapit tempestas, deferor hospes.
 Nunc agilis fio, & merfor civilibus undis,
 Virtutis veræ custos, rigidusque satelles;
 Nunc in Aristippi furtim præcepta relabor,
 Et mihi res, non me rebus submittere conor.
 Ut nox longa, quibus mentitur amica, diesque
 Lenta videtur opus debentibus; ut piger annus
 Pupillis, quos dura premit custodia matrum:
 Sic mihi tarda fluunt, ingrataque tempora, quæ
 spem,

Consiliumque morantur agendi gnauiter id quod
 Æque pauperibus prodest, locupletibus æque,
 Æque neglectum, pueris, senibusque nocebit.
 Restat ut his ego me ipse regam, solerque elementis.
 Non possis oculo quantum contendere Lynceus,
 Non tamen idcirco contemnas lippus inungi;
 Nec, quia desperes invicti membra Glyconis,
 Nodosa corpus nolis prohibere chiragra.
 Est quadam prodire tenax, si non datur ultra.
 Fervet avaritia, miseroque cupidine pectus?
 Sunt verba & voces, quibus hunc lenire dolorem
 Possis, & magnam morbi deponere partem.
 Laudis amore tumes? sunt certa piacula, quæ te
 Ter pure lecto poterunt recreare libello.
 Invidus, iracundus, iners, vinosus, amator;
 Nemo adeo ferus est ut non mirescere possit,

T 3

Si modo culturæ patientem commodet aurem.
 Virtus est, vitium fugere; & sapientia prima,
 Stulticia caruisse. Vides, quæ maxima credis
 Esse mala, exiguum censum, turpemque repulsam.
 Quanto devires animi, capitisque labore.
 Impiger extremos curris mercator ad Indos,
 Per mare pauperiem fugiens, per saxa, per ignes.
 Ne cures ea quæ stulte miraris, & optas,
 Discere, & audire, & meliori credere non vis?
 Quis circum pagos, & circum compita pugnam
 Magna coronari contemnat Olympia, cui spes,
 Cui sit conditio dulcis sine pulvere palmæ?
 Vilius est auro argentum, virtutibus aurum.
 O cives, cives, querenda pecunia primum est,
 Virtus post nummos. Hæc Janus summus ab imo
 Prodocet; hæc recinunt juvenes dictata, senesque.
 Est animus tibi, sunt mores, est lingua, fidesque,
 Sed quadringentis sex septem millia defunt,
 Plebs eris. At pueri ludentes, *Rex eris*, aiunt,
Si recte facies. Hic murus aheneus esto,
 Nil conscire sibi, nulla pallescere culpa.
 Roscia, dic fodes, melior lex, an puerorum
 Nenia, quæ regnum recte facientibus offert,
 Et maribus Curiis & decantata Camillis?
 Isne tibi melius suadet, qui rem facias, rem,
 Si possis, recte; si non, quocunque modo rem:
 Ut propius spectes lacrymosa poemata Pupli:
 An qui Fortunæ te respondere superbæ
 Liberum, & erectum præsens hortatur, & aptat?
 Quod si me populus Romanus forte roget, cur
 Non, ut porticibus, sic judiciis fruam iisdem;
 Nec sequar, aut fugiam, quæ diligit ipse, vel odit:
 Olim quod vulpes ægroto cauta leoni
 Respondit, referam: *Quia me vestigia terrent,*
Omnia te adversum spectantia, nulla retrorsum.
 Bellua multorum est caput. Nam quid sequar;
 aut quem?

Pars hominum gestit conducere publica : sunt qui
 Crustis, & pomis viduas venentur avaras,
 Excipiantque senes, quos in vivaria mittant.
 Multis occulto crescit res fœnore. Verum
 Esto aliis alios rebus, studiisque teneri :
 Iidem eadem possunt horam durare probantes ?
 Nullus in orbe sinus Baiis præluet amœnis,
 Si dixit dives, lacus & mare sentit amorem
 Festinantis heri. Cui si vitiosa libido
 Fecerit auspicium, cras ferramenta Teanum
 Tollebis, fabri. Lætus genialis in aula est ?
 Nil ait esse prius, melius nil cœlibe vita.
 Si non est, jurat bene solis esse maritis.
 Quo teneam vultus mutantem Protea nodo ?
 Quid pauper ? ride : mutat coenacula, lectos,
 Balnea, tonsores ; conducto navigio æque
 Nauseat ac locuples, ducit quem priva triremis.
 Si curatus inæquali tonsore capillos
 Occurri, rides ; si forte subucula pexæ
 Trita subest tunicæ, vel si toga dissidet impar,
 Rides : quid, mea quum pugnat sententia secum ?
 Quod petiit, spernit ; repetit quod nuper omisit ?
 Æstuat, & vitæ disconvenit ordine toto ?
 Diruit, ædificat, mutat quadrata rotundis ?
 Insanire putas solennia me ; neque rides,
 Nec medici credis, nec curatoris egere
 A Prætoris dati : rerum tutela mearum
 Quum sis, & prave sectum stomacheris ob unguem
 De te pendentis, te respicientis amici.
 Ad summam, sapiens uno minor est Jove : dives,
 Liber, honoratus, pulcher, rex denique regum,
 Præcipue sanus, nisi quum pituita molesta est.



AD LOLLIUM.

EPISTOLA II.

*Homerum præ Philosophis omnibus optimum esse virtutis
magistrum declarat, & ad sapientiæ studium
maturè capeffendum hortatur.*

TROJANI belli scriptorem, maxime Lolli,
Dum tu declamas Romæ, Præneste relegi;
Qui, quid sit pulchrum, quid turpe, quid utile,
quid non,
Planius ac melius Chryippo & Crantore dicit.
Cur ita crediderim, nisi quid te detinet, audi.
Fabula, qua Paridis propter narratur amorem
Græcia Barbariæ lento collisa duello,
Stultorum regum, & populorum continet ætus.
Antenor censet belli præcidere causam;
Quod Paris, ut salvus regnet, vivatque beatus,
Cogi posse negat. Nestor componere lites
Inter Peliden festinat & inter Atriden:
Hunc amor, ira quidem communiter urit utrumque.
Quidquid delirant reges, plectuntur Achivi.
Seditione, dolis, scelere, atque libidine, & ira,
Iliacos intra muros peccatur & extra.
Rursum, quid virtus, & quid sapientia possit,
Utile proposuit nobis exemplar Ulyssiem;
Qui domitor Trojæ, multorum providus urbes,
Et mores hominum inspexit; latumque per æquor,
Dum sibi, dum sociis reditum parat, aspera multa
Pertulit, adversis rerum immerfabilis undis.
Sirenium voces, & Circæ pocula nosti:
Quæ si cum sociis stultus, cupidusque bibisset,
Sub domina meretrice fuisset turpis, & excors;
Vixisset canis immundus, vel amica luto sus.

Nos numerus sumus, & fruges consumere nati,
 Sponsi Penelopæ, nebulones, Alcinoique
 In cute curanda plus æquo operata juvenus,
 Cui pulchrum fuit in medios dormire dies, &
 Ad strepitum citharæ cessantem ducere somnum.
 * Ut jugulent hominem, surgunt de nocte latrones;
 Ut te ipsum serves, non expergisceris? atqui
 Si nolis sanus, cures hydropicus; & ni
 Posces ante diem librum cum lumine, si non
 Intendes animum studiis, ac rebus honestis,
 Invidia vel amore vigil torquere. Nam cur,
 Quæ lædunt oculum, festinas demere: si quid
 Est animum, differs curandi tempus in annum?
 Dimidium facti, qui cœpit, habet; sapere aude,
 Incipe. Qui recte vivendi prorogat horam,
 Rusticus exspectat dum defluat amnis; at ille
 Labitur, & labetur in omne volubilis ævum.
 Quæritur argentum, puerisque beata creandis
 Uxor, & incultæ pacantur vomere sylvæ.
 Quod satis est, cui contigit, hic nihil amplius
 optet.

Non domus, & fundus, non æris acervus, & auris,
 Ægroto domini deduxit corpore febres,
 Non animo curas. Valeat possessor oportet,
 Si comportatis rebus bene cogitat uti.
 Qui cupit, aut metuit, juvat illum sic domus, aut res,
 Ut lippum pictæ tabulæ, fomenta podagrum,
 Auriculas citharæ collecta sorde dolentes.
 Sincerum est nisi vas, quodcunque infundis, acescit.
 Sperne voluptates, nocet emta dolore voluptas.
 Semper avarus eget; certum voto pete finem.
 Invidus alterius macrescit rebus opimis.
 Invidia Siculi non invenere tyranni
 Majus tormentum. Qui non moderabitur iræ,

* Quo sequentes versus à 32. ad. 63. referendi sint,
 vide Notas Dan. Heinsii.

Infectum volet esse, dolor quod suaferit, & mens,
 Dum pœnas odio per vim festinat inulto.
 Ira furor brevis est. Animum rege: qui nisi paret,
 Imperat; hunc frænis, hunc tu compesce catena.
 Fingit equum tenera docilem cervice magister
 Ire viam quæ monstrat eques. Venaticus, ex quo
 Tempore cervinam pellem latravit in aula,
 Militat in sylvis catulus. Nunc adhibe puro
 Pectore verba, puer; nunc te melioribus offer,
 Quo semel est imbuta recens, servabit odorem
 Testa diu. Quod si cessas, aut strenuus anteis,
 Nec tardum opperor, nec præcedentibus insto.

AD JULIUM FLORUM.

EPISTOLA III.

*Quadam de Tiberio ac suis ipsius amicis percontatus,
 Florum ad sapientiæ studium cohortatur.*

JULI Flore, quibus terrarum militet oris
 Claudius, Augusti privignus, scire laboro.
 Thracane vos, Hebrusque nivali compede victus,
 An freta vicinas inter currentia terras,
 An pingues Asiæ campi, collesque morantur?
 Quid studiosa cohors operû struit? hæc quoque cures,
 Quis sibi res gestas Augusti scribere sumit?
 Bella quis, & paces longum diffundit in ævum?
 Quid Titius, Romana brevi venturus in ora?
 Pindarici fontis qui non expalluit haustus,
 Fastidire lacus, & rivos ausus apertos,
 Ut valet? ut meminit nostri? fidibusne Latinis
 Thebanos aptare modos studet, auspice Musa?
 An tragica defævit, & ampullatur in arte?
 Quid mihi Celsus agit? monitus, multumque monendus,

Privatas ut quærat opes, & tangere vitet
 Scripta, Palatinus quæcunque recepit Apollo;
 Ne, si forte suas repetitum venerit olim
 Grex avium plumas, moveat Cornicula risum,
 Furtivis nudata coloribus. Ipse quid audes?
 Quæ circumvolitas agilis thyma? non tibi parvum
 Ingenium, non incultum est, nec turpiter hirtum.
 Seu linguam caussis acuis, seu civica jura
 Respondere paras, seu condis amabile carmen,
 Prima feres ederaë victricis præmia. Quod si
 Frigida curarum fomenta relinquere posses,
 Quo te coelestis sapientia duceret, ires.
 Hoc opus, hoc studium, parvi properemus & amplius,
 Si patriæ volumus, si nobis vivere cari.
 Debes hoc etiam rescribere, si tibi curæ est
 Quantæ conveniat Munatius. An male facta
 Gratia nequicquam coit, & rescinditur? at vos
 Seu calidus sanguis, seu rerum inscitia vexat
 Indomita cervice feros, ubicunque locorum
 Vivitis, indigni fratrum rumpere foedus,
 Pascitur in vestrum reditum vœtiva juvenca.



AD ALBIUM TIBULLUM.

EPISTOLA IV.

*Dotes ejus prædicat, & propositâ mortis cogitatione
 ad hilaritatem convertit.*

ALBI, nostrorum sermonum candide iudex,
 Quid nunc te dicam facere in regione Pedana?
 Scribere quod Cassi Parmensis opuscula vincat?
 An tacitum sylvas inter reptare salubres,
 Curantem quidquid dignum sapiente, bonoque est?
 Non tu corpus eras sine pectore: Dî tibi formam,

Dī tibi divitias dederunt, artemque fruendi.
 Quid voveat dulci nutricula majus alumno,
 Qui sapere, & fari possit quæ sentiat, & cui
 Gratia, fama, valetudo contingat abunde,
 Et mundus victus, non deficiente crumena?
 Inter spem curamque, timores inter & iras,
 Omnem crede diem tibi diluxisse supremum.
 Grata superveniet, quæ non sperabitur, hora.
 Me pinguem, & nitidum bene curata cute vises,
 Quum ridere voles Epicuri de grege porcum.



A D T O R Q U A T U M.

E P I S T O L A V.

*Invitat eum ad frugalem cenam, sed mundam
& genialem.*

SI potes Archiacis conviva recumbere lectis,
 Nec modica cœnare times olus omne patella,
 Supremo te sole domi, Torquate, manebo.
 Vina bibes iterum Tauro diffusa, palustres
 Inter Minturnas, Sinuessanumque Petrium.
 Sin melius quid habes, arcesse, vel imperium fer.
 Jamdudum splendet focus, & tibi munda supellex.
 Mitte leves spes, & certamina divitiarum,
 Et Moschi causam. Cras nato Cæsare festus
 Dat veniam, somnumque dies; impune licbit
 Æstivam sermone benigno tendere noctem.
 Quo mihi fortunas, si non conceditur uti?
 Parcus ob heredis curam, nimiumque severus,
 Assidet insano. Potare, & spargere flores
 Incipiam, patiarque vel inconsultus haberi.
 Quid non ebrietas designat? operata recludit,
 Spes jubet esse ratas, in proelia trudit ipertem,

Sollicitis animis onus eximit, addocet artes.
 Fœcundi calices quem non fecere disertum?
 Contracta quem non in paupertate solutum?
 Hæc ego procurare & idoneus imperor, & non
 Invitus, ne turpe toral, ne sordida mappa
 Corruget nares; ne non & cantharus, & lanx
 Ostendat tibi te; ne fidos inter amicos
 Sit qui dicta foras eliminet; ut coëat par
 Jungaturque pari, Brutam tibi, Septiciumque;
 Et nisi cœna prior, potiorque puella Sabinum
 Detinet, assumam. Locus est & pluribus umbris.
 Sed nimis arcta premunt olidæ convivia capræ.
 Tu, quotus esse velis, rescribe; & rebus omisso,
 Atria servantem postico falle clientem.



A D N U M I C I U M.

EPISTOLA VI.

Sapientem nihil admirari præter virtutem.

NIL admirari prope, res est una, Numici,
 Solaque, quæ possit facere, & servare beatum.
 Hunc solem, & stellas, & decedentia certis
 Tempora momentis, sunt qui formidine nulla
 Imbuti spectant. Quid censes munera terræ?
 Quid, maris extremos Arabas ditantis, & Indos?
 Ludicra quid, plausus, & amici dona Quiritis?
 Quo spectanda modo, quo sensu credis, & ore?
 Qui timet his adversa, fere miratur eodem
 Quo cupiens pacto. Pavor est utrique molestus;
 Improvisa simul species exterret utrumque.
 Gaudeat, an doleat; cupiat, metuatne; quid ad rem?
 Si, quidquid vidit melius, pejorve sua spe,
 Defixis oculis, animoque, & corpore torpet?

Infani sapiens nomen ferat, æquus iniqui,
 Ultra quam satis est virtutem si petat ipsam.
 I nunc, argentû, & marmor vetus, æraque, & artes
 Sûspice, cum gemmis Tyrios mirare colores;
 Gaude quod spectant oculi te mille loquentem;
 Grævus mane forum, & vespertinus pete rectum;
 Ne plus frumenti dotalibus emerat agris
 Mutus, & (indignum quod sit) pejoribus ortus:
 Hic tibi sit potius quam tu mirabilis illi.
 Quidquid sub terra est, in apricum proferet ætas,
 Defodiet, conderque nitentia. Quum bene notum
 Porticus Agrippæ, & via te conspexerit Appi,
 Ire tamen restat Numa quo devenit, & Ancus.
 Si latus, aut renes morbo tentantur acuto,
 Quære fugam morbi. Vis recte vivere? Quis non!
 Si virtus hoc una potest dare, fortis omittis
 Hoc age deliciis. Virtutem verba putes, et
 Lucum ligna? cave ne portus occupet alter,
 Ne Cibyratica, ne Bithyna negotia perdas.
 Mille talenta retandentur, totidem altera, porro &
 Tertia succedant, & quæ pars quadret acervum.
 Scilicet uxorem cum dote, fidemque, & amicos,
 Et genus, & formam regina pecunia donat;
 Ac bene nummatum decorat Suadela, Venusque.
 Mancipiis locuples eget æris Cappadocum rex;
 Ne fueris hic tu. Chlamydes Lucullus, ut aiunt,
 Si posset centum scenæ præbere rogatus,
 Qui possum tot? ait: tamen & quæram, & quot
 habebo

Mittam. Post paulo scribit, sibi millia quinque
 Esse domi chlamydum; partem, vel tolleret omnes.
 Exilis domus est, ubi non & multa superant,
 Et dominum fallunt, & profunt furibus. Ergo
 Si res sola potest facere, & servare beatum,
 Hoc primus repetas opus, hoc postremus omittas.
 Si fortunatum species, & gratia præstat,
 Mercemur servum, qui dicter nomina, levum

Qui fodicet latus, & cogat trans pondera dextram
 Porrigere. Hic multum in Fabia valet, ille Velina.
 Cui libet is fasces dabit, eripietque curule
 Cui volet, importunus, ebur. Frater, pater, adde;
 Ut cuique est ætas, ita quemque facetus adopta.
 Si, bene qui cœnat, bene vivit; lucet, carnis
 Quo ducit gula; piscemur, venemur, ut olim
 Gargilius, qui mane plagas, venabula, servos,
 Differtum transire forum, campumque iubebat;
 Unus ut è multis, populo spectante, referret
 Emum mulus aprum. Crudi, timidique lavemur,
 Quid deceat, quid non, obliti: Cœrite cera
 Digni, remigium vitiosum Ithacensis Ulyssæi,
 Cui potior patria fuit interdicta voluptas.
 Si, Mimnermus uti censet, sine amore, jocisque
 Nil est jucundum; vivas in amore, jocisque.
 Vive, vale. Si quid novisti rectius istis,
 Candidus imperti; si non, his utere mecum.



AD C. CILNIUM MÆCENATEM.

EPISTOLA VII.

*Excusat se Mæcenati quòd ab Urbe absit diutius: tum
 ejus in se beneficia ita commendat, ut libertatem
 beneficiis omnibus potiorē esse declaret.*

QUINQUE dies tibi pollicitus me rure fe-
 turum,

Sextilem totum mendax desideror. Atqui
 Si me vivere vis sanum, recteque valentem,
 Quam mihi das ægro, dabis ægrotare timentî,
 Mæcenas, veniam: dum ficus prima, calorque
 Designatorem decorat lictoribus atris;
 Dura pueris omnis pater, & matercula palle;

Officiosaque sedulitas, & opella forensis
 Adducit febres, & testamenta resignat.
 Quod si bruma nives Albanis illinet agris,
 Ad mare descendet vates tuus, & sibi parceret,
 Contractusque leget: te, dulcis amice, reviset
 Cum Zephyris, si concedes, & hirundine prima.
 Non, quo more piris vesci Calaber jubet hospes,
 Tu me fecisti locupletem. Vescere sodes.
 Jam satis est. At tu quantum vis tolle. Benigne.
 Non invisa feres pueris munuscula parvis.
 Tam teneor dono quam si dimittar onustus.
 Ut libet: hæc porcis hodie comedenda relinques.
 Prodigus, & stultus donat quæ spernit, & odit.
 Hæc seges ingratos tulit, & feret omnibus annis.
 Vir bonus, & sapiens dignis ait esse paratus,
 Nec tamen ignorat quid distent æra lupinis.
 Dignum præstabo me etiam pro laude merentis.
 Quod si me noles usquam discedere, reddes
 Forte latus, nigros angusta fronte capillos;
 Reddes dulce loqui, reddes ridere decorum, &
 Inter viua fugam Cynaræ mœrere protervæ.
 Forte per angustam tenuis vulpecula rimam
 Repserat in cumeram frumenti; pastaque, rursus
 Ire foras pleno tendebat corpore frustra.
 Cui mustela procul: Si vis, ait, effugere istinc,
 Macra cavum repetes arcum, quem macra subisti.
 Hac ego si compellar imagine, cuncta resigno;
 Nec somnum plebis laudo, satur altitium; nec
 Otia divitiis Arabum liberrima muto.
 Sæpe verecundum laudasti; rexque, paterque
 Audisti coram, nec verbo parcius absens:
 Inspice si possum donata reponere lætus.
 Haud male Telemachus, proles patientis Ulyssæ:
 Non est aptus equis Ithacæ locus, ut neque planis
 Porrectus spatiis, neque multæ prodigus herbæ;
 Atride, magis apta tibi tua dona relinquam.
 Parvum parva decent; mihi jam non regia Roma,
 Sed

Sed vacuum Tibur placet, aut imbellis Tarentum.
 Serenus, & fortis, causisque Philippus agendis
 Clarus, ab officiis octavam circiter horam
 Dum redit, atque foro nimium distare Carinas,
 Jam grandis natu, queritur; conspexit, ut aiunt,
 Adrasum quendam vacua tonsoris in umbra,
 Cultello proprios purgantem leniter unguis.
 Demetri (puer hic non laevus iussa Philippi
 Accipiebat) abi; quære, & refer unde domo, quis,
 Cujus fortunæ; quo sit patre, quoque patrono.
 It, redit, & narrat, Vulteium nomine Menam,
 Præconem, tenui censu, sine crimine notum,
 Et properare loco, & cessare, & quærere, & uti
 Gaudentem parvisque sodalibus, & lare certo,
 Et ludis, & post decisa negotia, Campo.
 Scitari libet ex ipso quæcunque refers, dic
 Ad cœnam veniat. Non sane credere Mena,
 Mirari secum tacitus. Quid multa? benigne,
 Respondet. Negat ille mihi? Negat improbus,
 & te

Negligit, aut horret. Vulteium mane Philippus
 Vilis vendentem tunicato scruta popello
 Occupat, & salvere jubet prior. Ille Philippo
 Excusare laborem, & mercenaria vincla,
 Quod non mane domum venisset; denique, quod
 non

Providisset eum. Sic ignovisse putato
 Me tibi, si cœnas hodie mecum. Ut libet. Ergo
 Post nonam venies. Nunc i, rem strenuus auge.
 Ut ventum ad cœnam est, dicenda, tacenda lo-
 quutus,

Tandem dormitum dimittitur. Hic ubi sæpe
 Occultum visus decurrere piscis ad hamum,
 Mane cliens, & jam certus conviva, jubetur
 Rura suburbana indictis comes ire Latinis.
 Impositus mannis, arvum, cœlumque Sabinum
 Non cessat laudare. Videt, ridetque Philippus;

Et tibi dum requiem, dum risus undique quærit;
 Dum septem donat sestertia, mutua septem
 Promittit, persuadet uti mercetur agellum.
 Mercatur. Ne te longis ambagibus, ultra
 Quam satis est, morer, ex nitido sit rusticus, atque
 Sulcos, & vineta crepat mera; præparat ulmos,
 Immoritur studiis, & amore senescit habendi.
 Verum ubi oves furto, morbo periere capellæ,
 Spem mentita seges, bos est enectus arando,
 Offensus damnis, media de nocte caballum
 Arripit, iratusque Philippi tendit ad ædes.
 Quem simul aspexit scabrum, intonsumque Phi-
 lippus;
 Durus, ait, Vultei, nimis attentusque videris
 Esse mihi. Pol, me miserum, patrone, vocares,
 Si velles, inquit, verum mihi dicere nomen:
 Quod te per Genium, dextramque, Deosque Pe-
 nates,
 Obsecro, & obtestor, vitæ me redde priori.
 Qui semel aspexit quantum dimissa petitis
 Præstent, mature redeat, repetatque relicta.
 Metiri se quemque suo modulo, ac pede, verum est.


AD CELSUM ALBINOVANUM.

EPISTOLA VIII.

*Se neque corpore, neque animo valere; Celso secundam
 fortunam modeste ferendam esse.*

CELSO gaudere, & bene rem gerere Albi-
 novano,
 Musa rogata refer, comiti, scribæque Neronis.
 Si quæret quid agam, dic, multa & pulchra mi-
 nantem,

Vivere nec recte, nec suaviter. Haud quia grando
 Contuderit vites, oleamque momorderit ætus;
 Nec quia longinquis armentum ægrotet in arvis;
 Sed quia mente minus validus quam corpore toto,
 Nil audire velim, nil discere, quod levet ægrum:
 Fidis offendar medicis, irascar amicis,
 Cur me funesto properent arcere veterno;
 Quæ nocuere sequar, fugiam quæ profore credam;
 Romæ Tibur amem ventosus, Tibure Romam.
 Post hæc, ut valeat, quo pacto rem gerat, & se;
 Ut placeas juveni, percontare, utque cohorti.
 Si dicet, recte: primum, gaudere, subinde
 Præceptum auriculis hoc instillare memento:
 Ut tu fortunam, sic nos te, Celse, feremus.



AD CLAUDIUM TIBERIUM NERONEM.

E P I S T O L A I X.

Septimium ei commendat.

SEPTIMIUS, Claudii, nimirum intelligit unus,
 Quanti me facias. Nam quum rogat, & prece cogit
 Scilicet, ut tibi se laudare, & tradere coner
 Dignum mente, domoque legentis honesta Ne-
 ronis:

Munere quum fungi propioris censet amici,
 Quid possim videt, ac novit me valdius ipso.
 Multa quidem dixi, cur excusatus abirem;
 Sed timui, mea ne finxisse minora putarer,
 Dissimulatio opis propriæ, mihi commodus uni.
 Sic ego, majoris fugiens opprobria culpæ,
 Frontis ad urbanæ descendi præmia. Quod si
 Deposuit laudas ob amici iussa pudorem,
 Scribe tui gregis hunc, & fortem crede, bonumque.

V z



AD FUSCUM ARISTIUM.

EPISTOLA X.

*Rusticam vitam præ urbanâ laudat, ut natura magis
consentaneam, & magis amicam libertati.*

URBI S amatorem Fuscum salvere jubemus
Ruris amatores; hac in re scilicet una
Multum dissimiles, at cetera pene gemelli.
Fraternis animis quidquid negat alter, & alter,
Annuimus pariter, vetuli, notique columbi.
Tu nidum servas, ego laudo ruris amoeni
Rivos, & musco circumlita saxa, nemusque.
Quid quæris? vivo & regno, simul ista reliqui
Quæ vos ad cælum effertis rumore secundo.
Utque sacerdotis fugitivus, liba recuso;
Pane egeo jam mellitis potiore placentis.
Vivere Naturæ si convenienter oportet,
Ponendæque domo quærenda est area primum,
Novistine locum potiore rure beato?
Est ubi plus tepeant hyemes? ubi gratior aura
Leniat & rabiem canis, & momenta leonis,
Quum semel accepit solem furibundus acutum?
Est ubi divellat somnos minus invida cura?
Deterius Libycis olet, aut nitet herba lapillis?
Purior in vicis aqua tendit rumpere plumbum,
Quam quæ per pronum trepidat cum murmure
rivum?

Nempe inter varias nutritur sylva columnas,
Laudaturque domus, longos quæ prospicit agros.
Naturam expelles furca, tamen usque recurret,
Et mala perrumpet furtim fastidia victrix.
Non qui Sidonio contendere callidus ostro
Nescit Aquinatem potantia vellera fucum,

Certius accipiet damnum, propiusve medullis,
 Quam qui non poterit vero distinguere falsum,
 Quem res plus nimio delectavere secundæ,
 Mutatæ quatient. Si quid mirabere, pones
 Invitus. Fuge magna: licet sub paupere testo
 Reges, & Regum vita præcurrere amicos.
 Cervus equum pugna melior communibus herbis
 Pellebat, donec minor in certamine longo
 Imploravit opes hominis, frænumque recepit;
 Sed postquam victor victo discessit ab hoste,
 Non equitem dorso, non frænum depulit ore.
 Sic, qui pauperiem veritus, potiore metallis
 Libertate caret, dominum vehit improbus, atque
 Serviet æternum, quia parvo nesciat uti.
 Cui non conveniet sua res, ut calceus olim,
 Si pede major erit, subvertet; si minor, uret.
 Lætus sorte tua vives sapienter, Aristi;
 Nec me dimittes incastigatum, ubi plura
 Cogere quam satis est, ac non cessare videbor.
 Imperat, aue servit collecta pecunia cuique,
 Tortum digna sequi potius quam ducere funem.
 Hæc tibi dictabam sanum post putre Vacunæ,
 Excepto quod non simul esses, cetera lætus.

A D B U L L A T I U M.

E P I S T O L A X I.

Ex Asia, quod bellorum civilium radio profectus fuerat, Romam revocare conatus, monet animi agilitudinem non peregrinationibus, sed rectâ animi compositione levare.

QUI D tibi visa Chios, Bullati, notaque Lesbos?

238 Q. HOR. FLACCI

Quid concinna Samos, quid Crœsi regia Sardis?
Smyrna quid, & Colophon? majora, minoran-
fama?

Cunctane præ Campo, & Tiberino flumine for-
dent?

An venit in votum Attalicis ex urbibus una?
An Lebedum laudas, odio maris atque viarum?
Scis, Lebedus quid sit? Gabiis desertior, atque
Fidenis vicus; tamen illic vivere vellem;
Oblitusque meorum, obliviscendus & illis,
Neptunum procul è terra spectare furentem.
Sed neque, qui Capua Romam petit, imbre, lu-
toque

Aspersus, volet in caupona vivere; nec, qui
Frigus collegit, furnos & balnea laudat,
Ut fortunatam plene præstantia vitam.
Nec, si te validus jactaverit Auster in alto,
Idcirco navem trans Ægæum mare vendas,
Incolumi Rhodos, & Mytilene pulchra facit, quod
Penula solstitio, campestre nivalibus auris,
Per brumam Tiberis, sextili mense caminus.
Dum licet, & vultura servat fortuna benignum,
Romæ laudetur Samos, & Chios, & Rhodos ab-
sens:

Tu, quamcunque Deus tibi fortunaverit horam,
Grata sume manu, nec dulcia differ in annum;
Ut, quocunque loco fueris, vixisse libenter
Te dicas. Nam si ratio, & prudentia curas,
Non locus effusi late maris arbiter, aufert;
Cœlum, non animum mutant, qui trans mare
currunt.

Strenua nos exercet inertia: navibus, atque
Quadrigis petimus bene vivere. Quod petis, hîc est,
Est Ulubris, animus si te non deficit æquus.

A D I C C I U M.

E P I S T O L A XII.

*Hominis parsimoniam dum laudat, festivè deridet ;
tradit ei Grosphum, ac de Romanis rebus
pauca subjicit.*

FRUCTIBUS Agrippæ Siculis, quos colli-
gis, Icci,
Si recte frueris, non est ut copia major
Ab Jove donari possit tibi. Tolle querelas :
Pauper enim non est rerum cui suppetit usus.
Si ventri bene, si lateri est, pedibusque tuis, nil
Divitiæ poterunt regales addere majus.
Si forte in medio positorum abstemius, herbis
Vivis, & urtica, sic vives protinus ut te
Confestim liquidus fortunæ rivus inauret ;
Vel quia naturam mutare pecunia nescit,
Vel quia cuncta putas una virtute minora-
Miramur si Democriti pecus edit agellos,
Cultaque, dum peregre est animus sine corpore
velox :
Quum tu inter scabiem tantam, & contagia lucri,
Nil parvi sapias, & adhuc sublimia cures ?
Quæ mare compescant causæ, quid temperet an-
num ;
Stellæ sponte sua, jussæne vagentur, & errent ;
Quid premat obscurum Lunæ, quid proferat orbem ;
Quid velit, & possit rerum concordia discors ;
Empedocleum, an Stertinium deliret acumen.
Verum seu pisces, seu porrum, & cæpe trucidas,
Utere Pompeio Grospho ; & si quid petet, ultro
Defer. Nil Grosphus nisi verum orabit, & æquum.
Vilis amicorum est annona, bonis ubi quid deest.

Ne tamen ignores quo sit Romana loco res,
 Cantaber, Agrippæ, Claudî virtute Neronis
 Armenius cecidit. Jus, imperiumque Phraates
 Cæsaris accepit genibus minor. Aurea fruges
 Italix pleno diffudit copia cornu.



AD VINNIUM ASELLAM.

EPISTOLA XIIII

*Monet ut suos Augusto libros loco, & decenter
 offerat.*

UT proficiscentem docui te sæpe, diuque,
 Augusto reddes signata volumina, Vinni,
 Si validus, si lætus erit, si denique poscet:
 Ne studio nostri pecces, odiumque libellis
 Sedulus importes opera vehemente minister.
 Si te forte meæ gravis uret sarcina chartæ,
 Abjicito potius, quam quæ perferre juberis
 Clitellas ferus impingas, Asinæque paternum
 Cognomen vertas in risum, & fabula fias.
 Viribus uteris per clivos, flumina, lamas.
 Victor propositi simul ac perveneris illuc,
 Sic positam servabis onus, ne forte sub ala
 Fasciculum portes librorum, ut rusticus agnum,
 Ut vinosa glomus furtivæ Pyrrhia lanæ;
 Ut cum pilæolo soleas conviva tribulis.
 Ne vulgo narres te sudavisse ferendo
 Carmina, quæ possint oculos, auresque morari
 Cæsaris. Oratus multa prece, nitere. Porro
 Vade, vale, cave ne titubes, mandataque frangas.

AD

*****:*****

AD VIL LICUM SUUM.

EPISTOLA XIV.

*Ejus levitatem coarguit, rusticam vitam, quam
optaverat, fastidientis, & urbana desiderio
astuantis.*

VIL LICE sylvarum, & mihi me reddentis
agelli,
Quem tu fastidis, habitatum quinque focis, &
Quinque bonos solitum Variam dimittere patres,
Certemus, spinas animone ego fortius, an tu
Evellas agro; & melior sit Horatius, an res.
Me quamvis Lamiae pietas, & cura moratur
Fratrem morientis, raptō de fratre dolentis
Insolabiliter, tamen istuc mens, animusque
Fert, & amat spatiis obstantia rumpere claustra.
Rure ego viventem, tu dicis, in urbe, beatum.
Cui placet alterius, sua nimirum est odio fors.
Stultus uterque locum immeritum causatur inique:
In culpa est animus, qui se non effugit unquam.
Tu mediastinus tacita prece rura petebas;
Nunc urbem, & ludos, & balnea villicus optas.
Me constare mihi scis, & discedere tristem,
Quandocunque trahunt invisa negotia Romam.
Non eadem miramur; eo disconvenit inter
Meque, & te: nam quæ deserta, & inhospita tesquæ
Credis, amœna vocat, mecum qui sentit; & odit,
Quæ tu pulchra vocas. Fornix tibi, & uncta popina
Incutiunt urbis desiderium, video; & quod
Angulus iste feret piper, & thus, ocius uva;
Nec vicina subest vinum præbere taberna
Quæ possit tibi; nec meretrix tibicina, cujus

X

242 Q. HOR. FLACCI

Ad strepitum salias terræ gravis : & tamen urges
 Jampridem non tacta ligonibus arva , bovemque
 Disjunctum curas , & strictis frondibus explēs.
 Addit opus pigro rivus , si decidit imber ,
 Multa mole docendus aprico parcere prato.
 Nunc , age , quid nostrum concentum dividat , audi.
 Qgem tenues decuere togæ , nitidique capilli ;
 Quem scis immunem Cynaræ placuisse rapaci ,
 Quem bibulum liquidi media de luce Falerni ,
 Cœna brevis juvat , & prope rivum somnus in herba.
 Nec luisse pudet , sed non incidere ludum.
 Non istic obliquo oculo mea cômmoda quisquam
 Limat , non odio obscuro , morsuque venenat :
 Rident vicini glebas , & saxa moventem.
 Cum servis urbana diaria rodere mavis ,
 Horum tu in numerum voto ruīs. Invidet usum
 Lignorum , & pecoris tibi calo argutus , & horti.
 Optat ephippia bos piger , optat arare caballus.
 Quam scit uterque , libens , censebo , exerceat artem.



AD CAIUM NUMONIUM VALAM.

EPISTOLA XV.

*Veliæ aut salernum ad balneis profecturus , de
 locorum salubritate ac deliciis querit.*

QUÆ sit hyems Velia , quod coelum , Vala ,
 Salerni ,
 Quorum hominum regio , & qualis via (nam mihi
 Bæas

Musa supervacuas Antonius , & tamen illis
 Me facit invisum , gelida quum petlaor anda
 Per medium frigus. Sane myrtera relinqui ,
 Dictaque cessantem nervis elidere morbum.

Sulfura contemni, vicus gemit, invidus ægris,
 Qui caput, & stomachum supponere fontibus au-
 dent

Clusinis, Gabiosque petunt, & frigida rura.
 Mutandus locus est, & diversoria nota
 Præter agendus equus. Quo tendis? non mihi
 Cumas

Est iter, aut Baias, læva stomachosus habena
 Dicet eques: sed equis frænato est auris in ore)
 Major utrum populum frumenti copia pascat;
 Collectosne bibant imbres, puteosne perennes
 Dulcis aquæ. Nam vina nihil moror illius oræ.
 Rure meo possum quidvis perferre, patique;
 Ad mare quum vehi, generosum, & lenè requiro,
 Quod curas abigat, quod cum spe divite manet
 In venas, animumque meum; quod verba ministret;
 Quod me Lucanæ juvenem commendet amicæ.
 Tractus uter plures lepores, uter educet apros;
 Utra magis pisces, & echinos aquora celent;
 Pinguis ut inde domum possim Phæaxque reversi:
 Scribere te nobis, tibi nos accredere par est.
 Mænius, ut rebus maternis, atque paternis
 Fortiter absuntis, urbanus cœpit haberi,
 Scurra vagus, non qui certum præsepe teneret,
 Impransus non qui civem dignosceret hoste;
 Quælibet in quemvis opprobria figere sævus;
 Pernicies, & tempestas, barathrumque macelli,
 Quidquid quæsierat, ventri donaret avaro.
 Hic ubi nequitie fautoribus, & timidis nil
 Aut paulum abstulerat, patinas cœnabat omasi,
 Vilis & agninæ, tribus urfis quod satis esset;
 Scilicet ut ventres lamna candente nepotum
 Diceret urendos corrector Bestius. Idem
 Quidquid erat nactus prædæ majoris, ubi omne
 Verterat in fumum, & cinerem: Non hercule
 miror,

Aiebat, si qui comedunt bona, quam sit obeso

Nil melius turdo, vulva nil pulchrius ampla.
 Nimirum hic ego sum. Nam tuta, & parvula laudo,
 Quam res deficiunt, satis inter vilia fortis :
 Verum, ubi quid melius contingit, & unctius, idem
 Vos sapere, & solos aio bene vivere, quorum
 Conspicitur nitidis fundata pecunia villis.



AD QUINTIUM.

EPISTOLA XVI.

*Villa suæ formam, situm, commoda Quintio describit :
 tum recte factorum conscientiam probitatem, probitate
 libertatem constare admonet.*

NE perconteris, fundus meus, optime Quinti,
 Arvo pascat herum, an baccis opulentet olive ;
 Pomisne, an pratis, an amicta vitibus ulmo ;
 Scribetur tibi forma loquaciter, & situs agri.
 Continui montes, nisi dissociantur opaca
 Valle, sed ut veniens dextrum latus aspiciat sol,
 Lævum discedens curru fugiente vaporet.
 Temperiem laudes. Quid si rubicunda benigne
 Corna vepres, & pruna ferant ; si quercus, & ilex
 Multa fruge pecus, multa dominum juvet umbra ?
 Dicis adductum propius frondere Tarentum.
 Fons etiam rivo dare nomen idoneus, ut nec
 Frigidior Thracam, nec purior ambiat Hebrus.
 Infirmo capiti fuit utilis, utilis alvo.
 Hæ latebræ dulces, etiam (si credis) amœnæ
 Incolumem tibi me præstant Septembribus horis.
 Tu recte vivis, si curas esse quod audis.
 Jactamus jampridem omnis te Roma beatum,
 Sed vereor ne cui de te plus quam tibi credas ;
 Neve putes alium sapiente, bonoque beatum :

Neu, si te populus sanum, recteque valentem
 Dictitet, occultam febrem sub tempus edendi
 Dissimules, donec manibus tremor incidat unctis.
 Stultorum incurata pudor malus ulcera celat.
 Si quis bella tibi terra pugnata, marique
 Dicat, & his verbis vacuas permulceat aures:
 [Tene magis saluum populus velit, an populum tu,
 Servet in ambiguo, qui consulit & tibi, & Urbi,
 Jupiter:] Augusti laudes agnoscere possis.
 Quum pateris sapiens, emendatusque vocari,
 Respondesne tuo dic, sodes, nomine? nempe
 Vir bonus, & prudens dici delector ego, ac tu.
 Qui dedit hoc hodie, cras, si volet, auferet, ut si
 Detulerit fasces indigno, detrahet idem.
 Pone, meum est, inquit: pono, tristisque recedo.
 Idem si clamet furem, neget esse pudicum,
 Contendat laqueo collum pressisse paternum,
 Mordear opprobriis falsis, mutemque colores;
 Falsus honor juvat, & mendax infamia terret
 Quem, nisi mendosum, & medicandum? vir
 bonus est quis?

Qui consulta Patrum, qui leges, juraque servat;
 Quo multæ, magnæque secantur iudice lites;
 Quo res sponse, & quo causæ teste tenentur.
 Sed videt hunc omnis domus, & vicinia tota
 Introrsum turpem, speciosum pelle decora.
 Nec furtum feci, nec fugi, si mihi dicat
 Servus: Habes pretium, loris non ureris, aio.
 Non hominem occidi, non pasces in cruce corvos.
 Sum bonus, & frugi. Renuit, negitatque Sabellus.
 Cautus enim metuit foveam lupus, accipiterque
 Suspectos laqueos, & opertum milvius hamum.
 Oderunt peccare boni virtutis amore:
 Tu nihil admittes in te formidine pœnæ:
 Sit spes fallendi, miscebis sacra profanis.
 Nam de mille fabæ modiis quum surripis unum,
 Damnum est, non facinus, pacto mihi lenius isto.

X ;

Vir bonus, omne forum quem spectat, & omne
tribunal,

Quandocunque Deos vel porco, vel bove placat:
Jane pater, clare, clare quum dixit, Apollo:
Labra movet, metuens audiri: Pulchra Laverna,
Da mihi fallere, da iusto sanctoque videri;
Noctem peccatis, & fraudibus objice nubem!
Qui melior servo, qui liberior sit avarus,
In triviis fixum quum se demittit ob assem,
Non video. Nam qui cupiet, metuet quoque: porro
Qui metuens vivit, liber mihi non erit unquam.
Perdedit arma, locum virtutis deseruit, qui
Semper in augenda festinat, & obruitur re.
Vendere quum possis captivum, occidere noli:
Serviet utiliter. Sine pascat durus, aetque;
Naviget ac mediis hyemet mercator in undis;
Annonæ profit, portet frumete, penusque.
Vir bonus, & sapiens audebit dicere: Penthen,
Rector Thebarum, quid me perferre, patique
Indignum coges? Adimam bona. Nempe pecus,
rem,
Lectos, argentum; tollas licet. In maniciis, &
Compedibus sævo te sub custode tenebo.
Ipse Deus, simulatque volam, me solvet. Opinor,
Hoc sentit, moriar: mors ultima linea rerum est.



A D S C Æ V A M.

E P I S T O L A X V I I.

Agnoscam vitam inertis ac privata anteponendam, laudabile esse principum gratiam demereri, eorum tamen liberalitatem causâ ac prudenter esse solicitandam.

QUAMVIS, Scæva, satis per te tibi consulis,
& scis

Quo tandem pacto deceat maioribus uti,
 Disce, docendus adhuc quæ censet amicus, ut si
 Cæcus iter monstrare velit. Tamen aspice si quid
 Et nos, quod cures proprium fecisse, loquamur.
 Si te grata quies, & primam somnus in horam
 Delectat, si te pulvis, strepitusque rotarum,
 Si lædit caupona, Ferentium ire jubebo.
 Nam neque divitibus contingunt gaudia solis;
 Nec vixit male, qui natus, moriensque sefellit.
 Si prodesse tuis, pauloque benignius ipsum
 Te tractare voles, accedes siccus ad unctum.
 Si pranderet olus patienter, regibus uti
 Nollet Aristippus. Si sciret regibus uti,
 Fastidiret olus, qui me notat. Utrius horum
 Verba probes, & facta, doce; vel, junior, audi
 Cur sit Aristippi potior sententia. Namque
 Mordacem Cynicum sic eludebat, ut aiunt:
 Scurror ego ipse mihi, populo tu. Ræstius hoc, &
 Splendidius multo est, equus ut me portet, alar rex,
 Officium facio. Tu poscis vilia rerum,
 Dante minor, quamvis fers te nullius egentem.
 Omnis Aristippum decuit color, & status, & res,
 Tentantem majora, fere præsentibus æquum.
 Contra, quem duplici panno patientia velat,
 Mirabor, vitæ via si conversa decebit.
 Alter purpureum non expectabit amictum,
 Quidlibet indutus celeberrima per loca vadet,
 Personamque feret non incontinentis utramque:
 Alter Mileti textam cane pejus, & angue
 Virabit chlamydem; morietur frigore, si non
 Retuleris pannum. Refer, & sine vivat ineptus.
 Res gerere, & captos ostendere civibus hostes,
 Attingit solum Jovis, & cœlestia tentat.
 Principibus placuisse viris, non ultima laus est.
 Non cuivis homini contingit adire Corinthum.
 Sedit qui timuit ne non succederet: esto:
 Quid? qui pervenit, fecitne viriliter? atqui

Hic est, aut nusquam, quod quærimus. Hic onus
horret,

Ut parvis animis, & parvo corpore majus;
Hic subit, & perfert. Aut virtus nomen inane est,
Aut decus, & pretium recte petit experiens vir.
Coram rege sua de paupertate tacentes,
Plus poscente ferent. Distat, sumasne pudenter,
An rapias. Atqui rerum caput hoc erat, hic fons.
Indotata mihi soror est, paupercula mater,
Et fundus nec vendibilis, nec pascere firmus,
Qui dicit, clamat; victum date. Succinit alter,
Et mihi dividuo findetur munere quadra.
Sed tacitus pasci si posset corvus, haberet
Plus dapis, & rixæ minus & minus, invidiæque.
Brundisium comes, aut Surrentum ductus amor-
num,

Qui queritur salebras, & acerbum frigus, & imbres,
Aut cistam effractam, aut subducta viatica plorat,
Nota refert meretricis acumina, sæpe catellam,
Sæpe periscelidem raptam sibi flentis; uti mox
Nulla fides damnis, verisque doloribus addit.
Nec semel irrisus triviis attollere curat
Fracto crure planum: licet illi plurima manet
Lacryma; per sanctum juratus dicat Ofirin,
Credite, non ludo; crudeles, tollite claudum.
Quære peregrinum, vicinia rauca reclamat.



AD LOLLIUM.

EPISTOLA XVIII.

*De colendâ principum amicitia fuscè disputat; tum de
comparandâ animi tranquillitate pauca subjungit.*

SI bene te novi, metues, liberrime Lolli,

Scurrantis speciem præbere, professus amicum.
 Ut matrona meretrici dispar erit, atque
 Discolor, infido scurræ distabit amicus.
 Est huic diversum vitio vitium prope majus,
 Asperitas agrestis, & inconcinna, gravisque,
 Commendat quæ se ronsa cute, dentibus atris,
 Dum vult libertas mera dici, veraque virtus.
 Virtus est medium vitiorum, & utrinque reductū.
 Alter, in obsequium plus æquo pronus, & imi
 Derisor lecti, sic nutum divitis horret,
 Sic iterat voces, & verba cadentia tollit,
 Ut puerum sævo credas dictata magistro
 Reddere, vel partes mimum tractare secundas.
 Alter rixator de lana sæpe caprina
 Propugnat, nugis armatus: Scilicet, ut non
 Sit mihi prima fides, & vere quod placet, ut non
 Acriter elatrem, precium ætas altera fordet.
 Ambigitur quid enim? Castor sciat an Dolichos
 plus:
 Brundisium Minuci melius via ducat, an Appi.
 Quem damnosa Venus, quem præceps alea nudat,
 Gloria quem supra vires & vestit, & ungit;
 Quem tenet argenti fitis importuna, famelique;
 Quem paupertatis pudor, & fuga; dives amicus,
 Sæpe decem vitiis instructior, odit, & horret:
 Aut, si non odit, regit; ac, veluti pia mater,
 Plus quam se sapere, & virtutibus esse priorem
 Vult; & ait prope vera: Meæ (contendere noli)
 Stultitiam patiuntur opes, tibi parvula res est.
 Arcta decet sanum comitem toga, desine mecum
 Certare. Eutrapelus, cuiusque nocere volebat,
 Vestimenta dabat pretiosa. Beatus enim jam
 Cum pulchris tunicis sumet nova consilia, & spes;
 Dormiet in lucem; scorto postponet honestum
 Officium; nummos alienos pascet; ad imum
 Thrax erit, aut olitoris aget mercede caballum.
 Arcanum neque tu scrutaberis illius unquam,

Commissumque teges, & vino tortus, & ira.
 Nec tua laudabis studia, aut aliena reprendes;
 Nec, quum venari volet ille, poemata panges.
 Gratia sic fratrum geminorum, Amphionis, atque
 Zethi, dissiluit; donec suspecta severo
 Conticuit lyra. Fraternis cessisse putatur
 Moribus Amphion, tu cede potentis amici
 Lenibus imperiis; quotiesque educet in agros
 Æoliis onerata plagis jumenta, canesque,
 Surge, & inhumanæ senium depone Camœnæ,
 Coenes ut pariter pulmenta laboribus emta:
 Romanis splenne viris opus, utile famæ,
 Vitæque, & membris; præsertim quum valeas, &
 Vel cursu superare canem, vel viribus aprum
 Possis. Adde, virilia quod speciosius arma
 Non est qui tractet. Scis quo clamore coronæ
 Prœlia sustentes campestria. Denique sævam
 Militiam puer, & Cantabrica bella tulisti,
 Sub duce qui templis Parthorum signa refigit
 Nunc; & si quid abest, Italis adjudicat armis.
 Ac, ne te retrahas, & inexcusabilis abstes,
 Quamvis nil extra numerum fecisse modumque
 Curas, interdum nugaris rure paterno.
 Partitur lintres exercitus; Actia pugna,
 Te duce, per pueros hostili more refertur;
 Adversarius est frater; lacus, Adria; donec
 Alterutrum velox Victoria fronde coronet.
 Consentire suis studiis qui crediderit te,
 Fautor utroque tuum laudabit pollice ludum.
 Protinus ut moneam (si quid monitoris eges tu).
 Quid de quoque viro, & cui dicas, sæpe videto.
 Percontatorem fugito, nam garrulus idem est;
 Nec retinent patulæ commissa fideliter aures,
 Et semel emissum volat irrevocabile verbum.
 Non ancilla tuum jecur ulceret ulla, puerve,
 Intra marmoreum venerandi limen amici;
 Ne dominus pueri pulchri, caræve puellæ

Munere te parvo beet, aut incommodus angat.
Qualem commendes, etiam atque etiam aspice,
ne mox

Incutiant aliena tibi peccata pudorem.
Fallimur, & quondam non dignum tradimus. Ergo
Quem sua culpa premet, deceptus omitte tueri:
At penitus notum, si tentent crimina, serves,
Taterisque tuo fidentem præsidio: qui
Dente Theonino quum circumroditur, ecquid
Ad te post paulo ventura pericula sentis?
Nam tua res agitur, paries quum proximus ardet;
Et neglecta solent incendia sumere vires.
Dulcis inexpertis cultura potentis amici,
Expertus metuit. Tu, dum tua navis in alto est,
Hoc age, ne mutata retrorsum te ferat aura.
Oderunt hilarem tristes, tristemque jocos;
Sedatum celeres, agilem guavumque remissi;
Potiores liquidi media de luce Falerni
Oderunt porrecta negantem pocula, quamvis
Nocturnos jures te formidare tepores.
Deme supercilio nubem. Plenumque modestus
Occupat obscuri speciem, taciturnus acerbi.
Inter cuncta leges, & percunctabere doctos,
Qua ratione queas traducere leniter ævum,
Ne te semper inops agitat, vexetque cupido,
Ne pavor, & rerum mediocriter utilium spes.
Virtutem doctrina paret, Naturæ donet;
Quid minuat curas, quid te tibi reddat amicum;
Quid pure tranquillet, honos, an dulce lucellum,
An secretum iter, & fallentis semita vitæ.
Me quoties reficit gelidus Digentia rivus,
Quem Mandela bibit, rugosus frigore pagus,
Quid sentire putas? quid credis, amice, precari?
Sit mihi quod nunc est, etiam minus; & mihi
vivam

Quod superest ævi, si quid superesse volant Di:
Sit bona librorum, & provisæ frugis in annum

Copia, ne fluitem dubiæ spe pendulus horæ.
 Hæc satis est orare Jovem, qui donat & aufert:
 Det vitam, det opes, animû mihi ego ipse parabo.



AD C. CILNIUM MÆCENATEM.

EPISTOLA XIX.

*Quorundam qui se ipsum imitarentur, fatuitatem;
 qui criminarentur, invidiam coarguit.*

PRISCO si credis, Mæcenas docte, Cratino,
 Nulla placere diu, nec vivere carmina possunt,
 Quæ scribuntur aquæ potoribus. Ut male sanos
 Adscripsit Liber Saryris, Faunisque poëtas,
 Vina fere dulces oluerunt mane Camœnæ:
 Laudibus arguitur vini vinosus Homerus;
 Ennius ipse pater nunquam, nisi potus, ad arma
 Profiluit dicenda. Forum, putealque Libonis
 Mandabo ficcis, adimam cantare severis.
 Hoc simul edixi, non cessavere poëtæ
 Nocturno certare mero, putere diurno.
 Quid? si quis vultu torvo ferus, & pede nudo,
 Exiguæque togæ simulet textore Catonem,
 Virtutemne repræsentet, moresque Catonis?
 Rupit Hyarbitam Timagenis æmula lingua,
 Dum studet urbanus, tenditque disertus haberi.
 Decipit exemplar vitiis imitabile. Quod si
 Pallerem casu, biberent exsangue cuminum.
 O imitatores, servum pecus, ut mihi bilem,
 Ut mihi sæpe jocos vestri movere tumultus!
 Libera per vacuum posui vestigia princeps;
 Non aliena meo pressi pede. Qui sibi fidit
 Dux, regit examen. Parios ego primus Iambos
 Ostendi Latio, numeros, animosque sequutus

EPIST. LIBER I. 253

Archilochi, non res & agentia verba Lycamben,
 Ac, ne me foliis ideo brevioribus ornes,
 Quod timui mutare modos, & carminis artem:
 Temperat Archilochi Musam pede mascula Sappho,
 Temperat Alcæus; sed rebus, & ordine dispar,
 Nec socerum quærit quem versibus oblinat atris,
 Nec sponsæ laqueum famoso carmine nectit.
 Hunc ego, non alio dictum prius ore, Latinus
 Vulgavi fidicen. Juvat immemorata ferentem
 Ingenuis oculisque legi, manibusque teneri.
 Scire velis, mea cur ingratus opuscula lector
 Laudet, ametque domi, premat extra limen
 iniquus?

Non ego ventosæ plebis suffragia venor,
 Impensis cœnarum, & tritæ munere vestis.
 Non ego, nobilium scriptorum auditor, & ultor,
 Grammaticas ambire tribus, & pulpita dignor.
 Hinc illæ lacrymæ. Spissis indigna theatris
 Scripta pudet recitare, & nugis addere pondus,
 Si dixi: Rides, ait; & Jovis auribus ista
 Servas. Fidis enim manare poëtica mella
 Te solum, tibi pulcher. Ad hæc ego naribus uti
 Formido; &, luctantis acuto ne secer ungui,
 Displicet iste locus, clamo; & diludia posco.
 Ludus enim trepidum genuit certamen, & iram;
 Ira truces inimicitias, & funebre bellum.

A D LIBRUM SUUM.

EPISTOLA XX.

Erumpere gestientem retinere frustra conatus, quid molestiæ exorbendum sit monet, ac nonnulla de se posteritati nuntianda mandat.

VERTUMNUM, Janumque, liber, spectare
 videris;

Scilicet ut prostes Soffiorum pomice mundus.
 Odifti claves, & grata figilla pudico:
 Paucis oftendi gemis, & communia laudas,
 Non ita nutritus. Fuge quò descendere gelis.
 Non erit emiffio reditus tibi. Quid mifer egi?
 Quid volui? dices, ubi quis te læferit. Et fcis
 In breve te cogi, plenus quum languet amator.
 Quod fi non odio peccantis defipit augur,
 Carus eris Romæ, donec te deferat ætas.
 Contrectatus ubi manibus fordefcere vulgi
 Cœperis, aut tineas palces taciturnus inertes,
 Aut fugies Uticam, aut vindus mitteris Ilerdam.
 Ridebit monitor non exauditus; ut ille
 Qui male parentem in rupes protrufit afellum
 Iratus. Quis enim invitam fervare laboret?
 Hoc quoque te manet, ut pueros elementa docen-
 tem

Occupet extremis in vicis balba fenectus.
 Quum tibi fol tepidus plures admoverit aures,
 Me libertino natum patre, & in tenui re
 Majores pennas nido extendiffe loquêris,
 Us quantum generi demas, virtutibus addas.
 Me primis Urbis belli placuiffe domique;
 Corporis exigui, præcanum, folibus aptum;
 Irasci celerem, tamen ut placabilis efferem.
 Forte meum fi quis te pereontabitur ævum,
 Me quater undenos fciat impleviffe decembres,
 Collegam Lepidum quo duxit Lollius anno.

Finis primi Epiftolarum Libri.



Q. HORATII FLACCI
EPISTOLARUM
LIBER SECUNDUS.



AD AUGUSTUM.

EPISTOLA I.

*Amplissimis cum laudibus demeretur ; tum de Poësi,
 unde coeperit, ut judicanda sit, & ornanda,
 variè differit.*



UUx tot sustineas, & tanta negotia
 solus,
 Res Italas armis tuteris, moribus
 ornès,
 Legibus emendes, in publica com-
 moda peccem,
 Si longo sermone morer tua tempora, Cæsar.

Romulus, & Liber pater, & cum Castore Pollux,
 Post ingentia facta, Deorum in templa recepti,
 Dum terras hominumque colunt genus, aspera bella
 Componunt, agros assignant, oppida condunt,
 Ploravere suis non respondere favorem
 Speratum meritis. Diram qui contudit hydræ,
 Notæque fatali portenta labore subegit,
 Comperit invidiam supremo fine domari.
 Urit enim fulgore suo qui prægravat artes
 Infra se positas; extinctus amabitur idem.
 Præsentem tibi maturos largimur honores,
 Jurandasque tuum per numen ponimus aras,
 Nil oriturum alias, nil ortum tale fatentes.
 Sed tuus hoc populus sapiens, & iustus in uno,
 Te nostris ducibus, te Graiis anteferendo,
 Cetera nequaquam simili ratione, modoque
 Æstimat; & nisi quæ terris semota, suisque
 Temporibus defuncta videt, fastidit, & odit;
 Sic fautor veterum, ut tabulas peccare vetantes,
 Quas bis quinque viri sanxerunt, fœdera regum
 Vel Gabiis, vel cum rigidis æquata Sabinis,
 Pontificum libros, annosa volumina vatum,
 Dictitet Albano Musas in monte loquutas.
 Si, quia Græcorum sunt antiquissima quæque
 Scripta, vel optima, Romani pensantur eadem
 Scriptores trutina, non est quod multa loquamur.
 Nil intra est oleam, nil extra est in nuce duri.
 Venimus ad summum fortunæ: pingimus, atque
 Psallimus, & luctamur Achivis doctius unctis.
 Si meliora dies, ut vina, poëmata reddit,
 Scire velim, pretium chartis quotus arroget annus.
 Scriptor abhinc annos centum qui decidit, inter
 Perfectos, veteresque referri debet? 'an inter
 Viles, atque novos? excludat iurgia finis.
 Est vetus, atque probus, centum qui perficit annos.
 Quid? qui deperiit minor uno mense, vel anno;
 Inter quos referendus erit? veteresne probosque?

Aa

An quos & præsens, & postera respuat ætas?
 Iste quidem veteres inter ponetur honeste,
 Qui vel mense brevi, vel toto est junior anno.
 Utor permissio, caudæque pilos ut equinæ
 Paulatim vello, & demo unum, demo & item
 unum:

Dum cadat elusus ratione ruentis acervi,
 Qui redit ad fastos, & virtutem æstimat annis,
 Miraturque nihil nisi quod Libitina sacrauit.
 Ennius, & sapiens, & fortis, & alter Homerus,
 Ut critici dicunt, leviter curare videtur
 Quo promissa cadant, & somnia Pythagorea.
 Nævius in manibus non est? non mentibus hæret
 Pene recens? adeo sanctum est vetus omne poemā!
 Ambigitur quoties uter utro sit prior: aufert
 Pacuvius docti famam senis, Accius alti;
 Dicitur Afrani toga convenisse Menandro;
 Plautus ad exemplar Siculi properare Epicharmi;
 Vincere Cæcilius gravitate, Terentius arte.
 Hos ediscit, & hos arcto stipata theatro
 Spectat Roma potens: habet hos, numeratque
 poëtas

Ad nostrum tempus, Livii scriptoris ab ævo.
 Interdum vulgus rectum videt, est ubi peccat.
 Si veteres ita miratur, laudatque poëtas,
 Ut nihil anteferat, nihil illis comparet; errat.
 Si quædam nimis antique, & pleraque dure
 Dicere cedit eos, ignave multa, fatetur;
 Et sapit, & metum facit, & Jove judicat æquo.
 Non equidem insector, delendaque carmina Livii
 Esse reos, memini quæ plagosum mihi parvo
 Orbiliū dictare; sed emendata videri,
 Pulchraque, & exactis minimum distantia, miror.
 Inter quæ verbum emicuit si forte decorum, &
 Si versus paulo concinnior unus, & alter,
 Injuste totum ducit, venditque poemā.
 Indignor quidquam reprehendi, non quia crasse

Compositum illepidè putetur, sed quia nuper;
Nec veniam antiquis, sed honorem, & præmia
posci.

Recte necne crocum, floresque perambulet Attæ
Fabula, si dubitem, clament periisse pudorem
Cuncti pene patres, ea quum reprehendere coner,
Quæ gravis Æsopus, quæ doctus Roscius egir:
Vel quia nil rectum, nisi quod placuit sibi, ducunt;
Vel quia turpe putant parere minoribus, & quæ
Imberbi didicere, senes perdenda fateri.

Jam Saliare Numæ carmen qui laudat, & illud,
Quod mecum ignorat, solus vult scire videri:
Ingeniis non ille favet, plauditque sepultis;
Nostra sed impugnat, nos nostraque lividus odit.
Quod si tam Græcis novitas invisâ fuisset
Quam nobis, quid nunc esset vetus? aut quid ha-
beret

Quod legeret, teneretque vititum publicus usus?
Ut primum positis nugari Græcia bellis
Cœpit, & in vitium fortuna labier æqua,
Nunc athletarum studiis, nunc arsit equorum;
Marmoris, aut eboris fabros, aut æris amavit;
Suspendit picta vultum, mentemque tabella;
Nunc tibicinibus, nunc est gavisa tragediis;
Sub nutrice puella velut si luderet infans,
Quod cupide petit, mature plena reliquit.
Quid placet, aut odio est, quod non mirabile
credas?

Hoc paces habuere bonæ, ventique secundi.
Romæ dulce diu fuit, & solenne reclusa
Mane domo vigilare, clienti promere jura;
Cautos nominibus certis expendere nummos,
Majores audire; minori dicere per quæ
Crescere res posset, minui damnosa libido.
Mutavit mentem populus levis, & calet uno
Scribendi studio. Pueri, patresque severi
Fronde comas vincti cenant, & carmina dictant.

Ipse ego, qui nullos me affirmo scribere versus,
 Invenior Parthis mendacior; & prius orto
 Sole, vigil calamus, & chartas, & scrinia posco.
 Navem agere ignarus navis timet; abrotoni agro
 Non audet, nisi qui didicit, dare; quod medico-
 rum est,

Promittunt medici; tractant fabrilis fabri;
 Scribimus indocti, doctique poemata passim.
 Hic error tamen, & levis hæc insania quantas
 Virtutes habeat, sic collige. Vatis avarus
 Non temere est animus; versus amat, hoc studet
 unum;

Detrimenta, fugas servorum, incendia ridet;
 Non fraudem socio, puerove incogitat ullam
 Pupillo; vivit filiquis, & pane secundo.
 Militiæ quanquam piger & malus, utilis urbi;
 Si das hoc, parvis quoque rebus magna juvari.
 Os tenerum pueri, balbumque poeta figurat;
 Torquet ab obscenis jam nunc sermonibus aurem;
 Mox etiam pectus præceptis format amicis,
 Asperitatis, & invidiæ corrector, & iræ.
 Recte facta refert; orientia tempora notis
 Instruit exemplis; inopem solatur, & ægrum.
 Castis cum pueris ignara puella mariti
 Disceret unde preces, vatem ni Musa dedisset?
 Poscit opem chorus, & præsentia numina sentit;
 Coelestes implorat aquas docta prece blandus;
 Avertit morbos, metuenda pericula pellit;
 Impetrat & pacem, & locupletem frugibus annum
 Carmine Di superi placantur, carmine Manes.
 Agricolaë prisci, fortes, parvoque beati,
 Condita post frumenta, levantes tempore festo
 Corpus, & ipsum animum spe finis dura ferentem,
 Cum sociis operum, & pueris, & conjugis fida,
 Tellurem porco, Sylvanum lacte piabant,
 Floribus, & vino Genium memorem brevis ævi.
 Efcennina per hunc inuenta licentia morem.

Versibus alternis opprobria rustica fudit,
 Libertasque recurrentes accepta per annos
 Lufit amabiliter, donec jam sævus apertam
 In rabiem cœpit verti jocus, & per honestas
 Ire domos impune minax. Doluere cruento
 Dente laceffiti; fuit intactis quoque cura
 Conditione super communi; quin etiam lex,
 Pœnaque lata, malo quæ nollet carmine quemquâ
 Describi. Vertere modum, formidine fustis,
 Ad benedicendam, delectandumque reducti.
 Græcia capta ferum victorem cepit, & artes
 Intulit agresti Latio, sic horridus ille
 Defluxit numerus Saturnius, & grave virus
 Munditiæ pepulere; sed in longum tamen ævum
 Manserunt, hodieque manent vestigia ruris.
 Serus enim Græcis admovit acumina chartis;
 Et post Punica bella quietus, quærere cœpit
 Quid Sophocles, & Thespis, & Æschylus utile
 ferrent.

Tentavit quoque rem digne si vertere posset;
 Et placuit sibi, natura sublimis, & acer.
 Nam spirat tragicum satis, & feliciter audet;
 Sed turpem putat inscite, metuitque lituram.
 Creditur, è medio quia res arcessit, habere
 Sudoris minimum, sed habet comœdia tanto
 Plus oneris, quanto veniæ minus. Adspice, Plautus
 Quo pacto partes tutetur amantis ephebi;
 Ut patris attenti, lenonis ut infidiosi;
 Quantus fit Dossennus edacibus in parasitis;
 Quam non adstricto percurrat pulpita socco.
 Gestit enim nummum in loculos demittere, post hoc
 Securus, cadat, an recto stet fabula talo.
 Quem tulit ad scenam ventoso gloria curru,
 Exanimat lentus spectator, sedulus inflat:
 Sic leve, sic parvum est, animum quod laudis avarum
 Subruit, aut reficit! Valeat res ludicra, si me
 Palma negata macrum, donata reducit opimum.

Sæpe etiam audacem fugat hec, terretque poetam,
 Quod numero plures, virtute & honore minores,
 Indocti, stolidique, & depugnare parati,
 Si discordet eques, media inter carmina poscunt
 Aut ursum, aut pugiles: hæc nam plebecula gaudet.
 Verum equitis quoque jam migravit ab aure vo-
 luptas

Omnis ad incertos oculos, & gaudia varia.
 Quatuor aut plures aulae premuntur in horas,
 Dum fugiunt equitum turmae, peditumque catervæ:
 Mox trahitur manibus regum fortuna retortis.
 Effeda festinant, pilenta, petorrita, naves;
 Captivum portatur ebur, captiva Corinthus.
 Si foret in terris, rideret Democritus, seu
 Diversum confusa genus panthera camelo,
 Sive elephas albus vulgi converteret ora;
 Spectaret populum ludis attentius ipsis,
 Ut sibi præbentem mimo spectacula plura.
 Scriptores autem narrare putaret a fello
 Fabellam surdo. Nam quæ pervincere voces
 Evaluisse sonum, referunt quem nostra theatra?
 Garganum mugire putes nemo, aut mare Tuscum,
 Tanto cum strepitu ludi spectantur, & artes,
 Divitiæque peregrinae, quibus oblitus actor
 Quum stetit in scena, concurrat dextera lævæ.
 Dixit adhuc aliquid? Nil sane. Quid placet ergo?
 Lana Tarentino violas imitata veneno.
 Ac ne forte putes me, quæ facere ipse recusem,
 Quum recte tractent alii, laudare maligne:
 Ille per extantum fanem mihi posse videtur
 Ire poeta, meum qui pectus inaniter angit,
 Irritat, mulcet, falsis terroribus implet,
 Ut magus; & modo me Thebis, modo ponit
 Athenis.

Verum age, & his, qui se lectori credere malunt,
 Quam spectatoris fastidia ferre superbi,
 Curam impende brevem; si minus Apolline dig-
 gnum

Vis complere libris, & vatibus addere calcar,
 Ut studio majore petant Helicon virentem.
 Multa quidem nobis facimus mala sæpe poetæ,
 (Ut vineta egomet cædam mea) quam tibi librum
 Solicito damus, aut fesso; quum lædimur, unum
 Si quis amicorum est ausus reprehendere versum;
 Quum loca jam recitata revolvimus irrevocati;
 Quum lamentamur, non apparere labores
 Nostros, & tenui deducta poemata filo;
 Quum speramus eo rem venturam, ut simul atque
 Carmina rescieris nos fingere, commodus ultro
 Arceffas, & egere vetes, & scribere cogas.
 Sed tamen est operæ pretium cognoscere, quales
 Aedituos habeat belli spectata, domique
 Virtus, indigno non committenda poetæ.
 Gratus Alexandro regi Magno fuit ille
 Chærilus, incultis qui versibus, & male natis
 Retulit acceptos, regale numisma, Philippos.
 Sed veluti tractata notam, labemque remittunt
 Atramenta, fere scriptores carmine fædo
 Splendida facta linunt. Idem rex ille, poema
 Qui tam ridiculum tam care prodigus emit,
 Edicto vetuit ne quis se, præter Apellem,
 Pingeret, aut alius Lysippo duceret æra,
 Fortis Alexandri vultum simulantia. Quod si
 Judicium subtile videndis artibus illud
 Ad libros, & ad hæc Musarum dona vocares,
 Bæotum in crasso jurares aëre natum.
 At neque dedecorant tua de se judicia, atque
 Munera quæ multa dantis cum laude tulerunt,
 Dilecti tibi Virgilius, Variusque poetæ.
 Nec magis expressi vultus per ahenæ signa,
 Quam per vatis opus, mores, animique virorum
 Clarorum apparent: nec sermones ego mallem
 Repentes per humum, quam res componere gestas;
 Terrarumque situs, & flumina dicere, & arces
 Montibus impositas, & Barbara regna, trisque

Anspiciis totum confecta duella per orbem,
 Claustraque custodem pacis cohibentia Janum,
 Et formidatam Parthis te principe Romam;
 Si, quantum cuperem, possem quoque. Sed neque
 parvum

Carmen majestas recipit tua, nec meus audet
 Rem tentare pudor, vires quam ferre reculent.
 Sedulitas autem, stulte quem diligit, urget;
 Præcipue quum se numeris commendat, & arte.
 Discit enim citius, meminitque libentius illud
 Quod quis deridet, quam quod probat, & vene-
 ratur.

Nil moror officium quod me gravat; ac neque ficto
 In pejus vultu proponi cereus usquam,
 Nec prave factis decorari versibus opto;
 Ne rubeam pingui donatus munere, & una
 Cum scriptore meo, capsula porrectus aperta,
 Deferar in vicum vendentem thus & odores,
 Et piper, & quidquid chartis amicitur ineptis.

AD JULIUM FLORUM.

EPISTOLA II.

*Excusando se, quod nihil ad illum scripserit, melius
 esse declarat vitam quam versus componere.*

FLORUM, bono, claroque fidelis amice Neroni,
 Si quis forte velit puerum tibi vendere, natum
 Tibure vel Gabiis; & tecum sic agat: Hic &
 Candidus, & talos à vertice pulcher ad imos,
 Fiet, eritque tuus nummorum millibus octo.
 Verna ministeriis ad nutus aptus heriles,
 Litterulis Græcis imbutus, idoneus arti
 Cuilibet; argilla quidvis imitaberis uda.

Quin etiam canet indoctum, sed dulce bibenti.
 Multa fidem promissa levant, ubi plenius æquo
 Laudat venales, qui vult extrudere, merces.
 Res urget me nulla, meo sum pauper in ære.
 Nemo hoc mangonũ faceret tibi. Non temere à me
 Quivis ferret idem. Semel hic cessavit, & ut sit,
 In scalis latuit metuens pendentis habenæ.
 Des nummos, excepta nihil te si fuga lædat:
 Ille ferat pretium, pœnæ securus, opinor.
 Prudens emisisti vitiosum, dicta tibi est lex.
 Insequeris tamen hunc, & lite moraris iniqua.
 Dixi me pigrum proficiscenti tibi, dixi
 Talibus officiis prope mancum, ne mea sævus
 Jurgares ad te quod epistola nulla veniret.
 Quid tum profeci, mecum facientia jura
 Si tamen attentas? quæreris super hoc etiam, quod
 Exspectata tibi non mittam carmina mendax.
 Luculli miles collecta viatica multis
 Ærumnis, lassus dum noctu sterit, ad assem
 Perdiderat; post hoc vehemens lupus, & sibi &
 hosti

Iratus pariter, jejunis dentibus acer,
 Præsidium regale loco dejecit, ut aiunt,
 Summe munito, & multarum divite rerum.
 Clarus ob id factum, donis ornatur honestis,
 Accipit & bis dena super sestertia nummũ.
 Forte sub hoc tempus castellam evertere Prætor
 Nescio quod cupiens, hortari cœpit eundem
 Verbis, quæ timido quoque possent addere mentem.
 I, bone, quo virtus tua te vocat; i pede sancto,
 Grandia laturus meritorum præmia. Quid stas?
 Post hæc ille catus, quantumvis rusticus: Ibit,
 Ibit eo quo vis, zonam qui perdidit, inquit.
 Romæ nutrir mihi contigit, atque doceri,
 Iratus Graiis quantum nocuisset Achilles.
 Adjecere bonæ paulo plus artis Athenæ,
 Scilicet ut possem curvq̃ dignoscere rectum,

Atque

Atque inter sylvas Academi querere verum.
 Dura sed emovere loco me tempora grato,
 Civilisque rudem belli tulit æstus in arma,
 Cæsaris Augusti non responsura lacertis.
 Unde simul primum me dimisere Philippi,
 Decisis humilem pennis, inopemque paterni
 Et laris, & fundi, paupertas impulit audax
 Ut versus facerem. Sed, quod non desit, habentem,
 Quæ poterunt unquam satis expurgare cicutæ,
 Nî melius dormire putem, quam scribere versus?
 Singula de nobis anni prædantur euntes:
 Eripuere jocos, Venerem, convivia, ludum;
 Tendunt extorquere poemata. Quid faciam vis?
 Denique non omnes eadem mirantur, amantque:
 Carmine tu gaudes, hic delectatur iambis;
 Ille, Bioneis sermonibus, & sale nigro.
 Tres mihi convivæ prope dissentire videntur,
 Poscentes vario multum diversa palato.
 Quid dem? quid non dem? renuis quod tu, jubet
 alter:

Quod petis, id sane est invisum, acidumque duobus.
 Præter cetera, me Romæne poemata censes
 Scribere posse, inter tot curas, totque labores?
 Hic sponsum vocat, hic auditum scripta, relictis
 Omnibus officiis: cubat hic in colle Quirini,
 Hic extremo in Aventino; visendus uterque.
 Intervalla vides humane commoda. Verum
 Puræ sunt plateæ, nihil ut meditantibus obstet,
 Festinat calidus mulis, gerulisque redemptor;
 Torquet nunc lapidem, nunc ingens machina
 tignum;
 Tristia robustis luctantur funera plaustris;
 Hac rabiosa fugit canis, hac lutulenta ruit sus.
 I nunc, & versus tecum meditare canoros.
 Scriptorum chorus omnis amat nemus, & fugit
 urbes
 Rite cliens Bacchi somno gaudentis, & umbra;

Tu me inter strepitus nocturnos, atque diurnos
 Vis canere, & contracta sequi vestigia vatum?
 Ingenium, sibi qui vacuas desumit Athenas,
 Ut studiis annos septem dedit, insenuitque
 Libris, & curis, statua taciturnior exit
 Plerumque, & risu populum quatit: hic ego rerum
 Fluctibus in mediis, & tempestatibus Urbis,
 Verba lyrae motura sonum connectere digner?
 Frater erat Romae consulti rhetor, ut alter
 Alterius sermone meros audaret honores;
 Gracchus ut hic illi foret, huic ut Mucius ille.
 Qui minus argutos vexat furor iste poetas?
 Carmina compono, hic elegos, mirabile visu!
 Caelatumque novem Musis opus. Aspice primum,
 Quanto cum fastu, quanto molimine circum-
 spectemus vacuum Romanis vatibus ædem.
 Mox etiam (si forte vacas) sequere, & procul audi
 Quid ferat, & quare sibi nectat uterque coronam.
 Cædimur, & toridem plagis consumimus hostem,
 Lento Samnites ad lumina prima duello.
 Discedo Alcæus puncto illius: ille meo quis?
 Quis, nisi Callimachus? si plus adposcere visus,
 Fit Mimnermus, & optivo cognomine crescit,
 Multa fero, ut placem genus irritabile vatum,
 Quum scribo, & supplex populi suffragia capto:
 Idem, finitis studiis, & mente recepta,
 Obtusem patulas impune legentibus aures.
 Ridentur mala qui componunt carmina: verum
 Gaudent scribentes, & se venerantur, & ulero,
 Si taceas, laudant quidquid scripsere, beati.
 At qui legitimum cupiet fecisse poema,
 Cum tabulis animum censoris sumet honesti:
 Audebit quæcunque parum splendoris habebunt,
 Et sine pondere erunt, & honore indigna ferentur,
 Verba movere loco, quamvis invita recedant,
 Et versentur adhuc intra penetralia Vestæ.
 Obscurata diu populo bonus eruet, atque

Proferet in lucem speciosa vocabula rerum ;
 Quæ priscis memorata Catonibus , atque Cethegis,
 Nunc situs informis premit & deserta vetustas.
 Adsciscet nova , quæ genitor produxerit usus.
 Vehemens, & liquidus , puroque simillimus amai,
 Fundet opes , Latiumque habeat divite lingua.
 Luxuriantia compescet ; nimis aspera sano
 Levabit cultu , virtute carentia tollat ;
 Ludentis speciem dabit , & torquebitur , ut qui
 Nunc Satyrum , nunc agrestem Cyclops movetur.
 Prætulerim scriptor delirus , inertique videri ,
 Dum mea delectent mala me , vel denique fallant,
 Quam sapere , & ringi. Fuit haud ignobilis Argus,
 Qui se credebat miros audire tragicædos ,
 In vacuo lætus sessor , plausorque theatro ,
 Cætera qui vitæ servaret munia recto
 More ; bonus sane vicinus , amabilis hospes ,
 Comis in uxorem ; posset qui ignoscere servis ;
 Et signo læso non insanire lagenæ ;
 Posset qui rupem , & puteum vitare patentem.
 Hic ubi cognatorum opibus , curisque relictus ,
 Expulit helleboro morbum , bilemque meraco ,
 Et redit ad sese : Pol , me occidistis , amici ,
 Non servastis , ait , cui sic extorta voluptas ,
 Et demtus per vim mentis gratissimus error.
 Nimirum sapere est abjectis utile nugis ,
 Et tempestivum pueris concedere ludum ;
 Ac non verba sequi fidibus modulanda Latinis ,
 Sed veræ numerosque , modosque ediscere vitæ.
 Quocirca mecum loquor hæc , tacitusque recordor :
 Si tibi nulla sitim finiret copia lymphæ ,
 Narrares medicis ; quod quanto plura parasti ,
 Tanto plura cupis , nulline facerier audes ?
 Si vulnus tibi , monstrata radice vel herba ,
 Non fieret levius , fugeres radice vel herba
 Proficiente nihil curarier. Audieras , cui
 Rem-Didenarier , illi decedere pravam

Stultitiam ; & quum sis nihilo sapientior , ex quo
Plenior es , tamen utrîs monitoribus iisdem ?

At si divitiæ prudentem reddere possent ,
Si cupidum , timidumque minus , tu nempe ruberes ,
Viveret in terris te si quis avarior uno .

Si proprium est quod quis libra mercatus & ære est ,
Quædam , si credis consultis , mancipat usus :

Qui te pascit ager , tuus est : & villicus Orbi ,
Quum segetes occat , tibi mox frumenta daturas ,

Te dominum sentit : das nummos , accipis uvam ,
Pullos , ova , cadum temeti . Nempe modo isto

Paulatim mercaris agrum , fortasse trecentis ,
Aut etiam supra , nummorum millibus emtum .

Quid refert , vivas numerato nuper , an olim ?
Emtor Aricini quondam Veientis & arvi ,

Emtrum coenat olus , quamvis aliter putat ; emtis
Sub noctem gelidam lignis calefactat ahenum ,

Sed vocat usque suum , qua populus adfita certis
Limitibus vicina refigit jurgia : tanquam

Sit proprium cuiquam , puncto quod mobilis horæ ,
Nunc prece , nunc pretio , nunc vi , nunc morte

suprema ,

Permutet dominos , & cedat in altera jura .

Sed quia perpetuus nulli datur usus , & heres

Heredem alterius , velut unda supervenit undam ,

Quid vici profunt , aut horrea ? quidve Calabris

Saltibus adjecti Lucani ? si metit Orcus

Grandia cum parvis , non exorabilis auro ?

Gemmas , marmor , ebur , Tyrrhena figilla , tabel-
las ,

Argentum , vestes Gætulo murice tinctas ,

Sunt qui non habeant , est qui non curet habere .

Cur alter fratrum cessare , & ludere , & ungi ,

Præferat Herodis palmetis pinguibus ; alter

Dives , & importunus , ad umbram lucis ab ortu ,

Sylvestrem flammis , & ferro , mitiget agrum :

Scit Genius , natale comes qui tempe . at astrum ,

Naturæ Deus humanæ, mortalis in unum-
 quodque caput, vultu mutabilis, albus, & ater.
 Utar, & æthodico, quantum res poscet, acervo
 Tollam; nec metuum quid de me iudicet heres,
 Quod non plura datis invenerit; & tamen idem
 Scire volam quantum simplex, hilarisque nepoti
 Discrepet, & quantum discordet parcus avaro.
 Distat enim, spargas tua prodigus, an neque sum-
 tum

Invitus facias, neque plura parare labores;
 Ac potius, puer ut festis Quinquatribus, olim
 Exiguo, gratoque fruaris tempore raptim.
 Pauperies immunda procul procul absit: ego, utrum
 Nave ferar magna an parva, ferar unus, & idem.
 Non tumidis agimur velis aquilone secundo;
 Non tamen adversis ætatem ducimus austris.
 Viribus, ingenio, specie, virtute, loco, re,
 Extremi primorum, extremis usque priores.
 Non es avarus, abi. Quid? cetera jam simul isto
 Cum vitio fugere? caret tibi pectus inani
 Ambitione? caret mortis formidine, & ira?
 Somnia, terrores magicos, miracula, sagas,
 Nocturnos lemures, portentaque Thessala rides?
 Natales grate numeras? ignoscis amicis?
 Lenior, & melior sis accedente senectæ?
 Quid te exempta juvat spinis de pluribus una?
 Vivere si recte nescis, decede peritis.
 Lufisti satis, edisti satis, atque bibisti;
 Tempus abire tibi est, potum ne largius æquo
 Rideat, & pulset lasciva decentius ætas.

EPISTOLARUM FINIS.



Q. HORATII FLACCI
 DE
ARTE POETICA,
 LIBER, SEU EPISTOLA.

~~~~~  
*AD PISONES, PATREM ET FILIOS.*



U M A N O capiti cervicem pictor  
 equinam  
 Jungere si velit, & varias inducere  
 plumas,  
 Undique collatis membris; aut tur-  
 piter atrum

Desinat in piscem mulier formosa superne,  
 Spectatum admissi risum teneatis amici?  
 Credite, Pisones, isti tabulae fore librum  
 Per similem, cujus, velut ægri somnia, vanæ

Fingentur species, ut nec pes, nec caput uni  
 Reddatur formæ. Pictoribus, atque poetis  
 Quidlibet audendi semper fuit æqua potestas.  
 Scimus, & hanc veniam petimusque, damusque  
 vicissim.

Sed non ut placidis coëant immitia, non ut  
 Serpentes avibus gementur, tigribus agni.

Inceptis gravibus plerumque & magna professis  
 Purpureus, late qui splendeat, unus, & alter  
 Affluitur pannus; quum lucus, & ara Dianæ,  
 Et properantis aquæ per amœnos ambitus agros,  
 Aut flumen Rhenum, aut pluvius describitur arcus.  
 Sed nunc non erat his locus; & fortasse cupressum  
 Scis simulare. Quid hoc? si fractis enatat exspes  
 Navibus, ære dato qui pingitur? amphora cœpit  
 Institui, currente rota cur urceus exit?  
 Denique sit quodvis, simplex duntaxat, & unum.  
 Maxima pars vatum, pater, & juvenes patre digni,  
 Decipimur specie recti Brevis esse laboro,  
 Obscurus fio; sectantem lenia, nervi  
 Deficiunt animique. Professus grandia, turgent:  
 Serpit humi tutus nimium, timidusque procellæ.  
 Qui variare cupit rem prodigialiter unam,  
 Delphinum sylvis appingit, fluctibus aprum.  
 In vitium ducit culpæ fuga, si caret arte.  
 Æmilium circa ludum faber imus & unguis  
 Exprimet, & molles imitabitur ære capillos;  
 Infelix operis summa, quia ponere totum  
 Nesciet. Hunc ego me, si quid componere curem,  
 Non magis esse velim, quam pravo vivere naso,  
 Spectandum nigris oculis, nigroque capillo.

Sumite materiem vestris, qui scribitis, æquam  
 Viribus, & versate diu, quid ferre recusant,  
 Quid valeant humeri. Cui lecta potenter erit res,  
 Nec facundia deseret hunc, nec lucidus ordo.  
 Ordinis hæc virtus erit, & venus, aut ego fallor,

Ut jam nunc dicat, jam nunc debentia dici  
Pleraque differat, & præsens in tempus omittat.

In verbis etiam tenuis, cautusque serendis,  
Hoc amet, hoc spernat promissi carminis auctor.  
Dixeris egregie, notum si callida verbum  
Reddiderit junctura novum. Si forte necesse est  
Indiciis monstrare recentibus abdita rerum,  
Fingere cinctutis non exaudita Cethegis  
Continget, dabiturque licentia sumta pudenter.  
Et nova, factaque nuper habebant verba fidem, si  
Græco fonte cadent, parce detorta. Quid autem  
Cæcilio, Plautoque dabit Romanus ademptum  
Virgilio, Varioque? Ego, cur acquirere pauca  
Si possum, invidetur, quam lingua Catonis, &  
Ennii

Sermonem patrium ditaverit, & nova rerum  
Nomina protulerit? Licuit, semperque licebit,  
Signatum præsente nota procudere nummum.  
Ut sylvæ foliis pronos mutantur in annos,  
Prima cadunt; ita verborum vetus interit ætas,  
Et juvenum ritu florent modo nata, vigentque:  
Debemur morti nos, nostraque, sive receptus  
Terra Neptunus classes aquilonibus arcet,  
Regis opus; sterilisve diu palus, aptaque remis,  
Vicinas urbes alit, & grave sentit aratrum:  
Seu cursum mutavit iniquum frugibus amnis,  
Doctus iter melius: mortalia facta peribunt;  
Nedum sermonum stet honos, & gratia vivax.  
Multa renascentur quæ jam cecidere, cademque,  
Quæ nunc sunt in honore vocabula, si volet usus,  
Quem penes arbitrium est, & jus, & norma lo-  
quendi.

Res gestæ Regumque, ducumque, & tristia bella,  
Quo scribi possent numero, monstravit Homerus.

Verbis impariter junctis querimonia primum

Post etiam inclusa est voti sententia compos.  
Quis tamen exiguos elegos emisit auctor,  
Grammatici certant, & adhuc sub iudice lis est.

Archilochum proprio rabies armavit iambo.  
Hunc focci cepere pedem, grandesque cothurni,  
Alternis aptum sermonibus, & populares  
Vincentem strepitus, & natum rebus agendis.

Musa dedit fidibus Divos, puerosque Deorum,  
Et pugilem victorem, & equum certamine primum,  
Et juvenum curas, & libera vina refert:

Descriptas servare vices, operumque colores,  
Cur ego, si nequeo, ignoreque, poëta salutor?  
Cur neicire, pudens prave, quam discere malo?

Versibus exponi tragicis res comica non vult;  
Indignatur item privatis ac prope focco  
Dignis carminibus narrari coëna Thyestæ.  
Singula quæque locum teneant sortita decentem.  
Interdum tamen & vocem Comœdia tollit,  
Iratusque Chremes tumido delitigat ore;  
Et tragicus plerumque dolet sermone pedestri.  
Telephus, & Peleus, quum pauper & exul uterque,  
Projicit ampullas, & sesquipedalia verba,  
Si curat cor spectantis tetigisse querela.  
Non satis est pulchra esse poemata, dulcia sunt;  
Et quocunque volent, animum auditoris agunt.  
Ut ridentibus arrident, ita flentibus adflent  
Humani vultus, Si vis me flere, dolendum est  
Primum ipsi tibi, tua tunc me infortunia lædent.  
Telephe, vel Peleu, male si mandata loqueris,  
Aut dormitabo, aut ridebo. Tristitia mœstum  
Vultum verba decent; iratum, plena minarum;  
Ludentem, lasciva; severum, seria dictu.  
Format enim Natura prius nos intus ad omnem  
Fortunarum habitum; juvat, aut impellit ad iram;



Aut ad humum mœrore gravi deducit, & angit;  
 Post effert animi motus interprete lingua.  
 Si dicentis erunt fortunis absœna dicta,  
 Romani tollent equites, peditesque cachinnum.  
 Intererit multum diuſne loquatur an heros:  
 Maturusne senex, an adhuc florente iuuenta  
 Fervidus: an matrona potens, an sedula nutrix:  
 Mercatorne vagus, cultorve virentis agelli:  
 Colchus, an Aſſyrius: Thebis nutritus, an Argis.

Aut famam ſequere, aut ſibi convenientia finge,  
 Scriptor. Honoratum ſi forte reponis Achillem,  
 Impiger, iracundus, inexorabilis, acer,  
 Jura neget ſibi nata, nihil non arroget armis.  
 Sit Medea ferox, invictaque; flebilis Ino,  
 Perfidus Ixion, Io vaga, triftis Oreftes.

Si quid inexpertum ſcœnæ committis, & audes  
 Perſonam formare novam, ſervetur ad imum  
 Qualis ab incepto proceſſerit, & ſibi conſtet.  
 Difficile eſt proprie communia dicere, tuque  
 Rectius Iliacum carmen deducis in actus,  
 Quam ſi proferres ignota, indiſtaque primus.  
 Publica materies privati juris erit, ſi  
 Nec circa vilem, patulumque moraberis orbem;  
 Nec verbum verbo curabis reddere, fidus  
 Interpres; nec deſiliis imitator in arctum,  
 Unde pedem referre pudor vetet, aut operis lex.

Nec ſic incipies, ut ſcriptor cyclicus olim:  
*Fortunam Priami cantabo, & nobile bellum.*  
 Quid dignum tanto feret hic promiſſor hiatu?  
 Parturient montes, naſcetur ridiculus muſ.  
 Quanto rectius hic, qui nil molitur inepte:  
*Dic mihi, Muſa, virum, capta poſt tempora Troja,*  
*Qui mores hominum multorum vidit, & urbes.*  
 Non fumum ex fulgore, ſed ex fumo dare lucem  
 Cogitat, ut ſpeciœſa dehinc miracula promat,

Antiphatem, Scyllamque, & cum Cyclope Charibdin.

Nec reditum Diomedis ab interitu Meleagri,  
Nec gemino bellum Trojanum orditur ab ovo.  
Semper ad eventum festinat, & in medias res,  
Non secus ac notas, auditorem rapit; & quas  
Desperat tractata nitescere posse, relinquit;  
Atque ita mentitur, sic veris falsa remiscet,  
Primo ne medium, medio ne discrepet inum.

Tu, quid ego, & populus mecum desideret, audi.  
Si plausoris eges aula manentis, & usque  
Sessuri, donec cantor, vos plaudite, dicat:  
Ætatis cujusque notandi sunt tibi mores,  
Mobilibusque decor, maturis dandus & annis.  
Reddere qui voces jam scit puer, & pede certo  
Signat humum, gestit paribus colludere, & iram  
Colligit, ac ponit temere, & mutatur in horas.  
Imberbus juvenis, tandem custode remoto,  
Gaudet equis, canibusque, & aprici gramine campi;  
Cereus in vitium flecti, monitoribus asper;  
Utilium tardus provisor, prodigus æris;  
Sublimis, cupidusque, & amata relinquere petnix,  
Conversis studiis, æras animusque virilis  
Quærit opes, & amicitias, inservit honori:  
Commisisse cavet quod mox mutare laboret.  
Multa senem circumveniunt incommoda, vel quod  
Quærit, & inventis miser abstinet, ac timet uti;  
Vel quod res omnes timide, gelideque ministrat,  
Dilator, spe longus, iners, avidusque futuri,  
Difficilis, querulus, laudator temporis acti  
Se puero, censor, castigatoremque minorum.  
Multa ferunt anni venientes commoda secum,  
Multa recedentes adimunt. Ne forte seniles  
Mandentur juveni partes, pueroque viriles,  
Semper in adjunctis ævoque morabimur aptis.

Aut agitur res in scenis, aut acta refertur.

Segnius irritant animos demissa per aurem,  
 Quam quæ sunt oculis subjecta fidelibus, & quæ  
 Ipse sibi tradit spectator. Non tamen intus  
 Digna geri, promes in scenam; multaue tolles  
 Ex oculis, quæ mox narret facundia præsens,  
 Ne pueros coram populo Medea trucidet,  
 Aut humana palam coquat exta nefarius Atræus,  
 Aut in avem Progne vertatur, Cadmus in anguem.  
 Quodcunque ostendis mihi sic, incredulus odi.

Neve minor, neu fit quinto productior actu  
 Fabula, quæ posci vult, & spectata reponi.  
 Nec Deus interfit, nisi dignus vindice nodus  
 Inciderit; nec quarta loqui persona laboret.

Actoris partes chorus officiumque virile  
 Defendat, neu quid medios intercinat actus,  
 Quod non proposito conducatur, & hæreat apte.  
 Ille bonis faveatque, & consilietur amice;  
 Et regat iratos, & amet pacare tumentes:  
 Ille dapes laudet mensæ brevis, ille salutem  
 Justitiam, legesque, & apertis otia portis:  
 Ille regat commissæ, Deosque precetur, & ores  
 Ut redeat miseris, abeat fortuna superbis.

Tibia non, ut nunc, orichalco juncta, tubæque  
 Æmula, sed tenuis, simplexque, foramine pauco  
 Aspirare, & adesse choris erat utilis, atque  
 Nondum spissa nimis complere sedilia flatu;  
 Quo sane populus numerabilis, utpote parvus,  
 Et frugi, castusque, verecundusque coibat.  
 Postquam cœpit agros extendere victor, & urbem  
 Latior amplecti murus, vinoque diurno  
 Placari Genius festis impune diebus,  
 Accessit numerisque, modisque licentia major.  
 Indoctus quid enim saperet, liberque laborum,  
 Rusticus, urbano confusus, turpis honesto?  
 Sic præcæ morumque, & luxuriam addidit arti

Tibicen, traxitque vagus per pulpita vestem;  
 Sic etiam fidibus voces crevere severis,  
 Et tulit eloquium insolitum facundia præcep;  
 Utiliumque sagax rerum, & divina futuri  
 Sortilegis non discrepuit sententia Delphis.

Carmine qui tragico vilem certavit ob hircum,  
 Mox etiam agrestes Satyros nudavit, & asper  
 Incolumi gravitate jocum tentavit; eo quod  
 Illecebris erat, & grata novitate morandus  
 Spectator, functusque sacris, & potus, & exlex.  
 Verum ita risores, ita commendare dicaces  
 Conveniet Satyros, ita vertere seria ludo,  
 Ne, quicumque Deus, quicumque adhibebitur heros,  
 Regali conspectus in auro nuper & ostro,  
 Migret in obscuras humili sermone tabernas;  
 Aut, dum vitat humum, nubes & inania capret;  
 Effutire leves indigna Tragoedia versus,  
 Ut festis matrona moveri iussa diebus,  
 Intererit Satyris paulum pudibunda protervis.

Non ego inornata, & dominantia nomina solum,  
 Verbaque, Pisones, Satyrorum scriptor amabo;  
 Nec sic enitar tragico differre colore,  
 Ut nihil intersit Davusne loquatur, & audax  
 Pythias, emuncto lucrata Simone talentum;  
 An custos famulusque Dei Silenus alumni.  
 Ex noto fictum carmen sequar, ut sibi quis  
 Speret idem; sudet multum, frustra que laboree  
 Ausus idem: tantum series, juncturaque pollet;  
 Tantum de medio sumtis accedit honoris!

Sylvis deducti caveant, me iudice, Fauni,  
 Ne, velut innati trivjiis, ac pene forenses,  
 Aut nimium teneris juvenentur versibus unquam,  
 Aut immunda crepent, ignominiosaque dicta.  
 Offenduntur enim quibus est equus, & pater, & res:  
 Nec, si quid fricti ciceris probat & nucis emtor,

*Æquis accipiant animis, domantve corona.*

Syllaba longa brevi subjecta, vocatur Iambus,  
 Pes citus; unde etiam trimetris accrescere iussit  
 Nomen Iambeis, quum senos redderet ictus,  
 Primus ad extremum similibus sibi. Non ita pridem,  
 Tardior ut paulo, graviorque veniret ad aures,  
 Spondeos stabiles in iura paterna recepit  
 Commodus, & patiens; non ut de sede secunda  
 Cederet, aut quarta socialiter. Hic & in Acci  
 Nobilibus trimetris apparet rarus, & Enni.  
 In scenam missus magno cum pondere versus,  
 Aut operæ nimium ceteris, curaque carentis,  
 Aut ignoratæ premit artis crimine turpi.  
 Non quivis videt Immodulata poemata iudex;  
 Et data Romanis venia est indigna poetis.  
 Idcircone vager, scribamque licenter? an omnes  
 Visuros peccata patem mea, tutus, & intra  
 Spem veniæ cautus? vitavi denique culpam,  
 Non laudem metui. Vos exemplaria Græca  
 Nocturna versate manu, versate diurna.  
 At vestri proavi Plautinos & numeros, &  
 Laudavere sales, nimium patienter utrosque,  
 Non dicam stulte, mirati; si modo ego & vos  
 Scimus inurbanum lepido seponere dicto,  
 Legitimumque sonum digidis callemus, & aure.

Ignorant tragici genus invenisse Camœnas  
 Dicitur, & plaustris vexisse poemata Thespis,  
 Qui canerent, agerentque personæ sacris ora.  
 Post hunc personæ, pallæque repertor honestæ  
 Æschylus, & modicis instravit pulpita tignis,  
 Et docuit magnumque loqui, nūque cothurno.  
 Successit vetus his Comœdia, non sine multa  
 Laude, sed in vitium libertatis excidit, & vim  
 Dignam lege regi. Lex est accepta, chorusque  
 Turpiter obruit, sublato jure nocendi.  
 Nil intentatum nostri liquere poetæ,

Nec minimum meruerè decus, vestigia Græca  
 Ausi deferere, & celebrare domestica facta;  
 Vel qui prætextas, vel qui docuere togatas.  
 Nec virtute foret, clarisve potentius armis,  
 Quam lingua, Latium, si non offenderet unum-  
 quemque poëtarum limæ labor, & mora. Vos, ô  
 Pompilius sanguis, carmen reprehendite, quod non  
 Multa dies, & multa litura coercuit, atque  
 Præfectum decies non castigavit ad unguem.  
 Ingenium misera quia fortunatius arte  
 Credit, & excludit sanos Helicone poëtas  
 Democritus, bona pars non unguis ponere curat,  
 Non barbam; secreta petit loca, balnea virat.  
 Nanciscetur enim pretium, nomenque poëtæ,  
 Si tribus Anticyris caput insanabile nunquam  
 Tonfiori Licino commiserit. O ego lævus,  
 Qui purgor bilem verni sub temporis horam!  
 Non alius faceret meliora poemata. Verum  
 Nil tanti est. Ergo fungar vice cotis, acutum  
 Reddere quæ ferrum valet, exsors ipsa secandi.  
 Munus & officium, nil scribens ipse, docebo:  
 Unde parentur opes, quid alat, formæque poëtam;  
 Quid deceat, quid non; quo virtus, quo ferat error.  
 Scribendi recte, sapere est & principium, & fons.  
 Rem tibi Socraticæ poterunt ostendere chartæ,  
 Verbaque provisam rem non invita sequentur.  
 Qui didicit, patriæ quid debeat, & quid amicis;  
 Quo sit amore parens, quo frater amandus, & hospes;  
 Quod sit conscripti, quod iudicis officium; quæ  
 Partes in bellum missi ducis; ille profecto  
 Reddere personæ scit convenientia cuique.  
 Respicere exemplar vitæ, morumque jubebo  
 Doctum imitatore, & vivas hinc ducere voces.  
 Interdum speciosa locis, motaque recte  
 Fabula, nullius veneris, sine pondere & arte,  
 Valdius oblectat populum, meliusque moratur,  
 Quam versus inopes rerum, nugæque canoris.

Graius ingenium, Graius dedit ore rotundo  
 Musa loqui, præter laudem nullius avaris.  
 Romani pueri longis rationibus affert  
 Discunt in partes centum diducere. Dicat  
 Filius Albini, si de quincunce remota est  
 Uncia, quid superet? Poterat dixisse, triens. Eu,  
 Rem poteris servare tuam. Redit uncia, quid sit?  
 Semis. An, hæc animos ærugo, & cura peculî  
 Quum semel imbuerit, speremus carmina fingi  
 Posse linenda cedro, & levi servanda cupressu?

Aut prodesse volunt, aut delectare poetæ,  
 Aut simul & jucunda, & idonea dicere vitæ.  
 Quidquid præcipies, esto brevis, ut cito dicta  
 Percipiant animi dociles, teneantque fideles.  
 Omne supervacuum pleno de pectore manat,  
 Ficta voluptatis causa, sint proxima veris.  
 Ne, quodcunque volet, poscat sibi fabula credi;  
 Neu pransæ Lamiae vivum puerum extrahat alvo,  
 Centuriæ seniorum agitant expertia frugis,  
 Celsi prætereunt austera poemata Rhamnes.  
 Omne tulit punctum, qui miscuit utile dulci,  
 Lectorem delectando, pariterque monendo.  
 Hic meret æra liber Sosis; hic & mare transit,  
 Et longum noto scriptori prorogat ævum.  
 Sunt delicta tamen quibus ignovisse velimus.  
 Nam neque chorda sonum reddit quem vult manus,  
 & mens,

Poscentique gravem persæpe remittit acutum;  
 Nec semper feriet quodcunque minabitur arcus.  
 Verum, ubi plura nitent in carmine, non ego paucis  
 Offendar maculis, quas aut incuria fudit,  
 Apt humana parum cavit natura. Quid ergo est?  
 Ut scriptor si peccat idem librarius usque,  
 Quamvis est monitus, venia caret; & citharædas  
 Ridetur, chorda qui semper oberrat eadem:  
 Sic mihi, qui multum cessat, sit Chœrilus ille,  
 Quem

Quem bis terve bonum, cum risu miror; & idem  
Indignor, quandoque bonus dormitat Homerus.  
Verum operi longo fas est obrepere somnum.

Ut pictura, poësis: erit quæ, si propius stes,  
Te capiat magis; & quædam, si longius abstes.  
Hæc amat obscurum, volet hæc sub luce videri,  
Judicis argutum quæ non formidat acumen.  
Hæc placuit semel, hæc decies repetita placebit.  
O major juvenum, quamvis & voce paterna  
Fingeris ad rectum, & per te sapis, hoc tibi dictum  
Tolle memor: certis medium, & tolerabile rebus  
Recte concedi. Consultus juris, & actor  
Causarum mediocris, abest virtute disertæ  
Messalæ, nec scit quantum Cascellius Aulus;  
Sed tamen in pretio est. Mediocribus esse poëtis  
Non homines, non Dî, non concessere columnæ.  
Ut gratas inter mensas symphonia discors,  
Et crassum unguentum, & Sardo cum melle pa-  
paver,

Offendunt, poterat duci quia cœna sine istis:  
Sic animis natum, inventumque poëma juvandis,  
Si paulum summo decessit, vergit ad imum.  
Ludere qui nescit, campestribus abstinet armis;  
Indotusque pilæ, discive, trochive, quiescit,  
Ne spissæ risum tollant impune coronæ:  
Qui nescit, versus tamen audet fingere: quidni?  
Liber, & ingenuus, præsertim census equestrem  
Summam nummorum; vitioque remotus ab omni.  
Tu nihil invita facies dicere Minerva:  
Id tibi iudicium est, ea mens. Si quid tamen olim  
Scripseris, in Metil descendat iudicis aures,  
Et patris, & nostras; nonumque prematur in annum.  
Membranæ intus positæ, delere licebit  
Quod non edideris: nescit vox missa reverti.

Sylvestres homines sacer interpretæque Deorum,  
Cædibus, & victu foedo deteruit Orpheus,





Dictus ob hoc lenire tigres, rabidosque leones.  
 Dictus & Amphion, Thebanæ conditor arcis,  
 Saxa movere sono testudinis, & prece blanda  
 Dutere quo vellet. Fuit hæc sapientia quondam,  
 Publica privatis secernere, sacra profanis;  
 Concubitu prohibere vago, dare iura maritis;  
 Oppida moliri, leges incidere ligno.  
 Sic honor, & nomen divinis vatibus, atque  
 Carminibus venit. Post hos insignis Homerus,  
 Tyrtæusque mares animos in Martia bella  
 Versibus exacuit. Dictæ per carmina sortes;  
 Et vitæ monstrata via est; & gratia regum  
 Pieriis tentata modis; ludusque repertus,  
 Et longorum operum finis; ne forte pudori  
 Sit tibi Musa lyrae solers, & cantor Apollo.

Natura fieret laudabile carmen, an arte,  
 Quæsitum est: ego nec studium sine divite vena,  
 Nec rude quid possit video ingenium. Alterius æ  
 Altera poscit opem res, & conjurat amice.  
 Qui studet optatam cursu contingere finem,  
 Multa tulit, fecitque puer, sudavit. & assit;  
 Abstinet Venere & vino. Qui Pythia cantat  
 Tibicen, didicit prius, extimuitque magistrum.  
 Nec satis est dixisse, ego mira poemata pango;  
 Occupet extremum scabies: mihi turpe relinqui est,  
 Et, quod non didici, sane nescire fateri.

Ut præco, ad merces turbam qui cogit emendas,  
 Assentatores jubet ad lucrum ire poeta  
 Dives agris, dives positus in sœnore nummis.  
 Si vero est unctum recte qui ponere possit,  
 Et spondere levi pro paupere, & eripere atris  
 Litibus implicitum, mirabor si sciet inter-  
 noscere mendacem, verumque beatus amicum.  
 Tu, seu donaris, seu quid donare voles cui,  
 Nolito ad versus factos tibi ducere plenum

Lætitie. Clamabit enim, Pulchre, Bene, Recte,  
 Palescet; super his etiam stillabit amicis  
 Ex oculis rorem; saliet, tundet pede terram,  
 Ut qui conducti plorant in funere, dicunt,  
 Et faciunt prope plura dolentibus ex animo; sic  
 Derisor vero plus laudatoſe moverur.  
 Reges dicuntur multis urgere culullis,  
 Et torquere mero, quoniam perſpexiſſe laborant  
 An ſit amicitia dignus. Si carmina condes,  
 Nunquam te fallant animi ſub vulpe latentés.  
 Quintilio ſi quid recitares: Corrige, fodes,  
 Hoc, aiebat, & hoc. Melius te poſſe negares,  
 Bis terque expertum fruſtra? delere jubebat,  
 Et male formatos incudi reddere verſus.  
 Si defendere delictum quam venter malleſ,  
 Nullum ultra verbum, aut operam ſumebat inanem,  
 Quin ſine rivali teque & tua ſolus amares.  
 Vir bonus, & prudens verſus reprehendet inertes,  
 Culpabit duros, incomtis allinet atrum  
 Tranſverſo calamo ſignum, ambitioſa recidet  
 Ornamenta; parum claris lucem dare coget,  
 Arguet ambigue dictam, mutanda notabit;  
 Fiet Ariſtarchus, nec dicet: Cur ego amicum  
 Offendam in nugis? Hæ nugæ ſeria ducent  
 In mala, deriſum ſemel, exceptumque ſiniſtre.  
 Ut, mala quem ſcabies, aut morbus regius urget,  
 Aut fanaticus error, & iracunda Diana,  
 Veſanum tetigiſſe timent, fugiuntque poëtam,  
 Qui ſapiunt; agitant pueri, incautique ſequuntur.  
 Hic, dum ſublimis verſus ruſtatur, & errat,  
 Si veluti merulis intentus decidit anceps  
 In puteum, foveamve: licet, ſuccurrite, longam  
 Clamet, io, cives; non ſit qui tollere curet.  
 Si quis curet opem ferre, & demittere funem,  
 Qui ſcis an prudens huc ſe projeſſerit? atque  
 Servari nolit? dicam, Siculique poëtæ  
 Narrabo interitum: Deus immortalis haberi

Dum cupit Empedocles,ardentem frigidus ~~Aetnam~~  
 Infiluit. Sit jus, liceatque perire poëtis.  
 Invitum qui servat, idem facit occidenti.  
 Nec semel hoc fecit: nec, si retractus erit, jam  
 Fiet homo, & ponet famosæ mortis amorem.  
 Nec satis apparet versus cur dictitet: utrum  
 Minxerit in patrios cineres, an triste bidental  
 Moverit incensus. Certe furit, ac velut ursus,  
 Objectos cavæ valuit si frangere clathros,  
 Indoctum, doctumque fugat recitator acerbus.  
 Quem vero arripuit, tenet, occiditque legendo;  
 Non missura cutem nisi plena cruoris hirudo.

*Finis Carminum Quinti Horatii Flacci.*





IN LUDOS SECULARES  
 POLYMETRUM  
 SATURNIUM.  
 PROLOGUS.

Propositâ argumenti dignitate, Poëta animos  
 ad audiendum comparat.

**O**DI profanum vulgus, & arceo  
 Favete linguis: carminâ non prius  
 Audita, Musarum sacerdos,  
 Virginibus, puerisque canto.



ALTERA PARS.  
 HYMNUS AD APOLLINEM.

Rogat Apollinem Chorus uterque, ut seculare  
 carmen probet ac tueatur.

**D**IVX, quem proles Niobææ magna  
 Vindicem linguæ, Tytiosque raptor  
 Sensit, & Troja propè victor alta  
 Phibius Achilles,

286. Q. HOR. FLACCI

Ceteris major, tibi miles impar;  
 Filius quamquam Thetidos marina  
 Dardanas turres quateret tremenda  
 Cuspide pugnaz.

Ille, mordaci velut icta ferro  
 Pinus, aut impulsa cupressus Euro,  
 Procidit latè, posuitque collum in  
 Pulvere Tepecro.

Ille non inclusus equo Minervæ  
 Sacra mentitq; magis ferratos  
 Troas, & latam Priami choreis  
 Falleret aulam;

Sed palam captis gravis, heu nefas heu!  
 Nescios fari pueros Achivis.  
 Ureret flammis, etiam latentem  
 Matris in alvo;

Ni tuis victus Venerisque grata  
 Vocibus Divum pater adnuisset.  
 Rebus Ence potiore ductos  
 Alite muros.

Doctior Argea fidicen Thalia,  
 Phœbe, qui Xantho liquor amœ cinerq;  
 Danna defende decus Camœna,  
 Levis Agrien.

\*\*\*\*\*

PARS TERTIA.

Hortantur se mutuò pueri ac puellæ ad celebrandas Apollinis ac Dianæ laudes.

CHORUS PUERORUM.

**D**IANAM tenera dicite virgines.

CHORUS PUELLARUM.

Intonsum, pueri, dicite Cynthium.

UTERQUE CHORUS.

*Latonamque supremo  
Dilectam penitus Jovi.*

CHORUS PUERORUM.

*Vos latam fluvius, & nemorum comâ,  
Quæcunque aut gelido prominet Alcido,  
Nigris aut Brymanthi  
Sylvis, aut viridis Cragi.*

CHORUS PUELLARUM.

*Vos Tempe totidem tollite laudibus,  
Natalemque, mares, Delon Apollinis,  
Insignemque phæstrâ  
Fraternâque humerum lyra.*

CHORUS PUERORUM.

*Hæc bellum lacrymosum,*

488 Q. HOR. FLACCUS

CHORUS PUELLARUM.

*hic miseram famem,*

*Pestemque*

UTERQUE CHORUS.

*à populo & principe Casare in  
Persas atque Britannos  
Vestrâ motus aget prece.*



PARS QUARTA.

PÆAN

AD APOLLINEM ET DIANAM.

Preces pro imperii & imperatoris incolumitate.

UTERQUE CHORUS.

**P**HÆBES, Sylvarumque potens Diana,  
Lucidum cæli decus, ò colendi  
Semper & culti, date qua precamur  
Tempore sacro:  
Quo Sibyllini monuere versus  
Virgines lætas puerosque castos  
Dis, quibus septem placuere colles,  
Dicere carmen.

CHORUS PUERORUM.

*Alme sol, curru nitido diem qui  
Promis & celas, aliusque & idem  
Nasceris, possis nihil urbe Româ  
Visere majus.*

CHORUS

## CARMEN SECULARE. 289

### CHORUS PUELLARUM.

*Rite maturos aperire partus  
Lenis Ilithyia, tuere matres;  
Sive tu Lucina probas vocari,  
    Sen Genetyllis:  
Divæ, producas sobolem; patrumque  
Prosperes decreta super jugandis  
Feminis, prolisque novæ feraci  
    Lege marita.*

### UTERQUE CHORUS.

*Certus undenos decias per annos  
Orbis ut cantus referatque ludos,  
Ter die claro totiesque gratâ  
    Nocte frequentes.  
Vosque veraces cecinisse Parca  
Quod semel dictum est, stabilisque rerum  
Terminus servet, bona jam peractis  
    Jungite fata.  
Fertilis frugum pecorisque Tellus  
Spiceâ donet Cererem coronâ:  
Nutriant fetus & aqua salubres  
    Et Jovis æra.*

### CHORUS PUERORUM.

*Condito mitis placidusque telo  
Supplices audi pueros, Apollo.*

### CHORUS PUELLARUM.

*Siderum regina bicornis audi,  
    Luna, puellas.*

### UTERQUE CHORUS.

*Roma si vestram est opus, Illico*

B



## 290 CARMEN SECULARE

*Litus Etruscum tenuere turmae,  
Iussa pars mutare Lares & urbem*

*Sospite cursu:*

*Cui per ardentem sine fraude Trojam  
Cæstus Æneas patria superstes  
Liberum munivit iter, daturus*

*Plura petitis:*

*Dî, probos mores docili iuventa;  
Dî, senectuti placida quietem;  
Romula genti date remque prolem-  
que & decus omne.*

*Quique vos bobus veneratur albis,  
Clarus Anchisa Venerisque sanguis;  
Imperet bellante prior, jacentem  
Lenis in hostem.*

*Jam mari terræque manus potentes  
Medus, Albanasque timet secures:  
Jam Scythæ responsa petunt, superbi  
Nuper & Indi.*

*Jam Fides, & Pax, & Honos, Pudorque  
Priscus, & neglecta redire Virtus  
Audet; adparetque beata pleno  
Copia cornu.*

### CHORUS PUERORUM.

*Augur, & fulgente decorus arcu  
Phœbus, acceptusque novem Camenis;  
Qui salutare levat arte fessos  
Corporis artus.*

*Si Palatinas videt æquus arcus,  
Remque Romanam Latinumque felix  
Alterum in lustrum meliusque semper  
Protoget ævum.*

### CHORUS PUELLARUM.

*Quæque Aventinum tenet Algidumque*

## CARMEN SECULARE. 291

*Quindectim Diana preces virorum  
Curét; & votis puerorum amicas  
Adplicet aures.*

### UTERQUE CHORUS.

*Hæc Jovem sentire Deosque cunctos.  
Spem bonam certamque domum reporto,  
Doctus & Phæbi chorus & Diana  
Dicere laudes.*

\*\*\*\*\*

## EPILOGUS,

### AD PUEROS AC PUELLAS.

Admonet poëta ut superiora carmina ritè  
recitent.

**S**PIRITUM Phæbus mihi, Phæbus artem  
Carminis, nomenque dedit poëta.

*Virginum prima, puerique claris  
Patribus orti,*

*Delia tutela Dea, fugaces  
Lyncas & cervos cohibentis arcu,  
Lesbium servate pedem, meique  
Pollicis ictum;*

*Ritè Latona puerum canentes,  
Ritè crescentem face noctilucam,  
Prosperam frugum, celeremque pronos  
Volvere menses.*

*Nupta jam dices: ego Dis amicum,  
Seculo festas referente luces,  
Reddidi carmen, docilis modorum  
Vatis Horati.*



# I N D E X

## I N

### H O R A T I I C A R M I N A ,

Secundùm litterarum seriem digestus.

#### A.

|                                             |         |
|---------------------------------------------|---------|
| <b>Æ</b> <i>Li vetusto.</i> Od. 17. Lib. 3. | pag. 85 |
| <i>Æquam memento.</i> Od. 3. Lib. 2.        | 42      |
| <i>Albi, ne doleas.</i> Od. 33. Lib. 1.     | 33      |
| <i>Albi, nostrorum.</i> Epist. 4. Lib. 1.   | 227     |
| <i>Altera jam teritur.</i> Od. 16. Lib. 5.  | 142     |
| <i>Ambubaiarum.</i> Serm. Lib. 1. Sat. 2.   | 157     |
| <i>Angustam, amici.</i> Od. 1. Lib. 3.      | 65      |
| <i>At ô Deorum.</i> Od. 5. Lib. 5.          | 129     |
| <i>Audivêre, Lyce.</i> Od. 13. Lib. 4.      | 118     |

#### B.

|                                                    |     |
|----------------------------------------------------|-----|
| <b>B</b> <i>Acchum in remotis.</i> Od. 19. Lib. 2. | 60  |
| <i>Beatus ille.</i> Od. 2. Lib. 5.                 | 125 |

#### C.

|                                              |     |
|----------------------------------------------|-----|
| <b>C</b> <i>Ælo supinas.</i> Od. 23. Lib. 3. | 90  |
| <i>Cælo tonantem.</i> Od. 5. Lib. 3.         | 71  |
| <i>Celsò gaudere.</i> Epist. 8. Lib. 1.      | 234 |
| <i>Cur me querelis.</i> Od. 17. Lib. 2.      | 57  |

# INDEX IN HORATIUM. 293

## D.

|                                                |         |
|------------------------------------------------|---------|
| <b>D</b> <i>Elicta majorum.</i> Od. 6. Lib. 3. | pag. 73 |
| <i>Descende Cælo.</i> Od. 4. Lib. 3.           | 68      |
| <i>Dianam teneræ.</i> Od. 21. Lib. 1.          | 22      |
| <i>Diffugère nives.</i> Od. 7. Lib. 4.         | 111     |
| <i>Diræ quem proles.</i> Od. 6. Lib. 4.        | 109     |
| <i>Diris orte bonis.</i> Od. 5. Lib. 4.        | 108     |
| <i>Donarem pateras.</i> Od. 8. Lib. 4.         | 112     |
| <i>Donec gratus eram.</i> Od. 9. Lib. 3.       | 77      |

## E.

|                                                      |     |
|------------------------------------------------------|-----|
| <b>E</b> <i>Gressum magnâ.</i> Serm. Lib. 1. Sat. 5. | 170 |
| <i>Eheu! fugaces.</i> Od. 14. Lib. 2.                | 53  |
| <i>Est mihi nonum.</i> Od. 11. Lib. 4.               | 116 |
| <i>Et thure &amp; fidibus.</i> Od. 36. Lib. 1.       | 36  |
| <i>Eupolis atque Cratinus.</i> Serm. L. 1. S. 4.     | 165 |
| <i>Exegi monumentum.</i> Od. 30. L. 3.               | 100 |
| <i>Extremum Tanai.</i> Od. 10. Lib. 3.               | 78  |

## F.

|                                                  |     |
|--------------------------------------------------|-----|
| <b>F</b> <i>Aune, Nympharum.</i> Od. 18. Lib. 3. | 86  |
| <i>Festo quid potius die.</i> Od. 28. L. 3.      | 97  |
| <i>Flore, bono, claroque.</i> Epist. 2. Lib. 2.  | 263 |
| <i>Fructibus Agrippæ.</i> Epist. 12. Lib. 1.     | 239 |

## H.

|                                                 |     |
|-------------------------------------------------|-----|
| <b>H</b> <i>Erculis ritu.</i> Od. 14. Lib. 3.   | 82  |
| <i>Hoc erat in votis.</i> Serm. Lib. 2. Sat. 6. | 209 |
| B 3                                             |     |

|                                           |          |
|-------------------------------------------|----------|
| <i>Hoc quoque, Tiresia.</i> Ibid. Sat. 5. | pag. 206 |
| <i>Horrida tempestas.</i> Od. 13. Lib. 5. | 139      |
| <i>Humano capiti.</i> De Arte Poëtica.    | 270      |

## I. J.

|                                                 |     |
|-------------------------------------------------|-----|
| <b>J</b> <i>Amjam efficaci.</i> Od. 17. Lib. 5. | 144 |
| <i>Jam dudum ausculto.</i> Serm. L. 2. S. 7.    | 213 |
| <i>Jam pauca aratro.</i> Od. 15. Lib. 2.        | 54  |
| <i>Jam satis terris.</i> Od. 2. Lib. 1.         | 3   |
| <i>Jam veris comites.</i> Od. 12. Lib. 4.       | 117 |
| <i>Ibam fortè viâ sacrâ</i> Serm. L. 1. S. 9.   | 180 |
| <i>Ibis Liburnis.</i> Od. 1. Lib. 5.            | 123 |
| <i>Ikci Beatis.</i> Od. 29. Lib. 1.             | 30  |
| <i>Ille &amp; nefasto.</i> Od. 13. Lib. 2.      | 52  |
| <i>Impios parræ.</i> Od. 27. Lib. 3.            | 95  |
| <i>Inclusam Danaën.</i> Od. 16. Lib. 3.         | 84  |
| <i>Intactis opulentior.</i> Od. 24. Lib. 3.     | 91  |
| <i>Integer vitæ.</i> Od. 12. Lib. 1.            | 23  |
| <i>Intermissa Venus diu.</i> Od. 1. Lib. 4.     | 101 |
| <i>Juli flore, quibus.</i> Epist. 3. Ep. L. 1.  | 226 |
| <i>Justum ac tenacem.</i> Od. 3. Lib. 3.        | 66  |

## L.

|                                               |     |
|-----------------------------------------------|-----|
| <b>L</b> <i>Audabunt alii.</i> Od. 7. Lib. 1. | 9   |
| <i>Lupis &amp; ognis.</i> Od. 4. Lib. 5.      | 128 |
| <i>Lydia dic, per omnes.</i> Od. 8. Lib. 1.   | 10  |

## M.

|                                       |        |
|---------------------------------------|--------|
| <b>M</b> æcenæ atavis. Od. 1. Lib. 1. | pag. 1 |
| Mala soluta. Od. 10. Lib. 5.          | 135    |
| Mater sæva cupidinum. Od. 19. Lib. 1. | 28     |
| Martiis cælebs. Od. 8. Lib. 3.        | 76     |
| Mercuri facunde. Od. 10. Lib. 1.      | 12     |
| Mercuri, nam te. Od. 11. Lib. 3.      | 79     |
| Miserarum est. Od. 12. Lib. 3.        | 81     |
| Mollis inertia. Od. 14. Lib. 5.       | 140    |
| Montium custos. Od. 22. Lib. 3.       | 90     |
| Motum ex Metello. Od. 1. Lib. 2.      | 39     |
| Musis amicus. Od. 26. Lib. 1.         | 27     |

## N.

|                                           |     |
|-------------------------------------------|-----|
| <b>N</b> atis in usum. Od. 27. Lib. 1.    | 27  |
| Ne fortè credas. Od. 9. Lib. 4.           | 113 |
| Ne perconteris. Epist. Lib. 1. Ep. 16.    | 244 |
| Ne sit ancilla. Od. 4. Lib. 2.            | 43  |
| Nempe incompósito. Serm. Lib. 1. Sat. 10. | 182 |
| Nil admirari propè. Ep. Lib. 1. Ep. 6.    | 229 |
| Nolis longa fera. Od. 12. Lib. 2.         | 51  |
| Nondum subacta. Od. 5. Lib. 2.            | 44  |
| Non ebur; neque aureum. Od. 18. L. 2.     | 58  |
| Non, quia, Mæcenæ. Serm. L. 1. Sat. 6.    | 173 |
| Non semper imbres. Od. 9. Lib. 2.         | 48  |
| Non vides quanto. Od. 20. Lib. 3.         | 88  |
| Non usitatâ. Od. 20. Lib. 1.              | 61  |
| Nox erat, & cælo. Od. 15. Lib. 5.         | 141 |

|                                             |         |
|---------------------------------------------|---------|
| <i>Nullam, Vare, sacra.</i> Od. 18. Lib. 1. | pag. 20 |
| <i>Nullus argento.</i> Od. 2. Lib. 2.       | 41      |
| <i>Nunc est bibendum.</i> Od. 37. Lib. 1.   | 36      |

## O.

|                                                    |     |
|----------------------------------------------------|-----|
| <b>O</b> <i>Crudelis adhuc.</i> Od. 10. Lib. 4.    | 115 |
| <i>O Diva gratum.</i> Od. 35. Lib. 1.              | 34  |
| <i>O fons Bandusiae.</i> Od. 13. Lib. 3.           | 81  |
| <i>O matre pulchrâ.</i> Od. 16. Lib. 1.            | 18  |
| <i>O nata mecum.</i> Od. 21. Lib. 3.               | 89  |
| <i>O navis, referent.</i> Od. 14. Lib. 1.          | 16  |
| <i>O saepe mecum.</i> Od. 7. Lib. 2.               | 46  |
| <i>O Venus regina.</i> Od. 30. Lib. 1.             | 31  |
| <i>Odi profanum vulgus.</i> Od. 1. Lib. 3.         | 63  |
| <i>Olim truncus eram.</i> Serm. L. 1. Sat. 8.      | 178 |
| <i>Omnibus hoc vitium est.</i> Serm. L. 1. Sat. 3. | 161 |
| <i>Otium Divos.</i> Od. 16. Lib. 1.                | 55  |

## P.

|                                                  |     |
|--------------------------------------------------|-----|
| <b>P</b> <i>Arcius junctas.</i> Od. 25. Lib. 1.  | 26  |
| <i>Parcus Deorum.</i> Od. 31. Lib. 1.            | 34  |
| <i>Parentis olim.</i> Od. 3. Lib. 5.             | 127 |
| <i>Pastor quum traheret.</i> Od. 15. Lib. 1.     | 17  |
| <i>Perficos odi.</i> Od. 38. Lib. 1.             | 38  |
| <i>Petti, nihil me.</i> Od. 11. Lib. 5.          | 136 |
| <i>Phœbe, Sylvarum.</i> Carmen Seculare. Lib. 5. | 147 |
| <i>Phœbus volentem.</i> Od. 15. Lib. 4.          | 121 |
| <i>Pindarum quisquis.</i> Od. 1. Lib. 4.         | 103 |
| <i>Pocimus, si quid.</i> Od. 32. Lib. 2.         | 32  |

|                                                   |          |
|---------------------------------------------------|----------|
| <i>Primâ dicte mihi.</i> Epist. Lib. 1. Epist. 1. | pag. 220 |
| <i>Prisco si credis.</i> Ibid. Epist. 19.         | 252      |
| <i>Proscripti regis.</i> Serm. Lib. 1. Sat. 7.    | 277      |

Q.

|                                                        |     |
|--------------------------------------------------------|-----|
| <b>Q</b> <i>Ualem ministrum.</i> Od. 4. Lib. 4.        | 106 |
| <i>Quamvis Scava fatis.</i> Epist. L. 1. Epist. 17.    | 246 |
| <i>Quando repostum.</i> Od. 9. Lib. 5.                 | 134 |
| <i>Quantum distet ab Inacho.</i> Od. 19. L. 3.         | 87  |
| <i>Qua cura patrum.</i> Od. 14. Lib. 4.                | 119 |
| <i>Qua sit hyems Velia.</i> Epist. Lib. 1. Epist. 15.  | 242 |
| <i>Qua virtus &amp; quanta.</i> Serm. L. 1. Sat. 2.    | 189 |
| <i>Quem tu, Melpomene.</i> Od. 3. Lib. 4.              | 105 |
| <i>Quem virum aut heroa.</i> Od. 12. Lib. 1.           | 13  |
| <i>Qui sis, Macenas</i> Serm. Lib. 1. Sat. 1.          | 151 |
| <i>Quid bellicosus.</i> Od. 11. Lib. 2.                | 50  |
| <i>Quid dedicatum.</i> Od. 31. Lib. 1.                 | 31  |
| <i>Quid flet, Asterie.</i> Od. 7. Lib. 3.              | 74  |
| <i>Quid immerantes.</i> Od. 6. Lib. 5.                 | 132 |
| <i>Quid tibi vis, mulier.</i> Od. 12. Lib. 5.          | 138 |
| <i>Quid tibi visa Chios.</i> Epist. Lib. 1. Epist. 11. | 237 |
| <i>Quinque dies tibi pollicitus.</i> Ibidem, Epist. 7. | 231 |
| <i>Quis desiderio.</i> Od. 24. Lib. 1.                 | 25  |
| <i>Quis multa gracilis.</i> Od. 5. Lib. 1.             | 7   |
| <i>Quò me, Bacche, rapis.</i> Od. 25. L. 3.            | 93  |
| <i>Quò, quò scelesti.</i> Od. 7. Lib. 5.               | 132 |
| <i>Quum tot sustineas.</i> Epist. Lib. 2. Epist. 1.    | 255 |
| <i>Quum tu, Lydia.</i> Od. 13. Lib. 1.                 | 15  |



## R.

|                                               |         |
|-----------------------------------------------|---------|
| <b>R</b> <i>Estius vivēs.</i> Od. 10. Lib. 2. | pag. 49 |
| <i>Rogare longo.</i> Od. 3. Lib. 5.           | 133     |

## S.

|                                                   |     |
|---------------------------------------------------|-----|
| <b>S</b> <i>Criberis Vario.</i> Od. 6. Lib. 1.    | 8   |
| <i>Septimi, Gades.</i> Od. 6. Lib. 2.             | 45  |
| <i>Septimius, Claudii.</i> Epist. L. 1. Epist. 9. | 235 |
| <i>Si bene te novi.</i> Ibid. Epist. 18.          | 248 |
| <i>Si potes Archiacis.</i> Ibid. Epist. 5.        | 258 |
| <i>Si raro scribes.</i> Serm. Lib. 2. Sat. 3.     | 193 |
| <i>Sic te Diva potens Cypri.</i> Od. 3. Lib. 1.   | 5   |
| <i>Solvitur acris hyems.</i> Od. 4. Lib. 1.       | 6   |
| <i>Sunt quibus in Satira.</i> Serm. L. 2. Sat. 1. | 186 |

## T.

|                                                         |     |
|---------------------------------------------------------|-----|
| <b>T</b> <i>E maris &amp; terra.</i> Od. 28. Lib. 1.    | 28  |
| <i>Trojani belli scriptorem.</i> Epist. L. 1. Epist. 2. | 224 |
| <i>Tu ne quæseris.</i> Od. 11. Lib. 1.                  | 13  |
| <i>Tyrrhena regum.</i> Od. 29. Lib. 3.                  | 98  |

## V. U.

|                                                    |     |
|----------------------------------------------------|-----|
| <b>V</b> <i>Eloz amœnum.</i> Od. 17. Lib. 1.       | 19  |
| <i>Vertumnum Janumque.</i> Epist. L. 1. Epist. 20. | 253 |
| <i>Vides ut altâ.</i> Od. 9. Lib. 1.               | 11  |
| <i>Vile potabis.</i> Od. 20. Lib. 1.               | 22  |
| <i>Villæ Sylvarum.</i> Epist. L. 1. Epist. 14.     | 241 |

# IN HORATIUM. 299

|                                                    |         |
|----------------------------------------------------|---------|
| <i>Vitas hinnuleo.</i> Od. 23. Lib. 1.             | pag. 24 |
| <i>Vixi puellis.</i> Od. 26. Lib. 3.               | 94      |
| <i>Ulla si juris.</i> Od. 8. Lib. 2.               | 47      |
| <i>Unde &amp; quod Catius.</i> Serm. L. 2. Sat. 4. | 203     |
| <i>Urbis amatorem.</i> Epist. Lib. 1. Epist. 10.   | 236     |
| <i>Ut Nasidieni.</i> Serm. Lib. 2. Sat. 8.         | 216     |
| <i>Ut proficiscentem.</i> Ep. L. 1. Epist. 13.     | 240     |
| <i>Uxor pauperis Ibyci.</i> Od. 15. Lib. 3.        | 83      |

**LUDI SECULARES**, ut apud P. Sana-  
donem legitur hoc Carmen. 285.

*Finis indicis Alphabetici.*



**Typis viduae DELATOUR.**







1271 7/24

85.



